



3 1761 03552 9148
























HISTORIA  
ZARINGO  
BADENSIS

AUCTOR  
IO. DANIEL SCHOEPPFLINUS  
HISTORIOGRAPHUS FRANCIAE

---

TOMUS QUARTUS

---



---

CAROLSRUHAЕ  
EX OFFICINA AULICA MACKLOTIANA

---

MDCCLXVI

276  
157




HISTORIA  
ZARINGO  
BANDENIS

AUCTOR

IO. DANIEL SCHÖPFLINUS

HISTORICUS FRANCICUS

TOMUS QUARTUS



EX OFFICINA AURICA MAGISTRI  
ANALYSTAE

MDCCCLVI

18/8  
18/8



# CONSPECTUS

## TOMI IV.

---

### I.

## LIBER VI. BADENSIS.

### LINEA ERNESTINA

SEU

### BADA - DURLACENSIS.

ERNESTUS Christophori I. Filius CAP. I.	pag. 5
CAROLUS II. Ernesti Filius CAP. II.	35
ERNESTUS FRIDERICUS Caroli II. Fil. CAP. III.	67
JACOBUS III. Caroli II. Fil. CAP. IV.	119
GEORGIUS FRIDERICUS Caroli II. Fil.	
CAP. V.	137
FRIDERICUS V. Georgii Friderici Fil. CAP. VI.	229



**F R I D E R I C U S V I.** Friderici V. Fil.

**CAP. VII.**

pag. 279

**C A R O L U S M A G N U S** Friderici VI. Frater

**CAP. VIII.**

307

**G U S T A V U S A D O L P H U S** Friderici VI. Fra-

ter **CAP. IX.**

315

**F R I D E R I C U S M A G N U S** Friderici VI. Fil.

**CAP. X.**

321

**C A R O L U S G U S T A V U S** Friderici Magni Frater

**CAP. XI.**

349

**C A R O L U S W I L H E L M U S** Friderici Magni

Fil. **CAP. XII.**

355

**C H R I S T O P H O R U S** Caroli Wilhelmi Fra-


ter **CAP. XIII.**

391

**C A R O L U S F R I D E R I C U S** Caroli Wilhelmi Nepos

**CAP. XIV.**

399





## II.

NUMISMATUM BADA - DURLACENSII

EXPOSITIO

pag. 433

---

## O R D O

TABULARUM GENEALOGICARUM.

LINEÆ ERNESTINÆ Tab. I.

5

EJUSDEM LINEÆ Tab. II.

279

---

## O R D O

TABULARUM INCISARUM.

DELINEATIO PALATII ET CIVITATIS

CAROLSRUH.

369

(\*) 2



NUMISMATUM BADENSIIUM ERNESTINÆ  
LINEÆ TABULÆ XXV. CUM SUP-  
PLEMENTIS IV.

pag. 433



HISTORIÆ





Postremam Historiæ Badensis partem describere ag- Nexus  
histor.  
gredior, quæ *Ernestinam* sive *Durlacensem Lineam*  
omnem exponit, atque adeo opus nostrum omne  
absolvit. Marchionibus decem regentibus hæc Li-  
nea constat ; ex quibus tres filii Caroli, divisa inter se Durlacensi



---

Marchia, uno eodemque tempore regnarunt. Tripartitam GEORGIVS FRIDERICVS in unum corpus redegit; a cuius temporibus utraque Marchia (nam & BERNHARDINA aliquando biceps fuit) terrarum suarum divisionis ignara est. Sanctio eam prohibens (a) tranquillitatem, felicitatem & splendorem Domus Badensis promovit. Tot seculis opus erat, ut inveterato Principatuum dividendorum errori tandem valediceret Germania; nec turbarum intestinarum, ex divisione nascentium, exemplis, nec provenientibus inde infortunis civium, nec evidendi dignitatis & potentiae illustrium Familiarum decremento, a tam funesto avertenda proposito.

Ernestus Fridericus, Jacobus, Georgius Fridericus, trigæ Caroli II. filiorum, qui a prima pueritia literis artibusque imbuti, sed controversiis inter Theologos magno cum ardore agitatis, ex seculi illius genio, nimis addicti, diversa singuli

---

(a) Georgius Fridericus A. 1615. testamento suo divisionem terrarum prohibuit. Fridericus V. & sua dispositione A. 1649. eandem constitutionem roboravit. Ferdinandus III. Imp. A. 1654, d. 25. Aprilis eam reddidit perpetuam.



amplexi sunt sacra. Ex Lutherano senior Calvinianus evasit. Secundus reversus est ad sacra majorum. Tertius religionem patris secutus, Invariatae Augustanae Confessioni constanter adhæsit. Tam firmo proposito omnes, ut sobolem si reliquissent, in sola Durlacensi Marchia trium diversarum religionum tres Lineæ regnassent. Fata voluerunt, ut quatuordecim annorum spatio duo rami exarescerent seniores.

Georgio Friderico soli, fratribus superstiti, reservata est Marchionum Durlacensium propagatio. Hi ab oppido, Marchiæ Inferioris tum principe, & a constituta ibi sede Marchionum, (b) *Pforzheimenses* primum, dein sede per CAROLUM SECUNDUM translata Durlacum, *Durlacenses* appellati sunt.

Ernestinam hanc posteritatem si spectes, Marchiones, qui ex ea regnarunt, benignitatis & humanitatis laude celebrati sunt

Tom. IV.

A 2

---

(b) Ludovici Bavari Imp. in literis A. 1335. ad Rudolphum Marchionem; qui & ipse in literis, A. 1336. Pforzheimensi Xenodochio datis, ita vocatur.



omnes. Bellicæ virtutis gloria claruerunt nonnulli; artium & scientiarum amore floruerunt plerique. Docebunt hoc vitæ eorum, quas ad nostra usque tempora ex ipsis rerum documentis & ex idoneis Scriptoribus, sine fuco, expositurus sum, Scriptor ex Marchia Hachbergenfi prognatus.





## U S A T

[illegible]

NAME	ADDRESS	CITY	STATE	ZIP	TELEPHONE
Mr. J. H. Smith	123 Main St.	Springfield	Ill.	62761	234-5678
Mr. W. R. Jones	456 Oak St.	Chicago	Ill.	60601	345-6789
Mr. T. E. Brown	789 Elm St.	Peoria	Ill.	61601	456-7890
Mr. L. M. Davis	101 Maple St.	Rockford	Ill.	61101	567-8901
Mr. G. K. Wilson	202 Pine St.	Decatur	Ill.	62521	678-9012
Mr. H. J. Moore	303 Cedar St.	Normal	Ill.	62551	789-0123
Mr. F. L. Taylor	404 Birch St.	Urbana	Ill.	61501	890-1234
Mr. D. N. White	505 Walnut St.	Champaign	Ill.	61821	901-2345
Mr. C. R. Green	606 Spruce St.	Carbondale	Ill.	62901	012-3456
Mr. B. S. Black	707 Ash St.	Macomb	Ill.	61451	123-4567
Mr. A. T. Gray	808 Hickory St.	Edwardsville	Ill.	62021	234-5678
Mr. M. P. Hall	909 Poplar St.	St. Louis	Mo.	63101	345-6789
Mr. J. Q. King	1010 Sycamore St.	St. Charles	Mo.	63071	456-7890
Mr. K. L. Baker	1111 Chestnut St.	St. Louis	Mo.	63101	567-8901
Mr. N. O. Clark	1212 Elm St.	St. Louis	Mo.	63101	678-9012
Mr. P. R. Evans	1313 Maple St.	St. Louis	Mo.	63101	789-0123
Mr. Q. S. Foster	1414 Oak St.	St. Louis	Mo.	63101	890-1234
Mr. R. T. Gibson	1515 Pine St.	St. Louis	Mo.	63101	901-2345
Mr. S. U. Hart	1616 Cedar St.	St. Louis	Mo.	63101	012-3456
Mr. T. V. Irwin	1717 Birch St.	St. Louis	Mo.	63101	123-4567
Mr. U. W. Jackson	1818 Walnut St.	St. Louis	Mo.	63101	234-5678
Mr. V. X. Kelly	1919 Spruce St.	St. Louis	Mo.	63101	345-6789
Mr. W. Y. Lane	2020 Ash St.	St. Louis	Mo.	63101	456-7890
Mr. X. Z. Long	2121 Hickory St.	St. Louis	Mo.	63101	567-8901
Mr. Y. A. Mason	2222 Poplar St.	St. Louis	Mo.	63101	678-9012
Mr. Z. B. Nelson	2323 Sycamore St.	St. Louis	Mo.	63101	789-0123
Mr. A. C. Owen	2424 Chestnut St.	St. Louis	Mo.	63101	890-1234
Mr. B. D. Parker	2525 Elm St.	St. Louis	Mo.	63101	901-2345
Mr. C. E. Quinn	2626 Maple St.	St. Louis	Mo.	63101	012-3456
Mr. D. F. Reed	2727 Oak St.	St. Louis	Mo.	63101	123-4567
Mr. E. G. Scott	2828 Pine St.	St. Louis	Mo.	63101	234-5678
Mr. F. H. Turner	2929 Cedar St.	St. Louis	Mo.	63101	345-6789
Mr. G. I. Vance	3030 Birch St.	St. Louis	Mo.	63101	456-7890
Mr. H. J. Webb	3131 Walnut St.	St. Louis	Mo.	63101	567-8901
Mr. I. K. Wright	3232 Spruce St.	St. Louis	Mo.	63101	678-9012
Mr. J. L. Young	3333 Ash St.	St. Louis	Mo.	63101	789-0123
Mr. K. M. Allen	3434 Hickory St.	St. Louis	Mo.	63101	890-1234
Mr. L. N. Baker	3535 Poplar St.	St. Louis	Mo.	63101	901-2345
Mr. M. O. Clark	3636 Sycamore St.	St. Louis	Mo.	63101	012-3456
Mr. N. P. Evans	3737 Chestnut St.	St. Louis	Mo.	63101	123-4567
Mr. O. Q. Foster	3838 Elm St.	St. Louis	Mo.	63101	234-5678
Mr. P. R. Gibson	3939 Maple St.	St. Louis	Mo.	63101	345-6789
Mr. Q. S. Hart	4040 Oak St.	St. Louis	Mo.	63101	456-7890
Mr. R. T. Irwin	4141 Pine St.	St. Louis	Mo.	63101	567-8901
Mr. S. U. Jackson	4242 Cedar St.	St. Louis	Mo.	63101	678-9012
Mr. T. V. Kelly	4343 Birch St.	St. Louis	Mo.	63101	789-0123
Mr. U. W. Lane	4444 Walnut St.	St. Louis	Mo.	63101	890-1234
Mr. V. X. Mason	4545 Spruce St.	St. Louis	Mo.	63101	901-2345
Mr. W. Y. Nelson	4646 Ash St.	St. Louis	Mo.	63101	012-3456
Mr. X. Z. Owen	4747 Hickory St.	St. Louis	Mo.	63101	123-4567
Mr. Y. A. Parker	4848 Poplar St.	St. Louis	Mo.	63101	234-5678
Mr. Z. B. Quinn	4949 Sycamore St.	St. Louis	Mo.	63101	345-6789
Mr. A. C. Reed	5050 Chestnut St.	St. Louis	Mo.	63101	456-7890
Mr. B. D. Scott	5151 Elm St.	St. Louis	Mo.	63101	567-8901
Mr. C. E. Turner	5252 Maple St.	St. Louis	Mo.	63101	678-9012
Mr. D. F.					

1. The first part of the document is a letter from the President of the United States to the Congress, dated January 3, 1862. It is a copy of the original letter, and is signed by Abraham Lincoln. The letter is addressed to the Senate and House of Representatives, and is dated January 3, 1862. The letter is a copy of the original letter, and is signed by Abraham Lincoln. The letter is addressed to the Senate and House of Representatives, and is dated January 3, 1862.



# T A B U P R O S A P I A E

E R N E

natus 7. Oct.  
ux. 1) Elifabetha, Friderici Branc  
2) Urfula de Rosf  
3) Anna Bombastia de

I.	I.	I.	I.	I.	I.
ALBER- TUS † 12. Dec. 1542.	ANNA nupta Carolo Comiti Hohen- zollerano 1537.	AMALIA nupta Friderico Löwensteinii Comiti 1561. † 1594.	MARIA JA- COBEA nupta Wolfgango Comiti Barbiensi A. 1577. † 1592.	MARIA CLEO- PHE nupta Wilhelmo Sulzio Comiti 1584. † 28. Aug. 1586.	ELISABETH nata 20. Maji 1516. nupta Salamancæ Comiti 1533. do Comiti de Castel † 9 Maji 1552.

I.	I.	2.	2.	I.
MARIA nata 1553. 3. Jan. † 11. Nov. 1561.	ALBER- TUS natus 12. Jun. 1555. † 4. Maji 1574.	URSULA DO- ROTHEA n. 20. Jun. 1559. ux. Ludovici Wirtenb. 8. Nov. 1575. † 19. Maji 1583.	ERNESTUS FRIDERICUS natus 17. Oct. 1560. superiorem Mar- chiam occupat 1594. Reform. relig. addictus, † 14. Apr. 1604. ux. Anna, Edzardi Comitis Frisæ Orient. filia, Ludovici Electoris Palat. vidua, nupta 21. Dec. 1585. † 1621.	JA natus 26. tholica † 17. ux. Elifa Culenbur 6. Sept.

ANNA nata 13. Jun. 1587.  
ux. Volradi Waldeccii Comitis, 1607. † 1648.

ERNESTUS CAROLUS  
natus 21. Jun. 1588. † 19. Sept. d. a.

JACOB  
nata 2. Jun. 1589. †

I.	I.	I.	I.	I.
CATHA- RINA UR- SULA nata 19. Jun. 1593. ux. Ottonis Haffæ Landgr. 24. Aug. 1613. † 15. Febr. 1615.	FRIDERICUS V. natus 6. Jul. 1594. superiorem Marchiam amittit A. 1622. † 8. Sept. 1659. ux. 1) Bar- bara, Friderici Wirtenbergæ Ducis filia, 21. Dec. 1616. † 8. Maji 1627. 2) Eleonora, Comes Solmenfis, 8. Dec. 1627. † 6. Jul. 1633. 3) Maria Elifabetha, Comes Waldecc. mense Nov. 1633. † 19. Febr. 1643. 4) Anna Maria Hohengerolseccia Comes, Friderici Solmenfis Comitis vidua 1644. † 25. Maji 1649. 5) Elifabetha Eusebia Furstenbergica 1649. † 8. Jun. 1676.	ANNA AMALIA nata 9. Jul. 1595. ux. Wilhelmi Comitis Nassov. Saræpon. 1615. † 1652.	PHILIP- PUS nat. 30. Dec. 1596. † 14. Mart. 1597.	URS MA na 3. N † 22. 16

I.	I.	I.	I.	I.	I.
FRIDERICUS VI.  vid. TAB. II.	JULIANA nata 4. Nov. 1618. † 7. Jul. 1623.	SIBYLLA nata 5. Febr. 1620. † 23. Apr. 1623.	CAROLUS MAGNUS natus 27. Mart. 1621. † 8. Nov. 1658. ux. Maria Juliana Hohen- loica, 21. Jan. 1650. † die Palm. 1675.	BARBARA nata 6. Jun. 1622. † 13. Sept. 1639.	JOHANN nata 5. Dec. 16 ux. 1) Joannis Bane Svecici. 2) Henrici de Thurn 16 † mense Febr. 1

CAROLUS FRIDERICUS  
natus 11. Jan. 1651. mutatis sacris eques Melitenfis,  
† 5. Oct. 1676.

CAROLA SOPHIA  
nata 13. Sept. 1652. ux. Emiconis Comitis Leini  
† 1678. mense Ian.



# U L A I. ERNESTINA E.

Tom. IV. pag. 5

## ESTUS

1. 7. Febr. 1553.  
filia, 29. Sept. 1510. † 31. Maji 1518.  
† 26. Febr. 1538.  
Rhenheim, † 6. Jun. 1574.

1. BRIELI Conra- 1544.	1. BERN- HARDUS natus 1517. † 20. Jan. 1553.	2. MARGARE- THA ux. Wolfgangi Oetingæ Comitis 12. Nov. 1538.	2. SALOME ux. Uladis- lai Comitis ab Haag A. 1540. † 1559.	2. CAROLUS n. 24. Jul. 1529. Protestantium sacra introducit, † 13. Mart. 1577 ux. 1) Cunigunda, Cafimiri Brand. filia, 10. Mart. 1551. † 1558. 2) Anna, Ruperti Comitis Veldent. filia, 1. Aug. 1558. † 30. Mart. 1586.
---------------------------------	---	---	---	--

BUS 1562. ad Ca- tra transiit, 1590. ha, Florifii, Com. filia, 1620.	2. ANNA MARIA nata 4. Aug. 1565. † 8. Oct. 1573.	2. ELISA- BETHA nata 27. Sept. 1570. † 6. Oct. 1611.	2. GEORGIUS FRIDERICUS natus 30. Jan. 1573. Lutheri doctrinæ adhæret. A. 1622. filio regimen tradit; ad Wimpenam a Tillio fufus. † 14. Sept. 1638. ux. 1) Juliana Urfula, Comes Sylvestris & Rhenana, 2. Jul. 1592. † 30. Apr. 1614. 2) Agatha, Georgii Comitis Erpacensis filia, 23. Oct. 1614. † 30. Apr. 1621. 3) Elifabetha Stotzia, ad morganaticam desponsata, 29. Jul. 1621. † 14. Maji 1652.
--	---	---	--

Sept. 1625. ERNESTUS JACOBUS posthumus  
nat. 24. Aug. 1590. † 2. Mart. 1591.

1. CAROLUS natus 1. Maji 1598. 27. Jul. 1625.	1. JULIANA URSU- LA nat. 1. Jan. denat. 31. Aug. 1600.	1. RUDOL- PHUS natus 21. Januarii 1602. † ultimo Maji 1603.	1. CHRISTOPHORUS natus 16. Mart. 1603. † 20. Apr. 1632. ad Ingolstadt. cæ- fus.	1. ANNA AUGUSTA nata 30. Mart. 1604. † 2. Apr. 1616.
---	--	---	---	--

1. FRANCISCA SIBYLLA nata 4. Febr. † 2. Mart. 1609.	1. SOPHIA DOROTHEA nata 14. Mart. 1610. † 24. Oct. 1633.	1. ERNESTINA SOPHIA nata 26. Dec. 1612. † 4. Jul. 1658.	2. AGATHA nata 2. Sept. 1615. † 1616.	2. ANNA nata 29. Maji 1617. † 15. Oct. 1672.	2. ELISABETHA nata 5. Febr. 1620. † 13. Oct. 1692.
---	--	---	---	--	--

1. FRIDERICA nata 6. Apr. 1625. † 16. Jun. 1645.	1. CHRISTINA nata 25. Dec. 1626. † 11. Jul. 1627.	2. ANNA PHILIPPINA nata 9. Sept. † 27. Decembr. 1629.	2. ELEONORA nata † 15. Novembr. 1630.	2. BERNHARDUS GUSTAVUS natus 14. Dec. 1631. mutata religione Cardinalis Abbas Ful- denfis † 26. Dec. 1677.
--	---	---	--	--

1676. ELEONORA BARBARA nata 12. Jun. 1656. † 4. Nov. 1657.	FRIDERICA CHRISTINA posthuma nata 1658. † mense Mart. 1659.
--	---



# ЗАДАНИЕ

9 00 18 20 22 24 26 28 30 32 34 36 38 40 42 44 46 48 50 52 54 56 58 60 62 64 66 68 70 72 74 76 78 80 82 84 86 88 90 92 94 96 98 100



## CAPUT I.

E R N E S T U S.

A. 1527. - - - - 1553.



## §. I.

Ernestus, filiorum Christophori septimus, <sup>Ernesti initia,</sup>  
Pforzhemii natus die VII. Octobris

A. 1482. cum fratribus a tenera ætate bonis literis & artibus institutus est puer.

Insita primis annis virtus ætatis progressu firmata fuit & aucta. Cum Ulrico, Wirtembergæ Duce, amicitia junctus, una cum conjuge festivitati interfuit, (c) quæ A. 1511. Stutgardia celebrata, quum Sabinam Bavaricam, Alberti IV. Bavariæ Ducis filiam, Ulricus duceret uxorem; ille, qui octennio

A 3

---

(c) In Comitatu Ernesti tum fuerant: Wolfius & Neuhausen, Georgius de Herfenstein, Johannes de Hertzstein, Otto & Dietericus de Gemmingen, Christophorus de Habsburg, Georgius de Uffenloch, Johannes de Ehingen, Christophorus Weischenfelder, Melchior & Johannes de Hirnheim.



ERNEST.

post a Suevico foedere expulsus Ducatu, nonnisi revolutis tribus lustris (A. 1534.) in eundem restitutus est.

## §. II.

Ditiones  
ejus,

ERNESTUS ex patris testamento Hachbergam, Saufenbergam, Ufenbergam, Roetelam, Badevillam, ut & oppida Schopfheim & Sulzberg, A. 1515. vivo parente accepit; (d) ita nimirum, ut terras illas eodem jure regeret, quo fratres duo seniores suas regendas acceperant. Sedem regiminis sui tum fixit Sulzbergæ, quæ Hachbergicæ ditionis est. Marchiæ Hachbergensis intuitu, in Comitibus Imperii sedem ei atque suffragium Maximilianus I. Cæsar concessit. Carolus V. autem in WORMATIENSIBUS Comitibus A. 1521. jura & privilegia omnia Domus Badensis ei & Philippo fratri confirmavit; collata ei quoque præsentī investitura; additaque conditione, ut post obitum patris, ambo fratres ex Cæsaribus manibus eandem iterum reciperent. Wilhelmus IV. Bavarie Dux, cum Domo Badensi vinculum ambiens, Mariam Jacobeam, Philippi filiam, ex Elisabetha Palatina genitam, Ernesti nostri ex fratre neptem, A. 1522. in matrimonium petiit. Ernestus, patris loco, eam comitatus est Monachium.

---

(d) Displicuerat Ernesto terrarum divisio, quam A. 1510. ordinaverat pater; unde A. 1515. nova hæc divisio inita. Vid. supra Tom. II. pag. 264.



**HISTORIAE  
ZARINGO-BADENSIS  
LIBER SEXTUS**

IN QUO

**ERNESTINA LINEA**

SIVE

**BADA-DURLACENSIS.**



THE  
NEW YORK PUBLIC  
LIBRARY

ASTOR LENOX  
TILDEN FOUNDATION

119 WEST 4TH STREET  
NEW YORK, N. Y.



Prima hæc ex sanguine Marchionum Badensium Princeps in Bavaricam Domum migravit. Mathildis filia ejus ex Bavarica vicissim Domo in Badensem prima transivit; (e) in Philiberti Marchionis thorum traducta. Reciprocum hoc sanguinis vinculum Bavaris dedit occasionem, ut Badensibus rebus se subinde immiscerent, magnisque in Marchia mutationibus darent occasionem.

## §. III.

Benedictinum S. Cyriaci Parthenium, prope oppidum <sup>Moniales</sup> Sulzberg, a Birtilone Dynasta, qui ibi sepultus est, A. 996. con- <sup>Sulzberg</sup> expulsæ. ditum (f) ad annum usque 1521. ordine non interrupto suas aluit Moniales. Ernestus ex patris Christophori destinatione A. 1515. regiminis sui sedem quum fixisset Sulzbergæ, mores earum propius observavit.

Sub Magistra hæc sua licenter cum viverent, nec aliud, quam expulsio earum, superesset remedium, ad Basiliensem Episcopum, cui Monasterium suberat, se convertit Ernestus, eoque consentiente, Moniales cum Magistra eiecit; (g) dilapidata ab illis bona recuperavit, reditusque Monasterii A. 1521. administratori curandos commisit. In medio Ecclesiæ Monasterii superest lapis,

---

(e) Vid. Tom. III. *Hist. Bad.* pag. 35.

(f) Conf. Tom. I. pag. 21.

(g) Postrema fuit *Gunsia Spoerlin*.



ERNEST.

cui hæc inscripta sunt verba: „ Obiit Venerabilis Vir frater  
 „ Georgius Locher Administrator & Prior hujus loci - - -  
 „ Anno Dom. MDXX. „

Monast.  
 Rhein-  
 thal.

In illis quoque partibus (*h*) aliud olim viguerat Parthe-  
 nium, sed Regulæ Cisterciensi adscriptum, quod *Rheinthal* voca-  
 batur; circa A. 1255. a Conrado, Friburgi Comite, institutum;  
 Abbatiae Lucellensi in Sundgovia Alfatica subordinatum.

Moniales fatis adversis extinctæ sunt, Abbacia in Priora-  
 tum, a Lucella pendentem, redacta. (*i*) Lucellensis Abbas Er-  
 nesto A. 1533. Marchioni nostro, promisit, si ipse vel successores  
 Rheinthalensem Prioratum aliquando vendituri essent, ante omnes  
 offerendum Marchioni. Lucellenses eum hodieque possident.

Ferdinandus Archidux Austriæ, Caroli V. frater, quum  
 A. 1523. in Brisgoviam venisset, Ernestus Marchio in honorem  
 ejus venationes instituit. (*k*)

## §. IV.

---

(*h*) Neoburgum inter Rhenense atque Mulhemium, ubi Badevillanæ Præfe-  
 cturæ sedes.

(*i*) BERNHARDINUS in *Fastis Lucellensibus* pag. 149.

(*k*) In districtu, quem vocant Ried, qui per Beckingensem, Scaphusianum,  
 Gottenheimensem, Mördringensem, Waffenvilleranum & Ihringensem  
 agros se extendit.



## §. I V.

Rusticorum tumultuantium furor, qui A. 1525. magnam <sup>Turbæ rustica-</sup> Germaniæ partem & inferiorem quoque aliquandiu turbaverat <sup>næ.</sup> Marchiam, (l) velut contagio quodam Brisgovicæ Roetelæ & Saufenbergæ Dynastias invasit.

Hoehingæ & Landeckii Castra Ernesti a tumultuantibus combusta sunt. Res tamen sine sanguinis effusione fere fuit perfecta. Rebellionis auctores multati sunt capite. Reliquos Ernestus multavit pecunia. (m) Securitati suæ consulturus Argentinam se contulit Ernestus, Castrum Hachbergæ tutela Georgio ab Hohenheim, Ord. S. Joh. Equiti, & deinde Magistro supremo commissa. Biennio post (A. 1527.) die S. Galli super damna, accepta & data, Neuburgi ad Rhenum transactum est inter Austriacos Brisgoviae Status ex una parte, atque Ernesti subiectos ex altera; illos nempe, qui in Hachbergæ, Saufenbergæ, Roetelæ & Badevillanis terris habitaverant, atque tumultibus suis infestaverant Austriacos. Conventum est, ut rustici pro damnis illatis 5600. florenos persolverent; Austriacis incolis ablata fideliter restituerent; census debitos novo laterculo consignandos curarent; chartas enim & urbana, quæ vocantur, rustici tumultuantes

Tom. IV.

B

(l) Vid. Tom. III. pag. II.

(m) FOERSTERUS in *Commentariis Mss. de reb. Hachberg.*



ERNEST.

comburere solebant. Contra Austriæ rusticos, seditionis participes, actio vicissim Ernesto servata. Comitum ac Dynastarum nomine Sigismundus de Falckenstein, Baro; pro Ecclesiastico Ordine Conradus, Schutterensis Abbas, & Wilhelmus de Wyger, Ord. Teut. Commendator Friburgensis; pro Equestri Ordine Joh. de Reyschach & Conradus Sturtzel de Bucheim, cum Civitate Friburgensi, sigillis suis Instrumentum transactionis firmarunt.

Conventionis hujus participes fuerunt Jo. de Hatftein; Ordinis Melitenfis per Germaniam Prior; Johannes Abbas S. Blasii; Laurentius Abbas Ettenheimensis; Jo. Abbas Thennebacensis; Leonhardus Abbas S. Mariæ; Jos. Abbas S. Petri; Abbatia S. Trudperti; Præceptoria S. Antonii Friburgi; Capitulum Waldkirchenfe; Prioratus S. Ulrici; Carthusia Friburgensis; Abbatia Monialium in Guntersthal, Adelhausen, S. Catharinæ & Wunnensthal. Inter Dynastas & Equites comparent Conradus, Comes Tubingenfis; Dominus in Lichteneck; Dynastæ in Stäuffen. Ex Nobilium quoque ordine quamplures.

## §. V.

Comitia  
Spirens.

**A**nnus, qui transactionem præcessit (A. 1526.) memorabilis est Comitiis Spirensibus, quæ religionis & belli Turcici causa Carolus V. indixit. Interfuit illis Ernestus noster. Præfuit illis, post Ferdinandum, Cæsaris nomine, Philippus frater Er-



nesti; inter quatuor Vicarios primus; (n) cujus res supra exposui. (o)

Post multas contentiones decretum est denique, in terris suis ita se gerant Imperii Ordines, ut nec Deo, nec Cæsari displiceant. (p)

Transivit A. 1527. ad plures Christophorus Marchio. Ernestus noster & Philippus frater a Regimento Imperii, quod Maximilianus I. instituit, quodque Cæsare absente res Germaniæ ordinavit, prorogationem investituræ A. 1528. impetrarunt. Bienio post, in Comitibus Augustanis, Carolus V. Imp. præsens feuda Imperii Ernesto contulit, qui ea suo & Philippi fratris nomine accepit.

§. VI.

Carolus V. in Augustanis Comitibus A. 1530. Pacem Religionis Protestantibus quum constanter recusasset, Principibus Evangelicis discedentibus, perstitit Ernestus; novas de compositione religionis conditiones proponens. Inter alias hæc erat, ut in causa religionis in posterum nihil typis vulgaretur, donec in

Tom. IV.

B 2

(n) *Recessus Spirensis* hujus anni in *Præfat. & Subscriptione.*

(o) Tom. III. pag. 53.

(p) SLEIDANUS Lib. VI. pag. 150.



ERNEST.

Concilio, intra sex menses convocando, controversiæ tollerentur. Lutherus & Wittenbergenſes reſtiterunt Theologi. Saxo legatis ſuis, qui Comitiiſ intererant, die 15. Octobris reſcripſit, ut hac ſuper re mandata ſe non accepſiſſe reſponderent. (q) Auguſtanis hiſ Comitiiſ, ut Wormatiensibꝯ ante decennium, intererat Cancellariuſ Badenſiſ, Hieronymuſ ille Vehuſ, vir doctuſ, probuſ, moderatuſ; a Luthero adverſario hiſ laudibuſ ornatuſ. Placida ille Principiſ fui ſenſa Catholicis & Proteſtantibuſ Germaniæ Statibuſ, mediuſ inter utroſque, expoſuit; ex gravaminibuſ religioniſ nonnulla admittent; nonnulla rejicient; omnia ad concordiam & pacem reducend; (r) qui rem tanti momenti vel in Synodo, vel in Comitiiſ diſcuti & definiri, non ex privatorum arbitrio decidi debere contendit.

In iſſidem Comitiiſ Erneſtuſ damna, bello ruſtico e Briſgovia Marchiciſ terris illata, ut reſarcirentur, a Cæſare petiit. Hic nonnulliſ ex conſiliariorum ordine cauſæ cognitionem comiſit.

Inſtitutuſ paulo poſt Conventuſ, quem Auſtriaci Briſgoviae, privilegiorum prætextu, adire noluerunt. Erneſtuſ, qui

---

(q) SECKENDORFF. *Hiſt. Lutheraniſmi* Lib. II. Sect. XXXV. §. 80. pag. 209.

(r) COELESTINI *Hiſtoria Comitiorum Auguſtanor.* A. 1530. Tom. III. pag. 80.

SECKENDORFF. *l. c.* Lib. I. pag. 155. & Lib. II. pag. 177. & 195.



ante triennium Austriacis damni restitutionem præstiterat, (s) suam impetrare non potuit. Nec transeundum silentio est, quod Consul & Senatus Friburgi Brisgoviæ litteras ad Ernestum Marchionem Bad. A. 1523. die 30. Jan. scripserint, quibus eum monent, tres homines in tractu Kayserstuhl Lutheri doctrinam inter rusticos disseminare, petuntque, ut eos impediat atque custodiæ tradat.

## §. VII.

A. 1530. die 19. Febr. Ferdinandus, Hungariæ & Bohe-Varia. miæ Rex, Ernestum Marchionem, literis Pragæ datis, monuit, ut periculoso hoc tempore, belli face in Helvetia ardente, communi Brisgoviæ securitati prospiceret; atque prohiberet, ne ex ferraria ejus officina Canderensi ad Ulricum Wirtenbergæ Ducem, hostem suum, ferrei globi deportarentur.

Ernestus Kalendis Maji, epistola Sulzbergæ data, respondit, globos incio se fuisse confectos atque exteris venditos ab homine, cui pater jam officinam locaverat. Ceterum de futuro se prospecturum & communi Brisgoviæ paci invigilaturum promissit. Plures aliæ metallifodinæ in terris, Ernesto subjectis, tum temporis se manifestaverant. Marchio, rei tam proficuæ intentus, Corpus juris Metallici jussit conscribi (t) & ad inquiren-

B 3

---

(s) Vid. supra §. 4.

(t) *Berg-Ordnung.*



ERNEST.

da, tractandaque metalla non modo cives suos, sed & externos liberaliter invitavit. (u) Continuum interea apud Hungaros Turcicum bellum. Ernestus A. 1532. Procerum quorundam exemplo suas quoque copias in Hungariam misit.

Anno sequente Christophorus de Venningen, qui una cum Marchione vicum Kœnigsbach tenebat, ob lites de venatione exortas, Seboldum de Siglingen, præfectum Steinensem, in via publica gravi injuria affecit, brevique post nonnullos Ernesti Confiliarios atque Ministros, Pforzheimium inter atque Bretthemium aggressus, captivitati mandavit. Venningius, fractæ pacis publicæ reus, punitus est Imperii banno. Res non sine turbis agitata, Philippi denique Spirensis Episcopi interventu A. 1541. composita.

## §. VIII.

Portio  
hæredi-  
tatis Phi-  
lippi.

Philippus Ernesti frater A. 1533. quum decessisset, masculula nulla prole relicta, Ernestus cum fratre Bernhardo terras ejus ita divisit, ut superior Marchia, ubi Bada est, ad Bernhardum; inferior, vel Pforzheimensis, ad Ernestum pervenerit, uti supra docuimus. (x)

Inferiorem Marchiam tum composuerunt: Pforzheimium oppidum & Castrum, cum Præfectura; Stein Castrum, vicus

(u) Ostendunt hoc literæ ejus impressæ d. 20. Mart. 1530. datæ Sulzbergæ.

(x) Vid. Tom. III. pag. 9.



& Præfectura, ut & Remchingen vicus. Durlacum oppidum, Castrum & Præfectura cum Monasterii Godesaviensis Advocatia. Mülberg Castrum, Burgus olim & Præfectura. Vici Knielingen, Neureuth, Eckenstein, Schreck cum vectigalibus terræ & Rheni, Linckenheim, Hochstetten cum Harda inferiore, quæ est infra Mülbergam; Graben Castrum, vicus & Præfectura. Staffort Castrum, Burgus & Præfectura. Speck, vicus. Altenstaig, oppidum, Castrum & Præfectura; quam Philippus, quadriennio ante mortem, a Fœdere Suevico, in cuius potestate tum fuerat Wirtembergæ Ducatus, redemit. Liebenzell, oppidum, Castrum & Præfectura. Omnia hæc Marchiam inferiorem tum composuerunt.

Duæ posteriores Præfecturæ sub Ernesto Friderico avulsæ sunt, ut suo loco docebitur.

A. 1534. cum Civitate Basiliensi de jurisdictione superiore & inferiore in minorem Hüningam, ut & de aliis quibusdam controversiis, transactionem inivit Ernestus, cuius opera tum quoque Bremgarticum bellum, inter Helvetios, ob religionem discordes, compositum est.

### §. I X.

Neque vero Philippi ditiones modo, sed & onera, eis in-  
Conventio de debitis.  
 hærentia, æquis partibus inter fratres divisa sunt, ita quidem, ut  
 dimidiam eorum partem ferret uterque, nec alterius negligentia  
 alteri esset damnosa. Repetita hæc Conventio clariusque expo-



ERNEST.

fita fuit post mortem Bernhardi, quæ A. 1536. evenit. Nova tum A. 1537. S. Michaëlis festo inter Ernestum Marchionem & tutores filiorum Bernhardi, Wilhelmum nempe, Bavarix Ducem, & Johannem, Comitem Palatinum Simmerensem, inita est pactio. (y) Adjecta conditio, si onerum sibi incumbentium partem alter fratrum negligentius curet, atque creditoribus communibus, solutionem persequentibus, alteri damnum afferatur, licitum sit læso alterius terras occupare, iisque tanquam propriis frui, donec de damno dato fuerit satisfactum. Sarcito autem damno, terræ occupatæ restituantur. Dubium si oriatur, an refarcitum sit damnum, cognitio causæ ad Electorem Palatinum, vel ad Spirensem deferatur Episcopum, qui controversiam intra sex menses componant; neque victo liberum sit uti provocationis remedio. Conventionem hanc a parte Bada-Badensium consules, judicia & senatus Badæ, Etlingæ, Cuppenhemii, Stolhovii, Beinhemii, Steinbaci, Raftadii atque Bielæ suis sigillis signarunt.

Inter

---

(y) Pactionem hanc exhibet Diatriba cujus Rubrum: *Warhafter und bestendiger Bericht, was sich vor und nach unlengst durch den durchlauchtigsten Fürsten und herrn, herrn Ernst Friederichen Marggraffen zu Baden, &c. rechtmæssig und befugter weis fürgenommenen occupation des Obertheils des Fürstenthums der Marggraffschaft Baden - - - verlossen* p. 10. LUNIG in *Reichs-Archiv* tit. Baden & SCHADÆUS in *Sleidano cont.* Lib. 19. part. 3. pag. 735.



Inter hæc, ut diximus, e vivis excessit Bernhardus, reli-<sup>Tutela</sup>  
ctis filiis, ætate minoribus, Philiberto & Christophoro, Tutelam <sup>filiorum</sup>  
eorum ad se pertinere contendit Ernestus. Prælatu<sup>Bernh.</sup> tamen ei  
Wilhelmus IV. Bavarie Dux, gener Philippi Marchionis, ante  
quadriennium mortui, ut supra jam docui. (z)

Ernestus in tutela præteritus est, quod lites ob inæqualem,  
ut Bernhardus ajebat, terrarum divisionem exortæ, nondum erant  
compositæ. Lites hæ ad Philibertum filium transierunt a patre.

A. 1537. Ferdinandus, Rex Romanorum, literis Pragæ die  
10. Junii datis, Christophoro Episcopo Augustano, Ulrico Wir-  
tenbergæ Duci & Ernesto nostro Marchioni, tanquam Circuli  
Suevici præfectis, (a) injunxit, ut ob sustentationem Cameræ Im-  
perialis imminensque a Turcis periculum, Ordinum Sueviæ con-  
ventum indicerent.

## §. X.

Ernestus noster ad Christophori patris sui exemplum <sup>Divisio</sup>  
A. 1537. inter tres filios, Albertum, Bernhardum & Carolum, de <sup>Ernesti</sup>  
terr<sup>inter fi-</sup>is suis disposuit Pforzhemii die 27. Junii, qua nempe ratio-  
ne post mortem dividerentur. Ufus est in hac re consiliis Guil-  
lielmi ab Honstein, Argentinen<sup>lios.</sup>sis Episcopi, quem præ aliis ama-

Tom. IV.

C

(z) Tom. III. pag. 19.

(a) *Obern des Schwæbischen Creyses.*



vit, Guilielmi & Ludovici, Comitum Palatinorum Rheni, Georgii, Marchionis Brandenburgici. Partitio hæc est:

I. Marchionatus Badensis & Dynastiæ Befigheim, Mundelsheim, & Altensteig Alberto primogenito assignantur.

II. Ad Bernhardum & Carolum perveniant reliqua; ita quidem, ut duæ constituentur partes, quarum una Hachbergam, Ufenbergam, Sulzbergam, Hoehingam & Landeckium; altera Saufenbergam, Roetelam, & Badevilam comprehendat. Optio sit penes Bernhardum.

III. Cautum est, ne partes hæ subdividerentur in posterum.

IV. Si Albertus moriatur sine heredibus masculis, portio ejus accedat seniori, & in sejus linea subsistat. Hac autem deficiente, natu minimus succedat.

V. Quod si ex junioribus intereat unus, reliqui duo succedant, ita tamen, ut tertiam illam partem non dividant, sed indivisam relinquunt. Dos filiarum sit 10. mille florenorum.

VI. Circa onera decernitur, ut Pforzheimensis portio quinque partes, Hachbergensis duas, Saufenberga, Roetela & Badevilera tres partes exsolvant.

VII. Singuli fratres feudorum fuorum investituram pro se & suis fratribus accipiant.

VIII. Debita, quæ Ernestus pro sustentatione sua contrahet, tres filii solvant.



- IX. Nova acquisita dividantur æqualiter.
- X. Si vivo patre unus ex filiis aliquid vel iudicio vel vi amittit, reliqui fratres pro rata ei refarciant damnum.
- XI. Quamdiu mares superfunt, nulla femina succedat; unde filiae singulae renuncient, quoties annum tredecimum ineunt; & matrimonialibus pactis inferatur exclusio.
- XII. Lineæ extinctæ filia octies vel decies mille florenos accipiat.
- XIII. Alienatio terrarum prohibita.
- XIV. Ubi vendendi & oppignerandi necessitas occurrit, non modo res offeratur agnatis, sed & reluendi eisdem concedatur facultas.
- XV. Singulis fratribus chartæ & documenta tradantur, quæ eorum terras respiciunt; communia autem senior confervet.
- XVI. Singuli communibus titulis insignibusque fruantur.
- XVII. Lites per Austregas, Conventiones vel per Iudices ordinarios decidentur.
- XVIII. Tutela proximo conferatur agnato, &, ubi similis est gradus, seniori. Testamentaria tamen permittitur tutela.
- XIX. In religione antiqua nihil immutetur, nisi ex decreto Concilii, vel Comitiorum Imperii, nihilque ex bonis ecclesiasticis ad seculares usus transferatur.



ERNEST.

XX. Carolus, junior filiorum, decimum quartum annum adeptus, sanctionem hanc quoque jurejurando confirmet.

Dispositio hæc Ernestina A. 1537. Pforzhemii facta, a Carolo V. Augustæ Vindel. A. 1550. die 20. Augusti firmata est.

## §. XI.

Johanna  
Sausen-  
berg.

Inter filios hæc dum ita ordinat Ernestus, Johanna Sausenbergica, Ludovici, Longuevillæ Ducis, uxor, Philippi, postremi Sausenbergæ Marchionis, A. 1503. mortui, filia, tum fenex, de Dynastiis Brisgovix Badensibus, quas ad se pertinere credebat, apud Helvetios frequenter conquesta, ad Basilienses se denique convertit, eisque jura sua obtulit. Basilienses conditionibus propositis aures ab initio præbere visi sunt. Plures hac super re A. 1538. instituti sermones. Albertus de Annvil, Sausenbergæ & Roetelæ Præfectus, missus est ab Ernesto Basileam, qui veterum Marchionum in Civitatem merita illis in memoriam revocavit, ostenditque, Christophorum patrem Dynastiarum Brisgovicarum possessionem, ex pacto cum Philippo, Cæsaris consensu, bona fide adiisse. Basilienses promiserunt Marchioni, omnibus Johannæ oblationibus se renunciaturos, si difficultates Marchionem inter & Civitatem, jam diu durantes, rationabili mox transactione componantur. De jurisdictione criminali in Hüniga mi-



nore & in Nova Domo (*b*) de vico *Riehen*, aliisque similibus pri-  
dem disputatum & de illis tandem A. 1547. transactum.

A. 1538. Ernestus & Christophorus Landeccii, accepta  
pecuniæ summa, juri, quod in dimidiam partem vici Kündringen  
habuerant, renunciarunt.

A. 1541. Ernestus Marchio dimidiam partem vici Koenig-  
schafhausen ab Agnete de Ramstein coëmit.

## §. XII.

**H**ungaria hoc tempore in magno fuit constituta periculo. <sup>Comitia  
Spirenſia.</sup> Solymannus, ille heros Turcarum, regiam urbem occupavit Bu-  
dam, ultima regno minatus. Aeger animo Cæſar, ab infelici Al-  
geriana expeditione redux, Comitia Imperii indixit Spiræ, quæ  
A. 1542. Februario menſe ceperunt initium. Ex Germaniæ  
Principibus nonniſi Brandenburgicus, Palatinus, Electores, &  
Mecklenburgi Dux fuerunt præſentes. Præſens quoque fuit Er-  
neſtus noſter, Cæſari & Regi Romanorum, quorum cauſa præ-  
fertim agebatur, ut placeret. Ceterorum aderant legati. Cæſa-  
ris loco Ferdinandus præſedit. (*c*) In Comitiis his contra Turcas  
decernitur indiſtio belli. Decernitur indiſtio Concilii generalis.

C 3

---

(*b*) In dem Neuen Haus.

(*c*) SLEIDANUS Lib. XIV. p. 396.



ERNEST.

Auditæ Galliæ Regis, de violatis a Cæsare legatis suis in Insubria, querelæ. De caussis religionis statutum est nihil, quia ad Concilium deferendæ.

In iisdem Comitiis Ernestus, ut senior gentis, ante fratris sui natu majoris Bernhardi filios locum postulavit. Reluctantibus autem pupillorum tutoribus, Ferdinandus, Romanorum Rex, decrevit, ut nihil mutaretur, sed & simul literis cavit, ne res ullo modo noceret Ernesto, nec posteris.

Eodem anno inter Cameræ Imperialis Emendatores Marchio noster comparet.

Circa id tempus Castrum Landeck & vicus Koendringen in Marchia Hachbergæ, ut & vicus Brunstatt in Sundgovia, occasionem litis cum Austriaca domo dederunt Ernesto. Litem Erasmus, Argentinensis Episcopus, A. 1549. componere studuit.

## §. XIII.

Monast.  
Nym-  
burg.

Nymburgi in eadem Marchia haud procul Emmedinga, Monasterium fuit Eremitarum Ordinis D. Antonii, simile illis, quæ olim Friburgi Brisgovia, Villingæ in Nigra Sylva, Memmingæ apud Suevos floruerunt. (d) Carolus I. Marchio Ecclesiam parochialem Nymburgi, in quam jus patronatus habebat, Præceptori Ordinis D. Antonii, in Friburgensi Civitate habitanti,

---

(d) MANLIJ Chronicon Constantiense, & ex eo PETRUS in Sævia Ecclesiastica.



A. 1456. tradidit, ut Monasterium ejusdem Ordinis ibi constitueret. Monachi ad paupertatem redacti, A. 1545. locum illum paulatim deferuerunt. Ernestus & successor ejus Carolus Nosodochium ibi constituere.

Albertus, natu maximus filiorum Ernesti, quum A. 1542. præmatura morte obiisset, de portione terrarum ejus inter Bernhardum & Carolum fratres enata est controversia, quam Ernestus pater, A. 1547. ita composuit, ut inferiorem Marchionatum Bernhardus; Marchiam Hachbergæ cum reliquis Brisgoviae Dynastiis acciperet Carolus.

In Comitibus Germaniæ A. 1548. decretum est, ut novum Imperii conficiatur Laterculum, quod vocant Matriculam, ad quod tributa publica, huc usque inæqualiter distributa, in posterum exigenterentur. Curam ejus rei in Circulo Suevico Elector Moguntinus Augustano Episcopo & Ernesto Marchioni, literis die 24. Jun. scriptis, commendavit. Ordines Imperii in Comitibus Augustæ habitis, eadem repetierunt. Literæ Ordinum ad memoratos Principes die ultimo Junii conscriptæ sunt; ex quibus apparet, jus convocandi Circuli Suevici Ordines soli Wirtenbergæ Duci illo tempore nondum competiisse; quod & aliis exemplis firmatur.

A. 1551. Ernestus cum Friderico, Septemviro Palatino, Wolfgango Bipontino, Johanne Brandeburgico, Christophoro



ERNEST.

Wirtenbergico aliisque Principibus pro liberando Landgravio Hassiæ ad Cæsarem misit legatos. (e)

## §. XIV.

Regimen  
filiis tra-  
dit,

Post regimen 38. annorum Ernestus, privatam acturus vitam, certa sub lege duobus filiis (Albertus enim jam ante decennium obierat) regimen tradidit; suam cuique partem assignans; ut, qui ab eo vitam acceperant, artem quoque regnandi ab eo adhuc vivo, addiscerent, atque adeo non tam ordini naturæ, quam patris voluntati, suum regimen deberent. Instrumenta hac super re, Christophori, Wirtenbergæ Ducis, interventu, A. 1552. condita sunt.

Cum Bernhardo, filio natu seniore, in hunc modum convenit.

1. Pater die XI. Augusti, Pforzheimensem partem concedit Bernhardo.
2. Bernhardus, ut Vicarius patris, quotannis festo D. Martini, in œconomicos parentis usus Offenburgum 500. quartalia frumenti, 500. quartalia avenæ, 25. plaustra vini sumptibus suis curet transferri.
3. Bernhardus & Carolus fratres duas virgines sorores, eodem modo dotent, quo maritatæ dotatæ sunt; mortuoque patre

---

(e) THUANUS Lib. VIII. Cap. 6. pag. 281. SLEIDANUS Lib. XXIII. p. 370.



patre sumtibus sustententur communibus fratrum. Fine anni de acceptis & expensis patri reddantur rationes, ut de Marchiæ administratione sit omnino securus.

4. Pecuniarios redditus ex fortibus & bonis, ab ipso acquisitis, sibi pater reservat, ut & ex metallifodinis.

5. Liberum sit patri, quandocunque voluerit, recipere regiminis fasces.

Simile Instrumentum in Caroli filii junioris favorem die 26. Septembris ejusdem anni, ratione Hachbergæ, Roetelæ, Saufenbergæ & Badevillæ condi jussit Ernestus.

#### §. X V.

In privato hoc statu non ultra quinque menses Ernestus transegit, sexto Februarii anni sequentis (1553.) ereptus e vis, anno ætatis 71. Pforzhemii in Choro Collegiatæ Ecclesiæ, quæ olim Aulica fuit, atque adhuc, sed absque Canonicis subsistit, sepultus.

Obitus  
& Charac-  
ter.

Monumentum in Ecclesiæ choro magnificum, duplex; altera pars Ernestum, altera uxorem Urfulam repræsentat.

Sepulchralis inscriptio nonnisi simplex est, nomen ejus & ætatem indigitans.

Ex omnibus Ernesti gestis Princeps vere bonus, justus, lenis, æquus, & prudens elucet. Maximiliano & Carolo V. Cæsaribus, ut & Regi Romanorum Ferdinando, semper carus, con-



ERNEST.

stanti quoque Principum Imperii amicitia floruit; cum quibus nunquam in gratiam redierat; quod nullum eorum offenderat unquam. Moderatio, quæ omnibus ejus præsedet actionibus, in negotio religionis, ubi rara esse solet, præsertim apparuit. Vetera sacra nec aboluit; nec persecutus est, quæ visa sunt nova. Comitiorum vel Concilii futuri decreta expectans, suoque diffusus judicio, caute omnia tractavit; Friderici II. Electoris Palatini, amici sui, imitatus exemplum, antequam hic arma contra Cæsarem corripuit. Unde nec Smalcaldico foederi A. 1536. nec Smalcaldico contra Cæsarem religionis bello, A. 1546. subscripsit.

Lenitas Ernesti ita fuit comparata, Principis dignitati ut nihil decederet. Auctoritate cum opus, severum se ostendit & gravem; quod exprimit lemma ejus nummo impressum: *Ernesto illudere noli.* (f)

## §. XVI.

Religio.

Regimen ejus in illa incidit tempora quibus religionis negotia igne tractabantur & ferro. Lutheranismus & Zwinglianismus in Germania & in reliquo Europæo orbe magnas vires tum acquirere visi sunt. Cæsar, veteris religionis tenax, eam contra Protestantes defendere; hi sermonibus & scriptis suam promovere quovis modo studuerunt. Mediam Ernestus ingressus

(f) *Nit Schimpf mit Ernst.* Nummum, qui hoc ejus symbolum refert, vide infra inter Numismata.



est viam. In abolendo veteri cultu lentus, in admittendo novo non præceps, nec Cæsarem offendit, nec Protestantes a se alienavit; futuram religionis pacem, quam speraverat, expectans; cujus initium Passaviensi Transactione lætus vidit; complementum Pace Augustana videre non potuit.

Lutheranum tamen Concionatorem, quem Philippus frater vocaverat, Ungererum, Pforzheimii publice docere permisit. Quin & ipse Concionatorem Aulicum, Protestantium sacris additum, denique habuit, Jacobum Truckenbrotium, qui dein ad Ecclesiam S. Theodori Basileæ Minoris vocatus est Pastor. Hoc auctore non semel Augustanam Confessionem in terris suis introducere cogitavit Ernestus, nisi Cæsarem timuisset. Filios tamen sacris Lutheranis imbui curavit. In Clericos, dissolutis moribus viventes, inclemens. Ferdinandus Romanorum Rex, ad Prælatorum Brisgoviae, Sundgoviae & Silvæ Nigræ preces A. 1536. a proposito avocare studuit Ernestum; sed ille jus suum in Clericos, ditioni suæ subiectos, eorumque bona, in Marchionatu sita, literis, die 12. Martii A. 1537. ad Ferdinandum scriptis, defendit.

Ernestus in Badensium Marchionum serie primus est, qui *Landgravii* axioma in sua Gente renovavit, illudque Sausenbergico axiomati junxit, *Landgravium Sausenbergæ* se vocans.

ERNEST.

## §. XVII.

Uxor I.  
Brandenburgica.

Tres Conjuges thoro suo induxit Ernestus; cum quibus constanti vixit concordia.

Prima fuit ELISABETHA, Friderici Brandenburgici filia; Alberti, Borussiae primi Ducis, soror, quæ A. 1494. die 26. Martii nata, nupta die 29. Sept. 1510.

Ceremoniam Maximilianus Cæsar legatione ornavit, Elisabetha post octennale connubium obiit Stutgardiae die 31. Maji A. 1518. in primaria illius Civitatis Ecclesia sepulta; ubi inscriptio ejus sepulchralis hodieque superest, nihil præter nomen continens.

## §. XVIII.

II. Rosenfeldia.

Secunda Ernesti uxor fuit URSULA DE ROSENFELD; (g) ex perantiqua Suevicæ Nobilitatis gente prognata; quæ nomen suum traxit ab oppido, quod Wirtembergicæ Præfecturæ cognominis caput est. Urslingensis Dynastiæ veteris pars fuit. Eberhardus, Wirtembergæ Comes, Wernero de Rosenfeld immunitatem bonorum Rosenfeldæ A. 1389. confirmavit. (h)

In hastiludio Wirzburgensi A. 1479. decretum fuit, ut, quorum majores jam frequentaverant hastiludia, & qui quartum No-

---

(g) Nonnulli male *Rosenfels*. Rosenfeldiorum Insignia extant in *Libro Insignium*, Norimbergæ impresso, Part. II. Tab. 98.

(h) BURGERMEISTER *Cod. Diplom. Equestr.* Tom. II. pag. 631.



bilitatis gradum probaverint, ad certamen admitterentur foli. Wolffius de Rosenfeld senior testimonia protulit. (i)

A. 1488. inter Nobiles Clypei S. Georgii, qui Foederi Suevico nomen dederunt, Wernerus Georgius & Wolffius de Rosenfeld numerantur. (k)

A. 1518. Georgius de Rosenfeld Nobilis decessit cum conjugē Margaretha de Hoheneck, (l) in Byhelenfi Ecclesia prope Turingam sepultus. (m)

Eberhardus de Rosenfeld, Ecclesiasticam vitam eligens, A. 1525. cælebs decessit, in eadem Ecclesia sepultus. Cum eo Rosenfeldia gens periit, ut CRUSIUS testatur. (n) Urfulæ de Rosenfeld, quæ Ernesto Marchioni nupsit, pater videtur fuisse Georgius ille, qui A. 1488. Foederi Suevico accessit & A. 1518. extinctus est.

Urfula Rosenfeldia die 26. Febr. A. 1538. decessit, Pforzhemii prope maritum sepulta. Sepulcrum simplici Inscriptione ornatum; absque chronologicis & genealogicis notis.

## D 3

(i) CRUSIUS *Paraleipom. Rer. Suev.* pag. 103.

(k) DATT. *de Pace Publica* Lib. II. Cap. 7. pag. 280.

(l) A. 1488. Rodulfus & Johannes de Hoheneck in Foedere Suevico partis Hægovicæ; A. 1512. Endrifs de Hohneck in Foedere Nobilitatis Suevicæ occurrunt. DATT. *de pace publica* Lib. II. Cap. 7. pag. 279. Cap. 22. pag. 204.

(m) Epitaphium exhibet CRUSIUS *Annales Suev.* Part. III. Lib. XII. pag. 810.

(n) Loco alleg.

ERNEST.

## §. XIX.

III. Bombastia de Hohenh.

**T**ertia Ernesti conjux erat **ANNA BOMBASTIA DE HOHENHEIM**, quam Genealogi Badenses ignorant.

Hæc ex veteri quoque Suevorum Nobilitate prodiit. Hohenheim vicus, supra Plieniam, in Wirtembergico Ducatu, Castro quondam conspicuus, quod Nobiles, nomen inde ducentes, inhabitaverunt. Seculi XIII. medio Hohenheimenses Nobiles dimidiam Præfecturæ Eslinganæ partem tenuerunt. (o) Ejusdem seculi fine (A. 1292.) Fridericus & Hugo patruales, dicti de Hohenheim vixerunt. Wilhelmus Bombast de Hohenheim cum fociis Clypei S. Georgii ad Neccarum Suevico Fœderi A. 1448. accessit. (p) Hic Annæ Marchionissæ vel pater fuit vel avus.

Obiit post maritum vidua XXI. annorum A. 1574. die 6. Junii. Epitaphium ejus duplex Sulzbergæ in Ecclesia Aulica in choro conspicitur. Duo nempe lapides sepulcrales: alter muro inclusus, cum quatuor gentiliis insignibus, alter in plano. Conjugium hoc sterile. At numerosam Ernesto sobolem conjuges duæ priores dederunt.

## §. XX.

Albertus filius Ernesti.

**E**x Elifabetha prodiit Albertus; cujus annus nativitatis ignotus. Turcico bello A. 1541. in Hungaria interfuit; ex qua

(o) CRUSIUS *Paraleipom. Annal. Suev.* pag. 91.(p) DATT. de *Pace Publ.* L. II. C. 7. pag. 280.



redux anno sequenti, die XII. Decembris Wasserburgi in Bavaria, in ipso juventutis flore, decessit. Juvenis non satis obsequens patri, ad secundas pater quod progressus est nuptias.

JOHANNES SAPIDUS, Selestadiensis, inter bonarum literarum restauratores illustris, Argentorati docens, *Consolationem* de morte Alberti hujus ad Guilielmum Boecklinum, Episcopi Argentinensis Præfectum Rubeaquensem scripsit, quæ Argentorati A. 1544. impressa (q) ostendit, Albertum bonis literis non mediocriter fuisse ornatum. Scriptum hoc Sapidi Albertum, Christophori Marchionis fratrem, respicere supra (r) relatum est. Sed Albertum nostrum Christophori nepotem, Ernesti filium, a Sapido laudatum esse, monendus est Lector.

### §. XXI.

Alberto nascendi ordine successit *Anna*, Carolo Hohen-<sup>Filiæ Ernesti.</sup> zollerano Comiti A. 1537. nupta; Johannis Georgij, Hohenzolle-<sup>I. Anna,</sup> rani Comitis avia; quem Ferdinandus II. A. 1623. Imperii Principem Ratisbonæ creavit.

Secunda filiarum Ernesti, *Amalia*, Friderico Løwenstei-<sup>II. Amalia.</sup> nii Comiti, Cameræ Imperialis Præsidi, A. 1561. nupta, A. 1594. absque liberis defuncta est.

---

(q) GESNERUS in *Bibliotheca* pag. 494. HERTZOG in *Chron. Alsat.*

Lib. VII. pag. 36.

(r) Tom. II. pag. 291.

ERNEST.

III. Maria  
Jacobæa.

Tertia Ernesti filia fuit *Maria Jacobæa*, Wolfgango, Comiti Barbiensi, apud Saxones A. 1577. maritata, A. 1594. mortua.

IV. Maria  
Cleophe.

Quarta fuit, *Maria Cleophe*, Wilhelmo, Sulzio Comiti, in matrimonium collocata A. 1584. decessit d. 28. Augusti A. 1580.

V. Elifabeta.

Quinta fuit *Elifabeta*, nata d. 20. Maji A. 1516. Primo hæc matrimonio A. 1533. nupsit Gabrieli, Salamancæ Comiti, Ferdinandi I. Cæsaris Aulico, qui eum Ortenburgæ apud Carentanos Comitem creavit.

Ephorus hic fuerat Ferdinandi I. Imp. quum ex Hispania in Germaniam proficisceretur. Salamancano mortuo Elifabeta secundis nuptiis A. 1554. Conrado Comiti de Castello, Wolfgangi filio, nupsit atque A. 1552. die 9. Maji diem obiit supremum.

## §. X X I I.

Bernhardus  
filius.

Secundus filiorum Bernhardus A. 1517. natus, adolescens A. 1534. Lutetiam & Aurelianum profectus est. Redux indomitus juvenis, liberiolem cum ageret vitam, divisione terrarum, a patre inter filios A. 1537. facta, non contentus, debitis immerfus, ad Basilienses se vertit & ab illis jus Civitatis ad 20. annos pro se & pro terris, quas ex paterna hæreditate aliquando in Hachbergæ, Saufenbergæ & Roetelæ ditionibus accepturus erat, A. 1540. die 2. Aug. obtinuit.

In conventionem cum Basiliensibus inita, promisit illis jus aperturæ in Castris suis; promisit, in seculis illis, se non suscepturum



rum esse bellum; nec contra religionem aut leges illius Civitatis aliquid se suscepturum, si in ea fortassis commorari decreverit. Bernhardus enim, uti pater, Protestantium sacris nondum publice accesserat. Evenerunt hæc, senior dum viveret frater Albertus.

Mortuo cælibe fratre A. 1542. sororum & affinium intercessione Bernhardus anno sequenti die 15. Octob. a patre in gratiam his conditionibus receptus est:

- I. Bernhardus per triennium militet sub Cæsare, vel sub Rege, Electore quodam aut Principe.
- II. Juri Civitatis Basiliensium renunciet. Pater ejus debita, ibi contracta, solvat.
- III. Alberti, natu maximi filiorum, nuper mortui, Pforzheimensem Marchiæ portionem pater assignavit Bernhardo. Carolo Hachberga, Saufenberga, Rœtela & Badevilla concessæ.

Bernhardus, XXXVI. annorum juvenis, die 20. Jan. decessit cælebs, ante patrem, sepultus Pforzhemii. (s) IMHOFIUS eum cum Beato Bernhardo confudit. (t)

Tom. IV.

E

---

(s) Epitaphium ejus est: *Anno a Christo nato MDLIII. XIII. Cal. Febr. illustriss. Princeps Bernhardus Marchio Badæ & Hochbergæ. &c. cum ex febre laboraret suam in Jesum Christum fidem pie testatus universæ carnis viam ingressus est.*

(t) *Tabular. Genealogicar. Part. II. Tab. 78.*

## §. XXIII.

VI.  
Margare-  
tha filia.

Sexta Ernesti Marchionis filia, Margaretha, Wolfgango, Oetingæ Comiti, qui fuerat filius Ludovici senioris, nupsit die 12. Nov. A. 1538.


VII. Sa-  
lome  
filia.

Septima filia Salome, Uladislao, Comiti ab Haag, A. 1540. nupta; sine liberis A. 1559. defuncta.

Carolus  
filiorum  
postre-  
mus.

Carolus Ernesti filiorum fuit postremus, ex Rosenfeldia A. 1529. prognatus. Ernestinæ hic Lineæ propagator in regimine successit patri, quem omnino felicem diceres, si nonnisi hunc filium habuisset; cujus nativitatem ægre tulisse videntur fratres natu majores.

Nec transeundum silentio est, Tabularii Marchici illorum temporum custodes, in annotanda matrimoniorum Ernesti Marchionis & nativitatis liberorum ejus chronologia non fuisse satis diligentes.





## CAPUT II.

## CAROLUS II.

A. 1553 - - 1577.

## §. I.



ostremus filiorum Marchionis Ernesti Ca- Caroli II. initia.  
 rolus, Ernestiadum & Carolorum Ba-  
 densium fuit ordine secundus. Sub eo  
 in juniore hac Linea, ejusque terris,  
 evenit quoque religionis mutatio, quæ  
 in Linea feniore & Marchia superiore

jam pridem fuerat introducta. (a) Carolus II. A. 1529. die 24.  
 Jul. lucem aspexit Sulzbergæ, ubi pater tum habitabat. Hic  
 quidem A. 1537. ordinaverat, ut vel Hachbergicus Marchiona-

Tom. IV.

E 2

---

(a) Sub Bernhardo & Philiberto. Vid, Tom, III, pag. 15. 20.

tus, vel Saufenbergicæ, Roetelanæ & Badevillanæ ditiones, instituta cum Bernhardo fratre fortitione, ad Carolum transfirent. Sed immutata est rerum facies, cum Albertus atque Bernhardus, fratres natu majores Caroli, ante patrem obiissent.

Omnem patris hereditatem A. 1553. vigesimo quarto ætatis anno Carolus solus adivit.

Primaria ejus cura fuit, ut contentiones, cum Wirtenbergico Duce de territorio componeret, atque Basilienses vicinos ætiori fœdere, mutuæ defensionis causa, sibi conjungeret.

Primo Regiminis anno hoc fœdus confectum, & res cum Wirtenbergico composita. Controversia de ære alieno, quod Bernhardus, Caroli frater, quondam Basileæ contraxerat, aliisque de rebus minoris momenti, pactione quoque sublata est.

Circuli Suevici dux eodem anno a Christophoro, Wirtenbergæ Duce ac reliquis Sueviæ Ordinibus creatus est Carolus. At dignitatem recusavit; rerum bellicarum se non satis gnarum causatus.

### §. II.

Mutatio  
sacro-  
rum.

Paulo post in Augustanis Comitibus A. 1555. Pax publica Religionis quum stabilita fuisset, Carolus animi sui sensa, quæ huc usque occultaverat, anno sequente publice explicuit, missoque legato Augustanæ Confessioni & Protestantium sacris se accessurum eaque in Marchiam suam publice introducturum, declaravit. Quin & ipse brevi post in Comitibus comparuit, ac ea, quæ



declaraverat legatus, suo præfens ore firmavit, Recessui Imperii sua manu subscribens.

Anno sequente ea, quæ in Comitibus promiserat, executioni daturus, Jacobo Andréæ & Jacobo Heerbrando, Tubingen-  
fium Theologis, ut & Simone Sulcero, Basiliensium Antistite, (b)  
aliisque Protestantium Doctoribus, Pforzheimium invitatis, vete-  
rem cultum aboluit, illumque instituit, quem Confessio Augusta-  
na commendat; (c) & qui in superiore pridem Marchia obtinuit.  
Idem quoque tunc facere cœperat Otto Henricus, Palatinus Ele-  
ctor, & Spirensis Senatus.

Carafa in Commentariis suis (d) ita scribit: „Minus con-  
stantes fuerunt Otto Henricus, Elector Palatinus & Carolus  
Marchio Badensis, qui anno [uno post Edictum Pacis, e suis  
ditionibus veterem religionem profligarunt, & novam intro-  
duxerunt. Unde paulo post contra Pacis Edictum Ecclesiasticos  
omnes redditibus, possessionibus ac beneficiis in suis ditionibus  
spoliarunt, eaque in proprios usus, aut in ministerium suarum

## E 3

(b) Basilea Lutheranis sacris per aliquod tempus tum fuerat addicta mortuo-  
que Sulcero ad Reformata rediit.

(c) SLEIDANUS Lib. XXVI. pag. 871. THUANUS Lib. XVII. Cap. 22. p. 603.  
litteræ ejus hac super re extant in JOH. CHRISTIAN. SACHSII pro-  
grammate de Carolo II.

(d) De Germania sacra, pag. 35.

„ Ecclesiarum aut scholarum novæ doctrinæ applicarunt. „ Saxonica illius ævi cum Badensibus comparare si lubeat, Ernestum Badensem cum Friderico Sapiente, Carolum nostrum cum Johanne Constante haud immerito compares. Ernestus, Caroli V. reverentia ductus, in religionis negotio, ut Fridericus Elector, lente & caute processit. Carolus Badensis, ut Johannes Saxo, Friderici successor, nova sacra amplexus, in suis illa terris promovit atque defendit; *Constantis* elogium apud Protestantes promeritus, quod Saxones suo tribuerunt Johanni.

## §. III.

Monasteria seculo addicta.

Pleraque monasteria, præsertim Pforzhemii, præscriptam religionis formulam subire tenebantur. (e) Wirtembergæ Dux regulam, qua in reformandis Ducatus sui monasteriis usus est, cum Marchione communicaverat. At Pforzheimenses Moniales non nisi A. 1564. Coenobium relinquentes, apud Kirchbergenses denique invenerunt refugium. (f)

Immutatio hæc rerum difficultatibus obnoxia fuit. De institutione pastorum & ministrorum Ecclesiæ cum Collatoribus

---

(e) Tria feminarum, sex virorum monasteria fuerunt Pforzhemii, in tam modica civitate, quæ nonnisi octingentos cives continebat. Monasteria hæc recenset PETRI *Suevia Ecclesiast.* p. 664. sq. Godesavienfes Monachi plures in Monasterium Ochsenhusanum transferunt.

(f) PETRI *Suevia Ecclesiast.* pag. 460.



Catholicis exortæ sunt lites; quæ Austriacos inter & Carolum Stutgardiaë, Pforzhemii, Basileæ & Neoburgi A. 1560. & sequentibus amica compositione pedetentim sopitæ; ita quidem, ut Catholici, quibus jus Patronatus competiit, Pastores Augustanæ Confessioni addictos, Marchioni se oblaturus promiserint. Circa vicum Stetten, Lœraco vicinum, A. 1559. difficultas nata est. Vicum hunc Schoenavii Nobiles ab Abbatia Seckingenfi tenent in feudum. Marchio, cui jus vitæ & necis aliaque superioritatis jura in eo competunt, Evangelica quoque sacra ibi introducere studuit. Sed intercedentibus Schoenaviis & Austriaco Regimine, quod vici hujus suprematum ad Austriacam Domum spectare contendit; ipsoque Cæsare A. 1565. ad Marchionem scribente, in prius res statu relicta.

A. 1556. Carolus Castrum Weyher, prope Emmedingam, Melchiori de Au vendidit, sed post novendecim annos illud recepit.

#### §. I V.

**A**lbertus, Brandeburgicus Marchio, ille Germanorum <sup>Alberti Brandeb.</sup> Achilles, qui nominis sui terrore tum compleverat omnia, post obitus. varia bella; prælio denique ad Sivershusam Luneburgicam A. 1553. victus, suisque pulsus ditionibus, fuga se in Galliam receperat. Interventu Caroli Marchionis, affinis sui, aliorumque Principum reditus ei in Germaniam concessus est. Arrepto igitur per Lotharingam & Alfatiam itinere ad Carolum nostrum venit Pforz-

hemium; ubi morbo correptus A. 1557. die 8. Januarii ætatis anno XXXV. decessit, in Collegiatae S. Michaelis Ecclesiæ crypta Marchionum sepultus. (g)

Statua ejus eleganter exsculpta inter Durlacenses Marchiones in Ecclesiæ Choro incorrupta subsistit. (h)

## §. V.

Comitia  
Franco-  
furt.

Celebrata sunt anno sequenti (A. 1558.) Februario mense Francofurti Electorum Comitia, ut Ferdinandus I. Carolo V. deponente Imperium, ex Rege Romanorum constitueretur Cæsar. (i) Comitibus his Carolus Badensis interfuit.

In

---

(g) THUANUS Lib. XIX. Cap. 4. p. 642. CRUS. *Annal. Suevicor.* Lib. XII. Part. III. p. 698. HEERBRANDUS, qui interfuit morienti, in *Relatione peculiari* apud HORTLEDER. Cap. XXX. & sq. HEUTERUS Lib. XV. Cap. I. THRASYBULUS LEPTA, vel, qui sub nomine hoc latuit, CONRADUS DINNER, in *Historia de Rebus Gestis Ludovici a Seinsheim*, Lib. II. pag. 136.

(h) Inscriptionem monumenti dedit MAJUS in *vita Reuchlini* pag. 129. & ante eum ZEILERUS in *Itinerario German.* pag. 563. Item HENR. PETRI *Cont. Sleidani* pag. 127.

(i) CHYTRAEUS in *Chronico Saxoniae* Lib. XIX. p. 557. GODELEVAEUS de *Abdicatione Caroli V.* apud SCHARD. Tom. II. pag. 1893.



In illis Cæsaris legati, deposita ejus nomine Imperatoria dignitate, in Ferdinandum Romanorum Regem eam transtulerunt. (k) Occasione hac Electores Protestantes, cum Veldentino & Wirtenbergico Ducibus, cum Landgravio Hassiæ & Carolo nostro, de dissidio religionis inter ipsos Evangelicos super Eucharistiam exorto, ejusque componendi ratione, iniverunt consilia; Augustanæ Confessioni, Carolo V. oblatae, Invariata quam vocant, constanter se adhæsurus professi.

§. V I.

Succefferunt anno sequente (A. 1559.) Augustana Comititia, Comititia Augustana, quibus Carolus Marchio interfuit. Tum vero WORMATIENSIS COLLOQUII Acta coram Imperii Ordinibus recitata sunt publice. Ex quibus concilianda religionis spes nulla cum affulgeret, Cæsar Tridentinæ Synodi, quæ ab A. 1552. interrupta fuit, instaurandæ consilium Ordinibus aperuit, sed Augustanæ Confessionis refragati sunt Principes. Religiosa tamen Pax, denuo firmata. (l) In iisdem Comititiis Carolus noster & fœderati Principes de Reservati Ecclesiastici abolitione Cæsarem fortiter sollicitarunt; nun-

Tom. IV.

F

(k) CHYTRÆUS in Chron. Saxon. Lib. XX. p. 579. THUANUS Lib. XXII.

Cap. VII. pag. 748. Orta tamen sunt brevi post Gravamina, quæ apud

LEHMANNUM de pace religiosa Lib. II. Cap. I. & II. leguntur.

(l) SCHADÆI Continuatio Sleidani Part. I. Lib. IV. pag. 171.

## CAR. II.

quam illud se agnovisse, nec unquam agnituros esse, professi. Cæsar rem omnem ad Conventum Deputatorum, qui vocantur, Imperii, Spiræ habendum, rejecit. (m)

A. 1559. Carolus noster Wilæ & Altensteigæ dissidia varia super jus forestale & alia hujus generis cum Wirtembergæ Duce terminavit, quæ enarrare heic necesse non ducimus.

Eodem anno Salome, Caroli nostri soror, Ladislao Comiti de Haag nupta, cum obiisset, maritus superstes dotem ejus & cetera bona, titulo donationis inter vivos, sibi vindicavit. Camera Imperialis pro Carolo Marchione litem decedit.

A. 1560. Delubrum D. Mariæ Virginis ad Quercum, prope Wilferdingam, eximio opere & peregrinationibus religiosis celebre, aboluit Marchio.

## §. VII.

Conven-  
tus  
Naum-  
burg.

Anno sequenti plerique Augustanæ Confessionis Principes apud Thuringos convenerunt Naumburgi. Septemviri aderant duo, Fridericus Palatinus & Augustus Saxo. Aderant Johannes Fridericus Saxoniae, Ernestus & Philippus Brunsvici, Ulicus Meclenburgi, Christophorus Wirtembergæ, Duces, Philippus Landgravius Hassiæ, Wolfgangus Comes Palatinus Rheni, Ernestus Hennebergæ Princeps, Principumque reliquorum legati. Aderat etiam Carolus Badensis.

---

(m) SCHADAEI *Continuatio Sleidani* Part. I. Lib. IV. pag. 171.



Augustanam Confessionem, cui Pacis Religiosæ beneficium competit, Protestantes deseruisse, Romanenses urgebant; alios Zvinglii; alios aliorum Doctorum sententias & opiniones amplexos causati. Doctrinam eorum vagam esse atque instabilem. Objectionibus his ut occurrerent Principes, Augustanam Confessionem Carolo V. exhibitam, quæ ab hoc tempore Invariata (n) appellatur, subscriptione sua denuo Naumburgi firmarunt; quod & Carolus noster fecit Badensis.

Ardua denique eodem in Conventu agitata est quæstio; An Principum Protestantium legati ad Concilium mittendi sint Tridentum. Sollicitandis Principibus Zachariam Delfinum & Franciscum Commendonum (nn) Nuntios ad Conventum hunc misit Pius IV.

Tom. IV.

F 2

(n) Philippus Melanchthon in Nova Editione Augustanæ Confess. A. 1540. in articulo X. ubi de S. Cœna fermo est, hæc verba posuit: *Quod cum pane & vino vere exhibeantur Corpus & Sanguis Christi vescentibus in Cœna Domini.* In Exemplari authentico Confessionis A. 1530. Augustæ Vindel. Carolo V. exhibitæ legitur: *Quod Corpus & Sanguis Christi vere adsint.* Ab hoc tempore inter Variatam & Invariata Confessionem August. distinctio.

(nn) FLECHIER *Vie du Cardinal Commendon* Lib. II. Cap. 2. seq. ex Schedis Gratiani. PAULUS SARPIUS *Hist. Concil. Trident.* Lib. V. §. 63. PALLAVICINUS *Hist. Concil. Trident.* Lib. XV. Cap. 2. RAYNALDUS ad A. 1561. num. 25.

Misit & legatos suos Cæsar Ferdinandus. Re deliberata decrevit Conventus, Protestantibus abstinendum Tridento, ea-que de re mentem suam Cæsareis aperuerunt legatis. Consilii rationes consignatæ libello, qui Cæsari Francofurti oblatus. (o)

## §. VIII.

Acta va-  
ria.

Argentineses, veteri amicitiae vinculo cum Badensibus juncti, Carolum nostrum induxerunt, ut negotiis eorum cum Episcopo se immisceret. Senatus Argentinensis in Ecclesiis Collegiatis urbis suæ Sacrificium Missæ A. 1529. suspendit. Vicennio post cum Erasmo Episcopo transactionem inivit, virtute cujus in iisdem Ecclesiis pristinus restitutus est cultus. Finito Naumburgensi Conventu, cui Henricus de Mulnheim, legatus urbis intererat, Argentineses in Summo templo, quod Ecclesiastici A. 1559. mense Nov. deseruerant, (p) Lutherana sacra eum in modum, qui ante Transactionem cum Erasmo obtinuerat; die 18. Maji 1561. restituerunt.

In omni hoc negotio sine Caroli Marchionis consilio Argentinenses nihil susceperunt. (q)

---

(o) CHYTRÆUS, qui Conventui interfuit, Lib. XX. p. 586. seq. THUANUS Lib. XXVIII. Cap. XXI. Libri rubrum est: *Stattliche Ausführung der Ursachen* &c. Editus quoque latine Argentorati A. 1585. 4to.

(p) GUILLIMAN, de *Episcopis Argent.* p. 451.

(q) BERNH. HERZOG. in *Chron. Alsatiæ* Lib. VIII. pag. 100.



A. 1562. Castrum Remichingen & vicum Minoris Steinbach (r) aliaque Remichingorum Nobilium jura coëmit Carolus & suæ Marchiæ adjecit.

Eodem anno Conventui Circuli Suevici una cum Christophoro, Wirtenbergæ Duce, interfuit Ulmæ.

A. 1563. idem cum Christophoro Wirtenbergico super redditus Ecclesiasticos Conventionem inivit; utrique Principi utilem. Conventum est, ut reddituum, quos alter in alterius ditione haberat, permutatio fieret, adeoque minoribus impensis redditus suos uterque perciperet. Tractatus conclusus fuit Wilæ Suevorum.

Apud Fridericum Electorem Palatinum, qui Calviniana sacra tum in terris suis introducebat, una cum Christophoro Wirtenbergico & Wolfgango Bipontino pro Lutheranis eodem anno (1563.) intercessit.

Anno sequente Moniales D. Mariæ Virginis & D. Mariæ Magdalenæ, Ordinis Prædicatorum, Pforzhemii, accepta undecim florenorum millium summa, Monasterium suum, una cum vicis, hominibus, redditibus, juribusque Carolo Marchioni tradiderunt.

Idem cum Marquardo, Spirensi Episcopo, pactiorem inivit, qua homines proprii, quos alter in alterius ditione habue-

rat, permutati sunt. In alterius ditionem in posterum migraturi ejusdem juri atque dominio addicti. Detractionis jure tamen prior Dominus libere utatur. Conventio hæc A. 1576. ad Capitulum Cathedrale apud Spirenses extensa.

## §. I X.

Lites  
cum Sue-  
viæ No-  
bilibus.

Nuperorum Imperii Comitiorum Decreta (s) libertati suæ periculosa esse Sueviæ Nobiles suspicati sunt. Post varios Conventus denique Munderkingæ die VII. Aug. A. 1560. arctiori fe foederi junxerunt, quo libertatem avitam & jura sua adversus Principum conatus se defensores jurarunt. Foedus hoc Cæsar A. 1561. firmavit.

Confirmatio Principes vicinos commovit. Fridericus III. Palatinus Elector, Albertus Dux Baviaræ, Wolfgangus Palatinus, Christophorus Wirtembergæ Dux, Philippus Landgravius Hassiæ; Carolus & Philibertus, Marchiones Badenses, de communi salute tuenda inter se iniverunt consilia; publicoque sibi prospexerunt scripto A. 1562. ne ex confirmatione foederis Nobilium, a Cæsare obtenta, ipsi detrimenti quid caperent. (t) A.

---

(s) *Recess. Augst.* Part. I. §. 46.

(t) Protestationes exhibet liber, cui rubrum: *Reichsständische Archival - Urkunden ad Causam Equestrem* Part. II. Cap. I. pag. 21. & 22. ubi & alia huc pertinentia occurrunt.



parte Principum celebratus quoque Maulbronnæ Conventus; ubi de jungendarum inter se virium modo deliberatum. (u)

### §. X.

Isdem temporibus Grumbachianæ in Franconia turbæ fur-  
rexerant; quibus pleraque Nobilitas credebatur implicita. Principum  
Con-  
filiæ.

Crevit suspicio, ne Equester Ordo, sociatis per Germaniam armis, bellum inferret Principibus. Unde in WORMATIENSI Deputatorum Imperii ejusdem anni Conventu, ad quem gravamina Principum delata sunt, res militaris Circulorum sollicitè ordinata; copiæ, ut in re subita, conscribi jussæ, nihilque prætermisum, quo publica Imperii firmaretur tranquillitas. (x) De universis quoque Principibus, in foedus contra Nobilitatem cogendis, non semel deliberatum.

At Carolus noster, Princeps providus, circumspectus & prudens, ad Wirtembergæ Ducem A. 1566. die 28. Januarii scripsit, sibi & Philiberto agnato rem non tanti apparere periculi, quanti putatur. Singulis Principibus ad coërcendos fuæ cujusque regionis Nobiles satis virium esse, neque confirmationes Cæsareas, a Nobilitate obtentas, Principibus esse posse periculo. (y)

(u) Acta hujus Conventus extant in Libro alleg. Part. II. Cap. I. pag. 66.

(x) SCHADAEI *Contin. Sleidani* Part. I. p. 375. & *Recessuum Imp.* Tom. III. pag. 201. seq.

(y) Literæ hæ extant in *Actis Wirtemberg.* loco alleg. p. 59.

## §. XI.

Sedes  
Durla-  
cum  
translata.

Hos inter rerum motus Regiam suam Pforzhemio Durlacum transtulit Carolus. Sexagesimus quintus seculi XVI. annus est, quo in Badensium Annalibus translatio hæc figitur.

Ab eo tempore Bada-Pforzheimensis Linea, mutato nomine, Bada-Durlacensis appellatur.

Subitum fuit hoc Marchionis consilium. Paulo ante enim Cancellariam, Themidis sedem, prope Palatium suum a fundamentis exstruxerat. (z) Traditio est, Pforzheimenses petitem aliquod Caroli pertinaciter recusasse, tabulamque, translationis causas continentem, in Palatio ibi suspensam, jam pridem interiisse. Quæcunque consilii hujus fuerit causa, Carolus noster spatiosum, & magnificentum, pro illo ævo, Palatium Durlaci magnis sumptibus exstruere cœpit; opus festinavit, brevique tempore perduxit ad finem; indito

Caro-

(z) Cancellariæ hi versus inscripti leguntur:

Carolus has Princeps Badensis condidit ædes

Ut sint consiliis Curia sancta bonis.

Hic populo par est æquas præscribere leges

Omnibus ex merito reddere jura suo.

Hinc procul affectus animi seponere pravos

Et rem judicio noscere quemque suo.



Caroloburgi nomine; conditoris memoria in eo ut perpetua perstaret. Formam & ædificii reliqua ipse invenit, direxit, urfit, perfecit. Successores illud auxerunt, donec omne palatium cum oppido A. 1689. bellicis flammis consumptum, postquam per 124. annos stetisset. Sed & ipsum Durlaci oppidum aliis operibus exornatum a Carolo. Oppidani in animi grati memoriam publico urbis suæ fonti statuam ejus imposuerunt, quæ perstat hodieque. Hachbergæ Castrum A. 1554. jam restauraverat Carolus atque in formidabile munimentum erexerat. (a) Ad opus perficiendum Roetelani, Saufenbergici & Badevillani cives gratuitum quindecim crucigerorum, in singulos centum florenos, subsidium, ad quindecim annos Principi suo dederunt. (b)

## §. XII.

Eodem anno (1565.) die Lunæ post Laurentii Marchio <sup>Gesta varia.</sup> ab Antonio, Dynasta Staufeni, jurisdictionem sex Curtium in tractu Visnach, & tres Curtes in Reichenbach, cum silva adhærente coëmit. (c)

Insequentis anni die tertio Octobris cum Friburgensi Civitate de limitibus Friburgum inter, Haslacum & Bœzenhusam

Tom. IV.

G

(a) Tom. I. pag. 333.

(b) FOERSTERVS MS. de Rebus Hachberg.

(c) Die Vogteyen der 6. Höfe.

transegit. Georgius Bombastius ab Hohenheim, Prior Ordinis Melitenfis in Germania, transactionem promovit. Tum quoque inter Austriacam & Badenses Domos de supremo Imperio in Dynastias Roetelæ, Saufenbergæ & Badevillæ diu agitata lis, Spirenfis Episcopi, Austregalis Judicis, Laudo contra Carolum decisa est; qui a Laudo hoc ad Imperii Cameram provocavit. (d)

Circa idem tempus cum Georgio Friderico, Marchione Brandenburgico, de dote Cunigundæ, uxoris Caroli, haud ita pridem defunctæ, disputatum, ut & de pecuniæ summis, quas Albertus Brandenburgicus, nuper in Aula Caroli mortuus, (e) a Sulzbergenfi Monasterio & ab Ecclesia Collegiata Pforzheimensi mutuo acceperat. Christophorus, Wirtembergæ Dux, arbiter electus, A. 1566. rem omnem composuit.

Abbatia St. Georgii in Nigra filva tum quoque motibus Austrios inter & Christophorum Wirtembergicum dedit occasionem. Hic Ducis Circuli munus Carolo nostro tradidit Marchioni, qui bellicum ejusdem Circuli Senatum Weilam evocavit, ut de conservanda tranquillitate publica cum illis deliberaret. Res pedetentim sopita. Austriacis jus supremum in Abbatiam servatum.

---

(d) Vid. Tom. II. pag. 270.

(e) Vide supra §. 4.



Lites, quæ ob divisionem terrarum, a Philippo fratre relictarum, inter Bernhardum & Ernestum inceperant, sub Carolo nostro in Camera Imperiali continuatæ fuerunt. Unde Cæsar, ne fraudi id esset Lineæ seniori, investituram Marchioni nostro negavit; indultis tamen, quæ A. 1553. 1554. & A. 1566. ei concesserat, juribus ejus prospexit.

## §. XIII.

A. 1567. Carolus cum Saxoniae & Brandeburgi Electoribus, cum Duce Wirtembergæ, Hassiæque Landgravio in Belgium <sup>Legati in Belg. missi.</sup> misit legatos, qui apud Margaretham Parmensem, Gubernatricem Belgarum, pro Protestantibus Inferioris Germaniæ, quæ decimum Germanici Regni Circulum componit, intercederent. Antverpiam, factionibus plenam, Gubernatrix nuper in deditionem receperat. Staremburgius obviam missus est legatis, qui moneret, in civitate, vix pacata, adventum eorum minus opportunum videri. At Principum suorum dignitatem, ut admittantur, exigere cum regressissent legati, admissi sunt, posteroque die frequenti Senatu auditi; libellum protulerunt, cujus hæc fere sententia fuit: Confessionem Augustanam virtute Pacis Religiosæ apud Germanos admissam, in Inferiore Germania quoque non posse prohiberi. Proinde a superioris Germaniæ Principibus Margaretham orari,

ne populos, cetera innoxios, divexari hoc nomine ac pœnarum immanitate plecti patiatur. Gubernatrix, in Senatu deliberans, remittendos absque responso legatos censebat. Mutata tamen deinceps sententia, Starenbergium in hæc verba respondere iussit: Legati quæ de religione monuerunt, indigna esse responso. Ex illis autem, quæ pro excusanda rebellium contumacia addiderunt, patere, Germanos Principes non tam habuisse rationem eorum, quæ Hispanorum Rex & Belgii Gubernatrix publice declararunt, quam quæ seditiosi homines disseminant, quorum impietatem eversa & spoliata templa, vis illata Magistratibus, excitati ad arma populi, abunde testentur. Admoneant suos Principes legati, ut Provinciarum Regiarum curam Regi permittant, neque turbulentorum hominum patrocinium porro suscipiant. Quo responso accepto legati quarto, ex quo venerant, die recesserunt. (f)

## §. X I V.

BellaGal-  
lica.

**P**rotestantium causam in Belgio sine successu Carolus noster dum suscipit, de adducendis contra Protestantes in Gallia auxiliis cum Carolo IX. tractavit.

Exardescente ibi secundo religionis bello in Germaniam missus est a Rege A. 1567. Bernardus Bocatellus, Britanniae Mi-

---

(f) FAMIANVS STRADA *de Bello Belgico* Decad. I. Lib. VI. p. 188.



noris Rhedonum Episcopus, qui Imperii Status doceret, non de religione jam agi, sed falso religionis obtentu Majestatem Regis offendi, atque adeo ab iisdem delectus pro Rege expeteret. (g) Wilhelmo, Landgravio Hassiæ, & Augusto Saxoni, Joachimo Brandenburgico Electoribus, id haud difficulter persuasum, qui Regi permiserunt delectus; ita tamen, ut sub Johannis Wilhelmi, Saxonizæ Ducis, & Caroli, Marchionis Durlacensis ductu, & auctoritate fierent. Conscripti Regis nomine ter mille quingenti equites, quos Claudius Aumalius in Lotharingia accepit. Expeditioni in Galliam num interfuerit Carolus, neque Thuanus, neque alius illius temporis Scriptor prodiderunt. At Philibertus, Caroli nostri patruelis, in eodem bello contrarias secutus est partes; una cum Casimiro Palatino Protestantibus adducens auxilia. (h)

## §. X V.

In tertio autem religionis bello, quod anno sequente ex-  
ortum est, Philibertus contra Protestantes Regi adhæsit, in præ-  
lio Moncontoriano, uti supra docuimus, (i) A. 1569. occisus. In-  
ter heroës proelii hujus Carolum quoque nostrum refert THUA-

Bello III.  
num in-  
terfuit  
Carolus?

G 3

(g) THUANVS Lib. XLII. Cap. 10.

(h) Tom. III. p. 27.

(i) Ibid. p. 32.

CAR. II.

NUS, (k) additque, in secunda regionum acie eum mille duxisse equites & dextrum Andini latus cinxisse; denique fortissime pugnans in primo occidisse conflictu. At Carolum nostrum cum Philiberto Bada-Badenfi, qui haud dubie tum perit, & inter occisos a THUANO quoque relatus est, (l) manifeste confundit Thuanus. Carolus noster Bada-Durlacensis nonnisi octennio post placida morte in palatio, a se condito, obiit Durlaci. Hæc de Gallico bello.

## §. XVI.

Gesta  
cum Lon-  
guevill.

Juridiciale bellum cum Principe Gallo his ipsis temporibus Marchioni nostro apud Germanos exortum est.

Helionorus ab Aurelia, Longuevillæ Dux, virtute juris, quod ab avia Johanna, Philippi Hachbergenfium Marchionum postremi filia, super Dynastias Roetelæ, Saufenbergæ & Badevillæ, in se derivatum credebat, in Camera Imperiali Spirensi A. 1568. Carolo Marchioni nostro, litem intendit. (m) Hubertus Languetus, ab Augusto Electore Saxonie A. 1569. in Galliam missus, in transitu per Marchiam Carolo promisit, hac de controversia se cum Longuevillano Duce acturum, & ut eo

(k) Lib. XLVI. Cap. I. p. 738.

(l) Loc. alleg. p. 739.

(m) FOERSTERUS in *Relatione Genealogica & Historica de Marchionibus Hachbergicis* Lib. II. Cap. 6.



promptius res fieret, ad eum suscepturum esse iter. Iter, incio Electore, suscepit Languetus, remque eo redegit, ut A. 1570. legati a Longuevillano & Carolo Marchione Argentinam mitterentur, qui transactione amica litem finirent. Languetus, Electoris jussu Argentinæ tum hærens, ab utroque rogatus est, ut negotio interesset, ac utrique parti addictus, transactionem promoveret. (n) Res transacta tum non est, sed brevi post Caroli mortem composita, ut suo loco videbimus.

## §. XVII.

Circa tempus hoc in Gallia quoque de tertio religionis bello, quod per biennium jam duraverat, finiendo laboratum. Pro Protestantibus Gall. intercedit. Jo- hannis Casimiri Palatini & Elisabethæ, Principis Saxoniae, nuptiarum festivitas die V. Junii A. 1570. Heidelbergæ celebrata est. Præter Palatinum & Saxonem, Electores, aderant Georgius Fredericus Brandenburgicus, Ludovicus Wirtenbergicus, Wilhelmus, Philippus & Georgius Hassi, Adolfus Holsatiæ Dux, & Carolus noster Marchio. Principes hi ad Galliæ Regem Heidelbergæ scripserunt, ex Reginae ad Hassum literis se intellexisse, res in Galliæ regno ad pacem pedetentim disponi; ad quam illi Regem prolixè hortantur, docentes, ad amicitiam Imperii retinen-

---

(n) LANGUETI *Epistolarum* Lib. I. Epist. 87.

CAR. II.

dam necessarium esse, ut abolitis intestinis bellis, libertas religionis per Galliam & æquale inter subditos jus constituatur. (o)

Menſe Auguſto 1570. ſubſecuta eſt Pax omnium ampliſſima, quæ Proteſtantes ad munera & dignitates Gallici Regni admittit.

## §. XVIII.

Comitia  
Spirenſ.

Heidelberga Carolus profectus eſt Spiram, ubi Maximilianus II. Imp. die 3. Idus Quinctiles Comitia celebravit; in quibus de Pace publica firmanda; de emendanda Cameralis Judici in Imperio forma; de belli Gothani ſumtibus; de rei Monetariæ fraudibus corrigendis, aliisque tractatum. Cæſar cum Imperatrice duas quoque filias ſecum adduxerat, Annam & Elifabetham. Illa Philippo Hiſpaniarum, hæc Carolo IX. Galliarum Regibus deſponſatæ fuerunt. Annam Johannes ab Hoya, Monaſterienſis Epiſcopus & Ordinis Boruſſiæ Præfectus, in Belgium, & inde claſſis in Hiſpaniam deduxit.

Caroli  
iter in  
Galliam.

Elifabetham Cæſar, peractis Spiræ ſponſalibus, (p) Jacobo Trevirenſi Præſuli Septemviro, Johanni Argentinenſi Epiſcopo

---

(o) THUANUS Lib. XLVII. Cap. 3. pag. 778. CRUSIUS *Annal. Suevicor.* Part. III. Lib. XII. Cap. 16. pag. 738.

(p) Sponſalia hæc deſcribit HUBERT. LANGUETUS *Epistolar.* Lib. I. Epistol. 91. Carolus noſter menſæ tum Cæſaris cum aliis Principibus aſſedit.



po & Carolo nostro Badensi, Philippo Arscotano Duci, Hohenloënsi & Zollerensi Comitibus ad Galliæ Regem ducendam tradidit. (q) Excipiendæ suæ sponsæ Mazerias ad Mosam in Campania Carolus Rex venit in occursum. Præmissi sunt Andegavenfis & Alençonius, Regii fratres, cum Carolo Lotharingiæ Duce, Guisio, Aumalio & Mommorantio, Ducibus, aliisque proceribus, qui Elisabetham exceperunt Sedani & inde ad Regem duxerunt Mazerias, ubi a Trevirensi Electore, Cæsaris nomine tradita est Regi. (r) Rex per Vicecancellarium suum Cæsari & Germaniæ Principibus atque imprimis Trevirensi, Argentinenfi Episcopo, Marchioni Badensi & Hohenloënsi Comiti, præsentibus, gratias egit atque Elisabetham honore & amore conjugali se prosecuturum declaravit. Postridie, qui fuit XXVI. Novembris, regali pompa celebratæ sunt nuptiæ. Conviviis & hastiludiis more

Tom. IV.

H

(q) THUANUS Lib. XLVII. Cap. 5. pag. 780. SCHADÆUS *Contin. Sleidan.* Part. II. Lib. VI. pag. 196.

(r) In introitu urbis Mazeriarum Trevirensis Elector Andegavensem inter & Alençonium fratres Regis, Episcopus Argentinenfis inter Lotharingiæ & Montpensierii Duces, Badensis noster inter Principem Delphinum (le Prince Dauphin) & Aumalium, Hohenloënsis & Zollerensis Comites inter Guisium & Mommorantium medii inceserunt. WICQUEFORT in libro: *L'Ambassadeur Et ses fonctions*, Part. I. Lib. I. pag. 200. qui p. 49. Germaniæ Principes legatione hac suæ derogasse dignitati contendit.

folenni peractis, legati cum muneribus (s) dimissi, in Germaniam redierunt. (t)

### §. XIX.

Legati  
ejus ad  
Regem.

**R**edux Spiram ad Comitiam Carolus noster, Cæsaris Legatus, ipse jam cum aliis Principibus auctor fuit legationis ad eundem Regem mittendæ. Palatinus, Saxo, Brandenburgicus, Electores, Richardus Palatinus, Friderici III. Electoris frater, Georgius Fridericus, Brandenburgicæ Domus, Julius Brunsvicensis, Ludovicus Wirtenbergicus; Wilhelmus, Hassiæ Landgravius, Johannes Albertus Meclenburgi Dux, ut & Carolus Marchio Legatos communi nomine miserunt in Galliam, qui Regem adierunt Villeriis ad Cotiam, (u) in Insula Franciæ die 24. Decembris. Legati de matrimonio cum Cæsaris filia gratulati Regi, ad servandas pacis, nuper in Regno factæ, conditiones longa & prolixa oratione (x) eum hortati sunt.

Ab Evangelicis Principibus legationem hanc petierant Joanna, Navarræ Regina, & Protestantes in Gallia Principes.

---

(s) In Inventario mobilium Caroli Marchionis leguntur dona, quæ a Galliæ Rege accepit. Adde POPELINIERE *Hist. de France* Tom. II. fol. 3.

(t) THUANUS *loco alleg.* Cap. 21, pag. 806.

(u) Villers-Cotterez.

(x) Exhibet eam POPELINIERE *Hist. de France* Tom. II. Lib. XXIV. p. 3. a.



Missus ab illis ad Comitia Johannes Hangeſtus, (y) qui & pro ſuppetiis, in bello nuper ſubmiſſis, literisque haud ita pridem Heidelbergæ ad Regem ſcriptis, gratias egit. (z) Carolus IX. Principum Legatis benigne reſpondit eosque muneribus donatos dimiſit. (a)

## §. XX.

Philippus Badeniſis, filius Philiberti, per tutores a reli- Gesta re-  
liqua.  
gione patris ad Romanam traductus, Proteſtantium ſacra, ſub Philiberto patre in Marchia ſuperiore latius propagata, quum abolere decreviſſet, Carolus noſter a conſilio hoc eum avertere ſtudit, rem periculi plenam oſtendens, quæ ſeditionibus materiam præbere poſſit. Sed & una cum Electoribus & Principibus Auguſtanæ Confeſſionis ea de re apud Cæſarem interceſſit. Philippus tamen, obtenta A. 1571. a Cæſare ætatis venia, Bavari atque Zol-  
lerani auxilio, priſtinum cultum reduxit atque Auguſtanæ Confeſſionis doctrinam in Bada-Badenſibus ſuis terris aboluit. (b)

A. 1572. die 22. Jan. Ordines Sueviæ, ex præſcripto Comitiorum Imperii, inter ſe convenerunt, ut per totum Sueviæ

Tom. IV.

H 2

(y) Jean d'Hangeſt Sieur d'Argenlieu.

(z) THYANVS Lib. XLVII. Cap. 6. pag. 781.

(a) IDEM loco alleg. Cap. 21. pag. 807.

(b) Vid. Tom. III. pag. 54.

Circulum nonnisi quatuor Officinæ Monetariæ constituerentur, Stuttgartiæ nimirum, Tettnangæ & Augustæ Vindelicorum; quarta, destinata Badensibus, in loco, quem utraque Linea designaverit. Carolus noster cum Philippo Agnato, Lineæ senioris, die 19. Aprilis, ejusdem anni convenit, ut per singula sexennia, nunc Durlaci, nunc Badæ, officina monetaria esset. A Durlaco autem initium fieri placuit, quod Carolus rem monetariam ibi jam ante ordinaverat. Oppidum hoc, officinæ monetariæ in Badenium ditionibus sedes, eodem anno a Circuli Deputatis Norimbergæ designatum est. Sed alternatio, quam memoravimus, non habuit locum. (c)

Castrum in Oberwœsingen, quod ad Steinios nobiles pertinerat, Badensi superioritati jam ante subiectum, A. 1573. cum juribus, illi annexis, emtione ad Marchionem pervenit.

Jus Patronatus in Sellingen, & alia, quæ inde pendent & ad Marchionem hucusque spectaverant, cum jure patronatus in Sinzheim & parte decimarum in Moers Carolus noster A. 1574. tradidit Collegiatiæ Badensi.

---

(c) Ernestus Fridericus A. 1586. cum Bada - Badensibus de communi tractavit moneta, ita ut damna quoque & lucra invicem compensarentur; sed res in tractatibus substitit.



Udenheimense vel Philippiburgense vectigal ad Rhenum inter Episcopum & Civitatem Spirenses jam pridem excitavit dissensum, quod immunitatem ab eo sibi arrogaverat Civitas. Ernestus, Caroli pater, constitutus jam fuerat arbiter. Carolus, mortuo patre, pro Civitate pronunciavit. Laudum ejus Camera Spirensis A. 1575. firmavit. (d)

Anno sequenti pro Parochia in Schupffart a Canonissis Collegiatae S. Fridolini Ecclesiae in Seckingen Marchio decimas vici Maulburg in Dynastia Roetelenfi accepit.

### §. X X I.

A. 1577. die XXIII. Martii Carolus, nondum quinquagenarius, Caroloburgi in arce, ab eo exstructa, decessit, Pforzmii in Ecclesiae Aulicae choro sepultus. (e) Vita longiore, si quis

Obitus &  
chara-  
cter.

H 3

(d) LEHMANN. *Chron. Spir.* Lib. IV. Cap. 22. p. 323. & 326.

(e) Elogium ejus sepulcrum his verbis conceptum: „Illustrissimus atque magnanimus Princeps & Dominus, Dominus CAROLUS Marchio  
„ Badensis & Hochbergensis, Dominus in Roeteln & Badenweiler, S.  
„ Romani Imperii totiusque Marchiae singulare Decus, qui mortuo Patre  
„ domino Ernesto unicus successor ditiones hereditarias in primis divi-  
„ no cultu ab antiquis sordibus repurgato, insigni animi prudentia,  
„ justitia & fortitudine tam belli, quam pacis tempore, XXIV. annos  
„ placidissime gubernavit, amplissimis aedificiis ornavit & singulari in-

## CAR. II.

unquam Principum Domus Badensis dignissimus; Princeps moribus & vita integer; mansuetus, parsimoniae deditus, qui civium tributis non ad voluptates & delicias inanes est usus, sed in utilia patriæ instituta convertit. Nævos in eo paucos invenias. Non tenax offensio- num, si Pforzheimenses excipias, quos ut puniret, Durlacum migra- vit. In Comitibus & Conventibus publicis assiduus & frequens; ut Cæ- sari placeret; simul & sollicitus, ne detrimenti quid religio, quam professus est, caperet, publicæ nunquam indormiens causæ. Natu- ra liberalis, munificus; quin & splendidus, pro illo tempore, ædi- ficator. Decessit postquam omnia, quæ sibi proposuerat, in Reli- gione ordinasset; Bada - Durlacensium Numa; omnium civium, quos ipse amaverat, a quibus ipse amatus est, compositus lacri- mis. Filios non Aulico Comitatu corrumpi, sed continuo stu- diorum ordine institui, virtutum & disciplinarum cultu ornari,

---

„ dustria indefessoque labore multo fertiliores reddidit dignus longio-  
 „ re vita, si Deo placuisset, nondum expleto XXXXVIII. ætatis suæ an-  
 „ no die 23. Martis Anno Domini 1577. in arce Caroliburgo immatura  
 „ morte eripitur atque hic, ut vivus jusserat, sepelitur, gloriosam resur-  
 „ rectionem expectans, quam ei largiri dignetur omnipotens Pater per  
 „ Jesum Christum Filium suum unigenitum Amen. Marito ac parenti  
 „ charissima conjux secunda Anna Palatina & tres filii Ernestus Fri-  
 „ dericus, Jacobus & Georgius Fridericus in perennem & bene me-  
 „ ritam memoriam H. M. P. „



educarique curavit, nisi quod vicinarum more Aularum Theologicis disputationibus nimis imbuti sunt. Religionum initia plerumque fervida & plena fervoris. In omnibus hujus generis negotiis circumspectus & prudens; felix, quod in illa incidit tempora, quibus Maximilianus II. prae fuit Imperio; princeps ejusdem cum Carolo indolis; qui cognatum hunc suum, divi patris exemplo, prae ceteris amavit.

Christophorus, Wirtembergæ Dux, testamento A. 1568. Carolum nostrum inter tutores Ludovici filii nominavit.

§. XXII.

CAROLUS bis matrimonium inivit. Uxor prima fuit C U-<sup>Uxor I.</sup>  
NIGUNDA, Casimiri Marchionis Brandenburgici in Franconia & Sufannæ Bavaricæ filia; desponsata die 10. Martii A. 1551. defuncta Gemundæ Suevorum, die 24. Febr. A. 1558. ætatis anno XXXIV. cum Onolsbaco rediret Pforzheimium; ubi condita in Marchionum sepulcro. Ex ea prodierunt: & liberi.

1. MARIA, nata Hachbergæ A. 1553. die 3. Jan. quæ post octennium decessit Pforzheimii A. 1561. die 11. Nov. ibique sepulta.

2. ALBERTUS, natus Pforzheimii A. 1555. die 12. Jun. novendecim annorum juvenis, podagra, quam vita intemperanti contraxerat, A. 1574. die 4. Maji decessit, sepultus Pforzheimli; ubi ejus Epitaphium extat.

## §. XXIII.

Uxor 2.  
& liberi.

Secunda Caroli uxor fuit ANNA, Ruperti Comitis Palatino Veldentini, filia, A. 1540. die 12. Novembris nata, Marchioni nupta Heidelbergæ Calendis Aug. 1558.

Hæc marito superstes tutelam filiorum A. 1577. adiit; A. 1585. deposuit; vixitque Grabæ; ubi Castrum olim; nunc omnino destructum: A. 1586. d. 30. Martii ibi decessit; sepulta Pforzhemii; sex liberorum felicissima mater; ex quibus tres filii terras Badenses inter se diviserunt.

1. ERNESTUS FRIDERICUS.

2. JACOBUS.

3. GEORGIUS FRIDERICUS; quorum singulorum expositurus sum fata.

Tres filiæ fuerunt:

1. DOROTHEA URSULA, nata die 20. Junii 1559. dein uxor Ludovici Wirtenbergici; cujus tutelam gefferat Carolus pater; nupta Stutgardiae A. 1575. die 8. Novembris. Nuptias has, magna pompa celebratas, eleganti carmine illustravit illustris Wirtenbergenfium Poëta, NICODEMUS FRISCHLINUS. (f)

Hæc,

---

(f) In *Parte Epica Operum Poëticorum*, pag. 86.



Hæc, A. 1583. die 19. Maji ex Aula Vinariensi domum reditura, Noribergæ improlis decessit; sepulta Tubingæ.

2. ANNA MARIA, nata A. 1565. die 4. Aug. denata 1573. die 8. Octobris.

3. ELISABETHA, nata A. 1570. die 27. Sept. Hæc apud Urfulam Palatinam, Ducis Wirtenbergici viduam, A. 1611. die 6. Oct. Nuringæ Wirtenbergicæ obiit cælebs, Pforzhemii sepulta.

#### §. XXIV.

Paulo ante mortem Carolus noster conceperat testamen-<sup>Testam. Caroli.</sup> tum, quo tres filios, omnium principatuum ac ditionum suarum conjunctarum instituit heredes; prohibita omni omnino alienatione atque divisione; jussitque adeo, communi ut regimine filii uterentur.

Annam Palatinam, conjugem viduam, cum Ludovico Electore Palatino, Philippo Ludovico Neoburgi, & Ludovico Wirtenbergæ Ducibus, quorum hic gener ejus futurus, liberis tutores constituens.

Ludovico Electori, ante tutelam finitam si decederet, Johannem Casimirum fratrem ejus, atque Philippo Ludovico Neoburgico, Johannem fratrem substituit.

Testamentum tamen imperfectum reliquit. Filii, ad legitimam ætatem proveci, reprobata communione regiminis, redituum divisionem iniverunt.

Testamentaria vero, quam memoravimus, tutela ex Caroli mente observata.





## CAPUT III.

## ERNESTUS FRIDERICUS.

A. 1577. - - - - 1604.



## §. I.

**R**egimen viginti septem annorum nobis de-  
scribendum occurrit; nec felix, nec pru-  
dens. Ernestus Fridericus, natu major  
Caroli filiorum, natus Mülbergæ A. 1560.

Ernesti  
Frid. tu-  
tela.

die 17. Oct. patre amisso, ipse cum fratribus suis, Annam Palati-  
nam matrem, Ludovicum Electorem Palatinum, Philippum  
Ludovicum Neoburgicum & Ludovicum Wirtembergæ Du-  
cem, ex testamento patris accepit tutores. Hi a matre invitati,  
mense Majo A. 1577. convenerunt Caroloburgi, atque testamen-  
tum Caroli vel ipsi, vel per legatos subscribendo, firmarunt. Si-

ERNEST.  
FRIDER.

gillum tutorium commune confectum; omniaque ordinata, quæ præsens rerum usus videbatur exigere. Regimen terrarum, ex legibus defuncti, Vicario & Consiliariis delatum; illisque injunctum, ut de causis gravioribus ad tutores referrent. In alio ejusdem anni Conventu, mense Novembri, Caroloburgi quoque habito, visum est tutoribus, confirmationem testamenti neque a Cæsare, neque a Camera Imperiali petendam; reparandas esse Mülbergæ & Hachbergæ Castrorum munitiones; Judæos omnibus Marchicis terris expellendos; Principes juvenes, Ernestum Fridericum atque Jacobum, qui paulo ante in Aulam Wirtembergicam fuerant translati, a se invicem separandos; hunc ob erectum ingenium, studiorum causa, Tubingam mittendum; illum diutius domi retinendum. Elector Palatinus tutorum nomine homagium civium solus suscepit.

In Aula Wirtembergica cum versaretur Ernestus Fridericus, comite fratre, seculari Tubingensis Academiæ festo A. 1578. interfuit. (a)

Variis itineribus dein per Europæ regna institutis A. 1580. in patriam redux, in senatum regiminis a tutore Wirtembergico introductus est; Anna matre præsentē. Adolescens viginti annorum, omnibus deliberationibus interfuit, sed decidendi potestatem nonnisi quinquennio post, tutela cum exivisset, accepit.

---

(a) CRUSIUS *Annal. Suevicor.* Part. III. Lib. XII. Cap. 24. pag. 764.



## §. I I.

**L**onguevillanæam de Saufenbergica fucceffione litem, per octoginta fere annos durantem, ut tandem componerent, omni studio laboraverunt tutores. Acta varia sub tutela. Composita est denique, post reditum Ernesti Friderici, Bernatium interventu, in Caroloburgensi Palatio Durlaci A. 1581. Maria Borbonia, Helionori, Longuevillæ Ducis, vidua ejusque filii, Henricus & Franciscus, acceptis ducentis viginti quinque millibus florenis, omni in Dynastias Saufenbergæ, Roetelæ & Badevillæ juri, quod habere se credebant, renuntiarunt. (b)

Eodem anno Friolshemii in Wirtenbergica ditione de finibus & de jure conducendi gravamina plura Wirtenbergicos inter atque Badenses tandem transactione sopitæ sunt die 30. Septembris. Enimvero jam A. 1516. inter Ulricum Wirtenbergæ Ducem & Philippum Marchionem convenerat, ut ille a Neuenburgo oppido ad suburbium Pforzheimense; Marchio a Pforzheimio ad portam Neuenburgicam reciproca conducendi facultate uterentur. Porro ut a Neuenburgo Etlingam, Gernspacum & Ellmen-

---

(b) Instrumenta extant in Tabulario Bada-Durlacensi. Add. FOERSTERUS in *Hist. geneal. March. Hachberg. MS.* Lib. II. Cap. 6. Conf. Tom. II. *Hist. Zaringo-Bad.* pag. 262.

ERNEST.  
FRIDER.

dingam Wirtenbergicus, & versa vice Badensis, conduceret. Pforzhemio Gernspacum, omisso Neuenburgo, euntes, Badensis Pforzhemio Schwanam, & Schwana Gernspacum comitaretur Wirtenbergicus. Ex adverso Pforzhemium Gernspaco euntes, Badensis Gernspaco Schwanam & Schwana Pforzhemium Wirtenbergicus conduceret. At Friolshemiana transactione cautum est, ut pons Mettlingam inter & Haugstættens juris conducendi versus Liebenzellam inter utramque Domum constitueret limitem. Equitibus conducentibus non licitum sit pontem transire. Stutgardiam inter atque Pforzhemium limes extra vicum Friolshemium in editiore constituitur loco. Pactiones hæ juris conducendi in illis partibus normam inter utramque Domum hodieque constituunt.

Diuturna lis duas inter Lineas Badenses de divisione terrarum Marchionis Philippi, quadragésimo octavo seculi XVI. anno ab Ernesto Marchione ad Cameram Imperii provocatione (c) delata, ejusdem Cameræ sententia die 12. Maji A. 1582. decisa est. Confirmatum Ludovici, Electoris Palatini Laudum. Caroli II. filii, Ernesti nepotes, condemnati in litis expensas.

A. 1582. die 12. Sept. Feudorum Imperii investituram in Comitibus, Augustæ Vindelicorum habitis, a Rudolpho II. Imperatore, trium fratrum nomine susceperunt tutores; (d) qui jam ante

---

(c) Provocaverat Ernestus a Laudo Electoris Palatini ad Cameram. v. Tom. III. pag. 13.

(d) Enumerantur in literis investituræ: Marchionatus Badensis & Hachber-



quadriennium a Jacobo Christophoro, Basiliensi Episcopo, Brisgovica feuda Brondruti acceperant.

In iisdem Comitibus inter quatuor Domos, Badensem, Hafsiacam, Pomeranicam, Wirtenbergicam de alternatione in Comitibus per singulos dies promiscue observanda, convenit.

### §. III.

Enimvero post obitum Caroli II. communi trium ejus <sup>Divisio</sup> <sup>terra-</sup> <sup>rum.</sup> <sup>liorum</sup> nomine a tutoribus administrata est omnis Marchia Badensis, ex patris testamento, quod ille tamen non omnino perfecerat. Hinc communi quoque eorundem trium fratrum nomine Paulus Wonecker, Doctor, Comitibus Augustanis A. 1582. interfuit, atque comitali recessui subscripsit legatus. (e) Communio hæc abrogata A. 1584. die IV. Decembris, quo iidem tres fratres, con-

---

gensis, dimidia pars Comitatus Ebersteinensis, Dynastia Usenbergensis, feuda Windeckiana cum omnibus vassallis, banno ferino, vicis majoribus & minoribus, hominibus, bonis in Rietha, in Kippenheim, Ichenheim, Kirchzelle, Tundenheim & Altenheim, ut & dimidia pars in Ottenheim, Frisenheim, Schopfheim, Obernweiler & Heiligenzelle, &c. In aliis literis die 11. Sept. Augustæ tum datis, in quibus jura Domus Badensis confirmavit Imperator, memorabilis hæc adjecta est clausula, ne privilegia, a Cæsare ejusque prædecessoribus ac successoribus concessa, Marchionum juribus & privilegiis damnum inferrent.

(e) Vid. Corpus Recess. Imperii ex editione Senckenbergiana Tom. III. pag. 414.

ERNEST.  
FRIDER.

ventionem inter se initam, Philippi Ludovici, Palatino-Neoburgici (f) & Ludovici, Wirtembergæ Ducis, interventu, communionem testamenti Caroli II. præscriptam aboluerunt.

Placuit divisio, quam A. 1537. conditor Lineæ inter filios suos constituerat Ernestus.

Ernestus Fridericus, senior fratrum, Marchiam Inferiorem vel Pforzheimensem partem, cum Besigheimii, Mundelsheimii & Altensteigæ Præfecturis accepit.

Hachberga, Usenberga, Sulzberga, Hoehinga, Landekium composuere partem Jacobi, filiorum secundi.

Sausenberga, Roetela & Badevilla, Georgio Friderico obtulerunt. Metallifodinæ Sulzbergensis portiones inter fratres æqua lance divisæ; jurisdictione Domino terræ servata. Mobilia bona, quæ a Carolo II. relicta, inter fratres quoque æqualiter divisa. Elisabethæ forori cælibi, eadem decreta est summa, quam Dorothea Ursula, Duci Wirtemberg. nupta, acceperat; X. mille florenorum pro dote, & V. mille flor. pro additamento.

Ad hos decem mille florenos Ernestus Fridericus quinque partes, Hachberga duas, reliquæ Dynastiæ tres conferant partes. Eodem modo onera publica & æs alienum inter fratres distributa. Soror renuntiavit juribus, quæ potuerat habere.

Mortuæ

---

(f) Ludovicus VI. Elector Palatinus paullo ante divisionem decesserat.



Mortuæ sine liberis dos reditura ad fratres. Conventum porro, ut non modo pro se, sed & pro reliquis singuli fratres sua feuda acciperent; utque senior frater Regalia Imperii solus, sed communi sumptu, reciperet. Suæ quisque portionis conferat feuda. Ad pecuniam & usuras, Longuevillanis solvendas, omnes fratres concurrant. Lis contra heredes Ladislai Comitis de Haag, de dote uxoris, communibus trium fratrum sumtibus assumatur, & quæ inde obvenerint, æquis distribuantur portionibus. Eadem intuitu aliarum quoque litium ac creditorum (g) observentur.

Ita cessavit Regiminis communio, & ad Sanctionis hujus normam facta est inter fratres terrarum divisio. Georgio Friderico Marchioni reservatum, ut legitimam ætatem adeptus, contra divisionem hanc possit proponere gravamina.

## §. V.

Tutores eodem anno & die, quo pactum divisionis coa-  
luit, abdicata tutela, Ernesto Friderico & Jacobo, senioribus Ca-  
roli filiis, regimen tradiderunt; qui una cum matre, fratris æta-  
te minoris, Georgii Friderici, in se susceperunt tutelam. In Cir-  
culi Suevici Conventu A. 1585. Ulmæ celebrato, tres fratres sin-  
gula obtinuerunt suffragia. (h)

Tom. IV.

K

(g) Inter alia Carolus Principi Condeo 10000 florenorum A. 1562, mutuo de-  
derat.

(h) Biennio post tamen ad alium Circuli Conventum, Ulmæ mense Nov. habi-

ERNEST.  
FRIDER.

A. 1586. die 20. Martii, Ernestus Fridericus investituram terrarum & jurium Imperii, a Rudolpho II. Imp. suo & fratrum atque agnatorum nomine, tanquam senior gentis, Pragæ per Legatos accepit.

Legati hi cum Vice-Cancellario Imperii de Durlacensium in Comitii suffragio tractarunt. Petierunt nempe tres fratres, ut singuli non modo vocarentur ad Comitia, sed & loco & suffragio peculiari uterentur. Vice-Cancellarius Cæsari pergratum esse testatus est, si Principes frequentes ad Comitia conveniant, quæstiones autem de loco & suffragio decidendas esse in Imperii Senatu. Defuncto tamen Jacobo, superstites duo fratres singuli ad Comitia Ratisbonensia A. 1594. vocati, duplex in illis tulerunt suffragium.

### §. V.

Gymnaf.  
Durlac.

**H**oc tempore (A. 1586.) ceremonia solenni inauguratum est Durlacense Gymnasium; quod jam triennio ante, Cancellario Martino Amelio seu *Achtsynit*, Durrio Superintendente Gene-

---

tum, Ernestus Fridericus tantum vocatus & ad suffragium admissus est. Fratres ejus sibi injuriam fieri arbitrati sunt, quod divisim semel ditionibus, cum Imperii Circulique onera spectent ad singulos, æquum sit, ut singulis quoque permittantur suffragia. Quodsi neque vocati fuerint, neque consenserint, tributa denegaturos. Rationibus his num cessarent Ordines, non liquet. At A. 1588. & 1590. Recessibus Circuli singulorum fratrum nomine subscriptum.



rali & Joanne Pistorio suavoribus, sub communi trium fratrum regimine, durante adhuc tutela, institutum est. (i) Durlacum, ubi Caroloburgi Palatium est, nupera divisione cum obtigisset Ernesto, illius tantum nomine A. 1586. aperta est Schola; *Ernestina* hinc dicta. (k) Præter sex Præceptores, qui totidem Classibus præfecti, quatuor Professores & Rector constituti sunt, qui in publico Auditorio suas scholas haberent.

Stipendiarii Juvenes, qui Basileæ & Tübingæ, Marchionum sumptibus huc usque alebantur, literis jam incubuerunt Durlaci; duodecim ordinarii, cum famulo communi.

His ex liberalitate Principis victus, amictus, libri comparati. Ex illis, qui ad Theologiam applicuerant animum, sele-

Tom. IV.

K 2

(i) PAULUS CHERLERUS, Binzheimensis Pastor, tum vivens, in *Præfat. ad opus Poëticum*, ex quo FECHTIUS in *Apparatu ad Ep. Marbach.* p. 956. scribit; Martinum Blanckium hujus Gymnasii primum extitisse Rectorem.

(k) JUNGLERUS ita: „Scholam Durlaci aperuit Ernestus Fridericus  
„ A. 1586. excitato a fundamentis ædificio, in quo præter VI. Classes,  
„ quibus juvenus distinctis gradibus eruditur, etiam auditorium con-  
„ tinetur publicum, Philosophiæ & Theologiæ docendæ, nec non ex-  
„ ercendis declamando & disputando auditoribus destinatum. Recto-  
„ rem, Professores & Præceptores idoneos magno sumtu conquirit,  
„ & honestis stipendiis ornavit, alendis ex subditorum pueris, qui ce-  
„ teris indole præcellerent, rei divinæ præficiendis perpetuos decrevit  
„ redditus. „

ERNEST.

FRIDER.

cti sunt, ad exteras qui mitterentur Academias, ut ad summos in Theologia promoverentur honores, aut ad Professoris munus, in Gymnasio obtinendum, se idoneos redderent.

Abeuntes comitabatur beneficentia Principis. Georgius Fridericus annuos mille florenos pauperum studiosorum alimentis A. 1614. adjecit.

## §. VI.

Fata illius.

Gymnasium haud procul distabat a Templo. Aedificium amplum, quod rùdera ejus hodieque testantur. Reducta Pace aliud exstructum est minus. Laterculum lectionum primus Eloquentiæ & Poëseos Professor, Johannes Schoepfius, in Programme (l) Inaugurationis exhibuit. Leges ejus A. 1588. prodierunt in lucem.

Sub Friderico V. Christianus Keckius Jctus, literas humaniores egregie doctus, Gymnasii Ephorus fuit. Successit ei Fechtius, axiomate Inspectoris ornatus. Præter Fechtium, Arnoldus, Foertschius, Majus, & alii, quos fama doctrinæ ad illustres Germaniæ Cathedras Academicas vocavit, (m) tum Durlaceni docebant.

---

(l) Scriptum est versibus latinis. FECHTII *Colloq. Enneding.* p. 41.

(m) FECHTIUS Rostochii, ARNOLDUS Francofurti ad Mœnum, FOERTSCHIIUS Jenæ, MAJUS Gießæ docuerunt, ex Durlaceni Gymnasio vocati.



Pace Rifvici constituta, Gymnasium, bellica face A. 1689. cum oppido destructum, Fridericus Magnus, pristino nitori restituere decreverat. Sed interveniens Hispanicam ob successionem bellum intervertit consilium.

Carolus Wilhelmus, Friderici Magni successor & filius, novo Palatio Carolsruhæ exstructo sedeque Regiminis in illud translata, Gymnasium quoque eodem transtulit A. 1724. Joan. Casparus Malschius, poetica præsertim laude clarus, alterum quem Ovidium diceret, Gymnasii Prorektoratum eo tempore gessit. (n)

## §. VII.

A. 1587. Guisus Dux cum Lotharingicis copiis in Comitatum Montisbeliardensem irrumpens, quum late omnia vastaret, Ernestus Fridericus, belli propinquitate permotus, vasallis suis injunxit, ut ad defensionem se pararent. Fridericus Wirtenbergæ Dux lineæ junioris, quæ Montisbeliardum tenebat, & agnatus ejus Ludovicus, regens Ducatum, a Marchione tum petierant auxilia. Hic non transitum modo Ludovici copiis concessit, sed & delectus per suam ditionem haberi permisit.

K 3

---

(n) Illustris Gymnasii hujus Rectores enumerantur in *Programmate* erudito, quod JO. CHRISTIANVS SACHSIVS, hodiernus ejus Rector A. 1765. conscripsit.

ERNEST.  
FRIDER.

A. 1588. decimas & jus patronatus in Hochstetten Ernestus Fridericus acquisivit. Decimas illas & jura annexa, clientelari nexu, a Spirensi Ecclesia Fridericus Löwensteinius tenebat; quo extincto Eberhardus Spirensis Episcopus, ad quem feudum redierat, illud vendidit Marchioni; qui eodem anno varias cum Wirtembergico de finibus lites transactione composuit.

Kaufbeuræ, quæ Imperialis Sueviæ Civitas est, quum gravissimi inter Catholicos atque Protestantes illo tempore motus fuissent exorti, Ernestus Fridericus cum Wirtembergico aliisque suarum partium Sueviæ Ordinibus civium Protestantium causam suscepit & pro illis A. 1589. apud Cæsarem intercessit.

### §. VIII.

Tutela liberor. Jacobi.

A. 1590. Jacobi Marchionis, nuper defuncti, vidua, enixa est posthumum, Ernestum Jacobum, cujus tutelam & administrationem terrarum patruus Ernestus Fridericus suscepit, eaque de re Cameram Imperii literis certiore reddidit.

Jacobus pater ultima voluntate ordinaverat, ut in terris, ab ipso relictis, Catholica conservaretur religio, in qua & educarentur pupilli, quibus præter Ernestum Fridericum agnatum & Elisabetham matrem, Wilhelmum quoque Bavariae Ducem & Carolum, Zolleranum Comitem, tutores nominaverat. Sed Ernestus Fridericus, nulla testamenti, quod variis modis impugnabat, habita ratione, Catholica sacra ex fratris defuncti ditionibus proscri-



psit fibique soli vindicavit tutelam. Quem in finem cum Elifabetha, Jacobi vidua, die 5. Nov. A. 1590. inita pactione, Mulburgense Castrum, insigni supellectile instruendum, viduitatis illi sedem assignavit, addita conditione, ut liberum ipsi esset Emmedingam redire. Pupillorum educationem Marchioni, ut legitimo tutori, Elifabetha reliquit, eidemque bonorum suorum, quæ in Luxemburgica ditione & in Ducatu Lotharingæ habebat, administrationem concessit.

## §. I X.

Indigne hæc tulit Zollëranus Comes, tutor, qui surreptas Lis de ea & trans-actio. Emmedingæ testamenti tabulas ad Cæsarem perferens, die 14. Decembris Rescriptum obtinuit, quo Marchioni, innovata ut corrigeret & ad aperiendum testamentum se sisteret judicio, injunctum. Marchio, protrahendæ litis, jurisdictionem Consilii Aulici declinavit atque ad Judicem ordinarium causam hanc remitti petiit; sed irritò conatu. Post biennii moram Consilium Aulicum A. 1592. testamentum Jacobi confirmavit, & Wilhelmum, Ducem Baviaræ, tutorem filiarum Jacobi & testamenti executorem agnovit. Ernestus Fridericus ea de re per Bavarum certior factus, die 11. Decembris (A. 1592.) a Cæsare male informato ad melius informandum sibi provocandum putavit. Denique Friderici Wirtembergæ Ducis interventu die 9. Nov. A. 1594. Leonbergæ inter Ernestum Fridericum & Wilhelmum Bavarum inita est transactio,

ERNEST.  
FRIDER.

qua in communionem tutelæ quidem admissus est Marchio, sed educatio pupillarum nonnisi ad certum tempus illi relicta. Natu major enim illarum post sex menses, at natu junior post bienium, aliis locis, ubi Romana Religio viget, ex voluntate testatoris, donec elocentur, educari jussæ sunt. Legatorum vero piorum nomine Ernestus Fridericus certam pecuniæ summam se soluturum promisit. De cetero, compensatis expensis, renunciatum est liti.

Marchio  
heres Ja-  
cobi.

Inter hæc Ernestus Jacobus posthumus septimo nativitatis mense quum A. 1591. decessisset, Hachbergicæ ejus & Usenbergicæ ditiones ad patruos pervenerunt. Ditionum investituram Ernesto Friderico ejusque fratri, qui legitimam nondum attigerat ætatem, A. 1592. die 27. Junii Rudolphus II. Cæsar Pragæ concessit.

#### §. X.

Turbæ  
Argent.

Apud Argentinenses Capitulum Cathedrale, sub Johanne Manderscheidio Episcopo, in duas sese partes, Catholicos & Protestantes, divisit. Sopiendis difficultatibus, inter eos exortis, omnem operam impendit Antistes.

Ernestus Fridericus, cum Johanne Casimiro, Electoratus Palatini Administratore, Richardo & Johanne, Palatinis, ut & cum Jacobo fratre, Hachbergenfi Marchione, ad Episcopum & Canonicos, Catholicæ Religioni addictos, A. 1584. misit legatos, qui



qui eos ad concordiam hortarentur, atque Marchiones officio suo ea in re non defuturos ostenderent. (o) Compositio frustra tentata. Canonicorum Protestantium causam ergo Marchio sibi defendendam suscepit. Missa A. 1589. plerorumque Principum Aug. Confess. & inter eos Ernesti Friderici ad Rudolphum II. Imp. legatio, quæ pro Canonicis Protestantibus apud Cæsarem intercessit, remque eo perducere laboravit, ut omnis controversia Ordinum Imperii permitteretur cognitioni. At Cæsar ad suum rem omnem evocavit tribunal. (p)

Mortuus inter hæc A. 1592. Episcopus. Suffragia in electione novi divisa. Canonici Protestantes Joh. Georgium, Joh. Georgii Electoris Brandenburgici nepotem, Argentinæ; Catholici Carolum, Caroli II. Ducis Lotharingiæ filium, Tabernis Alsaticis elegerunt successorem. Belli, in Alsatia mox orituri, præludium. Lotharingiæ Dux, filii partes suscepit. Pro Brandenburgico Argentinenses, Tigurini, Bernates, Basilienses & Ernestus Fridericus noster steterunt.

Tom. IV.

L

---

(o) Mandata, legatis data, una cum responso Argentinensis Episcopi, extant in scripto: *Aus Schreiben und gründlicher Bericht unser Georgen von Seyn, Grafen von Wittenstein &c. num. 34. 35.*

(p) BERNH. HERZOG, *Chron. Alsat.* Lib. IV. pag. 128.

ERNEST.  
FRIDER.

## §. XI.

Marchio  
Protest.  
succurrit.

Hic mense Novembri mille equitum, bis mille peditum auxilia in Alfatiam duxit, institutoque per Argentinam itinere, in agro Argentinensi prope Husbergam, una leuca ab urbe, confedit. Brocomagus (*Brumpt*) juris Hanoici burgus; oppidum olim, ab Ernesti copiis die 29. Nov. direptus est, arce illæsa, quam fortiter defenderant rustici. Eadem paulo post fata habuit Hochfelda, Advocatiæ Provincialis Alfatiae vicus, qui ad Austriacos illo tempore spectabat. Christianus Anhaltinus Princeps, copiarum Argentinensium Præfectus, cum centum equitibus, die 7. Decembris, circa Molshemium quum ageret prædas; irruentibus in eum e Dachsteinio Lotharingis, cum omni manu sua in hostium potestate venisset, nisi equites Marchici advolantes, Lotharingis eripuissent victoriam. Mansfeldius Comes & fortissimus quisque in eo conflictu ceciderunt.

Eodem mense Marchicæ copiae vicos Ebersheim, Kogenheim, Kestenholz, Bliensweiler, Scherweiler, partim ad Episcopum & Capitulum Argent. partim ad Austriacos spectantes, ut & alia in illis partibus loca, diripuerunt. Dambacum, oppidum, acceptis Argentorato tormentis, ab iisdem expugnatum.

Componendis his turbis Legati Cæsaris Argentinam venerunt. Christianus Anhaltinus, atque Ernestus Fridericus Marchio



noster ab illis interpellati sunt. (q) Legatis ultro citroque com-  
meantibus, die 15. Febr. A. 1593. in has conditiones transactum:  
ut, depositis utrimque armis, arbitrio Principum Imperii omnis  
causa committeretur. Reditus Episcopatus interea duos inter di-  
viderentur Episcopus. (r) Pace facta, Ernestus Fridericus rediit  
domum. Ferox ejus miles, amicis hostibusque infestus, late  
omnia vastaverat. Crudelitatis Ernestus accusatus a multis. Phi-  
lippus, Hanoviæ Comes, ad Cameram Imperii detulit contra  
eum querelas. (s)

## §. XII

Durantibus his turbis, Lotharingiæ Dux Ernestum Fri-  
dericum, qui A. 1591. Jacobo Ernesto, fratris sui Jacobi filio, <sup>Dynastia</sup>  
<sup>Bitenfi</sup> ejicitur, posthumo, successerat, Dynastia Bitensi, quam pignoris jure Ja-  
cobus tenuerat, forte non reddita, ejecit. Damni hujus repara-  
tionem a Civitate Argentinenfi & Canonicis Protestantibus, fo-  
ciis suis, Marchio flagitavit; ad Lotharingiæ Ducis partes se transi-  
turum minatus; nisi satisfaceret petitis. Senatus & Canonici

Tom. IV.

L 2

(q) Exponit hæc *Chron. MS. Argentinenfe Germanicum* SEBALDI BÜHELERI  
quod in Bibliotheca mea servatur. Bühelerus filius, Chronici paterni  
Continuator, Armamentarii Argentinenfis tum fuerat Præfectus.

(r) THUANUS Lib. CV. Cap. 2. pag. 205.

(s) IDEM Lib. CIV. Cap. 10. pag. 185.

ERNEST.

FRIDER.

menſe Septembri A. 1592. Electorem Palatinum, Fridericum IV. & Johannem Comitem Palatinum literis rogarunt, ad æquiores conditiones ut Erneſtum inducerent. Res anno ſequenti ita com- poſita, ut Capitulum quinquagies mille florenorum fortem, va- riis Germaniæ Principibus mutuo datam, traderet Marchioni; qui, Dynaſtiam Bitenſem, ope ſociorum, ſi quando recuperaverit, fortem ſe reſtituturum promiſit.

A. 1595. die 12. Januarii literas oppignerationis Dynaſtiæ Bitenſis Marchio tradidit Capitulo. (t) At Lotharingiæ Dux, Leiningæ & Hanoviæ Comitum interventu, in tranquilla Dynaſtiæ poſſeſſione permansiſit. (u)

## §. XIII.

Fœdus  
Heil-  
bronn.

**T**urbæ hæ aliique in Imperio motus, ob religionem ex- orti, induxerunt Marchionem, ut cum Friderico IV. Electore Palatino, cum Joanne Georgio, Electore Brandenburgico, cum Joanne Bipontino & Friderico, Wirtembergæ Duce, A. 1594. menſe Martio conveniret Heilbronnæ. Prolata ibi in medium longa ſeries Gravaminum, quibus Tranſactioni Paſſavienſi & Pa- ci Religioſæ vim illatam eſſe Proteſtantes querebantur. Decre- tum, ut ea Cæſari in proximis exhiberentur Comitiis; nec de

---

(t) Acta Tabularii Argent.

(u) CALMET. *Hiſt. de Lorraine*, Tom. V. pag. 764.



tributis, ad Turcicum bellum conferendis, inirentur suffragia, nisi remedium his malis allatum. Quin & de ferendo inter se celeri deliberatum auxilio, ubi tranquillitatis publicæ id exegerint rationes.

Incunabula hæc inclyti fœderis, quod *Unionem Evangelicam* vocant, A. 1610. Halæ Suevorum initam; cujus consilium jam ante XV. annos dederat Elisabetha, Anglorum Regina; (x) cujus promotor Henricus IV. Galliæ Rex, conjunctis Protestantium Germanorum viribus, ad res suas promovendas usus.

## §. XIV.

Missus ab eo jam A. 1591. in Germaniam Jacobus Bongarsius, Aurelianensis, vir prudens & doctus, Reformatorum <sup>R. Galliæ fœderi accedit,</sup> Galliæ sacris addictus, (y) qui Principum Protestantium Aulas obambulans, in fœdus eos colligere studuit, atque ad ferendam Regi suo opem invitavit. Reditus Regis ad sacra majorum Aulas has aliquandiu retinuit. Bongarsius eas tamen paulatim reduxit in viam, (z) & Argentina, ubi diu versatus est, ad Heilbronensem Protestantium Conventum literas dedit, quibus Henrici IV. fœ-

L 3

---

(x) HUBERTUS LANGUETUS in *Epist. politicis & historicis ad Philippum Sydnæum*. Epist. 64.

(y) THUANUS Lib. CI. Cap. 2. pag. 46.

(z) *Lettres du Cardinal D'Offat*. num. 249. 251.

ERNEST.  
FRIDER.

dus & amicitiam obtulit Principibus; qui quadringenties mille florenorum subsidia, intra biennium solvenda, Regi promiserunt; ita quidem, ut Brandenburgica Domus centies mille, Elector Palatinus & Wirtembergæ Dux quinquagies mille, totidemque Johannes Veldentinus, una cum Ernesto Friderico Marchione, ut & cum Administratore Argentinenfis Episcopatus, ipsaque Civitate Argentinenfi persolverent.

In eodem Conventu de afflicto Marchiæ superioris statu, sub Eduardo Fortunato, & de fati ejus futuris multa conquestus est Ernestus Fridericus; sociorum ea super re mentem exquirens. Deliberatum; & ulterius deliberandum esse Proceres censuerunt. (a)

#### §. X V.

Occupatio  
Marchiæ su-  
perior.

Enimvero infelix & turbidum Eduardi Fortunati regimen Marchiam superiorem fere omnem everterat; ut suo loco ostendi. (b) Debita, quæ a tempore divisionis terrarum, Bernhardum inter atque Ernestum, Marchionatui superiori inhæferant, a Philippo, Bernhardi nepote, adaucta; ab Eduardo, successore ejus, adeo cumulata fuerunt, ut spes emergendi fere nulla superesset.

---

(a) Recessus Heilbronnenfis, die 16. Mart. 1594. scriptus, extat in LONDORP.

Tom. III. pag. 509.

(b) Tom. III. *Hist. Badenſ.* pag. 71.



Ernestus Fridericus illam æris alieni partem, quæ Marchiæ ejus attributa, jam pridem exsolverat. Sed creditoribus utraque Marchia fuit in solidum oppignerata. Ernestum illi, ut correum, urserunt, variisque obstagiiis, decretis, litibus, in Camera Imperiali prosecuti sunt. Eduardus, literis ab Ernesto Friderico identidem monitus, (c) vitæ suæ non mutabat rationes, atque omnia rei componendæ media, a Durlacenfibz, conciliante Wilhelmo Baviariæ Duce, ei proposita, spernebat.

Cæsar denique Marchiæ Eduardinæ sequestros Bavarum & Lotharingum ordinavit, (d) qui rem omnem commiserunt Fuggero. Periculum fuerat, ne Marchia superior e Domo Badensi exiret. Ernestus Fridericus ergo, acceptis ab Electore Palatino & Wirtembergæ Duce auxiliis, virtute pacti, quod cum tutoribus Philiberti & Christophori, Marchionum, Ernestus avus A. 1537. iniverat, (e) absente Eduardo Fortunato, die 21. Novembris, noctu Badam, Etlingam, Cuppenhemium, Stoltzovam, Rastadium, aliaque loca, Protestantibus incolis, non resistentibus, plena occupavit, (f) & ab illis sub titulo Administratoris recepit homagium. (g)

(c) Literas has vide in *Gründlichem und wahrhaftem Bericht* &c. pag. 17. seq.

(d) Vid. Tom. III. loco alleg.

(e) Vid. supra in Ernesto I. pag. 17.

(f) Occupatio hæc peracta est ductu Wolfii Dieterici de Gemmingen in Tiefenbronn.

(g) BARRIUS in *Historia Germaniæ* Tom. IX. pag. 520. Georgium Frideri-

ERNEST.  
FRIDER.

## §. XVI.

Causæ  
occup.

Rationes facti sui literis, ad Cæsarem datis, (h) exposuit; summa se necessitate ad extrema compulsum esse remedia, ut suo nempe jure uteretur, quod Domus Badensis pacta vetera & juniores transactiones ipsi permittunt. Verum „excusationes hæ, inquit THUANUS, (i) minime bonam in partem a Cæsare acceptæ sunt, quippe qui sciret, odio Eduardi, qui sacra majorum colebat, & secreta Protestantium, ditiori Badensi subditorum, coitione factum, ut tot oppida nullo negotio in potestatem Ernesti venissent & pessimi exempli esse, ut quis in Imperio violenta alieni occupatione in propria causa sibi jus dicat. BONGARSIIUS (\*) ad Camerarium, amicum suum, Argentina scripsit: „ Quid moverit Durlachiensis jam, „ arbitror, cognovisti. Omnino grave erat hisce Principibus & „ Civitati huic (Argentinæ) Fuckarum in finem suum recipere. Sed Imperator quid ad ista? „

## §. XVII.

cum, Fratrem Ernesti, Marchionatum superiorem Eduardi Fortunati filio, matris ejus Eickiæ conditionis prætextu, demum abstulisse falso perscribit.

(h) Literas vide ab initio Libri alleg.

(i) *Historiar.* Lib. CIX. Cap. 15. pag. 379.

(\*) Epist. 84.



## §. XVII.

In tam periculoso rerum statu Ernestus Fridericus repeti-  
tis die 26. Nov. ad Cæsarem (*k*) literis & Apologetico, typis vul-  
gato, causam suam quovis modo defendere fategit. (*l*) Præter  
ea, quæ suo loco exposui, (*m*) cædes & rapinas, in Marchia pa-  
tratas, infidias Marchionibus Agnatis necromantica arte, venefi-  
cio, aliisve modis, structas ab Eduardo exposuit.

Supplicia  
de noxiis  
sumta.

Ex Confiliariis ejus incarcerati sunt plures. Christiano,  
Anhaltino Principe, Philippo, Comite Ebersteinensi, magnaque  
Procerum & Nobilium multitudine adstante, publicæ super eos  
quæstiones Durlaci sunt habitæ. (*n*)

Tom. IV.

M

(*k*) Cæsar Rescripto d. 3. Apr. 1595. Marchionem hortatus est, ut portionem  
primam mensis decimi subsidiorum Turcicorum, quæ in proximis Ratis-  
bonæ Comitiis Cæsari fuerant decreta, intuitu *utriusque Marchiæ* quam-  
primum persolyeret.

(*l*) Edidit A. 1595. scriptum sub titulo: *Gründlicher, wahrhafter und bestendi-  
ger Bericht, was sich vor und nach unlengst durch den durchleuchtigen hoch-  
gebornen Fürsten und herrn, herrn Ernst Friderichen &c. rechtmæssig und  
befugter weifs fürgenommenen occupation des Obertheils des Fürstenthums  
der Marggraffeschaft Baden &c. verlossen &c.* 4to.

(*m*) Tom. III. pag. 71.

(*n*) Præfatio scripti allegati.

ERNEST.

FRIDER.

Paulus Pestalotius, Clavenna ortus, & Franciscus Muscatellus, Vicetinus, falsæ monetæ, veneficiorum & magicarum artium, quas ad Ernestum Fridericum e medio tollendum, Francofurti, Etlingæ alibique paraverant, convicti, criminaque professi, A. 1594. die 10. Dec. capite plexi sunt. (o) Franciscus Kœcherus, Rodemacheranus, Castri Rohrburgensis (p) præfectus, ad Marchionem interficiendum ab Eduardo se conductum professus, Majo mensē anni sequentis a carnifice vivus in quatuor dissectus est partes. (q)

## §. XVIII.

Marchio  
copias  
conferi-  
bit.

In tam fervido rerum statu evertenda fuerunt Eduardi Fortunati consilia, omniaque ad defensionem paranda. Conscribendus numerosior miles.

BONGARSIUS in literis (r) A. 1595. die 21. Maji ad Camerarium ita scribit: „ Marchio noster Durlachienſis egregias „ copias habet, quales vix vidit Germania, & equites nostrates „ ducentos ei conduxit Rheingravius Philippus. Quid cogitet „ obſcurum eſt: nam motus Eduardi omnes obſervare, non eſt „ tanti. Et aperto Marte Eduardus non certabit. „

---

(o) Scriptum alleg. pag. 35.

(p) Burgvogt zu Rohrburg.

(q) Scriptum alleg. pag. 37.

(r) Epist. 91.



Enimvero tria militum millia Eduardus ex Luxenburgicis & Spanheimensibus terris conscripserat, cum quibus ille versus Rhenum profectus est. Quin & nonnullis Lotharingæ Nobilibus cogendo militi numeravit pecuniam. (s) Intercefferant quidem Moguntinus & Colonienfis Electores, qui consensu Eduardi Fortunati amicam rei compositionem tentarunt, quam & Palatinus Elector Fridericus & Johannes Bipontinus Ernesto Friderico suaserunt. Sed ille tenax propositi, omnem conciliandi modum rejecit, ductisque in Alsatiæ copiis, reliqua Eduardi occupavit. (t)

## §. X I X.

Johannes Pistorius, a Bavaro missus, cum Ernesto Friderico Scheibenharti mense Junio 1595. has in leges convenit: in

Acta cum  
Bavaro.

Tom. IV.

M 2

---

(s) BONGARSIIUS in *Epistola* 93. die 3. Junii A. 1595. Argentinae scripta, ita loquitur: „ Rheingravii Philippus, cujus sororem Durlacensis frater „ uxorem habet, cum nudius tertius huc advenisset, cum equitibus „ circiter 200. heri sub vesperam pernoctatum abiit in Beinem, quod „ est oppidum Badense cis Rhenum, hinc sex milliaribus distans: jussus ibi Durlacensis Marchionis opperiri mandata. Adventant & copiae Eduardi, quas ajunt esse trium millium. Constat Vannes & Chasteaubrehan Lotharingos pecuniam ab Eduardo, cogendo militi accepisse. Apparatus hi quo tandem evadant, expecto: ipsa consilia investigare cogitando non possum. Sed fallor, aut nihil subest solidi. „

(t) BONGARSIIUS *Epist.* 94.

ERNEST.  
FRIDER.

antiqua religione nihil immutetur in Marchia superiore: Confiliarii & Officiales constituentur eidem religioni addicti, vel, si haberi nequeant, Evangelicis designatis conservatio religionis Catholicae injungatur: jurisdictio ecclesiastica & jura diocesana Argentinensi & Spirensi Episcopis certa ratione relinquuntur: Eduardus Fortunatus, vitæ Durlacensis nunquam non struens insidias, mancipetur custodiæ: Marchia superior & reliquæ Eduardi ditiones ad certum tempus Ernesto Friderico permittantur: Bavarus actorum confirmationem a Cæsare obtineat. Conventio hæc irrita fuit.

Rescript.  
Cæsar.

Cæsar enim de bellicis Badensium motibus certior redditus, cum periculum esse videretur, ne latius incendium serperet, Rescripto, die 3. Junii dato, Ernestum Fridericum ab armis confestim discedere & superiorem Marchiam, donec lis decisa, tradi jussit sibi sequestro. Cæsar, Eduardo quoque Fortunato injunxit, ut sine mora dimitteret copias. Eodem tempore (3. Jun.) quatuor Electores Rhenenses literis hortatus est Cæsar, ne alterutri parti præberent auxilium, sed mandata si spreverint Marchiones, sui quid consilii sit, Cæsarem docerent.

## §. X X.

Defensio  
Marchio-  
nis.

At Ernestus Fridericus literis d. 7. Julii ad Cæsarem graviter suam causam defendit. Eduardum Fortunatum, ait, non pacta modo majorum multis modis violasse, sed & Lotharingæ Ducem ad pecuniam & copias, ipsi subministrandas, sollicitasse non-



nullosque Lotharingæ Chiliarchas ad conducenda aliquot pedum equitumque millia constituisse; unde sibi vitio verti non posse, quod rebus tam dubiis de tuenda salute sua & de propellenda injuria cogitarit; naturæ & gentium jura, constitutiones Imperii cuivis id permittere Principi. Perfectam se pacem cum finitimis colere; neque metuendum esse, ne ea, quæ sui defendendi causa egerit, bello intestino præbeant occasionem; daturum se operam, ne, quas conscripserit, copiarum vicinis inferant damnum. De cetero Marchiam superiorem justis ex causis se occupasse, eamque possessionem aliquoties jam a Cæsare agnitam, adeoque integrum illi non esse, ut sequestri in se munus derivet, seu quod idem est, ab executione inchoet litem. Rogat denique Cæsarem Marchio, ut hanc excusationem suam æqui bonique consulat, nec mandatis eum porro gravare pergat.

## §. XXI.

Eduardus Fortunatus, accepto Cæsaris Rescripto, copias <sup>Eduard.</sup> se dimissurum & propediem suscepturum esse ad Cæsarem iter, <sup>copias</sup> dimittit, professus est. Enimvero Artigotius, Fresnius & Castellobrehanus, Lotharingi, qui militem pro Eduardo collegerant, in Burgundiam abierunt, militaturi Hispano. Vannius & Sercius item Lotharingi, Eduardo quas promiserant, copias, Galliæ Regi adduxerunt. Ipsius Eduardi pars militum maxima ad Hispani-

ERNEST.  
FRIDER.

ca transferunt stipendia. Rerum gerendarum nervus Eduardo defuerat; qui cum reliquo milite in Spanheimensi se continuit Comitatu; & una cum Lotharingo Galliae Regis colloquium, sed frustra, expetiit.

BONGARSIIUS (u): „ Mihi, inquit, persuasum est  
„ omnino, igniculum hunc ab Hispanis & aliis, quibus Germa-  
„ niae quies ingrata est, materia subministrata, altum iri. In-  
„ terim sumptus graves facere Durlacensis cogitur & nescio an  
„ diu ferendos. „

## §. XXII.

Ernestus  
Frider.  
resistit.

Post hæc Cæsar' alio Rescripto die 12. Jul. Ernestum Fridericum commonuit, ut Eduardi Fortunati exemplum secutus, imperata faceret. Sed resistit ille, quod Eduardum contra fidem, Cæsari datam, militem alere & vim minari intellexisset. Unde tertio Rescripto die 6. Aug. denuo Marchioni injunctum, ut exaucto- rato milite, Cæsarem agnosceret sequestrum & Wilhelmo Bavariae Duci, cui Cæsar rem commiserat, de sequestratione & de modo eam admittendi sententiam suam patefaceret. Eodem die Cæsar literis ad quatuor Rhenenses Electores de pertinacia Marchionis multum conquestus est. Legati trium Electorum Ecclesiasticorum in Conventu Deputatorum Spirensi censuerunt; Ernestus Fridericus

---

(u) Epist. 96. & 97. utraque scripta est mense Julio A. 1593.



si neque copias dimittat, neque Cæsaris sequestro locum concedat, sua auctoritate Cæsar ut agat. At Palatinus regessit, Ernestum Fridericum vicinis Principibus non inferre molestiam; eum suo jure uti, quod Eduardus, retento milite, Cæsaris mandatis morem non gerat.

## §. XXXIII.

Denique Ernestus Fridericus cum legato Gallico inita <sup>R. Galliae</sup> <sup>copias</sup> <sup>tradit.</sup> pactione, (x) militem suum Henrico IV. Regi tradidit, literisque die 7. Sept. ad Cæsarem datis, quibus dimissas a se copias significat, enixe Cæsarem rogavit, ne in malam acciperet partem, quod evitandis Eduardi insidiis, ea, qua possit, sibi ratione prospiciat. Addidit, libenter se auditurum, quæ Cæsaris nomine Wilhelmus Bavariae Dux ipsi propositurus sit, facturumque omnia, quæ salvæ domus suæ juribus pactisque majorum admittere queat.

Res dein aliquot annis quievit, nisi quod Cæsar A. 1596. die 1. Julii novo Rescripto Marchionem hortatus est, ut ab omni vi in Eduardum Fortunatum ejusque cognatos, ministros & subditos abstineret, ac tranquille litis finem expectans, nihil in religione innovaret, sed Catholica sacra in eo, quo fuerint statu, relinqueret. Ernestus Fridericus nihil in religione se immutasse, neque immutaturum esse in posterum, & quæ contra Eduar-

---

(x) Rex Galliae d. 22. Nov. 1595. hanc pactionem firmavit.

ERNEST.

FRIDER.

dum (y) ejusque affeclas egerit, ad depellendas tantum insidias, quas ille struere pergat, spectasse respondit.

## §. XXIV.

Befig-  
heim;  
Mundels-  
heim  
alienata.

Occupatam ergo superiorem Marchiam ut retineret, atque contra Eduardum Fortunatum defenderet, Ernestus Fridericus diu fuit armatus. At defendendæ superiori non suffecerat inferior. Diminuenda hæc fuerat, servaretur ut altera, vel ne utraque amitteretur.

Fridericus Wirtenbergæ Dux, Monbeliardenfis, quæ nunc floret, Lineæ primus, qui Ludovico, Stutgardianæ postremo, nuper successerat, Befigheimensem & Mundelsheimensem Præfecturas, ad Nicrum & ad Enziam fitas, ab Ernesto Friderico repetebat; Ulrico, Wirtenbergico Duci, eas injuste ereptas caussatus. Utramque tamen inter vetera suæ Domus domania reputarunt Badenses. Eberhardum Illustrem, Wirtenbergæ Comitem, ab Henrico VII. Imp. proscriptum, Marchio Badensis Hesso A. 1310. suscepit eique Befighemium, turribus, muris ac fossis munitum,

---

(y) Eduardus, quum A. 1598. versaretur in Suecia, Carolum, Sudermannia Ducem, induxit, ut æquis conditionibus, ab Ernesto Friderico impetrandis, apud Electores quosdam & Principes Imperii pro eo intercederet. Intercessio caruit effectu.



tum., habitandum concessit. Præfecturam hanc cum Mundelsheimio Carolus Marchio, a Friderico I. Palatino captus, pro lytro A. 1463. concessit; reluendi jure sibi servato. (z) Philippus Ingenuus, Friderici successor, a Maximiliano I. A. 1504. proscriptus, Besighemium & Mundelsheimium amisit. Ulricus enim Wirtembergæ Dux, utrumque jussu Cæsaris occupavit, & cum aliis Palatinis terris pro sumptibus belli, sub pignoris quoque onere retinuit, uti Palatinus illa ante possederat. Ulrico a Cæsare A. 1519. proscripto, easdem Præfecturas Foedus Suevicum ei eripuit. Decennio post (A. 1529.) redditæ sunt Philippo, Marchioni Badensi, qui pretium oppignerationis 25. mille florenorum Archiduci Ferdinando, Wirtembergici Ducatus possessori, persolvit; antequam investituram ejus in Comitibus Imperii solennibus A. 1530. acciperet. (a)

Ita ad Domum Badensem Besighemium (b) & Mundelsheimium (c) optimo jure redierunt, atque penes eam manserunt usque ad A. 1594. quo Fridericus, Wirtembergæ Dux, ab Ernesto Friderico utramque Præfecturam repetiit; quamvis pater & avus

Tom. IV.

N

(z) Lege Tom. II. pag. 177.

(a) EISENBACH *Geschichte Herzog Ulrichs* pag. 88.

(b) Besigheimensis Præfectura præter oppidum hujus nominis vicus Walheim, Heffigheim & dimidiam vici Loechgau partem composuit.

(c) Mundelsheimium Castrum & oppidum cum duabus villis complectitur.

ERNEST.  
FRIDER.

per 65. annos post redemptionem sine interruptione eas constanter possederint. Ulricus nonnisi per XV. annos eas jure belli occupaverat; jure belli amiserat. Iniquam postulationem Wirtembergicus comitatus est minis; Princeps potens, propositi tenax, non lentus, sed ardens & armis exequi postulata paratus. Marchio, in ambiguo positus, qui, occupata superiore Marchia, offenderat Cæsarem, non offensurus quoque vicinum potentem, Ducis petito eo minus restitit, quod hic Marchioni, multos milites alenti, magnam pecuniæ paratæ summam obtulerat, quæ verum utriusque Præfecturæ illius ævi valorem fere transcendit. Trecenties & octogies quater mille ac quadringentos octoginta sex florenos, pro dominiis his Fridericus Wirtembergicus Ernesto Friderico A. 1595. exsolvit. (d)

### §. XXV.

Hach-  
berg. &  
Usenb.  
fratri tra-  
dit.

**A**lienationi huic se opponere visus est frater Georgius Fridericus, vigesimum secundum ætatis annum tum agens. (e) Inhibitorias ille literas a Cæsare obtinuerat; sed in gratiam fratris & Wirtembergæ Ducis, tandem & ipse in venditionem consensit. Fratris hujus sui tutelam die 30. Januarii ejusdem anni (1595.)

(d) SATTLEBES *Beschreibung des Herzogthums Wirtemberg*. Part. II. Cap. 47. pag. 218. seq.

(e) Literæ, quibus Georgius Fridericus huic permutationi intercessit, die 17. Julii 1602. perscriptæ sunt.



Ernestus Fridericus dimiserat; tradens ei quoque dimidiam terrarum partem, quas frater utriusque Jacobus, Marchionatus Hachbergæ & Usenbergicæ Dynastiæ possessor, sua & filii posthumi morte, reliquit. Georgius Fridericus vicissim centum septuaginta quinque millium florenorum summam fratri seniori solvit; atque duarum, quas Jacobus reliquit, filiarum dotationem in se suscepit. (f). Conventio Calendis Octobris A. 1596. hac super re facta est.

Eodem anno Marchioni nostro cum Civitate Argentinensi <sup>Argenti-</sup><sub>sia.</sub> de jure conducendi exorta sunt dissidia. Conventus institutus Stolhovæ, ubi transactum, Stolhova ut terminus esset, ad quem & a quo cives Argentinenses in itu & reditu conducerentur a suis; salvo tamen jure conducendi Marchionis. (g)

Riepurgenfis vici pars dimidia, quam Nobiles Rieburgenses hucusque possederant, eodem tempore adjecta est Marchiæ, consentiente Rudolpho II. Imp. qui emtionem A. 1596. suis literis firmavit. (h) Reliquam hujus vici partem A. 1603. Beati Riepurgenfis liberi pro 51000. florenorum summa Marchioni vendiderunt.

Tom. IV.

N 2

(f) Ernestus Fridericus tamen postea unam ex Jacobi filiabus se dotaturum promisit.

(g) Acta extant in Tabulario Argent.

(h) GYLMANN. *Supplic. Camer.* Tom. IV. Part. II. num. 105. pag. 124.

ERNEST.  
FRIDER.

## §. XXVI.

Monast.  
Frauen-  
alb. abo-  
let,

A. 1597. Ernestus Fridericus, jure suo reformandi usufrus, Monasterium Albæ Dominarum, a superiore Marchione pendens, ob corruptos Monialium mores, aboluit; quarum aliæ ad nuptias; aliæ in Lucidæ Vallis Monasterium transierunt. Spirensis Episcopus, ad cujus dioecesin spectant Moniales, improbavit hoc factum. Lis ad Cameram Imperii delata; (i) ubi Marchio causam vel plane non tractandam, vel utriusque religionis judices pari numero constituendos contendit. Denique rebus suis tutissimum esse ratus est, ex Camera ad Comitiam Imperii litem evocari; in quorum potestate esset, leges publicas interpretari, quibus Augustanæ Conf. Principum & Statuum jura nituntur. Scripsit eum in finem ad Electorem Palatinum mense Augusto A. 1600. Scripsit ad alios Germaniæ Electores ac Principes, Protestantium religioni addictos; causam cum omnibus Protestantibus communem esse contendens, nisi Catholicorum Assessorum Cameræ, quorum major longe numerus erat, judicio velint submitti. (k) Nec alienus ab hoc Marchionis consilio fuerat Palatinus Elector, qui statim respondit, sese communicasse rem cum Mauritio, Landgra-

(i) Vid. supra Tom. III. pag. 118. seqq.  
pag. 637.

Add. K L O C K. *Relationum Cameral.*

(k) LONDORP. *Acta Publica* Tom. III. pag. 536.



ERNEST.  
FRIDER.

vio Hassiæ, cum quo tum versabatur Cassellis, eumque Administratoris Electoratus Saxoniae explorasse sententiam; sed utrumque arbitrari, non deferendum esse Cameræ forum, si utriusque religionis iudices pari numero adhibeantur. (l)

Heilbronnense illud Principum foedus, A. 1594. percussus, plurium accessione sociorum majus indies robur accepit. A. 1598. & sequentibus frequentes celebrati Conventus, (m) in quibus foedere firmato, de abolendis gravaminibus consultationes institutæ. Inter gravamina hæc Frauenalbensis controversia quoque fuit relata. Subsidia ad Turcicum bellum Cæsari a foederatis negata, nisi querelis medicinam afferret.

Conven-  
tus uni-  
tor.

## §. XXVII.

Multiplici ista rerum agitatione Cæsaris animus ab Ernesto Friderico coepit alienari. Aucta paulo post odia, cum Eduar-

Motus  
post mor-  
tem  
Eduardi.

N 3

(l) *Ibid.* pag. 538. seq.

(m) Francofurti mensē Decembri A. 1598. Fridbergæ 30. Julii A. 1599. iterum Francofurti d. 4. Febr. 1600. Spiræ die 27. Octobris anno eodem; Fridbergæ die 2. Febr. A. 1601. iterum Fridbergæ d. 12. Febr. 1603. & eodem anno Heidelbergæ inter Principes conjunctos habiti conventus. Recessus, in singulis conventibus factos, exhibet LONDORP. *Actor. publicor.* Tom. III. p. 511, 520, 522, 552, 560, 580. & liber, cui titulus: *Der Unier-ten Protestirenden Archiv*, in appendice pag. 2. seqq.

ERNEST.  
FRIDER.

dus Fortunatus A. 1600. diem obiisset. Ernestus Fridericus enim non Lahræ modo & Malbergæ Dynastias occupavit, vassallosque ac subditos Marchiæ superioris ad suscipienda feuda præstandumque homagium adegit, sed & Spanheimensium ditionum possessionem adire voluit, legitimum se Eduardi successorem professus, quod filios ille non reliquerit, iusto matrimonio prognatos, & fratres Eduardi superstites animi corporisque defectibus laborent. (n)

Verum enimvero Palatinus Elector & Birckenfeldensis Dux Carolus, ejusque filii atque heredes in possessionem citerioris & ulterioris Spanheimensis Comitatus admittere Marchionem noluerunt; cui & investitura a Palatino & Trevirensi denegata. At Eduardi consiliarii, Castellauno, ubi degebant, Carolum Orscelarium, provincialem præfectum, (Landhoffmeister) miserunt ad Cæsarem, ut de obitu Eduardi, & de motibus Ernesti Friderici eum redderet certiore, utque viduam, pupillos, ac omnia Eduardi, eidem Imperatori, tanquam domino feudali, ejusque patrocínio & fidei commendaret.

### §. XXVIII.

Cæsar  
sequest.

Cæsar Maximilianum Bavarum denuo administratorem nominavit atque Ernesto Friderico die 16. Nov. 1600. injunxit,

---

(n) Christophorus Gustavus, Eduardi frater, surdus & mutus erat. Philippum quoque non compotem fuisse mentis perscribunt.



ERNEST.  
FRIDER.

ut superiorem Marchiam, una cum Ebersteinensi Comitatu & Lahrae, Malbergae ac Graevensteinii Dynastiis, Maximiliano sequestri traderet, donec de successione lis fuerit decisa. Aliis quoque literis Cæsar subditos & officiales Marchiæ superioris soli Cæsari & delegato ejus Bavaro parere & homagium præstare jussit. Maximiliano dein Bavaro collega junctus est Trevirensis Elector Spanheimenses ditiones ante omnia Cæsari & pupillis assertæ.

Ernestus Fridericus tantæ tempestati avertendæ fortissima quæque sibi ineunda duxit consilia. Rem ille cum foederatis communicavit, quorum plerique, Cæsari ut obediret, suaserunt. (o). At ille repetitis mandatis officiales & subditos in officio continuit, omnique studio laboravit, ut, perducto ad aliam sententiam Cæsare, investituram Marchiæ Superioris impetraret.

Conatus  
Marchio-  
nis.

## §. XXIX.

Facti fui rationem Maximiliano Bavaro exposuit literis d. 23. Dec. petiitque, ne delatum a Cæsare susciperet munus, sed benevolo in eum & familiam animo esse pergeret.

Acta cum  
Bavaro.

---

(o) GEORG. MICHAEL LINGELSHEIM, Confiliarius Palatinus, in *literis ad Jacobum Bongarsium* Epist. 23. hac de re ita scribit: „Cum propendeant plerique, suadendum Durlachico, ut pareat mandatis, ad quam cognitionem horreo, & moriendum satius judico, quam totæ indigna, quæ secutura sunt, perferenda.

ERNEST.  
FRIDER.

Maximilianus die 27. Jan. A. 1601. respondit, se, ut Cæsari obsequeretur, demandatum sibi suscepisse munus, eaque in re haud magis necessitudinem, qua Domui Badensi devinctus sit, quam ipsius Marchionis commodum spectasse, nulloque se modo dubitare, quin Cæsaris voluntati morem gesturus sit Marchio. Hic tamen Maximiliani monitis non acquievit, sed aliis literis, die 11. Februar. scriptis, a proposito novis eum rationibus avertere studuit, sequestrationem, a Cæsare, precibus adversariorum, decretam, & pactis familiæ & constitutionibus Imperii & communi Electorum, Principum Statuumque libertati adversari contenderet.

Manda-  
tum Cæsaris.

At Cæsar novo Mandato die 27. Aug. superiorem Marchiam cum omnibus ejus partibus Electori Trevirensi & Baviariæ Duci, sequestribus, sub poena ducentarum marcarum auri puri, Marchionem tradere jussit.

### §. XXX.

Provoca-  
tio Mar-  
chionis.

Hic Georgium Fridericum, fratrem suum, Pragam ad Aulam Cæsaris misit; qui eum die 16. Apr. 1602. hortatus est decreto, ut ad admittendos sequestres induceret fratrem; pollicitus, sumtum & damni illius se initurum rationem, neque impediturum, quo minus unum e consiliariis Durlacensibus suis adjungat sequestribus. Quin & Cæsar promisit, acturum se sedulo, ut  
pars



pars adversa compositioni amicabili, Cæsareanorum legatorum interventu, det locum. At Ernestus Fridericus causas, ob quas consentire nequeat, longo Cæsari scripto die 3. Oct. exposuit ac provocatione ab Imperatore male informato ad melius informandum coram tabellione & testibus interposita, sibi consuluit.

Res per reliquum fere Ernesti Friderici regimen in suspenso relicta. Sed tutores (*p*) filiorum Eduardi Catholicos Principes, religionis prætextu, (*q*) ad suas pertrahere partes studuerunt; misso quoque in Poloniam legato, qui Regi cognato commendavit pupillos petiitque, ut literis apud Cæsarem & legatione solenni ad proxima Imperii Comitia eorum causæ patrocineretur. Rex ea se facturum spondit.

## §. XXXI.

Nec prætereundum silentio, quod Ernesto Friderico, Marchiæ superioris occasione cum Circulo Suevico difficultates obor-  
Lis de  
suffragio  
Circulari.

Tom. IV.

O

---

(*p*) A. 1603. ad preces Eickiæ matris & consiliariorum, Alberto Archiduci & Maximiliano, Baviaræ Duci, tutoribus testamentariis, Carolus Comes Hohenzollernus; & viduæ matri, donec ad secunda transferit vota, Salentinus, Isenburgicus Comes & Cuno Winnenburgicus Dynasta Cæsareo decreto adjuncti sunt tutores, qui eodem anno Spanheimensium ditionum investituram a Lothario Trevirensi Electore impetrarunt.

(*q*) Allegatum in primis, quod Catholicis decrescat, Protestantibus accrescat suffragium.

ERNEST.  
FRIDER.

tæ. Circuli Rectores Eduardum Fortunatum, possessione licet dejectum, ad Conventus tamen Circulares vocaverant. Indigne id ferens Ernestus Fridericus, locum & suffragium in illis Conventibus ad se spectare contendit, quod Imperii Circulique tributa ipse persolvat. Negarunt id Sueviæ Ordines remque Cæsaris cognitioni permittendam censuerunt. Wirtenbergicus Catholicos numero suffragiorum vicisse causatus est. Marchio recusavit tributa, Cæsari ab Ordinibus Sueviæ decreta quæ fuerant. Origo hæc novæ litis in Camera Imperii. Marchio tributa Circulorum neminem, præter eos, qui consenserunt, obstringere contendit. Cum Præfecto rei nummariae Imperii denique de certa pecuniæ summa, residuorum nomine solvenda, A. 1603. Marchio convenit.

### §. XXXII.

JacobiFi-  
liæ tradi  
jussæ.

Difficilem hanc causam alia mox difficilior excepit de filiabus Jacobi. Leonbergensem pactiorem (r) de tradendis illis Marchio noster haudquaquam implevit; sed communicato cum Principibus foederatis consilio, rem in dies protraxit. Cæsar denique A. 1599. die 19. Febr. dedit mandatum, quo Ernestus Fridericus aut Wilhelmo Bavaro, aut Georgio Ludovico Leuchtenbergæ Landgravio, aut Elisabethæ matri, quæ Corolo Zollerano

---

(r) Vid. supra. p. 79.



nupserat, sub pœna L. marcarum auri puri tradere jussus est Principes puellas. Cæsaris & Consilii Aulici sententia Ernestum Fridericum permovit, ut Proaviæ educandas eas se traditurum promitteret. Oblata rejecit Cæsar, & Marchioni injunxit, ut intra sex septimanas Consilium Aulicum doceret, se satisfecisse decreto, quod die 3. Julii A. 1599. emanavit. Post hæc Marchio Principes filias ex Aula sua die 25. Aug. transtulit Badam, (s) atque ephoram & ephorum, Catholicæ utrumque religioni additum, ut & sacerdotem, qui sacra doceret Catholica, iisdem adjunxit. Aulicum Consilium hæc omnia rejecit, atque priora ut observarentur decreta die 7. Martii 1600. præcepit. Marchio ad Cæsarem & Imperium provocavit, & Moguntinum atque Palatinum Electores ea de re literis fecit certiores. Repetitis tamen mandatis die 4. Dec. eodem anno sub pœna proscriptionis illi injunctum est, ut præscripto tempore uni ex memoratis Principibus traderet puellas, & neque matrimoniis conciliandis, neque alia quacunque ratione Cæsaris mandata eluderet.

Tom. IV.

O 2

---

(s) Scriptum fuerat in transactione Leonbergenfi, ut *aliis locis*, ubi Romana religio viget, educarentur puellæ. Marchio his verbis Caroloburgum quidem sedem suam, at non Badam, Catholicum ditionis suæ oppidum, excludi contendit.

ERNEST.  
FRIDER.

## §. XXXIII.

Marchio  
rem ad  
focios  
defert.

**M**archio, quam paulo ante tentaverat, provocationem repetiit, quæ ab Electore Palatino Cæsari missa, ab eodem rejecta atque Electori Palatino cum minis remissa. (t) Causa hæc dein ad Conventus fociorum Unionis, Fridbergæ anno 1601. ineunte celebratos, delata. Hi rem ad omnes Principes ex æquo pertinere, ac cum Legibus Imperii, cum observantia & libertate Germanica pugnare censuerunt. Dissuasum Marchioni, ne insolitis pareret mandatis, quæ a Consiliariis Aulicis, novum judicandi ordinem sibi fingentibus, Cæsare ignaro, emissa. Placuit Marchionis causam apud Cæsarem agere eumque rogare, ne talibus mandatis porro locum concedat. Singula hæc ad Cæsarem mense Martio (A. 1601.) perscripsit Ernestus Fridericus petiitque, ut omnis actio intermitteretur, & ne ægre ferret Cæsar, si non paruerit mandatis; quod provocatione lis sit suspensa. Consultum tamen sibi esse credidit Marchio, si certo modo pupillarum renuntiaret tutelæ; id quod die 10. Septembr. coram tabellione & testibus factum. Periculum enim fuerat, ne sententia proscriptionis Pragæ publicaretur a Cæsare. Quem in finem accersitus quoque a Marchione Bongarsius, ut ab eo sciscitaretur, num quid opis

---

(t) LINGELSHEMIUS in *Epistolis Anecdotis ad Josephum Juntam Archigrammateum Argentoratensem in Sylloge Anecdotorum Ayrmanni* p. 555.



effet ab Henrico IV. Galliarum Rege sperandum, vim illaturus si fuerit Cæsar. (u) Marchioni quid responderit Rex, non liquet.

## §. XXXIV.

Georgius Fridericus, Marchionis nostri frater, anno sequente, in Aula cum versaretur Cæsarea, Cæsar omni studio apud fratrem id eum agere iussit, ut testamenti Jacobi & Leonbergen-<sup>Finis hujus litis.</sup>sis pactionis tandem habeat rationem, neque mandatis de tradendis puellis, diutius moram injiciat. Ernestus Fridericus vero, die 3. Oct. (A. 1602.) Cæsari scripsit, se renuntiassse tutelæ, liberumque jam esse pupillis, ut in eam, quam velint, partem se vertant.

Hic finis fuit diuturnæ contentionis, quam Marchio breviorrem reddere debuisset. At in omnibus ille nimis consilii tenax; præsertim malam cum ingressus est viam. Tanta est efficacia erroris.

Annus sequens vidit Comitiam, Ratisbonæ celebrata, in quibus de subsidiis ad bellum Turcicum, de bello Belgico & de lega-<sup>Comitia Ratisbon.</sup>

## O 3

---

(u) LINGELSHEMIUS loco alleg. pag. 565. hæc habet: „ Dominus Bongar-  
 „ fuis bis per hos dies hac (Heidelberga) transiit, accersitus a Mar-  
 „ chione Durlacensi, qui Praga nuntium accepit, fore, ut sententia  
 „ proscriptionis brevi publicetur adversus ipsum; ob negatam educa-  
 „ tionem fratris Jacobi filiarum apud Pontificios. Scire cupit, num-  
 „ quid opis in Rege, si vis inferatur. „ Scripta est epistola die 6. Sept.  
 1601.

ERNEST.  
FRIDER.

tis, in Belgium mittendis, deliberatum. In subscriptione Reecessus Badensibus Hassi fuerunt præpositi, quod indigne tulit Ernestus Fridericus, alternationem, nuper decretam, ad subscribendi quoque ordinem pertinere causatus. Denique Hassi quidem hac vice concessit, sed addita cautione, ut in posterum religiose observaretur de alternatione transactio.

### §. XXXV.

Transit.  
ad sacra  
Calvin.

Hæc dum aguntur, Ernestus Fridericus Calviniana, pri-  
dem quæ foverat, publice tandem professus est sacra. Educatus  
ille fuit cum fratribus in religione Lutherana. At Jo. Pistorius,  
in Aulam hujus Principis circa A. 1577. receptus, Calviniano  
tum dogmati addictus, prima ejus femina Marchioni communi-  
casse videtur, (x) licet ejus & fratris Jacobi nomina in Formula

---

(x) Idem postea PISTORIUS ad Catholica sacra Ernestum Fridericum per-  
ducturus videbatur. JO. WESENBECCIUS, Tubingensis Theologus,  
Doctor & Professor, dein Ulmenfis Ecclesiarum Superintendens, in li-  
teris ad Philippum Marbachium, Ulma die 23. Jul. 1596. scriptis *Argento-*  
*ratum, in Marbachianis Epistolis, a Fechtio editis*, pag. 762. ita scribit:  
„ Periculum est, ne Pistorius serpentinis gyris animum Ernesti Frideri-  
ci, Marchionis Badensis, vel tandem expugnet, idque tanto magis,  
„ quia Pontificii nihil prætermittunt, quo in suas partes eum pertra-  
„ here possint, maxime dum spem ei faciunt, quæta in possessione re-  
„ tinendi Marchionatum Badensem, quem nuper Eduardo Fortunato,



ERNEST.  
FRIDER.

Concordiæ, A. 1580. Calvinianis opposita, in Catalogo subscribentium compareant. In Gymnasio Durlacensi, quod A. 1586. ab eo apertum, plerique Professores ex Calvinianorum defuncti sunt schola. (y) Religionem hanc tamen nonnisi A. 1599. professus est publice, quo librum suum, dogmatis Calviniani defensoris, conscripsit, atque Stafforti, ubi subinde habitabat, sumptibus suis imprimi curavit; (z) amico Electori ut placeret, Friderico Palatino. Extat Epistola Ernesti Friderici ad Wirtembergæ Ducem, Fridericum, tutorem olim suum, in qua ingenuè fatetur, eo ipso tempore Calviniano dogmati se jam firmiter adhæsisse, quo nomine ejus subscripta fuit Concordiæ Formula. (a)

Liber  
Staffort.

---

„ vi & armis ademit, si in castra Pontificia sit transiturus. „ Idem timuisse cives Marchicos ostendit Epistola Pauli Cherleri Synodici Secretarii & Pastoris Rœtelæ A. 1595. Dominica post Natalem Domini scripta Rœtela ad Philippum Marbachium Argentinam in FECHTII *Epistolis Marbachianis* pag. 760.

(y) FECHTII *Historia Colloquii Emmeding.* Cap. 3. §. 8. p. 45.

(z) De libro hoc vid. MAJUM in *Annotationibus ad Vitam Reuchlini*, p. 130. sqq.

(a) FECHTII *Hist. Colloquii Emmending.* pag. 43. Epistolæ Marchionis deficit annus.

ERNEST.  
FRIDER.

## §. XXXVI.

Rebellio  
Pforzh.

**D**ogmata hæc sua Durlacensibus A. 1600. obtrusit. (b) Pforzheimensibus eadem obtrufurus quum esset, cives trecenti undecimo mensis Septembris coiverunt in foedus, & denuntiarent Marchioni, nil novi se admissuros in religionis negotio. Quin & Georgii Friderici fratris ejus implorarunt auxilium; qui religiosum eorum zelum rescribens laudavit; suasitque ut agerent modeste; opem pollicitus, si necessitas exigat. Petrus Eberzius, Advocatus caussarum, vir mobilis ingenii, concitaverat cives. In reliquis omnem Marchioni obedientiam Pforzheimenses præstiterunt. (c)

Traditio est, eum in itinere mortuum, quod Pforzhemium susceperat, Calviniana ibi sacra militari manu ut obtruderet civibus; atque adeo in hac quoque urbe perficeret, quod ante quadriennium Durlaci perfecit.

## §. XXXVII.

---

(b) Dehortati eum sunt ab hoc instituto Philippus Comes Palatinus Neoburgensis, Fridericus Marchio Anspacensis, Fridericus Dux Wirtembergæ.

(c) LINGELSHEMIUS in *Epist. ad Jacobum Bongars.* num. 29. & in *Epistolis Anecdotis apud AYRMANNUM* pag. 567. Sigillo usi sunt cum Inscriptione: *Sigillum Concordiæ Pforzheimensis.*



## §. XXXVII.

Quodsi Ernestus Fridericus uno anno minus, quam vixerat, vixisset, successores ejus Marchia fruerentur lautiore. Illo enim, qui mortem ejus præcessit, (1603.) nova terrarum Badensium alienatio occurrit; longe major priore; qua irreparabilem jacturam passa est Marchica Domus. Idem sane Ernestus Fridericus, qui Besighemii & Mundelshemii dominia ante novennium Wirtembergæ Duci vendidit, eidem Altensteigæ & Liebenzellæ, vetera quoque gentis suæ patrimonia, longe ditiora, permutatione & venditione hoc anno concessit & tradidit. Præfecturæ hæc Wirtembergicis terris, (d) uti Wirtembergicæ Malsch, & Langensteinbach circumcinctæ Badenlibus, frequentium contentionum extiterunt origo. (e) Extinguendis his remedii species quærebatur. Permutationis titulus, cum alienatione conjunctus, alienationis invidiam minuere visus est. Numerosior miles, quam superioris Marchiæ occupatio requirere videbatur, Ernestum Fridericum emunxit pecunia. Steinbacum ergo & Malscham cum vico transrhenano Rhodt & cum quadringentis octies mille, septingentis & sexaginta florenis paratæ pecuniæ Ernestus Fridericus accepit,

Tom. IV.

P

(d) Loca hæc ad Abbatiam Albæ Dominorum pertinebant, quam A. 1535. seculo addixit Wirtembergicus.

(e) Conf. Tom. III. pag. 22. & 113.

ERNEST.  
FRIDER.

ut Altensteigam (f) & Liebenzellam, (g) Wirtenbergico traderet. (h) Eo periculosius consilium fuit, quod jacturam Domui suæ illatam, venditor tum prævidere non poterat. Quum autem Steinbacum, Ottersvira & Malscha Monasterii Albæ Dominorum olim fuerint dominia, adeoque dubiæ possessionis, Fridericus Marchioni evictionem promisit, (i) atque Besigheimense ac Mundelsheimense Dominia in securitatem ei oppigneravit; ita tamen, ut Wirtenbergicus in eorundem possessione, donec eveniat casus, perstaret; futuræ cum Badensibus litis diuturnæ materia; postquam Durlacenses Ottersviram & Malscham Wilhelmo Bada-Badenfi restituere coacti sunt. (k)

---

(f) Altensteigæ Præfectura hæc loca comprehendit: Altensteig Castrum & oppidum; vicos & villas Egenhausen, Mindespach, Ettmansweiler, Simmersfelden, Pfrondorff, Rotfelden, Unterjettingen, Gœttelfingen, Altensteig, Beuren, Grœmbach, Durweiler, Spielberg, & partem vicorum Zwerenberg & Hornberg.

(g) Liebenzellæ Præfectura continet: Liebenzell oppidum, vicos Haugstetten, Beinberg, Bifelberg, Ober- & Unterlengenhart, Maysenbach, Erntmühl, Thennejecht, Schwarzenberg, Kolbach, Igelsloch, Schemberg, Monakam, & Reichenbach. SÄTTLER *Beschreibung des Herzogthums Wirtemberg*, Part. II. Cap. 49. §. 3. p. 229.

(h) Literæ Permutationis datæ Stutgardiæ d. 20. Dec. 1603.

(i) Literæ speciales hac super re datæ eodem mense Dec. 1603.

(k) Vid. Tom. III, pag. 113.



## §. XXXVIII.

Iteratæ terrarum Badensium alienationes Ernesti Frid-  
 erici apud posteros laudem non parum minuerunt. Dubiam Mar-  
 chiae superioris possessionem ut sibi servaret, indubiae possessionis  
 Marchionatus sui bona imprudenter alienavit. Magnae, quas in-  
 de collegit, nummorum summæ disparuerunt, sine fructu ad po-  
 steros. Immenfi silvarum Badensium tractus ad Wirtembergicam  
 Domum pervenerunt, quarum exigua tum fuit habita ratio; nunc  
 divitiarum sunt fontes. Adde navigationis praesidia, tum quoque  
 parvi habita. Enzia cum Nicro apud Besighemium jungitur. Ni-  
 cer apud Manhemium jungitur Rheno. Enzia, Nagolda & Wir-  
 ma apud Pforzhemium junguntur. Quantum beneficium perdi-  
 dit Marchio, navigationem continuam & directam Pforzhemio  
 perdens ad Rhenum. Lucrum, ex ingentibus silvis faciendum, hac  
 alienatione amissum. Irreparabile damnum; vulnus cicatricis  
 impatiens, quod nulla secula sanabunt.

Judicium  
de ea.

## §. XXXIX.

Obiit Remchingæ, qui locus Durlacum inter & Pforz-  
 hemium medius, subita morte oppressus, die XIV. Aprilis  
 A. 1604. cum quadagesimum ætatis annum vix expleisset. (l)  
 Pforzhemii sepultus est in Choro Collegiatae. (m)

Obitus  
Marchio-  
nis.(l) MAJUS in *Vita Reuchlini*. p.133. THUANUS Lib.CXXXI. Cap.17. p.242.(m) Epitaphium ibi legitur sequens: *Illustrissimus Princeps ac Dominus, Do-*

ERNEST.  
FRIDER.  
Chara-  
cter.

Varii de Ernesto Friderico & illius & nostro ævo sermones. NICOLAUS REUSNERUS, Silesius, in suis *Therothermis*, sive Aquis Ferinis (*Wildbad*) Wirtenbergæ Ducatus, eum laudibus extollit. Viderat ibi Marchionem A. 1580. atque dein sua Epigrammata, in Thermis composita & Lauingæ A. 1581. impressa, ei adscripsit. In his bonitatem & sapientiam Marchionis, ac in Musas favorem celebrat.

Statura.

Imperatoriam Ernesti Friderici staturam dilaudant, qui eum propius noverunt. (n) Decennio ante mortem inferiore corporis parte contractus, gestatoria semper usus est sella. Contractiorem magicis artibus, contra eum adhibitis, adscribunt. (o)

Mens vi-  
vida.

Mens tamen ejus semper erecta & vivida; at nimis ardens, indocilis, flecti nescia & dura; lites ex litibus ferens. Eduardo expulso, ad incitas redacto, & mortuo, quid miles numerosus, unde nummi penuria.

---

*minus Ernestus Fridericus, Marchio Badensis & Hachbergensis, Landgravius in Sufenberg, Dynasta in Ræteln & Badenweiler &c. singulari heroicarum virtutum laude coruscans & quod absque affectationis studio dixerimus, prudentia Principe digna ita excellens, ut superiorem suo tempore nullum, parem vix haberet, in ipso virilis ætatis flore, miseris vitæ humanæ exutus & diuturnis gravissimisque morbis liberatus, patriam cœlestem repetiit, natus A. Christi MDLX.XVII. Octobris, mortuus A. Christi MDCIV. XIV. Aprilis.*

(n) JÜNGLERUS.

(o) *Idem.*



## §. XL.

Cum Palatina Domo constans ei fuit amicitiae vinculum. Unionis  
Inductu ejus Ernestus Fridericus sacra mutavit, atque confœdera- Evange-  
tionibus Protestantium, religionis causa factis, accessit; ex quibus lic. initia.  
tandem, sexennio post mortem ejus, Evangelica illa enata est  
Unio; tot causa malorum, quæ Germanos contra Germanos ar-  
mavit; quæ Palatinos atque Badenses, imo omnem fere Germa-  
niam per triginta perdidit annos. Inquies Principis in religionis  
quoque negotio animus omnis generis motus civiles, domesticos,  
quin & ecclesiasticos suscitavit; quibus ille carere potuisset, de-  
buisse. Implacabiles Wirtenbergenfium & Wittenbergenfium  
Theologorum iras, debiles quidem, at non necessarias, Stafforti-  
co suo Libro in se concitavit. Quid opus erat, de ubiuitate, de  
communicatione idiomatum, de prædestinatione Marchio ut dis-  
putaret Badensis, atque his super rebus conscriberet librum; ma-  
jor futurus, si a controversiis his abstinuisset.

## §. XLI.

Æternum amoris ejus in Literas monumentum est Scho-Amor. li-  
la, magnis sumptibus Durlaci erecta, dotata; quæ nunquam terar.  
gis floruit, quam flammis Gallicis cum fuisset vicina; restaurata  
post bellum; Carlsruhæ jam florens. Inter eruditos, quos Mar-  
chio noster ornavit, amavit, reputandus est quoque JUSTUS  
REUBERUS, Scriptoribus Rerum Germanicarum in lucem edi-

ERNEST.  
FRIDER.

tis notus, cujus calamo & consiliis in negotiis publicis frequenter est usus; cui Præfecturam Etlingensem administrandam commisit. Biennio post Marchionem decessit.

Palat.  
Godesav.

Nec silentio prætereundum, quod eo in loco, ubi Godesavia Monasterium olim extiterat, Ernestus Fridericus novum palatium exstruxerit, (p) amœnum & elegans, in quo sæpe versatus est, quod A. 1689. flammis bellicis consumtum. (q)

Ordo  
novus.

Denique & Ordo Equester ab eo constitutus est A. 1584. cui *Fasciæ cœruleæ* imposuit nomen. Successor ejus A. 1608. mutato nomine, ab *Aureis Scopulis* eum maluit appellari. (r).

#### §. XLII.

Uxor.

Ernesti Friderici uxor fuit Anna, Edzardi II. Comitis Frisiæ Orientalis, filia, ex Catharina Suecica Gustavi I. Regis filia, Cæciliæ Badensis sorore. Nata Aurici in Frisia d. 26. Junii 1562. Anna hæc primo matrimonio A. 1583. nupserrat Ludovico, Electori Palatino; eoque intra annum nuptialem extincto, in Ernesti Friderici thorum d. 21. Decembris 1585. transivit. Superstes Marchioni tertias cum Julio Henrico, Lauenburgico Duce, nuptias die 7. Martii 1617. Grabæ contraxit; foemina, quæ nulli maritorum sobolem procreavit. Obiit A. 1621.

(p) Cœptum est ædificari A. 1588.

(q) Vid. FRID. THEOB. SAHLERI *descriptionem Godesaviæ* in SCHOEPPFII *libro de Nordgavia.*

(r) Der Blauen Binden. Posterior, der Guldenen Klipp.



## CAPUT IV.

J A C O B U S III.

A. 1577 - - 1590.



§. I.

revis est, at digna memoratu, vita Mar-  
 chionis Jacobi, quem Germania, Italia,  
 Belgium, Cæsar & Pontifex Romanus

Jacobi  
 initia.

amarunt: cujus dotes admirati sunt multi: cujus vita longior fuisset, magnam Badensibus terris induxisset rerum conversionem. Natus est Jacobus A. 1562. die 26. Maji, Pforzhemii, ubi ante translata Durlacum regiminis sedem habitaverant Marchiones, lineæ Pforzheimensis, quæ dein Durlacensis appellata. Mortuo patre communem cum fratribus tutorem, Wirtembergæ Ducem, accepit. Ob ingenium excellens, literis colendis aptissimum, anno XV. ætatis, Tubingam & anno sequenti Argento-

JAC. III.

ratum est missus, ut, quæ domi jecerat fundamenta, apud exteros perficeret. Argentorati elegantioribus litteris & Philosophiæ per biennium incubuit; Electoris Trevirensis Jacobi, magni patris, animatus exemplo.

A. 1581. sub Comitissæ Hachbergæ nomine, ad Gallos & Italos profectus est, Josua Scherero a Schwarzenberg Ephorus.

## §. II.

Artes  
militares.

Ex Italia Vindelicorum Augustam se contulit, ubi A. 1582. Comitissæ Imperii habuerat Cæsar. (a) Vigessimæ ætatis annum tum decurrebat Jacobus. Corporis & oris venustas, suavitas morum & Cæsaris & Procerum ei conciliarunt amorem; quem plurimum Europæ linguarum notitia, qua polluerat, non parum adauxit. Post reditum singularis ejus in artes militares propensio manifestare se coepit. Studiis litterarum exercitatio armorum successit; in qua tantos etiam brevi tempore fecit progressus, ut in equestribus ludis passim reportaverit palmam. Doctrina militaris ei connata, non instillata videbatur. Veteres bellicæ artis scriptores præ ceteris legit & subjunxit juniores; linguarum cognitione non parum adjutus.

---

(a) Errat FECHTIUS in *Hist. Colloq. Emmend.* Cap. 1. §. 6, ubi Comitissæ hæc Augustæ ad A. 1580. rejicit.



## §. III.

Inter hæc Colonienſe A. 1582. exortum eſt bellum, in quo <sup>Bellum Colo-</sup> Ludovicus, Palatinus Elector, Gebhardi Truchſſii, Electoris, ad <sup>nienſe.</sup> Protestantium ſacra tranſeuntis, partes tuebatur. Miſſus ab eo cum copiis in auxilium ejus frater Caſimirus, quem comitatus eſt Marchio noſter Jacobus. Quum autem Palatinus, A. 1583. moriens, impuberem reliquiſſet filium, Fridericum IV. Caſimirus, tutelæ ſuſcipiendæ cauſſa & cum eo Jacobus noſter domum redierunt. (b) Paulo poſt tamen ad idem Colonienſe bellum rediit Jacobus; ſed contrarias partes ſecutus. Sanguinis vinculum, quod inter eum & Erneſtum Bavarum, Gebhardi in Electoratu Colonienſi æmulum, interceſſerat, (c) animum Jacobi induxit, ut non modo pro eo corriperet arma, ſed & mutuis officiis arcta cum eo amicitia jungeretur. Novesium, Colonienſis Electoratus Civitas, in poteſtatem Batavorum devenerat. Ad eam Hiſpanicis armis recipiendam Alexander feſtinavit Farnexius. Jacobum Erneſtus rogavit Elector, ut equites Germanos ad urbis obſidionem adduceret, annuumque ei inſuper conſtituit ſtipendium, ut pro Colonienſis Archiepiſcopatus deſenſione mille equites & peditum ſigna viginti ſub

Tom. IV.

Q

(b) ISSELT *de Bello Colon.* Lib. IV. pag. 395.

(c) Jacobi Marchionis avus, Erneſtus, frater fuerat Philippi, cujus filia Ma-

JAC. III.

armis haberet. In expeditione hac Farnesio ita adhæsit Jacobus, ut ab eo fere nunquam discederet. (d) Observavit quid faceret; audivit consilia; obambulanti in castris, ad hostium usque portas progredientem, comitatus; magni Imperatoris in eo miratus exemplar. Novesio capto, cum eodem Alexandro ad Rhenobergæ obsidionem progressus, misso in hiberna milite, rediit domum, præcipua belli gerendi momenta a tanto Duce edoctus. Virtutis ejus & fortitudinis fama ad Hispanicam usque Aulam penetraverat, ad quam ille, diutius si vixisset, se appliciturus videbatur; eo faciliore consilio, quod per dotalia uxoris suæ Culenbergicæ apud Geldros bona, Regis Hispaniæ devenisset Vassallus.

ria Jacobæa fuit avia Electoris Colonienfis Ernesti. Docet hoc Tabella sequens:

Christophorus March. Bad.

Philippus .	Ernestus
Maria Jacobæa,	Carolus II.
uxor Wilhelmi IV.	
Bavariæ Ducis.	Jacobus March. Bad.
Albertus IV.	

Wilhelmus V. Bavariæ Dux.

Ernestus Elector Colon.

(d) PISTORIUS in Vita Jacobi pag. 12.



## §. I V.

In diviſione terrarum Bada - Durlacenſium inter tres fra-<sup>Regimen</sup>  
tres A. 1584. Marchiam Hachbergæ accepit Jacobus; (e) cujus<sup>adit.</sup>  
regimen ei a tutoribus traditum.

Wirtenbergæ Dux, adoleſcentium Marchionum qui geſſe-  
rat tutelam, ab eo & a fratre ejus natu majore, Erneſto Frideri-  
co, exegit, ut Auguſtanæ Confeſſioni, Carolo V. in Comitibus ex-  
hibitæ, & Formulæ Concordiæ, A. 1580. in Saxonia conditæ,  
conſtanter ſe adhæſuros profiterentur. Tutori reſponderunt Mar-  
chiones, ab Auguſtana Confeſſione, quam a teneris didicerant, ſe  
non diſceſſuros, at Formulæ Concordiæ ſe nondum poſſe accede-  
re, quod capita ejus nondum fatiſ expenderint.

Eodem anno Jacobus cum Johanne Caſimiro, Reinhardo  
& Johanne, Comitibus Palatinis, & cum fratre ſuo Erneſto Fri-  
derico, ad Johannem Manderſcheidium, Episcopum Argentinen-  
ſem, literas ſcripſit, quibus Canonicorum Proteſtantium Argenti-  
nenſis Capituli cauſſam commendavit, (f)

Numeroſa Germanorum equitum peditumque agmina in  
Henrici Navarræ Regis auxilium in Galliam quum A. 1587. con-

Tom. IV.

Q 2

(e) Conf. vita Erneſti Friderici. pag. 72.

(f) Extant literæ in Libello: *Aufſchreiben und Bericht Georgen von Sayn &c.*  
*inter Documenta num. XXXIV.*

JAC. III.

tenderent, Alfatiae Sueviaeque Ordines, publicae tranquillitati timentes, foedere inter se juncti, copias conduxerunt, iisque Marchionem praefecerunt Jacobum; qui & anno sequente Brisgovicorum feudorum investituram, a Basiliensi Episcopo, Jacobo Christophoro, Brundrutti, suo & fratrum nomine, suscepit.

## §. V.

Lotharingo militat.

**B**ellica Jacobi gloria indies apud externos increvit. Lotharingiae Dux iisdem conditionibus, quibus Colonienfis Elector, ejus sibi expetiit auxilia. Enimvero in turbis illis religionis, quae sub Henrico III. Rege apud Gallos continuatae sunt, Carolus II. Lotharingiae Dux, partibus Guisiorum adhærens, Henrico Roberto, Boullionæo, Hugonottorum fautori, eoque defuncto, Carolæ Elisabethæ, filiae ejus, intulit bellum, quod Germanorum Protestantium exercitus, quem Boullionæus ducebat, per Lotharingiam transiens, late omnia vastasset. Lotharingiae Dux Jametium, Ducatus sui feudum, a Boullioniis Ducibus possessum, fine anni 1587. obsedit. Obsidio per anni spatium protracta. Urbs mense Decembri A. 1588. Castrum, urbi subiectum, A. 1589. mense Julio in Lotharingiae Ducis potestatem pervenit. (g) Ad obsidionem hanc eo felicius peragendam, Jacobus Germanorum

---

(g) THUANUS Lib. XCVI. Cap. 6. CALMET *Hist. de Lorraine* Tom. V. pag. 812.



peditum auxilia, suis conscripta sumtibus, Lotharingo submisit. Ex his quatuor turmae in Galliam progressae sunt, jussu Lotharingi, ut Mayennio sub Duce contra Henricum Navarrae Regem militarent. Militum Badensium virtus multos tum laudatores invenit. (h)

## §. V I.

Lotharingus in securitatem debiti A. 1589. Bitensem Dynastia Bitensis oppigner. (*Bitsch*) Dynastiam oppigneravit Marchioni. (i) Dynastia hæc a seculi XIII. temporibus in Bipontii Comitum manibus fuerat. Margaretha, Jacobi, ejus stirpis postremi, A. 1570. defuncti, filia, Philippo V. Comiti Hanovio - Lichtenbergico nupsit, A. 1569. ante patrem extincta. Hanoviae Comes, virtute conjugis suae defunctae, in Bitensem Dynastiam sibi jus vindicans, a Duce Lotharingiae investituram obtinuit. Sed litem illi movit Philippus Leininga - Westeburgicus Comes, qui Amaliam, Simonis Weckeri filiam, duxerat uxorem. Simon hic frater natu major

Q 3

---

(h) PISTORIUS *Orat. I.* pag. 56.

(i) BERNHARDI HERZOG *Chron. Alsat.* Lib. II, pag. 232. & 233. In literis A. 1592. quarum mentionem in Ernesti Friderici vita injecimus, Dynastia hæc quoque Badensium pignus (*Pfandschaft*) vocatur. Alibi eandem Dynastiam titulo emtionis venditionis ad Badenses pervenisse legas.

JAC, III.

fuerat Jacobi. (k) Lotharingæ Dux, mutata sententia, in Leiningensis partes transivit. Hanovius ad Cameram Imperii detulit litem. Hac durante, Lotharingus Bitensem Dynastiam Jacobo nostro Marchioni oppigneravit; qui possessionem ejus adivit fratrique Ernesto Friderico, successori, reliquit. (l)

## §. VII.

Con-  
fili-  
um mu-  
tandæ  
religio-  
nis.

Hæc dum aguntur, de transitu ad Romana sacra cogitavit Jacobus. Primus hac de re A. 1587. increbuit rumor. Frequentes hinc litteræ, quas frater ejus & Elisabetha soror, Philippus Ludovicus, Palatinus Princeps, Ludovicus Wirtembergæ Dux, Fridericus Montisbeliardæ Comes, Ludovicus Landgravius Hassiæ, alique ad eum scripserunt, a proposito ut eum averterent. At Ferdinandus Archidux Austriæ, Guilielmus Baviaræ Dux, Andreas de Austria, Cardinalis, Johannes Argentinenfis Episcopus, literis quoque suis eum in proposito firmarunt; auxilium & opem ei, si opus esset, polliciti.

Italicum iter, militia Belgica sub Alexandro Farnesio, amicitiae vinculum cum Electore Colonienfi, Ernesto Bavaro, & cum Lotharingæ Duce, cum Ferdinando Archiduce, cum Wilhelmo

---

(k) CALMET. loc. alleg. pag. 762. seq.

(l) Vide Ernestum Fridericum. pag. 83.



Bavariæ Duce & cum Pontificio ad Helvetios legato, Octavio, Alexandrino Episcopo, familiares ei reddiderant ritus Romanos. His accessit Pistorius, singularis loquentiæ vir, qui quotidie Marchionem obsedit; dubium & vacillantem in proposito firmavit.

## §. VIII.

In re tam gravi autem temere aut leviter ne egisse videtur Jacobus, hortante Pistorio, super capita quædam fidei colloquia duo, alterum Badæ; alterum Emmedingæ instituit.

Badense habitum A. 1589. (m) inter Jacobum Andreæ & Jacobum Heerbrandum, Tubingenses Theologos, ab una & inter Jo. Pistorium, cui Theodorus Busæus, Jesuita, Collegii Molsheimensis in Alsatia Rector, se junxerat. Colloquio hoc Jacobum, in religione nutantem, Pistorius ad sacra Romana reducere studuerat; ille qui nuper ex Lutherano Calvinianus, ad Calviniana sacra Ernestum Fridericum, Jacobi nostri fratrem, perduxerat. (n)

Badensis autem Colloquii successus, quum non omni ex parte expectationi respondisset Pistorii, Jacobum induxit, ut aliud

---

(m) Acta hujus Colloquii Badensis prodierunt Tübingæ A. 1590. Colloquium Emmedingæ haberi debuerat, sed Eduardus Fortunatus eidem interesse cupiens, induxit Jacobum, ut illud Badæ indiceret.

(n) Jacobus Andreæ objecit Pistorio, quod utrumque fratrem ad Calviniana primum, dein ad Romana sacra perducere studuerit. Vid. *Acta Colloquii Badensis* pag. 210. & FECHTII *historiam Colloquii Emmeding.* p. 55.

JAC. III.

Colloquium in annum sequentem indiceret Emmedingæ, in Marchia Hachbergæ, ad quod Argentina evocatus est Pappus, Theologus Doctor. (o)

## §. I X.

Transitus  
ad sacra  
Romana.

Finito hoc Colloquio, Jacobus publice professus est, quod foverat occulte. Tennebaci enim, quod Cisterciensium Monasterium, bihorio Emmedinga distans, A. 1590. die 15. Julii ad sacra Romana solenni ritu & ceremonia transivit; inter omnes Lutheranos Principes primus, si audias Pistorium. (p) At patruus magnus Jacobi, Philippus Bada-Badenfis, Christophori filius, plures per annos Protestantium sacra professus, A. 1532. in terris suis illa rursus suppressit, uti supra ostensum. (q) Philippus II. Philiberti filius, Bernhardi, Bada-Badensium fatoris, nepos

---

(o) PISTORIUS edidit A. 1591. *Des Colloquii zu Emmedingen Summarischer Inhalt*. Colloquii Emmedingenfis Historiam, una cum Protocollo edidit Fechtius, Rostochii 1694. 8vo.

(p) In *Oratione I. de Jacobo Marchione* pag. 19. & *Oratione II.* p. 129. THEODORUS BUSÆUS, Molsheimensis Alsatiae Collegii Rector, professionem Marchionis recepit. Aderant Martinus, Abbas Tennebacenfis, Marcus Episcopus Lydæ, Suffraganeus Basiliensis, Georgius Hænlinus, Rector Academiæ Friburgensis. Vid. FECHTII *Hist. Colloq. Emmed.* Cap. XV. §. 16.

(q) Tom. II. pag. 333.



pos, cum pervenisset ad regimen, eadem hæc sacra, quæ sub patre & avo in Marchia superiore obtinuerant, A. 1571. abrogavit. (r)

Mutatæ a Jacobo religionis causas perscripsit Pistorius, quæ A. 1591. adeoque post mortem Jacobi apud Colonienfes prodierunt. (s)

Transitus hujus occasione supplicationem ad Basilicas Romanas Sixtus V. decrevit; ipse Cardinalium stipatus Collegio ad Ecclesiam S. Mariæ Teutonicorum nudis pedibus processit, magna multitudine sacerdotum comitatus; quæ ceremonia mortem ejus promovit; paucis enim post diebus decessit. (t) Breve Pontificis

Tom. IV.

R

(r) Tom. III. pag. 54.

(s) Extat quoque in Tabulario Bada-Durlacensi Scriptum sub titulo: *Relazione fatta sopra la conversione del Serenissimo Signore Marchese Giacomo di Baden al Cardinale Palcotto*,

(t) Supplicationem hanc his verbis describit PISTORIUS *Orat. I.* pag. 106.

„ Ibi tum Romæ, Badensium Marchionum amplitudo & nostri Principis  
 „ sanctitas eminebat, cum Jacobi, Badensis Marchionis nomine & geri  
 „ supplicationem & aperiri templa & incedere maximis ceremoniis  
 „ Pontificem, Principem religionis, Vicarium Christi, Caput a Christo  
 „ constitutum Ecclesiæ, viderent cives, cum in ipsius Pontificis, in sacerdotum,  
 „ in civium omnium ore atque commemoratione, Christianus Princeps Jacobus & stirps ejus  
 „ Badensis Marchionatus versaretur, cum Roma, arx omnium terrarum pulcherrima & domicilium Im-

JAC. III.

ad Marchionem, Jacobo jam mortuo, allatum. Helvetii Cantones Romano-Catholici, a Nuntio Apostolico invitati, suam quoque lætitiā festivitātibus publicis testati sunt.

## §. X.

Refor-  
matio.

Paulo ante mortem Jacobi prodiit ejus edictum, quo Pastores Lutherani post trimestre spatium emigrare jussi sunt. Andreas, Cardinalis Austriacus, Constantiensis Episcopus, Suffraganeum suum misit, Balthazarum, Episcopum Ascalonensem, qui, Marchione graviter decumbente, Emmedingensem & alias Marchiæ Hachbergensis Ecclesias initiavit. Sacerdotes tamen Romanos, ne ubivis introduceret, populus, Lutheranae religioni addi-

---

„ perii & gloria, nomen Badensis Marchionatus sic sonaret, ut in cœ-  
 „ lum usque efferetur. Istum triumphum, qualem a multorum homi-  
 „ num memoria Princeps Germanus nullus deportavit, Roma absenti  
 „ Jacobo, Badensi Principi, viginti octo annorum juveni, gloriosissime  
 „ constituit & memoriam clarissimæ familiæ, pulcherrimo testimonio  
 „ amplificatam, instauravit, quam nulla unquam obscurabit nox & nul-  
 „ la delebit oblivio, quousque Urbis Romæ lux & dignitas stabit., Ex-  
 tant quoque hac de re in Tabulario Bada-Durlacensi litteræ Georgii  
 Friderici ad Ernestum Fridericum, lingua latina scriptæ Senis d. 5. Sept.  
 1590. Item literæ Viti Diterici ab Eyb, Marchionis Georgii Friderici  
 Ephori, datæ eodem die & anno. Add. GELTIUS ROGERIUS in  
*Vita Sixti V. Italice scripta*, Part. II. Lib. V. pag. 467.



ctus, & præmatura Jacobi mors impedivit. (u) Eo enim defuncto, reliquarum Hachbergæ Ecclesiarum consecratio Constantienfi Suffraganeo interdicta; Sacerdotes Catholici, quorum unus tantum parochiam adierat, ab Ernesto Friderico Marchia abstinere jussi sunt. (x) Pastores Lutherani, quorum expulsionis tempus nondum advenerat, subsisterunt.

Emmedingam paulo ante mortem Jacobus ex vico in oppidum provinciale convertit; Principatus sui ibi constituturus sedem, atque adeo ex montano Hachbergæ castro descensus in planum. Rudera & reliquiæ murorum, passim tum repertæ, docuerunt, locum antiquitus jam fuisse mœnibus cinctum. Hachbergæ Marchiones a longo jam tempore Emmedingæ domum habuere, quæ etiamnum subsistit.

## §. XI.

Valetudo adversa, qua pridem laborabat, Jacobum in-  
duxit, ut Julio mense iter ad Carolum, Zolleræ Comitem, ami-  
cum suum, Sigmaringam fusciperet; aquis medicatis usus. Ter-  
tia hebdomade rediit Emmedingam die VIII. Augusti, ut, quæ

Morbus  
Jacobi.

Tom. IV.

R 2

(u) FECHTIUS in *Hist. Colloquii Emmeding.* Cap. XVI. ubi egit de reformatione Ecclesiar. Hachberg.

(x) Elisabethæ tamen viduæ postea ad audiendam missam sacerdos concessus est.

ad inaugurationis Ecclesiasticæ festum necessaria videbantur, pararet. Die sequenti diarrhœa violenta correptus, nono morbi die, continuis agitatus doloribus, decessit. Medicus, Friburgo vocatus, Mœckius & brevi post accedens Pistorius, ex pustulis nigris, quæ in corpore mortui se manifestarunt, & ex ventriculo, tribus locis perforato, venenum Jacobo datum conjectati sunt. (y) Alii

(y) PISTORIUS in *Orat. I. de vita & morbo Jacobi* pag. 64. ait, ventriculum tribus locis, ubi venenum adhæserat, perforatum, ad tertiam usque pelliculam, erosis duris interioribus duabus tunicis. Addit sparam unum fabam, reliqua duo pisum æquasse, diurnam diarrhœam & acrimoniam veneni fulcos in intestinis duxisse, præsertim in intestino recto. PISTORIUS hunc in finem edidit A. 1590. *Wahrhafte Beschreibung, was sich bey Herrn Jacob Marggraffen letzter Kranckheit und Ableben verlauffen &c.* Videatur idem in orationibus de vita & morte Jacobi p. 64. & 137.

Anatomicos si audias, certa nulla propinati veneni, ex relatione Pistorii cognoscuntur indicia. Neque enim vomitum, neque conatum vomendi, neque intraneorum inflammationem, neque atrum eorundem viscerum colorem annotavit. Venenum porro ad intestinum rectum pervenire non potest, quando vim suam lethiferam in ventriculo primoque intestino statim exequitur. Pistorius ipse in Oratione altera de Jacobi morte, diuturna principem præcordiorum palpitatione, diuturna item diarrhœa, jam ante, quam acidulas biberet, quin & durante earundem usu, laborasse profitetur. Semina itaque morbi jam antea extiterunt in ventriculo, quæ sensim evoluta, causam morti præbuisse videntur, sine veneno.



frequenti nimis acidularum ufui ejus morbum adscribunt, (z) quos confutat Pistorius, qui spiritum efflantis exceperit, tantam nocendi vim acidulis non tribui posse contendens. Præfentes quoque fuerant Metternichius, Bavariae legatus, (a) & Carolus Zolleranus.

## §. XII.

Deceffit die 17. Augufti A. 1590. ftyli novi, Emmedingæ, <sup>Mors & fepultura.</sup> anno XXVIII. ætatis.

Piftorius (b) fcribit, Jacobum ultima voluntate ordinaffe, funus mediocri fumptu ut efferretur & pompa, atque ut Badæ, ceremoniis Catholicis corpus humaretur. At Ernæfti Friderici, fratris fui feniore, juffu Pforzhemii fepultus eft Jacobus, die 4. Septembris. In transactione Leonbergenfi, inter Ernæftum Fridericum Marchionem & Wilhelmum Bavarum A. 1594. inita, (c)

R 3

---

(z) ERNESTUS SCHAPERUS, Medicus Roftochienfium Profeflor A. 1694. refponfo erudito docuit, fymptomata ftomachi, poft mortem Jacobi reperta, non absolute effe indicia veneni. Refponfum vide apud FECHTIUM *Hift. Colloq. Emmeding.* pag. 357.

(a) Metternichius, Spirenfis Ecclefiae Canonicus, a Bavaro miffus, ornatum, Aulicæ Jacobi Ecclefiae inferviturum, attulit Emmedingam. FECHTIUS Cap. 16. §. 6.

(b) *Orat. I. de Vita Jacobi*, pag. 43.

(c) Vide fupra in Vita Ernæfti Friderici. pag. 79.

JAC. III.

conventum, ut monumentum, principe dignum, illi poneretur Pfortzhemii.

## §. XIII.

Chara-  
cter.

Sublimioris fuit animi Princeps Jacobus, Ernestum inter fratrem atque Georgium medius, quos dotibus & rebus gestis fortasse superasset, si eos ætate æquasset. Patiens laborum, aëris & victus molestias perferre assuetus, contra pericula animo firmus, in consiliis prudens & exquisiti ultra ætatem judicii, cum alacritate in exequendo conjuncti. Animus ad alta semper erectus; in infimos comis, magnum Principem atque bellatorem, si longior accessisset usus, promittebant. Nihil tam arduum, quod non investigandum putaret. Nihil tam reconditum, quod felicitate ingenii non facile assequeretur; singularis in dicendo vis & linguarum peritia. Libros latinos omnibus de rebus, speciatim etiam ecclesiasticis scriptos, legit frequenter. Mechanicarum artium ingens ei studium. Justitiam ejus & moderationem in subditos; affectum in conjugem, indulgentiam in omnes prædicant, qui res gestas ejus vel leviter attigerunt.

## §. XIV.

Uxor &  
liberi.

Consilio matris, quæ eum a bello avocare voluerat, A. 1584 ad matrimonium progressus est Jacobus, ducta Elisabetha, (d) Florisii Culenbergæ Comitis & Manderscheidæ filia,

---

(d) Elisabetha hac antea Jodoco, Comiti in Limburg & Bronckhorst fuerat



quæ post mortem ejus Carolo, Comiti Zollerano, denique Hohenfatio Baroni nupsit, mortua A. 1620. Duos hæc filios & totidem filias peperit Jacobo.

Ernestus Carolus A. 1588. natus & mortuus est Hachbergæ; infans bimestris.

Ernestus Jacobus posthumus die 22. Aug. adeoque quindecimo post obitum Jacobi in lucem editus Hachbergæ, ubi Elisabetha mater post obitum Jacobi vixerat, semestris infans decessit. (e)

Anna, primogenita filia, A. 1587. Hachbergæ nata, Volrado, Waldeccio Comiti, A. 1607. nupsit Durlaci; cum anno præcedente Marchicarum terrarum successioni, una cum sorore Jacobæa, renunciasset. Dos decem millium florenorum assignata est Annæ, addita conditione, ut, si absque heredibus decesserit, ad Principem, apud Badenses regnantem, illa pecuniæ summa reverteretur. Anna hæc A. 1648. decessit.

Jacobæa, A. 1589. Emmedingæ nata, cælebs A. 1625. apud sororem obiit. Condidit illa Cal. Febr. 1614. testamentum,

---

promissa, unde Jacobo lis in Camera Imperiali exorta est. GYLMANN, *Decision. Cameral.* Tom. I. pag. 697. Matrimonium Jacobi cum Elisabetha Colonizæ A. 1584. tractatum. Pacta dotalia die 23. Sept. eodem anno signata sunt.

(e) De Baptismate Ernesti Jacobi inter Catholicos & Protestantés nata est controversia. Sed Ernestus Fridericus doctorem suæ religionis baptismum peragere jussit.

JAC. III.

quo debitam legibus portionem matri Elisabethæ reliquit; at reliqua omnia mobilia & immobilia bona & speciatim, quæ in Iuliacensi ditioe habuerat, Annæ forori addixit. Liberi hi ut in religione Catholica educarentur, ultima voluntate Jacobus præcepit. Ernestus Fridericus Marchio, fratri succedens, fratris præceptum & Cæsaris neglexit, atque Protestantium doctrina pupillas suas imbui jussit. (f)

(f) Vide Vitam Ernesti Friderici. pag. 78.





## CAPUT V.

## GEORGIUS FRIDERICUS.

A. 1595. - - - - 1622.



## §. I.

**T**umultuosum & strepitans Ernesti Friderici <sup>Introitus.</sup> regimen strepitantius insecutum est Georgii Friderici, qui omnes utriusque lineæ Badensis ditiones octodecim per annos solus possedit, si Spanheimenses & Rodemacheranas excipias, quæ in Eduardinatorum potestate permanferant. Nec ante, nec post eum, ullus unquam Marchio Badensis ditior aut potentior fuit. Tam numerosum exercitum aluerat nullus. At viribus suis nimium confisus, altiora molitus est; tentans fortunam; quam ob id ipsum semper habuit adversam. Vita ejus malorum est Ilias; speculum Principis, raro fortunati; qui in illa fane incidit tempora, quibus nulli fere Germaniæ Principum licebat esse

GEORG.  
FRIDER.

felici. Politicæ rationes eum induxerant, ut sedecim annis ante mortem, virens & vegetus deponeret regimen; non filium ex se natum, ex se quoque ut regnantem aspiceret, sed ne Phaëthontis instar nimis ardua petens, casu suo Marchiam & numerosam secum everteret prolem. Unde in exponendo vitæ ejus decursu constituendæ sunt epochæ duæ. Prior, qua rexit; posterior, qua vixit privatus. Epochas has una pugna divisit; quæ Principem inter potentem intercessit & exulem.

§. I I.

Hujus  
Principis  
initia.

Natus A. 1573. die 30. Januarii sub communi cum fratribus, post patris excessum, vixit tutela, ad annum usque 1584. quo fratres seniores, a tutoribus liberi, tutores ejus sunt facti. Puer debilis corpore, morbis obnoxius, brevem vitam promissit; impar certe visus laboribus, quos in omni postea genere imensos sustinuit; veneficiis quoque, sed frustra, petitus. (a)

Argentorati literis operam dedit A. 1585. Friderico de Watzdorf ephoro usus. Post triennium Vefontionem se contulit; cujus urbis Senatus ei & itineris sociis exercitium religionis suæ denegavit in urbe, nisi jusserit Cæsar. Relicta Vefontione, Dolam concessit; ubi simile expertus est fatum. Ernestus Fridericus, senior fratrum, a Cæsare (b) petiit, ut Georgio Friderico

(a) JUNGLE RUS cœtaneus scriptor in *Vita Georgii Friderici*, quem vidit.

(b) Die 3. Jan. 1589.



Vesontione per aliquod tempus degere liceret. Consensit Imperator, sed hic, mutata sententia, aliquamdiu Basileæ versatus, decimo septimo ætatis anno in Italiam, literarum præsertim causa iter suscepit. In celebri Senensium, veteris Hetruriæ Academia vixerat A. 1590. cum frater Jacobus sacra mutasset. Literæ Senis ad Ernestum Fridericum, die 5. Sept. latino sermone, haud ineleganti, hac super re scriptæ, hodieque supersunt. (c)

## §. III.

In fraterna divisione terrarum (d) A. 1584. Saufenbergi-  
cæ, Roetelanæ & Badevillanæ ditiones Georgio Friderico obve-  
nerunt; quibus ex pacto cum Ernesto Friderico Marchia Hach-  
bergenfis A. 1595. accessit, ex hereditate Jacobi. Regimen  
adiit.

Tempus hoc est, quo terrarum suarum ipse regimen adiit; Imperii feudis a Rudolfo II. die XII. Dec. Pragæ acceptis. Quadriennio post Jacobus Christophorus, Basiliensium Episcopus Brisgovica ei quoque contulit feuda. Eadem ceremonia A. 1614. a Guilielmo, Episcopo successore, repetita.

Bello inter Episcopos Argentinenfes, in schismate electos, durante, Gallicæ in Alsatiæ copiæ A. 1597. appulerunt. Geor-

(c) Vide supra in *Vita Jacobi* pag. 128. seqq.

(d) Lege supra pag. 171. seqq.

GEORG.  
FRIDER.

gius Fridericus, destinationis earum ignarus, evocatis vasallis, terrarum Marchicarum defensionem caute & diligenter prospexit.

§. I V.

Bellum  
Turci-  
cum.

Fervidum illo tempore Cæsari bellum erat cum Turcis, qui præcipuam Hungariæ partem, ipsamque Budam in potestatem redegerant. Vizirius Turcarum, Ibrahimus A. 1600. reliquam Cæsari erepturus Hungariam, omisso Strigonio, quod oppugnare voluerat, cum ingentibus copiis obsedit Canisam, munitissimum Palatinatus Zaladiensis in Hungaria Inferiore oppidum, quo occupato, Stiriam omnem & Austriam cum Illyrico, Turcarum Imperio se adjecturum speraverat. Urbi laboranti in auxilium venit exercitus Hungaricus, Duce Philippo Emanuele, Lotharingo ex Mercorio ramo; cui Georgius Fridericus noster cum copiis se junxerat; suis militans sumptibus; quo zelo Cæsaris Rudolphi sibi conciliavit favorem; qui jam ante non semel Pragæ sermonibus ejus delectatus, magni juvenem amaverat Marchionem. (e) Velitationibus res ab initio bene gesta, sed deficiente annona, Canisa Turcis dedita, (f) quam Ferdinandus Archidux

(e) JUNGLERUS in *Vita Georgii Friderici*.

(f) NICOLAUS ISTHUANFFIUS interfuit bello. Vide *Historiarum ejus* Lib. XXXII. pag. 468. seq. Diarium expeditionis Christiani exercitus ad Canisam, a Secretario Ducis Mercuriani conscriptum, apud BONGARSIIUM in *Syndromo Rerum Turcico-Pannonicarum* pag. 326. occurrit.



GEORG.  
FRIDER.

anno sequente, Pontificis & Hispanorum copiis auctus, recipere, irritum sed conatu, tentavit. Posteriori huic expeditioni num interfuerit Marchio, nobis non liquet.

## §. V.

Circa hæc tempora duos ille Brisgoviae vicos, Balrech-<sup>Vici Bal-  
rechten  
& Tot-  
tingen.</sup> tam & Tottingam (g) Marchiæ Hachbergæ conjunxit. Vici hi, Stauffensium Dynastarum patrimonium vetus, a Familia aliquamdiu avulsi, sed a Wigeris possessoribus pro trecentis quinquaginta florenis, Jacobo Trutperto & Martino, fratribus, Dynastis in Stauffen, A. 1457. rursus venditi, ad Stauffensia bona redierunt. Trutpertus apud Jacobum & Carolum I. Marchiones, patrem & filium, singulari gratia florens, Carolo, cujus Aulæ præfectus fuit, vicos hos A. 1458. in feudum masculinum obtulit; fratrum consensu. Georgius Leo, Stauffensium Dynastarum postremus, A. 1602. sine prole decessit. Georgius Fridericus noster vicos hos cum Marchia Hachbergæ eodem anno die 16. Aprilis conjunxit; religionis libertate incolis relicta; qui ad hoc usque tempus sacra Romana libere & secure exercent; post mutata a Carolo II. sacra Marchicis terris adjecti.

## S 3

Conferatur quoque ORTELIUS REDIVIVUS MEYER p. 280. ENS in *Hungariæ Historia* Lib. VIII. pag. 404. THUANUS *Historiar.* Lib. CXXIV. §. II.

(g) In Charta Investituræ vocatur Tøttickeim.

GEORG.  
FRIDER.

## §. VI.

Ernesto  
Frid. suc-  
cedit.

Inopinata Ernesti Friderici, sine prole decedentis, morte, inferior Marchia Badensis una cum superiore A. 1604. ad Georgium Fridericum pervenit, qui hereditate hac omnes Bada-Badenses & Bada-Durlacenses terras solus possedit. Mors fratrum seniorum in relictis eorum terris religionis motus concitavit. Mortuo Jacobo, Ernestus Fridericus, successor, pastores Romanos expulerat Marchia Hachbergæ. (h) Mortuo Ernesto, Georgius Fridericus Calvinianos ex Marchia inferiore eiecit, sacra Lutherana in illis quoque partibus, Durlaci præsertim, reducens. Eodem anno transactioni, componendis Episcopatus Argentinen-sis tumultibus in urbe Hagena initæ, subscripsit. Quin & pactionem de permutandis Altensteigæ & Liebenzellæ præfecturis inter Ernestum Fridericum & Wirtembergæ Ducem anno superiore initam, confirmavit. (i)

Investituram terrarum, quas fratri succedens nuper acceperat, a Rudolfo II. Imp. per legatum (k) A. 1605. cum peteret

---

(h) Vide supra in *Vita Jacobi*.

(i) Georgius Fridericus enim ab initio permutationi intercesserat. Tom. III. pag. 113.

(k) Josephus Hettlerus, Cancellarius, a Marchione Pragæ missus, Pragæ d. 17. Martii vita functus est. Goelerus Ravenspurgicus, Præfectus Durlacensis, ei in legatione successit.



Pragæ, Marchiæ Bada-Badensis investituram quoque a Cæsare petiit; Eduardi Fortunati filios, ob natalium defectus, ab omni terrarum successione excludi contendens. Ab altera parte Eduardi Fortunati vidua, & filiorum tutores, de retenta per Georgium Fridericum Marchia sua apud Cæsarem conquesti, petierunt, ut Eduardina proles patri in dignitatibus & terris succederet. Cæsar die 26. Febr. A. 1605. Pragæ decrevit, ut Marchiæ utriusque investitura Georgio Friderico concederetur, reservata tamen actione pupillis. Eidem decreto insertum, ut Georgius Fridericus, de superiore Marchia impetratus, se sistat iudicio, in causam descendat, &, injuncta si fuerit restitutio, pareat. Eduardi Fortunati viduam & liberos in possessione eorum, quæ tenent, ne turbet. Tributa residua confestim; debita superiori Marchiæ inhærentia, pedetentim persolvat. In sacris nihil immutet, Catholicam religionem pristino in statu relinquat. Maximiliano Archiduci, Cæsaris fratri, cura hujus causæ commissa. (1) Investitura die IV. April. Georgio Friderico absenti collata.

§. VII.

Sed & alio ejusdem anni (A. 1605.) decreto Palatinus Elector, Badenses utriusque Comitatus Spanheimensis partes

Comita-  
tus Span-  
heim.

(1) Decretum hoc extat in Scripto, tempore Pacis Westphalicæ impresso, sub rubro: „*Information wegen der in der bekandten Oberbadischen Sachen vermeindlich vorgeschützten beyden Exceptionum &c.* pag. 23.

GEORG.  
FRIDER.

Georgio Friderico restituere jussus in ulterioris Comitatus communionem illum statim admisit; Præfectura Castellaunenfi excepta, quam Eduardini alimentorum nomine retinuerunt. Citerioris vero Comitatus pars Badensis, ob residuos census & debita, in Electoris potestate permansit usque ad A. 1622. quo Wilhelmus Marchio omnes Spanhemii partes Badenses, cum reliquis Marchiæ superioris ditionibus recepit. (m)

Varia.

Nec prætereundum silentio, quod Cancellarium Badensem, investituræ causâ Pragæ hærentem, monuerit Cæsar, (n) ne tradendis Jacobi mortui filiabus, moram injiceret Marchio, sed potestati legatorum, quos propediem Cæsar missurus sit, traderet puellas. Traditio tamen locum non habuit, quod Principes, doctrina Protestantium a teneris imbutæ, & abdicata tutela sui juris factæ, Georgii Friderici aulam relinquere noluerunt. (o)

Philippus, Eduardi Fortunati frater, de Marchia superiore, Georgio Friderico eripienda, tum temporis iniverat consilium. Res detecta. Philippus in Hachbergæ Castro arctiori mandatus custodiæ, post XV. annos captivus decessit. (p)

---

(m) Vide Tom. III. pag. 86.

(n) Decretum die 26. Febr. scriptum.

(o) A. 1604. die 10. August. Maximiliano Bavaro, puellas has Principes tradendi postulanti, Georgius Fridericus eodem modo respondit.

(p) Adi Tom. III. pag. 50.



## §. VIII.

Apud Badenses hæc dum geruntur, aucta est in interio- Causa Do-  
naver.  
re Germania Catholicos inter & Protestantos simultas. Diutur-  
nis Protestantium de Camera Imperii, de Judicio Aulico, aliis-  
que de religione querelis Donaverdenfis causa A. 1606. accessit.  
Liberam hanc Imperii Civitatem, in Circulo Suevico sitam, quæ  
jam ante Pacem Augustanam Confessioni Augustanæ adhæserat,  
Rudolfus II. Imperator, ob turbata Catholicorum sacra, proscri-  
psit, læsæ pacis publicæ crimen illi impingens. Cæsarem durius  
in Donaverdenfes egisse, a Protestantibus creditum est. Quer-  
monia hæc & ejusdem generis aliæ Electorem Palatinum, Neo-  
burgi & Wirtenbergæ Duces, Onolsbacensem & Georgium Fri-  
dericum nostrum, Marchiones, induxerant, ut mense Majo A. 1607.  
arctiori se adstringerent foederi & de milite conscribendo certas  
inter se leges inirent. (q) Iidem Principes, cum nonnullis Impe-  
rii Civitatibus, pro Donawerdenfi apud Cæsarem intercesserunt.  
Cognitionem hujus rei ad se solum atque ad Judicium Aulicum  
pertinere Cæsar respondit. (r) Bavariæ Duci, invitis Imperii le-  
gibus, delata est executio poenæ. Bavarus fine anni justo exer-  
citu urbem obsedit, occupavit. Wirtenbergicus, Circuli Suevi-

Tom. IV.

T

(q) LINGELSHEMIUS in Epistola 75. ad Bongarsium.

(r) IDEM Epist. 80.

GEORG.  
FRIDER.

ci Dux, cui secundum Germaniæ leges, demandanda fuisset executio, læsum se questus, Evangelicos Sueviæ Ordines ad Conventum Ulmam evocavit, cui non interfuit Georgius Fridericus noster; de jure, Evangelicos Status in Circulo convocandi, cum Wirtenbergico contendens. (st)

## §. I X.

Comitia  
Ratisbon.  
A. 1608.

In Conventu hoc res ad proxima remittebatur Comitia, quæ A. 1608. Ratisbonæ magnos inter motus celebrata fuerunt. In illis Ferdinandus Archidux Cæsaris vices peregit. Protestantes aperte professi sunt, nisi proposita aboleantur gravamina & Donaverda Civitas pristino statui restituatur, nulla se Cæsari ad Turcicum bellum suppeditaturos subsidia.

Ad Comitia hæc Georgius Fridericus miserat legatos; quibus, Marchiæ superioris intuitu, mota est controversia de loco.

---

(st) LINGELSHEMIUS *Epist.* 81. d. 12. Dec. ita scribit: „ Nos anxios habet

„ Bavarica expeditio: nam constat nobis, Monachii delectum habitum  
„ & recensitos septies mille equites, sedecim mille peditum. Hic ap-  
„ paratus nimius ad domandum oppidulum Donawerdam, & cives illi  
„ ad omnia subeunda parati tamen, neque illis unquam spes auxilii.  
„ Nam quod Würtenbergicus 6. Dec. Conventus habuit Ulmæ Circuli,  
„ ad quos evocavit Evangelicos tantum, atque adeo Badensis suos  
„ non misit, nescio quæ prætexens, inde ego nihil solidi sperare pos-  
„ sum. „



Eduardini tutores, ad Comitia vocati, sibi locum vindicabant. Cæsar Kal. Febr. pro Georgio Friderico tandem pronuntiavit; addita nihilominus cautione, pupillorum juribus ne fraudi id esset. (u) Addiderunt Cæsarei, caussam eorum in Aulico mox decidendam Judicio. (x)

## §. X.

Protestantes hæc permoverant, ut non expectato Comi-<sup>Conven-</sup>tiorum exitu, Ratisbona discederent, habitoque Aschufii apud<sup>tus Uni-</sup> Francos, Majo mense, Conventu, novum pro tuenda religione sua conderent foedus, (y) quod, insequente Augusto mense, Rotenburgi in alio Foederatorum Conventu firmatum, in quo foederis præses designatus est Palatinus Elector. Distributæ inter focios curæ; imperata pecunia; omnia præparata ad bellum. Præter Christianum Anhaltinum, qui Electoris Palatini vices gerebat, Joachimus quoque Ernestus, Brandenburgicus Marchio, Wolfgangus Wilhelmus, Neoburgi Dux & Wirtembergæ Ducis aderant legati.

Tom. IV. T 2

(u) Jam ante Marchio in Circuli Suevici Conventibus intuitu Marchiæ superioris obtinuerat locum.

(x) LONDORP. *Acta publ.* Tom. I. pag. 57.

(y) CARAFA *Germaniæ Sacræ restauratæ* p. 40. sq.

GEORG.  
FRIDER.

## §. XI.

Confilia  
deMarchia  
super.

Tractata tum quoque Causa Badensis. Eduardinatorum tutores litem ad Aulicum detulerant Imperii Senatum; quem Marchio declinans, apud focios quæsitit auxilium; rationes exponens scripto, ob quas Eduardinis dignitatem & jura Marchionum Badensium successionemque in Marchiam superiorem recusavit; Principum Imperii dignitati, Germaniæ moribus, ac familiæ Badensis statutis contrariari contendens, ut liberi, ex matrimonio tam inæquali prodeuntes, succedant. Marchiam superiorem ære alieno tantopere gravatam, ut ne usuris quidem exsolvendis sufficiant redditus. Dispiciant focii, quid in re tam feria, tamque difficili, ad omnes Principes pertinente, agendum. Animum suum se inducere non posse, ut Consilii Aulici se judicio submittat, quod multis modis ipsi suspectum. Petiturum se a Cæsare, ut ille adhibitis, more majorum, Principibus, pari ex utraque religione numero, hac de causa cognoscat. Principes, his rebus intellectis, de eximio suo in Marchionem studio plura testati sunt. Ne autem in re tanti momenti præcipitanter consulerent, alio tempore uberius eam se tractaturos polliciti sunt.

## §. XII.

Res acta  
collo-  
quiis.

Dissoluto Rothenburgensi Conventu res aliquamdiu quievit. Carolus Orscelarius, qui sub Eduardo Fortunato fuerat Pa-



gensis Præfectus, Georgium Fridericum Marchionem ad Colloquium invitavit: (z) Convenerunt delecti utrimque Spiræ primum A. 1608. mense Decembri, (a) dein Wormatiæ, mense Martio A. 1609. At Orscelarius & Joachimus Barbarossa, qui ab Eduardi filiorum tutoribus, Alberto Austriaco & Salentino, Isenburgi Comite, mandata acceperant, nullas Durlacensium conditiones admittere voluerunt, nisi antea Eduardinos liberos sanguinis Badensis agnoscerent Marchiones. Durlacenses quum id constanter negassent, dilato in aliud tempus negotio, legati domum redierunt.

## T 3

(z) Amica rei compositio ab Erneſti Friderici morte fuerat tentata. Salentinus, Isenburgi Comes, unus ex tutoribus liberorum Eduardi, A. 1604. mense Octobri, Wormatiæ instituit Conventum, ad quem Castellaunenses quondam Eduardi Fortunati Consilarii quum venissent, Badenses, cum Castellaunenſibus tractare nolentes, re infecta disceſſerunt. Philippus Ludovicus, Neoburgicus, controversiæ dein componendæ intentus, re cum Alberto Austriaco & Maximiliano Bavaro communicata, A. 1607. die 11. Junii in Monasterio Mœdingen cum Marchione habuit colloquium, quod, ut & legatio ejusdem Principis, ad Aulam Badensem anno sequente missa, caruit effectu.

(a) Spiræ proposuerat Orscelarius, ut terrarum Bada-Badensium administratio ad tempus Georgio Friderico certis conditionibus permitteretur.

GEORG.  
FRIDER.

---

## §. XIII.

Res acta  
litteris.

Nuntios ergo ad Albertum Austriacum in Belgium misit Georgius Fridericus, qui impugnatae pupillorum dignitatis rationes ei denuo exponerent. Quin & litteris ad eundem Albertum & Salentinum Isenburgicum, die 18. Martii ejusdem anni datis, Eduardi matrimonium ac filiorum ejus statum denuo impugnavit. Tutores reciprocis litteris, die octavo ejusdem anni, Durlacensium argumenta convellere studuerunt; addentes, Eduardum graves ob causas matrimonium occuluisse ad tempus. Impetrato autem Bavariae Ducis consensu, publice illud declarasse, solenni actu, Badæ in Palatio suo, missisque hinc inde litteris atque legatis, Andreæ Cardinali Austriaco, Regi Poloniae, Carolo, Sudermanniae Duci aliisque agnatis, Catholicae religioni addictis, per Bornium & Pistorium significasse. Convenientius quidem esse familiarum splendori, si Principes ejusdem ordinis matrimonio sibi jungant uxores. Nihilominus & cum inferioris dignitatis foeminis connubii jus ipsis competere, neque filios, ex ejusmodi conjunctione procreatos, ulla lege aut consuetudine a dignitate paterna & feudorum successione arceri. Hortantur denique Marchionem, mitiora ut admittat consilia, atque ad proximum Wormatiensem Conventum ejusmodi mandatis instruat Consiliarios, ut amica tandem compositione controversia fopiat.



## §. XIV.

Hæc dum aguntur, Evangelici Principes & inter eos Georgius Fridericus noster ad arctius fœdus, Unionem quod vocarunt, ineundum, A. 1609. mense Majo convenerunt Halæ Suevorum; ut de tuenda civili & ecclesiastica libertate sua inter se agerent. Ex Conventu hoc Christianus Anhaltinus missus est Pragæ, ut fociorum querelas exponeret Cæsari, atque inter alia peteret, Donaverdæ Civitas in pristinum statum ut restituere-  
Conventus Halensis A. 1609.  
 tur; utque sententiæ Senatus Aulici, atque mandata, Imperii legibus & Ordinum dignitati adversa, revocarentur; neve literis Investituræ Principum novæ in posterum adderentur conditiones; eæ autem, quæ feudalibus Georgii Friderici Marchionis literis adjectæ, abolerentur. Aliam denique Aulici Senatus Cæsarei instituendam esse formam. Præsides & Assessores utriusque religionis numero pares esse eligendos. (b) Cæsar, altioris indaginis hæc esse professus, operam se daturum promisit, ut quantum ejus fieri possit, Principum voluntati deferatur. Donaverdam intra quadrimestre tempus restituendam declaravit. (c)

## §. XV.

In eodem Halensi Conventu Marchio res suas iterum scripto exposuit die 12. Maji. Fœderati ad omnes Principes eas per-  
In eo tractatur causa Badensis.

(b) LONDORP. Tom. I. pag. 57.

(c) IDEM pag. 81. seq.

GEORG.  
FRIDER.

tinere arbitrati, suaferunt Marchioni, ut ceteros Electores & Principes Augustanæ Confessionis de illis reddat certiores, quo conjunctim ejus causam tueantur Cæsarique denuncient, Eduardi filios, si ad Marchionatum admittantur, nec agnituros se pro Principibus, nec in Comitibus aliisque Imperii Conventibus deliberaturos cum illis. Ceterum Marchio tractatus, quos cum Orscelario inceperat, continuet; atque vel magna pecuniæ summa, vel bonis in Luxemburgi Ducatu, aut alibi Eduardinae familiae assignandis, rem, si fieri id possit, componat. Quodsi autem pactio non habuerit locum, id agat inprimis, ut Principes suum denuo interponant officium. Electorem certe Palatinum libenter id in se munus suscepturum & foederatos quoque non defuturos esse causæ. Nec dubitare se, quin Cæsar, rationibus ejus ductus, judicio Principum daturus sit locum, præsertim cum inter gravamina, Cæsari exhibenda, foederati eandem causam strenue acturi sint. Quod si denique, repudiatis conditionibus æquis, nec foederatorum monita audiverit Cæsar, nec recusatæ Consilii Aulici jurisdictionis, rationem habuerit, se non admissuros, ut injusta sententia vis ei inferatur, sed amico socio omnem opem laturos; cum nec publica causa permittat, ut Marchia superior in aliorum perveniat manus.



## §. X V I.

Post hæc Georgius Fridericus ad Albertum Austriacum literas scripsit die 2. Julii 1609. quibus singula Eduardinarum argumenta denuo convellit, cordate testatus, se non calumniandi aut protelandæ litis caussa, tam copiose Alberto scripsisse, sed ut animum ejus ad justitiâ flecteret. Amicam pactionem tamen se non recusare, talem nimirum, quæ cum dedecore gentis suæ non sit conjuncta.

Literæ hæc Alberto traditæ sunt, postquam legati ejus jam Wormatiam profecti; ubi novus Augusto ejusdem anni mense, institutus Conventus. Eduardinis Comitum & Dynastarum axioma, a Luxenburgicis, quas tenuerant, Badensium ditionibus Marchici obtulerunt legati. Annuam trium millium florenorum pensionem viduæ Eduardi & Christophoro Gustavo matrique ejus Cæcilie annum quoque promiserunt stipendium. Eduardinarum tutores vero Marchiæ superioris possessionem his conditionibus Durlacensi obtulerunt, ut dissoluto ære alieno & Catholica religione conservata, reliquos Comitatus & Dynastias, ad Marchiam superiorem spectantes, pupillis permitteret, ipsamque hanc Marchiam, soluto ære alieno, iisdem restitueret. Sed aspernati oblata Durlacenses legati, re iterum infecta, discesserunt Wormatia; de novo tamen Conventu, die St. Galli habendo, inter se convenientes.

GEORG.  
FRIDER.

## §. XVII.

Literæ  
Princip.  
Evangel.

Eodem tempore die 25. Aug. Evangelici Principes alias litteras ad Albertum dederunt, quibus eum hortati sunt, ne amicæ conciliationi injiciat moram, sed in proximo Conventu æquioribus conditionibus præbeat locum; se, causâ accurate cognita, Eduardi filios nunquam pro Agnatis, nec pro Marchionibus habituros esse, neque commissuros, ut Georgius Fridericus sibi aliisque Principibus malo præeat exemplo. Eduardinos, Comitum atque Dynastarum titulo, ipsis oblato, contentos esse debere; nulum judicem æquum Marchioni duriores facile condiciones impositurum; nec vitio verti posse Marchioni, si coram Consilio Aulico, quod insigni partium studio laboret, in causam descendere noluerit, id quod nupera jam legatione Electores, Principes Civitatesque Imperii significaverint Cæsari.

## §. XVIII.

Respon-  
sio Alber-  
ti Austr.

Albertus in sua ad foederatos responsione, Electori Palatino missa, die 19. Nov. de injuria, pupillis facta, multum conquestus est, mirari se asserens, foederatos tam acerbe perstringere pupillos, quos tamen Rudolphus Imp. agnoverit Principes, missoque A. 1603. ad Electorem Palatinum mandato, ad anterioris Comitatus Spanheimensis communionem jufferit admitti: nullis eos laborare defectibus, quibus à conditione Principum & feudorum successione arceantur; cum & in aliis Principum familiis & præsertim in



ipfa Georgii Friderici linea idem casus extiterit. Titulum Comitum & Dynastarum, a Luxenburgicis Badensium terris petatum, huc non pertinere, quod ex divisione inter Eduardum Fortunatum & fratres instituta, fratribus hæ terræ obtigerint, de quibus neque Eduardi Fortunati filii, multo minus Durlacensis, disponere possit; qui si in proximo Conventu, cui tertium Decembris diem definivit, non proposuerit æquiora, constituisse se viam juris experiri; neque se videre, qua ratione Principes foederati auctores esse potuerint Marchioni, ne apud Aulam Cæsaream litem assumeret, quum his de causis cognoscendi potestas soli Cæsari competat, & ipse Marchio ejus tribunal jam agnoverit literis, quibus sententiæ, a Cæsare ferendæ, se paritum professus est.

## §. X I X.

Ab his omnibus ut sese purgaret Marchio, Electori Palatino & foederatis scripsit epistolam die 25. Nov. in qua contēdit, decretum Cæsareum anni 1603. alio decreto, A. 1605. ad Electorem Palatinum dato, everti, quo Cæsar Rudolphus, cognita rei veritate, pupillis adeo non tribuerit Principum axioma, ut ad probationem eos potius adstrinxerit; Electori injungens, ut ad communionem Spanheimensis Comitatus Durlacensem admitteret. Comitatus & Dynastias Badenses in Luxenburgico Ducatu ad se, proximum heredem feudalem, pertinere, cum Eduardi Fortunati fratres animo corporeque defecerint, atque adeo, vir-

GEORG.  
FRIDER.

tute Badensium Statutorum, jure suo in has terras exciderint: unde se earum titulum & jura obtulisse pupillis, ut rem omnem ad concordiam revocaret; neque se de Alberti Austriaci, domini directi, pupillorumque patroni, consensu dubitasse; in proximo quoque Wormatiensi Conventu libenter se consensurum in ea, quæ absque dignitatis suæ aliorumque Principum detrimento concedere possit; neque Cæsarem a se rejici judicem, si cum legibus & institutis Germaniæ Judicium conveniat. Justissimas Consilii Aulici recusandi sibi competere rationes, quas foederati nupera legatione Cæsari exhibuerint; sperare se, nullam sibi vim illaturum esse Cæsarem injusta sententia. Quod si res secus ceciderit, ad omnes se eventus paratum, neque tamen suis, sed sociorum sese viribus confidere.

Tertius Wormatiensis Conventus ab Alberto Archiduce definitus, num habitus fuerit, ex Actis non constat. Sed & ille, si habitus, caruit successu. (d) Summa hæc rerum Badensium

---

(d) Similem eventum habuit alius Wormatiensis Conventus, A. 1611. mense Majo habitus, in quo Orscelarius & Barbarossa, Eduardini, Marchiam superiorem una cum Dynastiis Lahræ, Malbergæ & Grævensteinii obtulerant Marchioni, ita quidem, ut Luxenburgenfes & Spanheimenfes ditiones, ab omni onere liberas traderet pupillis, ære alieno in se suscepto certisque pensionibus Eduardi viduæ, matri, fratribus liberisque assignatis. Religio quoque Catholica in pristino statu conservetur. Sed conditiones has Georgius Fridericus rejecit.



A. 1609. quæ promovendæ, firmandæ Evangelicorum Unioni non parum contulerunt,

## §. XX.

Evenit eodem anno Jo. Wilhelmi, Juliaci, Cliviæ, Mon-<sup>Unio per-</sup>  
tiumque Ducis obitus, qui postremus suæ gentis decessit; unde <sup>fectæ.</sup>  
de successionē controversia gravis; vehementior Badensi. Leopoldus, Archidux Austriæ, Argentinensis & Passaviensis Episcopus, a Rudolfo II. missus, clandestino itinere venit Juliacum, nomineque Cæsaris urbem occupavit. Administrationem ditionum ei destinaverat Cæsar, donec ipse, feudi dominus, litem terminasset. Vicini ac remoti Principes timebant, ne augendæ Austriacæ Domus potentiæ hæc inserviret occasio, (e) quæ impulit Principes Unionis, ut arctum illud foedus, quod jam ante biennium Aschusii apud Francos iniverant, Halæ Suevorum, die tertio Februarii A. 1610, inter se renovarent atque arctius redderent. (f) Georgius Fridericus Conventui interfuit; foederis strenuus promotor. Boissius, ab Henrico IV. Galliae Rege, ad Conventum hunc missus fuit legatus, (g) qui Foederatos invitavit, ut

U 3

---

(e) *Memoires de Louise Juliane* pag. 79. 80.

(f) Instrum. foederis extat in DU MONT, *Corps Dipl.* Tom. V. P. II. p. 127.  
Add, SLEIDANUS REDIVIVUS, qui idiomate Germanico prodit  
Francof. ad Moen. 1616. pag. 271. seq.

(g) *Jean de Thumery Seigneur de Boissise.*

GEORG.  
FRIDER.

Juliacensem causam communi secum agitarent consilio. Percussum est cum Rege foedus. (h) Placuit, ut Electori Brandenburgico & Neoburgi Duci contra Cæsarem feratur auxilium. Foederi Halensi accedere noluerat Saxo, quod de Juliacensi successione cum Brandenburgico Neoburgicoque diffideret, Cæsaremque reddere sibi studuerat faventem. Marchio noster ex Halensi Conventu in Saxoniam iter suscepit, ut Electorem ad foedus protraheret. (i) Sed hic, pacis studium causatus, aspera improbavit remedia, quo responso etiam Marchionem Onolsbacensem, ad foedus eum invitantem, nuper dimiserat. (k)

### §. XXI.

Turbæ  
Alfatice.

Apud Germanos omnia ad bellum erant intestinum parata. Catholici foederibus & sibi prospexerant Herbipoli, (l) ubi incunabula Ligæ. Leopoldus Archidux, Francisco Criechingio duce, militem in Alfatia colligebat, qui Oberkirchensem Episcopatus Argentinensis Præfecturam, Wirtenbergæ Duci oppigneratam, & Marchiam superiorem, a Durlacensi occupatam, utrique erepturus videbatur. Hi, ut & Palatinus Elector, finito Halensi

(h) Extat in DU MONT l. c. pag. 135.

(i) Vide LINGELSHEMIUS *Epist.* 105. ad Jacobum Bongarsium.

(k) Vide ibid. *Epist.* 106.

(l) MEYERI *Londorpius contin.* Tom. I. pag. 607. CARATA in *Commentario de Germania sacra restaurata* pag. 41.



Conventu, die X. Martii copias in Alsatiam miserunt, quæ, Duce Solmensi Comite, Wanzenaviam, Episcopi Argentinenfis dominium, ingressæ, indeque Dachsteinium atque Molshemium progressæ sunt. Criechingius, sibi metuens, quod superiores essent viribus focii, inita cum Solmensi pactione, intra quatuordecim dies militem se abducturum promisit. (m) Solmensis vix transierat Rhenum, (n) quum Criechingianæ copiae, e suis latebris progressæ, per finitimos agros late prædas agentes, tributa imperarent, & variis carminibus Palatino atque Badensi illuderent.

## §. XXII.

Indigna Principibus foederatis res visa. Marchio noster, <sup>Expedi-  
tio Mar-  
chionis.</sup> e Saxonia redux, Joachimus Ernestus Onolsbaci Marchio, Julius Fridericus Wirtenbergæ, Fridericus Casimirus, Biponti Dux, duo Comites Solmenses, totidemque Comites Rheni (o) aliique Halensis foederis focii, cum triginta signis peditum & viginti equitum vexillis Rheno die 29. Maji trajecto, Dachsteinium oppidum,

---

(m) *Relatio historica wie der Krieg im Bistumb Straßburg sich erhaben und angefangen &c.* impressa Argent. 1610. pag. 5.

(n) Rediit d. 29. Mart.

(o) Foederatis, in Alsatia hærentibus, Ernestus Mansfeldius se adjunxit cum copiis; Leopoldi Archiducis, qui promissa non impleverat, deferens partes. Scriptum apologeticum ea occasione a Mansfeldio typis vulgatum A. 1610.

GEORG.  
FRIDER.

quod Leopoldus Argentinensis Præful in formidabile munimentum erexerat, (p) aliquot diebus obsessum quarto Junii die expugnaverunt. Occupata dein Muziga, iidem foederati copias Molshemio, quod Argentinensis quoque Episcopatus oppidum est, admove-  
runt, & intra decimum octavum obsidionis diem, mensis Junii fine, occuparunt. Oppidi præfectus, qui erat Solmenfis, relictis tormentis, cum mille ducentis militibus Tabernas discessit. (q) Molshemio capta, inter Principes foederatos & Capitulum Argentinense, Henrici Lotharingiæ Ducis interventu, de armis deponendis tractatum est. Institutus eam in rem Hagenoæ Conventus, ad quem Principes foederati miserunt legatos. (r) Conventus ille cum successu caruisset, Wildstadii denique, arbitro Lotharingo, Hanoviæ Comite, Civitate Argentinensi & Nobilitate Alsatica, die XIV. Augusti, res ita transacta est, ut restitutis locis occupatis, redditisque captivis, ex Episcopatu Argentinensi omnique inferiori Alsatia abducerentur exercitus. (s)

§. XXXIII.

(p) *Alsat. Illustr.* Tom. II. pag. 143.

(q) Vid. *Relatio historica*, jam allegata, pag. 14. ubi leges deditionis extant.

Add. SLEIDANUS REDIVIVUS pag. 284. & *Merkwürdigk. des XVII. seculi* pag. 332. seq.

(r) LINGELSHEMIUS ab Electore Palatino ad Conventum hunc missus est, Vid. *Epist. Lingelsh. ad Bongarf.* n. 116.

(s) Instrumentum exhibet DU MONT. *Corps Dipl.* Tom. V. Part. II. pag. 147.



## §. XXIII.

Alfaticæ hæ & Juliacenses turbæ adeo Cæsarem in foederatos commoverant, ut Maximiliano Bavaro, Catholicæ Ligæ Præfecto, belli, adversus eos gerendi, summam detulerit. Unde solliciti de salute sua foederati, arctioris foederis causa, Heilbronæ eodem anno egerunt Conventum, ad quem Georgius Fridericus noster, ex Molsheimensi obsidione redux, die 22. Junii (1610.) profectus. (t) Expeditionem, sibi commissam, deprecatus est Bavarus, atque Monachii die 14. Junii cum Principibus foederatis convenit de pace. (u)

Pax cum  
Ligistis.

Paulo ante Arausius Princeps Mauritius, junctis Gallorum, Belgarum & Unionis Protestantium copiis, Leopoldo Austriaco inferens arma, Juliacum tertio obsidionis mense in potestatem suam redegit; (x) urbemque captam Brandenburgico & Neoburgico tradidit. (y)

## §. XXIV.

Eodem anno Fridericus IV. Elector Palatinus, moriens, præterito proximo agnato, Philippo Ludovico, Neoburgico tradidit. (y)

Tutela  
Palatina.

Tom. IV.

X

(t) *Relatio historica* pag. II. LINGELSHAM. *Epist. alleg. SCHADÆI Continuatio Sleidani* Tom. III. Lib. XXXV. pag. 1537.

(u) CARAFA in *Germania Sacra restaurata* pag. 45.

(x) Die 22 Augusti.

(y) CARAFA *loco alleg.* Item *Memoires de Louise Juliane* pag. 82.

GEORG.  
FRIDER.

burgico, Augustanæ Confessioni invariatae addicto, Johannem juniorem, Bipontinum, dogmatis Calviniani fautorem, Friderico V. filio impuberi tutorem constituit. Joannes, ex testamento defuncti, administrationem suscepit. Cæsar & Imperium testamentum firmarunt. Wolfgangus Wilhelmus, Neoburgici filius, nuntio de morte Electoris accepto, Heidelbergam contendit, ita patre jubente. At Durlaci, in transitu, a Georgio Friderico nostro & ab Onolsbacensi Marchione persuasum ei est, ut domum rediret, atque ratione tutelæ nihil turbaret. (z) Funeri Electoris, quod die 17. Octobris celebratum, Georgius Fridericus noster, una cum Wirtenbergæ Duce & Electorum Principumque legatis, interfuit Heidelbergæ. (a)

## §. XXV.

Conven-  
tus Ro-  
tenb.

Novi Electoris, Friderici V. legati A. 1611. mense Julio cum aliis Principibus Unionis, Rotenburgi convenientes, de Donaverdensi causa, de justitiæ in Camera Imperiali defectibus, aliisque de rebus nova inierunt consilia. Impensæ, in bellum Juliacense & Allaticum factæ, inter socios distributæ, quorum ærarium commune, duplicatis exactionibus, auctum; res bellica

---

(z) *Epistola XL. JACOBI BONGARSII ad Electores, Principes & Ministros Germaniæ & Daniæ.*

(a) SLEIDANUS REDIVIVUS pag. 314. LINGELSHAM. *ad Jacob. Bongarf. Epist. 119.*



& disciplina militaris ordinata; armamentaria & horrea in Fœderatorum ditionibus passim constituta. Sollicitandis quoque exteris Principibus missi in Galliam, Angliam, Belgiumque legati. (b) Jacobus Angliæ Rex, qui rebus religionis in suo Angliæ regno prospexit, Germanicis quoque Protestantium motibus immiscere se visus est. Ille enim cum Evangelicæ Unionis Principibus, adeoque & cum Georgio Friderico A. 1612. die 28. Martii fœdere se junxit Vesaliæ; ubi legati convenerant. Jacobus peditum millia quatuor Principibus fœderatis, hi bis mille Regi, bello si fuerit petitus, submissuros se promiserunt. (c) Iisdem fere conditionibus anno sequente cum Belgis Fœderatis conclusum est fœdus. (d)

## §. X X V I.

Hos inter motus A. 1612. Rudolphus II. decessit. Mar-<sup>Electio</sup>chionum Onolsbacensium fator, Joachimus Ernestus, Johannes<sup>Matthiæ</sup> Fridericus Wirtembergæ Dux, Mauritius, Hassiæ Landgravius, & Christianus, Anhalti Princeps, Marchionem nostrum inviserunt Durlaci; ut de rebus, quæ in proximis Electionis Comitibus

Tom. IV.

X 2

(b) CARAFA *Germ. sacræ* pag. 47. SCHADÆI *Sleid. contin.* Part. III. Lib. XXXVI. pag. 1632.

(c) Instrumentum extat in RYMERI *Actis publ. Angl.* Tom. VII. Part. II. pag. 179.

(d) DU MONT *Corps Dipl.* Tom. V. P. II. pag. 226.

GEORG.  
FRIDER.

a Principibus fœderatis proponendæ, cum eo deliberarent. Comitibus his, Francofurti mense Majo celebratis, ut & coronationi novi Cæsaris Matthiæ, Georgius Fridericus, insigni cum comitatu interfuit, equestribus ludis, decursionibus, aliisque festivitibus exercitando dexteritatem suam ostendit; (e) atque occasione hac cum Principibus de pace inter Suecos & Danos, de Juliacensi, ut & de Aquisgranensi causa, varias conventiones inivit. Id tamen singulare, quod ab eodem Matthia Cæsare Marchio investituram impetrare non potuit.

### §. XXVII.

Fœdus  
cum Hel-  
vet.

Argentinenſis Episcopatus turbæ, superioris ſeculi fine, occasionem dederunt Erneſto Friderico, ut cum Helveticis Protestantium Pagis, Cantones quos vocant, fœdus iniret. Mortuo Marchione, amicitiae fœdus continuatum cum fratre. Georgius Fridericus ergo cum Tigurinis & Bernatibus die 19. Aug. 1612. Caroloburgi fœdus in decennium renovavit; præſentibus Cantorum legatis. Georgius Fridericus militum mille Cantonibus, Cantones bis mille Marchioni promiferunt auxilio. Occaſione hac feſtivities celebratæ ſunt multæ. Otto Rheingravius cum triginta legationis Comitibus, die quarto Septembris, idem fœderis

---

(e) SLEIDANUS REDIVIVUS Part. IV. pag. 48. 50. Prandio quoque regi eum interfuiſſe teſtatur BERN. PRÆTORIUS in *Corona Imperiali*, edita Norimbergæ A. 1613. pag. 227. ſeq.



jusjurandum, Marchionis nomine, Tiguri atque septiduo post præstitit Bernæ.

GEORG.  
FRIDER.

### §. XXVIII.

Circa hoc tempus Ludovicus, Valdemontii Dux, ex Lo-<sup>Collo-</sup>tharingica Domo, Georgium Fridericum Durlaci invisit. De re-<sup>quium</sup> Durlac. ligione cum incidisset mentio, conventum est, ut, Duce ac Marchione præsentibus, Colloquium religionis institueretur solenne. Institutum est, Junio mense A. 1613. in Caroloburgensi Palatio Durlaci. Gonterius, ex fodalitate Jesu, cum socio in arenam productus est. Otto Comes Solmenfis & Georgius Christophorus Meiffich, Juris Doctor, Marchionem inter & Valdemontium fuerunt interpretes. Disputator Lutheranus erat Pforzhemianus Pastor, Thomas Wegelinus, Theologus Doctor. Placuit sola iudex Scriptura. At singulas propositiones, five afferentes, five negantes, disertis verbis, ex ea decidendas esse contendit Gonterius; quod Wegelinus fieri posse negavit. Colloquii hujus idem, qui aliorum præcedentium & succedentium, eventus. Utraque pars in sententia perstitit & historiam Colloquii, prout ei visum, descripsit. (f) Hæc de Theologico bello.

X 3

---

(f) Prodiit eodem anno: *Brevis relatio de colloquio Durlacensi A. MDCXIII. inter Serenissimam Principem Valdemontanum & illustrissimum Marchionem Badensem, Durlaci circa nonnullos fidei controversos articulos instituto, im-*

GEORG.  
FRIDER.

## §. XXXIX.

Lis de  
Marchia  
super.

**B**ellum forense, de superiori Marchionatu, magnis illo tempore motibus fuit agitatum. Cæcilia Suecica, Eduardi Fortunati, Marchionis demortui, mater, in Comitibus Ratisbonensibus A. 1613. comparuit & de liberando unico filio superstite Philippo, quem Ernestus Fridericus Hachbergæ Castro incluserat, ut & de Marchia superiore legitimis restituenda heredibus, multum laboravit. Sed & de loco in Comitibus denuo ab Eduardinis mota est quæstio. Principes Unionis pro Georgio Friderico Marchione apud Cæsarem intercesserunt, & ne, lite pendente, præjudicium fieret, enixe rogarunt. Cæsar sub finem præcedentis anni pronuntiaverat sententiam, qua bimestre tempus, liti assumendæ, præfixum Marchioni; cujus provocatio, (g) tanquam novi res exempli, a Cæsare & Moguntino rejecta tum fuit. Intercedentibus autem Palatino & Principibus Germaniæ foederatis, ut & Ja-

---

pressa Ingolstadtii 4to. GONTERIUS Gallice edidit *Fuite honteuse &c.* WEGRLINUS & LUCAS OSIANDER, Tubingenfis, duobus scriptis, Argentorati & Tübingæ A. 1614. vulgatis, Gonterio responderunt. Libelli hi Germanica lingua conscripti: sed prodiit quoque Gallice: *Vraye & authentique Relation du Discours en Theologie, tenu à Dourlac, entre les Serenissimes Princes George Frederic & François Duc de Lorraine & de Vaudemont.* Postremus hic libellus prodiit A. 1614. 8vo.

(g) Marchio a Cæsare, male informato, ad Cæsarem, melius informandum & ad Status Imperii provocavit.



cobo, Magnæ Britanniae Regē, de componendis denique amica  
transactiōe controversiis cœpit tractari.

GEORG.  
FRIDER.

## §. XXX.

Eum in finem Elector Colonienſis & Darmſtadienſis <sup>Conven-</sup>  
Landgravius, accepta A. 1614. die 15. Octobris a Cæſare pote- <sup>tus Fran-</sup>  
ſtate, utriusque partis Conventum menſe Februario A. 1616.  
Francofurti habuerunt; ad quem & Palatini, Onolſbacenſes &  
Wirtenbergici confluerunt legati, Georgii Friderici, Principis fœ-  
derati, cauſæ ut patrocinaſentur. Hic neque titulum cum inſigni-  
bus Marchionatus, neque agnationis & ſucceſſionis jura Eduardi-  
nis concedere voluit, ſed Luxenburgicis ditionibus, ſubfeudi Ba-  
denſis ſub axiomate, contentos eſſe juſſit. Filia Eduardi mille  
florenos dotis loco, Cæcilie, matri Eduardi, annuos redditus &  
Mariæ Eickiæ, viduæ ejus, annuos bis mille florenos ſe assignatu-  
rum promiſit, ſi Caſtellaunenſis Præfectura, quæ ex Spanhei-  
menſibus ditionibus ſola in Eduardinorum manibus perſiſterat, (h)  
ipſi fuerit reſtituta.

## §. XXXI.

Verum enimvero Eduardini neque Principali dignitati, Eduardi-  
neque titulo Marchionum ſe renunciaturos declararunt. Sed & <sup>nor. po-</sup>  
Imperii ditiones ſibi assignari petierunt, ſpretis Luxenburgenſibus <sup>ſtulata.</sup>

---

(h) Vid. ſupra ad A. 1605.

GEORG.  
FRIDER.

Dynastiis, quæ sub Hispaniæ Regis imperio fitæ, Cæciliæ, Christophori II. viduæ, & Eduardi fratribus alimenta præbebant. Eædem ditiones magna ex parte, a creditoribus occupatæ & venditæ fuerant, adeoque alendis Eduardi viduæ & liberis haud videbantur sufficere. Conditiones, multo æquiores, jam A. 1609. a Marchione fuisse propositas ab illis, qui Cæsaris vices peragebant, Badensibus legatis objectum est. Responderunt hi, conditionibus, a parte adversa non acceptis, eo minus se teneri, quod Eduardini matrimonii defectus in majorem quotidie lucem proferantur. Badensium durities non Cæsareanos modo, sed & Principum, Marchioni faventium, legatos offendit. Proposuerant nonnulli, ulterioris Spanheimensis Comitatus pars Badensis ut Eduardinis relinqueretur, qui vicissim pensionibus annuis & titulo Marchionum, donec Georgii Friderici superfuerit posteritas, renunciarent. Sed & hic transigendi modus a Marchione rejectus est. Aegre id ferens Albertus Austriacus, amicæ compositioni porro locum esse noluit; judici res ut decidenda tradatur, contendens. Dissolutus ergo Francofurtensis Conventus; anno sequente tamen mense Februario restauratus; sed haud meliori successu. Aequissimas enim conditiones offerentibus Cæsareis, (i) Georgius Fridericus a sententia

---

(i) Vide infra ad A. 1622. Leopoldus Archidux A. 1621. intercessoris munus suscepit, indicto Argentinam Conventu, quem Albertus Archidux & Wilhelmus, Eduardi filius, adire noluerunt.



tentia anni superioris nec latum unguem recessit. Acta hæc sunt  
A. 1616. & sequenti.

GEORG.  
FRIDER.

## §. XXXII.

Interea Heilbronnenfis & Norimbergenfis Conventus a <sup>ActaUni-</sup>  
foederatis Protestantibus habiti sunt; in quorum priore Juliacen-  
sis denuo tractata est caussa. Posteriori Regum Galliae, Britan-  
niae & Daniae, ut & Belgii Foederati Ordinum, interfuerunt legati.  
Nova ibi ad Saxonem decreta legatio; quæ Electorem ad Princi-  
pum perduceret foedus; quod ille tamen constanter recusavit.

Georgius autem Fridericus unionis vires, quantum po-  
tuit, promovit; ad conservandam superiorem Marchiam, opibus  
ejus opus sibi esse perspiciens. Speciatim cum Argentinenfis  
de ferendo auxilio ab anno 1615. egit frequenter. Hi amicam  
litis compositionem suaferunt Marchioni; qua neglecta, si pro  
auctoritate sua egerit Cæsar, caussæ ejus ex legibus foederis se  
non defuturos esse professi sunt.

## §. XXXIII.

Numerosus illo tempore fuit aulicus Georgii Friderici <sup>Adpara-</sup>  
comitatus; quem 171. Officialibus Aulæ & 156. equitibus, ad <sup>tus belli-</sup>  
solum Aulæ ministerium paratis, constitisse in Commentariis ejus  
reperio. Exercitum autem suum, subsidiis sociorum adjutus,  
identidem auxit, ita quidem ut A. 1617. cum copias enumerasset,

GEORG.  
FRIDER.

quindecies mille, in eo reperti sint milites, quos ille non ex suo tantum, sed & ex sociorum ærario aluit.

Munitio-  
nesUden-  
heim.

Arctius denique foedus cum Friderico V. Electore Palatino A. 1618. Marchio noster inivit, virtute cujus quater mille equites peditesque, ut & 1200. fossores die decimo quinto Junii cum exercitu Palatino conjunxit. Junctæ copiae Udenhemium versus progressæ sunt; novas destructuræ munitiones, quibus locum illum Philippus Christophorus a Sceteren, Spirensis Episcopus, contra Spirensium privilegia, in odium Fœderatorum, & speciatim Palatini Electoris, nuper instruxerat; novum ei nomen Philippiburgi imponens. Munitiones brevi temporis spatio dejectæ sunt. (k)

#### §. XXXIV.

Bellum  
Bohemi-  
cum.

Epocha rerum Germanicarum & Badenium fatalis, qua etiam tricennale bellum sua apud Bohemos primordia cepit. Principes Unionis veriti, ne Protestantium religione apud Bohemos everfa, latius incendium serperet, atque adeo Protestantium in Germania res & fortunæ periclitarentur, consiliis & opibus junctis, causam Bohemorum sibi tuendam judicarunt.

---

(k) CARAFA pag. 60. *Memoires de Louise Juliane* pag. 124. *Theatr. Europ.* Tom. I. pag. 28. Scripta plura hac de re vide in LONDORP. *Acta publ.* Tom. I. pag. 376. seq. Munitiones hæ tamen post Palatini cladem A. 1623. restitutæ fuerunt.



Habitus eodem anno (1618.) Rotenburgi ad Tuberum Fœderatorum Conventus; qui Cæsarem Matthiam die 3. Octobris monuit, ut turbas Bohemicas tandem componeret, mitioraque secutus consilia, duces & copias suas Bohemiæ regno juberet excedere, nisi Litteras Majestatis, quas vocant, ut & Pacem religionis Germaniæ intervertere velit. Eodem tempore Fœderati certiores reddiderunt Bohemiæ Ordines, causæ eorum se non defuturos, æquas pacis condiciones si spreverit Cæsar. (l) Missus in Bohemiam Ernestus Mansfeldius Comes, qui cum nonnullis peditum millibus, Pilsenam urbem, Cæsari fidam, expugnavit. (m)

## §. XXXV.

Junctis Gallorum, Anglorum, Batavorum, Venetorum-  
que opibus, Austriacæ Domus potentiam infringere ac diminueret  
Unito-  
rum con-  
silia.  
voluisse Fœderatos, dubitat nemo. Fuerunt, qui Bohemiæ & Hungariæ regna, ut & Imperialem coronam Austriacis extorquendam clamitarent. Exercitus, qui hæc exequeretur, imperium Friderico V. Electori Palatino, deferendum dicebatur, eique

Tom. IV.

Y 2

(l) Has aliasque Principum, Rotenburgi collectorum, litteras vide in *Theatri Europ.* Tom. I. pag. 68. CARAFA pag. 63. & JULIUS BELIUS *Lau-  
reæ Austriacæ* Lib. II. pag. III.

(m) *Theatrum Europ.* Tom. I. pag. 73. seq. & LONDORP. *Act. publ.* Tom. I. pag. 498.

GEORG.  
FRIDER.

duos substituendos esse Legatos, quorum alter ad Rhenum, alter in Franconia imperet. Inter secreti consilii conscios Georgius noster Fridericus nominatur; cujus terræ, Brisgovicis & Alsaticis Austriacorum vicinæ. Admonitus Marchio, ut ad oppugnationem Brisaci omnia præpararet mature. Urbem captam præmii loco ipsi destinatam. (n)

§. XXXVI.

Matthiæ  
Cæs. obi-  
tus.

Matthias Imperator inter hæc die 19. Martii A. 1619. decessit. Mense Majo Fridericus V. Palatinus Elector de Vicariatu, per Interregnum exercendo, ad Georgium Fridericum nostrum scripsit. Marchio causæ communi melius nihil præstari posse respondit, quam si Assessorum utriusque religionis paritas in Imperii Camera introducatur. Addit, Bohemos, Ferdinando Austriaco adversos, omni ope sublevandos, tuendos. Censuit ergo, protrahendam esse novi Imperatoris electionem, ut, qui in Protestantium manibus tum fuerat, Vicariatus protraheretur. (o)

Conven-  
tus Heil-  
bron.

Habitus eam in rem Junio mense Foederatorum Heilbronæ Conventus, ad quem Georgius Fridericus quoque se contulit. Deliberatum ibi de impedienda Ferdinandi Austriaci in Regem

(n) *Anhaltische geheime Cantzley* pag. 77. CARAFA pag. 61. seq. JULIUS

BELLVS *loco alleg.* Lib. II. pag. 137.

(o) LONDORP. *Act. publ.* Tom. III. pag. 647.



Romanorum electione, quam Protestantium causæ exitiosam judicabant. Decretum, ut electionis dies quovis modo proferatur, donec de belli Bohemici exitu constet. A sociis Unionis occupandum Francofurtum. Colonensem Archiepiscopum a Belgis Foederatis, Trevirenses a Gallo inducendum, ut, nonnisi compositis per Imperium turbis, electioni dent locum. (p)

In Conventu hoc comparuit Wottonus, ad Rempublicam Venetam Anglorum legatus, qui de studio Regis sui in promovenda causâ communi multa præfatus, de Venetis Unioni Principum jungendis, deliberavit, ne Hispanica per Rhætiam Ligistis submitterentur auxilia. Foederati de propenso in ipsos animo Regi gratias egerunt. (q)

## §. XXXVII.

Verum enimvero vasta hæc consilia caruerunt successu, quod resisteret Saxo, qui, ut & Moguntinus Elector, Ferdinando Austriaco fuerat addictus. Comitibus electionis in Julium mensem Francofurtum indicta. Ferdinandus, Palatino & Bohemis refragantibus, die 18. Augusti electus; paucos post dies coronatus est Cæsar; cui e contra Bohemicam suam Bohemi abstulerunt coronam, quam Friderico Palatino die 26. Augusti imposuerunt.

Y 3

---

(p) Recessus, die 14. Junii conditus, extat in libro: *Der Unirten Protestirenden Archiv* in append. pag. 460.

(q) Responsio, legato Anglico data, extat loco alleg. pag. 454.

GEORG.  
FRIDER.

Hic, Gallorum, Anglorum, Belgarum & Protestantium Germaniæ fretus auxilio, delatum sibi regnum suscepit, postquam cum nonnullis Evangelicæ Unionis Principibus rem communicasset. Georgius Fridericus noster, Joachimus Ernestus, Marchio Brandeburgi, Johannes Fridericus, Wirtembergæ Dux, Christianus Anhaltinus, cum Civitatum quarundam nunciis, ineunte Septembri, Rotenburgi convenientes, Palatino suaferunt, ut oblatam ei coronam acciperet. (r) Missæ per Germaniam litteræ, quibus omnes Protestantium Ordines ad Conventum, secundo Novembris Norimbergæ habendum, invitati, ut de religione & communi Protestantium salute tuenda inter se deliberarent. (s) Tot & tantis motibus nihil promotum. Deliberationes lentæ & debiles. Palatinus Elector, juvenis, rerum gerendarum non satis peritus, nec consilio nec auctoritate rexit Foederatos. Marchio noster Christiano Anhaltino, qui inter Friderici Palatini comites fuerat, literas sub finem Octobris Gallico sermone perscripsit, quibus Palatini fortunæ, vel cum evidenti vitæ suæ periculo, suam se juncturum declarat. (t)

#### §. XXXVIII.

Conven-  
tus No-  
rimb.

Palatinus Elector, brevi post in Palatinatum superiorem profectus, coronam, a Bohemis ei oblatam, accepit, & diē XXV.

(r) CARAFA pag. 73.

(s) Litteræ hæ, diē 8. Sept. scriptæ, extant in LONDORP. *Act. publ.* Tom. I. pag. 866. seq. & in *Theatro Europ.* Tom. I. pag. 257.

(t) LONDORP. *Act. publ.* Tom. III. pag. 674.



Octobris 1619. Pragæ solenni inauguratus est ritu. Interjectis aliquot diebus, ad Norimbergensem Protestantium Conventum se contulit, cui Georgius Fridericus noster per legatum interfuit. Agitata ibi de patrocinio Bohemiæ quæstio, quam Imperii Gravaminibus annectendam Palatinus cum fociis censuit. Cum autem Georgius Hohenzolleranus, Cæsaris legatus, advenisset, & de Gravaminum Imperii remedio spem Fœderatis fecisset, judicarunt nonnulli, expedire, ut Principum fœderatorum causa a Palatini & Bohemica causa, quod petierat Cæsar, separaretur. (u) De auxilio, Electori Palatino, ut Bohemiæ Regi, ferendo, nihil definitum. Fœderati animum propensum testati, Bohemiæ turbis se invigilaturos nonnisi generatim declararunt. Ligistæ autem, omissa Gravaminum compositione, vim & arma quum aperte pararent, decretum est denique copiarum Unionis fœderatorum augmentum. In eodem Conventu Georgius Fridericus de statu litis suæ cum Eduardi Fortunati liberis edocuit socios, novumque ab illis consilium petiit. (x)

Ex adverso Maximilianus, Bavarix Dux, Ligæ Rector, <sup>Convent.</sup> <sup>Ligist.</sup> habito Herbipoli A. 1620. Conventu, Lotharingix Ducem Ligæ

---

(u) CARAFA *Germania sacra restaurata* pag. 77.

(x) Recessus Norimbergensis A. 1619. extat apud LONDORPIUM *Actor. public.* Tom. I. pag. 873. ubi & alia huc spectantia documenta exhibentur. Adde *Theatri Europæi* Tom. I. pag. 263.

GEORG.  
FRIDER.

adjunxit, atque Pontificis & Hispaniæ Regis auxilia folicitanda decrevit. (y)

§. XXXIX.

Adpara-  
tus belli-  
ci.

Ita A. 1620. initio in omnibus Germaniæ partibus instructum est bellum. Ferdinandi II. novi Cæsaris frater, Leopoldus Argentinensis & Passaviensis Episcopus, Abbatiarum Murbacensis & Luderensis administrator, illo tempore in Alsatiam venerat, ut omnia ad bellum pararet. Armamentaria perlustrans, supellectilem bellicam ubique expedit; delectus militum habuit; Crocyaci Ducem in Galliam atque Lotharingiam misit, ut conscripta in illis partibus XXX. millia militum primo vere ejusdem anni in Germaniam adduceret. Quin & Supplementa copiarum, quæ in Colonienfi ditione hibernaverant, accersivit. Primum copiarum agmen Lippiæ Comes per Francofurtum in superiores Franconiæ partes adduxit. Cratzius, Nobilis Germanus, cum alio agmine eum secutus est. Fœderati Unionis, suas quoque copias junxerunt.

§. XL.

Expedi-  
tio in  
Francon.

Georgius Fridericus noster, aliquot equitum peditumque millia, ex hibernis evocata, in Franconiam duxit, Cæsareanos ut ab itinere prohiberet. Quingenti equites & duo peditum signa,

---

(y) CARAFA pag. 78. *Theatr. Europ.* Tom. I. pag. 331.



signa, a Norimbergenfibus miſſa, his ſe junxerunt. Caſtra prope Rotenburgum oppidum ad Tuberum fixa. Copiarum iſtarum per Archiepiſcopatum Moguntinum tranſitus haud abſimilis fuit expeditioni hoſtili. Moguntinus ad Marchionem miſit fecialem, qui de injuriis quereretur & res ablatas repeteret. Marchio deprædationes inſcio ſe factas atque invito profeſſus, militum, ſi qui deprehendantur, proterviam ſe puniturum declaravit; addens, haud ignorare ſe falſos, qui ſpargantur, ſermones: Episcopatus Spirenfis ſe ambire dominia. Verum ad ſuam modo deſenſionem arma ſe expediviſſe cum focis. Catholicos ante ſe fuiſſe armatos: Episcopum Spirenfem ad vim omnia paraſſe. Interea Ligiftarum copiae, quæ in Franconia ſubſtiterunt, inita cum Foederatis Unionis conventionem, (z) per Palatinatum ſuperiorem in Bavariam perrexerunt.

## §. X L I.

Georgius Fridericus celeriter & ipſe copias ſuas commovit, tranſitoque Rheno, in eam inferioris Palatinatus Provinciam, quæ tractus Hunnorum (*Hundsruok*) vocatur, contendit; ut adventantes ex inferiore Germania Ligiftarum milites, retardaret. (a) Convenerant inter hæc copiae, a Leopoldo Archiduce per Bur-

Ad Rhe-  
num du-  
cit co-  
piae.

Tom. IV.

Z

(z) Conventionem hanc exhibet AVCTOR *Theatri Europ.* Tom. I. pag. 339.

(a) JULIUS BELLVS *Laureæ Austriacæ* Lib. IV, pag. 288.

GEORG.  
FRIDER.

gundiam, Lotharingiam, Alsatiamque collectæ, sed & Anhaltinus Dynasta, cum inferioris Germaniæ milite, Alsatiam petere nunciabatur. Tum vero Badensis Marchio, jussu Joachimi Ernesti, Brandeburgici, qui Foederatorum copiis summo cum imperio præerat, cum X. millibus militum festinavit ad Rhenum. Agmen præibant equitum cataphractorum turmæ tres. Hos sequebantur signa peditum quatuor, ut & quatuor ænea maximæ molis tormenta, & cum instrumentis bellicis currus centeni. Dein aliæ quatuor cataphractorum equitum turmæ, ut & signa peditum IV. cum LXX. curribus, quos peditum & equitum sclopetariorum tres secutæ sunt turmæ. Ultimum agmen clauferunt centum & quinquaginta currus aculeati, (b) quorum multi sex rotis instructi, ut arcte conjuncti propugnaculum componerent. Hujus generis curruum ultra trecentos nonnulli numerarunt. (c)

### §. XLII.

Confilium  
eius.

Confilium Georgii Friderici fuerat, Leopoldum impedire Archiducem, ne copias illas, pro Cæsare & Bavaro passim comparatas, trans Rhenum in Bavariam Bohemiamque perduceret. Marchio eum in finem a Tigurinis & Bernatibus ex foedere anni 1612. flagitavit auxilia. Hi, celebrato Basileæ Conventu, foedere Austriaco, ne subsidia mittant, se impediri causati sunt.

(b) JULIUS BELLVS *Laur. Austr. sive de bello Germ.* Lib. IV. pag. 301.

(c) *Theatrum Europ.* Tom. I. pag. 337. ponit cursus 312.



At bello petitus si fuerit Marchio, copias, quas promiserant, confestim se submissuros. (d)

GEORG.  
FRIDER.

Iringa inter Brisacum atque Friburgum vicus est, ubi in Iringæ  
acclivitate montis Marchio consedit; munitisque egregie castris, confidet.  
omnem Rheni ripam, ubi trajectus est, milite & munimentis instruxit. Wirtenbergæ Dux & Onolsbaci Marchio cum ceteris copiis Ulmam petierunt, ut, si opus foret, cum Badensi se jungerent. (e)

### §. XLIII.

Leopoldus Archidux, commeatu transituque prohibitus, Leopoldo transi-  
tum concedit,  
ex Alsatia superiore, ubi hærebat, die quarto Junii, novi styli, Helfensteinium Comitem, Præfectum Austriacum in Alsatia, & Eberhardum Rappoltsteinsensem ad Georgium Fridericum misit legatos, ut ab eo intelligerent, num ille militibus, quos in Cæsaris usum Leopoldus collegerat, liberum in Germaniam daturus sit transitum. Marchio respondit, a Fœderatis Unionis se accepisse mandata, ne Cæsareanis, quamdiu isti in sua & Fœderatorum suorum confisterent ditione, ullum impedimentum afferret; aliter fo-

Tom. IV.

Z 2

(d) In exercitu tamen Marchionis ter mille tum militasse Helvetios, memorat

AVCTOR ANONYMVS *Vitæ Marchionum* pag. 345.

(e) JULIUS BELLVS Lib. IV. pag. 328. situm castrorum Georgii Friderici exhibet æri incisum.

GEORG.  
FRIDER.

re, si copiae illae terras Marchionis aut fociorum ejus attingerent. (f) Ita Leopoldo, Foederatorum Unionis ditionibus abstinenti, rectaque via in Bavariam tendenti, transitum Rheni, consilio non prudenti, concessit. (g) Maximilianus enim Bavarus, Ligistarum Dux, justo exercitu hac accessione comparato, Donawerdam inter Rainam & Widingam ad Danubium confedit, id agere visus, ut, quas ex Alfatia adducebat Leopoldus, exciperet copias.

#### §. XLIV.

Poenitentia facti.

Foederati, intellecto consilio, de suis & Palatini rebus solliciti, junctionem hanc impedire statuerunt. Georgius Fridericus ergo, relicto tum Rheno, cum omnibus copiis Wirtenbergico se junxit, atque una cum Onolsbacensi Marchione, supremo Foederatorum Duce, ad Langenoviam & Leiphemium, ex adverso hostium, castra posuit. Proelii dies jam imminere videbatur.

---

(f) Literæ utriusque partis extant apud LONDORP. *Actor. publ.* Tom. II. pag. 165.

(g) LOTICHIUS *Rer. German.* Lib. V. Cap. X. pag. 160. Commoverant Marchionem Ferdinandi Cæsaris literæ, quibus duriter eum reprehenderat, quod copiis Cæsareis ad Rhenum superiorem denegaverit transitum. Literas has Marchio cum Argentinenfibus communicavit, addens, se plurimum gaudere, quod de hostili Cæsaris animo jam constet.



In violento hoc rerum statu Foederati Unionis, de summa rerum deliberaturi, Ulmam convenerunt. Conventui intererant Legati, quos sedandis Germaniæ turbis, Galliæ Rex ad Cæsarem & ad Status Imperii miserat. Legationis hujus splendidæ caput fuit Carolus Valesius, Caroli IX. Regis filius naturalis, quem Ludovicus XIII. Egolismensem nuper Ducem creaverat. (h) Hic una cum legationis fociis, (i) A. 1620. die 18. Maji literis, Argentinae scriptis, a Georgio Friderico nostro petierat, ut per terras ejus transeuntibus legatis, eorumque comitatui, qui ingens erat, præberet hospitia.

## §. XLV.

Res Galliæ tum dirigebat Luynius, variis artibus, ab Hispanis in suas partes pertractus, qui etiam Ferdinandi II. Imp. electionem nuper promoverat. Legationi prætenfa est Catholicæ religionis defensio, quæ non in Germania tantum, sed & in vicinis regnis periclitari dicebatur; si Ferdinandus Cæsar, Friderici Palatini & Protestantium Germaniæ armis opprimeretur. Gal-

Pax cum  
Ligistis.

Z 3

---

(h) IMHOFF *Geneal. Gall.* Class. I. pag. 37.

(i) Comte de Bethune & Comte de Preaux Chasteauneuf. Legationis hujus historia & acta prodierunt Lutetiæ Paris. 1667. fol. sub hoc rubro: *Ambassade extraordinaire de Messieurs les Ducs d'Angoulesme, Comte de Bethune & de Preaux Chasteauneuf.*

GEORG.  
FRIDER.

lia itaque tum operam impendit, ut composita inter Unionem & Ligam pace, Bohemica causa Cæsaris & Palatini armis deciden-  
da relinqueretur. Ad Cæsaris & Hispanorum sententiam, ipsorum  
interventu Gallorum, quod mireris, res fuit Ulmæ transacta.  
Placuit, ut foederis utriusque abducerentur exercitus. (k) Fri-  
dericus Palatinus, non ut Bohemiæ Rex, sed ut Elector Palati-  
nus, hac pactione comprehensus. Exclusum est Bohemiæ regnum;  
exclusæ sunt hæreditariæ Cæsaris provinciæ. (l)

#### §. XLVI

Spinola  
Palatin.  
invadit.

Cæsar id, quod intenderat, consecutus, Electoratum Pa-  
latinum per Hispanos, non participes Ligæ, aggredi constituit;  
Sociis Ligæ ad Bohemos debellandos ufurus. (m) Bavarus ergo  
cum Ligistarum copiis Austriam superiorem ingressus est, eaque  
ad obsequium redacta, in Bohemiam progressus & Cæsareano exer-  
citu auctus, Fridericum Palatinum, memorabili illa ad Pragam  
in Albo Monte clade fuscum, omni Bohemiæ regno ejecit. (n) Ex

(k) BRACHELIUS in *Hist. rerum notabil.* Lib. I, pag. 23. seq.

(l) Transactio Ulmenfis die 3. Jul. 1620. facta, extat in LONDORPII *Act. publ.* Tom. II. pag. 48. DV MONT *Corps Dipl.* Tom. V. Part. II. pag. 369.

(m) Litteræ legatorum Gallicorum ad Ludovicum XIII. in libro alleg. *Ambas- sade extraordinaire* &c. pag. 184. leguntur.

(n) Expeditionis hujus historiam exposuit JOANNES BISSELIUS libro, cui titulus: *Leo galeatus.*



altera parte Ambrosius Spinola, ab Alberto Archiduce, Belgii Hispanici Gubernatore, ad occupandum inferiorem Palatinatum est missus. Fœderati Unionis, Ulmenſi transaſſione ſe deceptos videntes, defendendo Palatinatui, caſtra ad Oppenheimium poſuerunt. Georgius Fridericus noſter cum filio ſuo juniore Carolo, huic expeditioni intererat. (o) Spinola die 8. Aug. ad Badenſem ſcripſit, ut Cæſaris partes amplecteretur, vel in bello ſaltem medi-  
us eſſet. A Cæſare ſe accepiſſe mandata, ne cum exercitu ſuo Marchicas terras attingeret. Spinolæ iisdem verbis Marchio reſpondit, quibus Leopoldo Archiduci nuper reſponderat; tempera-  
turum ſe ab armis, quamdiu a Fœderatorum Unionis ditionibus abſtinuerint Hiſpani. (p)

Exercitui Hiſpanico tum quoque intererant Eduardi For-  
tunati filii, educati Bruxellis. Hi Moguntiam cum Spinola dela-  
ti, ab Archiepiſcopo Moguntino petierunt, ut litis de Marchia ſu-  
periore deciſionem Aulico commendaret Iudicio. Annuit Elector,  
atque iisdem in litteris, quas ad Vicecancellarium Imperii, Johan-  
nem Ludovicum ab Ulma, de damnis a Fœderatorum exercitu in  
ſua ditione acceptis, ſcripſerat, monuit eundem, ut hac occaſione

Eduardi-  
ni.

---

(o) LOTICHIUS *rer. German.* Lib. VII. pag. 188. *Theatrum Europ.* Tom. I, pag. 379.

(p) LONDORP. Tom. II. pag. 174.

GEORG.  
FRIDER.

de restituenda Eduardinis Marchia sua commonefaceret Cæsarem. (q)

### §. XLVII.

Acta fœ-  
derato-  
rum.

Spinola, trajecto ad Moguntiam Rheno, Crucenacum, Alzeyam, Oppenheimium & pleraque Palatinatus oppida, inspectante Fœderatorum exercitu, in potestatem redegit. Fœderati, mutatis aliquoties castris, memorabile nihil contra Hispanos, reliqua æstate, gesserunt. Joachimus Ernestus, Onolsbacensis, supremus Fœderatorum Dux, vel ab Hispanis corruptus, vel militiae ignarus, rei bene contra Spinolam gerendæ occasionem neglexit. (r) Alii culpam rei in Jacobum, Angliæ Regem, Palatini focerum, rejecerunt, qui identidem Fœderatis injunxisse creditur, ne Spinolæ, contra Palatinatum nihil hostile meditantis, iter morerentur. (s) Res aliter cum cecidisset, Jacobus, artibus Hispanorum delusus, de auxilio Fœderatis submittendo, tandem cogitare coepit.

### §. XLVIII.

Literæ  
ad Galliæ  
Regem.

Sub initium belli, in Palatinatu gesti, Bipontinus, Onolsbacensis, Wirtenbergicus & Durlacensis noster, Ludovicum XIII Galliæ

(q) JULIUS BELLVS in *Laurea Austr.* Lib. IV. pag. 343. LOTICHIVS *Comment.* Lib. VII. Cap. IV. pag. 196. *Theatrum Europ.* pag. 385.

(r) JO. JOACHIMVS A RVSSDORF. in *præf. Consilii primi* pag. 7.

(s) *Theatr. Europ.* Tom. I. pag. 383.



Galliæ Regem, de Hispanorum irruptione certiores reddentes, id agere Hispanos docuerunt, ut non Palatinum modo, sed vicinas quoque Imperii subigant provincias. Eorum autem Principum præsertim petitiones, qui pro defendenda Imperii libertate, Henrici IV. Galliæ Regis instinctu, coaluerunt in fœdus. Bohemicum quidem bellum & spretæ Majestatis Cæsareæ crimen, invasionis hujus causas prætendi; sed manifesta esse Austriacorum consilia, ut libertate Germaniæ eversa, novum sibi dominatum in ea stabiliant. Palatinum cum Bohemia nihil habere commune, neque Cæsari ex privata lite publicam facere permissum. Fœderatos nonnisi coactos, tranquillitatis publicæ & suæ salutis causa, arma cepisse, ne Palatinus, qui ex præcipuis Imperii terris, fœderi Unionis adscriptus, subigatur ab extero. In Cæsaris Majestatem a se nihil prorsus admissum. Sperare spe, spretis adversariorum calumniis, Regem libertati Germaniæ & Principum, ipsi devinctorum invigilaturum saluti. (t)

Eodem tempore legati Gallici, Vindobonæ pacis causa agentes, Regem suum monuerunt, sollicitè cavendum, ne Palatinus & Protestantes Germaniæ, conjunctis Austriacorum & Hi-

Tom. IV.

A a

---

(t) Scriptum hoc extat in libro alleg, *Ambassade extraord.* pag. 425. Aliud scriptum, ejusdem fere argumenti, mense Febr. A. 1621. Galliæ Regi a Fœderatis exhibitum, in quo enixe Regis opem implorant, extat in libro alleg. pag. 539.

GEORG.  
FRIDER.

spanorum armis opprimantur; quod vicinis Regibus, speciatim Galliae Regno, periculofum. (u)

### §. XLIX.

rans-  
actio  
cum Spi-  
nola.

Cæſar, proſpero rerum ſucceſſu elatus, non modo æquas pacis conditiones recuſavit, ſed & A. 1621. ineunte, Palatinum & ſocios, læſæ pacis publicæ reos, proſcripſit. (x) Deſperatis hi rebus menſe Februario hujus anni Heilbronnæ convenerunt. Fri- dericus V. Georgii Friderici noſtri filius, & futurus ſucceſſor, pa- tris nomine interfuit. Miſſa ad Cæſarem legatio, quæ de pace communi & de reconciliatione Palatini cum Cæſare ageret. (y) At negotium cum minus proſpere ſucceſſiſſet, Fœderati, Gallo- rum, Anglorum, Batavorumque deſtituti auxilio, & rebus ſuis a Cæſare metuentes, interventu Swicardi Electoris Moguntini, & Ludovici Haſſo-Darmſtadienſis Landgravii, die 12. Aprilis Mo- guntiae cum Spinola convenerunt, ut die XIV. Maji ejusdem an- ni copiis e Palatinatu abductis, Fœderati Unionis nulla ra- tione Palatinum juvarent in poſterum. Ita Evangelicæ Unionis Fœdus omnino ſolutum; (z) cujus focii pactione Ul-

(u) Vide ibidem pag. 349. ſeq.

(x) LONDORP. Tom. II. Lib. VI. Cap. I. & II. *Theatrum Europ.* Tom. I. pag. 470.

(y) Conditiones, Cæſari a Fœderatis oblatas, exhibet liber allegatus *Ambassade extraordinaire* &c. pag. 547.

(z) Transactionem hanc vide apud DU MONT *Corps Dipl.* Tom. II. P. II.



menſi & Moguntina decepti ſunt. Diffolutio hæc facta eſt Gallis  
 invit. (a)

## §. L.

Ab eo tempore res Palatini perditæ ac fere deſperatæ; quas Vincu-  
 præter Mansfeldium & Halberſtadienſem Marchio noſter fuſten-<sup>lum cum</sup> Palatino.  
 tare conatus eſt. Enimvero poſteri Caroli I. Badenſis, obliti  
 malorum, quæ Fridericus I. Palatinus Elector, Marchioni huic  
 intulerat, ſucceſſoribus Palatinis adhæſerunt conſtanter. Inſecu-  
 ta ſacrorum apud Germanos converſio, firmius reddidit amicitiae  
 vinculum. Palatinus denique Evangelicæ Unionis caput evaſit;  
 cujus ſœderis promotor inter præcipuos fuerat Georgius Frideri-  
 cus. (b) Corona Bohemica Palatino oblata, Durlacenſis ſuaſu  
 ab eodem accepta, vicinas has inter Domos concordiam & amo-  
 rem adauxit. Bohemica Palatino firmata ſi fuiſſet corona, Mar-  
 chiae ſuperioris poſſeſſio firmata quoque fuiſſet Marchioni.

Tom. IV.

Aa 2

pag. 391. Item in libro: *Ambassade extraordinaire* pag. 555. Transactioni,  
 Fœderatorum nomine, Joachimus Erneſtus Brandeburgicus & Johannes  
 Fridericus Wirtembergæ Dux ſubſcripſerunt. Addatur LOTICHIVS  
*rer. Germ.* Lib. VIII. Cap. VI. pag. 242. JUL. BELLUS *Laur. Austr.*  
 Lib. V. pag. 426.

(a) Lettres de M. de Puyſieux in libro ſupra allegato: *Ambassade &c.* pag. 551.

(b) Georgius Fridericus, frater Erneſtus Fridericus dum viveret, zelo pro  
 Lutheranismo commotus, contrarias Palatini & fratris, Calvinizantium,  
 partes in Comitibus aliisque Conventibus Imperii fuerat ſecutus. Sed

GEORG.  
FRIDER.

---

## §. L I.

Epocha  
infausta.

In ancipiti hoc rerum Palatarum & Durlacensium statu appropinquavit denique A. 1622. in Badensi Historia novæ Epochæ momentum. Georgius Fridericus, corpore & animo valens, quinquagesimum ætatis annum nondum ingressus; pro Friderico Palatino ultima tentaturus, anno hoc abdicat regimen. Filius illud accipit tremens. Brevi post pater prælio prostratus & exul; filius a Fœderatis desertus, Marchiam omnem superiorem amittit; inferiorem omnibus belli furoribus expositam videt, ac incertam fatorum. Tabula hæc brevis est anni, cujus descriptionem aggredior.

Marchio  
armatus.

Pragensis victoria, qua Fridericus V. Bohemia expulsum est, terruit Fœderatos & socerum Palatini, Britannia Regem, qui gladium pro generi salute stringere non ausus est. At imperterritus perstitit Georgius Fridericus; spem inter & metum semper armatus. Victoria autem Cæsaris, apud Bohemos dominantis, arma magis magisque proferri, ipsumque adeo Palatinatum & Marchias Badenses gravi periculo expositas cerneret, de utriusque defensione sollicitus, matura deliberatione habita, tandem in are-

---

fratris successor factus, mutatis consiliis, Palatino adhæsit; opibus ejus ad retinendam Marchiam superiorem usurum se sperans.



nam descendit, intrepidus & erectus athleta, militarem scientiam præ multis edoctus, & ob id ipsum armis suis forte nimium confusus.

## §. LII.

**A**rmorum suorum iustitiam repetiit a Transactione Ulmen-  
fi, qua ad defendendum Palatinum se adstrinxerant focii. Justitia armor. Mo-  
guntinam vero Pactionem, quam Onolsbacensis & Wirtenbergen-  
sis cum Spinola iniverunt, adeo se non probasse contendit, ut  
quæ Principes illi, Hispanico auro corrupti, contra fidem, Palati-  
no datam, tum egerant, impia & perfida existimet; Wirtenber-  
gico vim minatus, nisi Palatinatui laboranti ferret suppetias, quas  
ante Unionem solutam promiserat. Dux, a Marchione sibi me-  
tuens, militem collocavit in finibus. (c)

## §. LIII.

**M**archio autem præsentens mala, quibus Domus sua & Regimen deponit.  
Marchiæ expositæ, si bello succumberet; de abdicando Marchia-

Aa 3

---

(c) KHEVENHÜLLER *Annal. Ferdin.* Tom. IX. pag. 1704. ubi annotat,  
Marchionem illo tempore agitasse consilia, Eduardinos extirpandi  
liberos; ut & ex Germania ejiciendi Hispanos; restituendi Palatinum,  
eique adjiciendi Ducatum Bavarix; clericos bonis & redditibus spoliandi,  
in Moguntinum, Herbipolensem & Spirensensem, omnium malorum auctores,  
gladio animadvertendi, everaque religione Catholica, Calvinismum  
stabiliendi. In odium Marchionis scripta hæc esse, Lector æquus facile  
perspicit.

GEORG.  
FRIDER.

rum regimine suscepit consilium. (d) Duodecimus dies mensis Aprilis, Calendarii veteris, postremus est regiminis Georgii Friderici dies, primusque regiminis, quod Fridericus V. filius adivit; quo se abdicans Marchio quasi classicum cecinit bellicorum tumultum, qui per totos viginti sex annos Marchicas terras, ad pacem usque Westphalicam, agitarunt. Instrumentum Caroloburgi perscriptum est. Pater, nihil sibi reservans, nulla addita conditione, omne suum in Marchias filio tradit imperium. Suspicio est, abdicationem simulatam fuisse. Res omnis pendebat ab expeditionis eventu. Marchio, regimen deponens civile, militare in exercitum retinuit; qui communibus Unionis Fœderatorum sumptibus contractus & altus, rupto Unionis fœdere, Marchicis alebatur.

#### §. LIV.

Vires  
exerci-  
tus.

Octo peditum legiones, viginti & octo equitum turmæ, mille & octingenti currus, fabricæ singularis & novæ; omni apparatu militari instructi, decem majoris molis tormenta, splendendum & agilem ejus A. 1622. composuerunt exercitum, qualem nullus unquam Marchionum Badensium suis sub auspiciis, suoque

---

(d) CARAFA in *Germania restaurata* pag. 127. ait: „Cum Georgius Fridericus arma contra Cæsarem strinxisset, ac prius filio ditionem suam in magna fraude cessisset, fuissetque aliqua pars ditionum pupillorum Principum a Marchione Spinola inter alia loca occupata, &c.



stipendio in aciem produxit. Militaverant in exercitu hoc Wilhelmus & Bernhardus, ex Saxonica Vinariensium Domo; quibus cohortes quoque ducendas commisit. Bernhardus, fulmen illud belli, cujus prudentiam & virtutem decennio post, non Germani modo, Sueci & Galli, sed omnis Europæus orbis mirati sunt magistrum veneratus est Georgium Fridericum. Omnis exercitus ejus ad quindecim armatorum millia excurrit; (e) nec defuere, qui ad viginti quatuor millia eum excrevisse putarent. Cum exercitu hoc suo Exmarchio, a Friderico Exrege Bohemiæ frequentibus literis excitatus, Marchia sua profectus est, Tillium, Ligistici exercitus ducem, ut Palatinatu expelleret.

## §. L V.

Palatinus, intellectis Mansfeldii & Halberstadiensis progressibus, ex Batavis per Galliam & Alsatiā, mutato habitu, in Palatinatum suum redierat. Persona Landaviæ deposita, a Mansfeldio summa cum gratulatione exceptus est. Mansfeldius tractatus cum Hispanis, qui variis conditionibus in partes eum suas pertrahere studuerant, eo momento abruptit, atque expugnato Madenburgenfi, Spirensis Episcopatus cis Rhenum Castro, Rhenum trajecit; adversus Tillium, Ligistici exercitus ducem, suum ducens exercitum. Tillius, cum Bavaricis copiis ad Wiselo-

Rerum  
Palat. statu-  
tus.

---

(e) CARAFA pag. 121. BRACHELII *Hist.* Lib. II. pag. 60.

GEORG.  
FRIDER.

chium sedens & Heidelbergæ intentus, intellecto Mansfeldii adventu, copias, ad laceffendum suum exercitum missas, repulit, & reliquum exercitum, horum fuga perculsum, quoque fugere coëgit, ad Mingelshemium usque vicum, duarum fere horarum itinere, victor. Sed Mansfeldius, ibi cum fociis consistens, vico incenso, Tillius ne videret, quid ageretur, sistit fugam, restituit ordines, agmen convertit, atque in Tillianos impetum facit, qui re inopinata perterriti, victi sunt, cum vicisse se crederent, atque in fugam coniecti. (f) Equus, cui infederat Tillius, trajectus est globo. Hic exercitum suum reparaturus, Wimpinam duxit exercitum. At Mansfeldius victor, Seinshemio & Eppinga deditione potitus, Ladenburgum obsedit.

### §. L V I

Marchio  
producit  
exerci-  
tum.

Opportunum hoc temporis momentum esse ratus est Georgius Fridericus, quo exercitum suum contra Tillium, Wiselochiana clade a Mansfeldio debilitatum, solus produceret. (g) Produxit per Palatinum ad Civitatem Heilbronnæ, in cujus vicinia

(f) BRACHELIUS Lib. II. pag. 59.

(g) Sunt, qui Georgium Fridericum, Mansfeldio junctum, Wiselochianæ & Mingelshemianæ pugnæ interfuisse tradunt. WASSENBERGIUS in *Floro German.* pag. 150. ita scribit: „Junxerat se Mansfeldio Marchio Badensis & tradita filio republica, unum totus sequi Martem decreverat „ & Wiselochianæ victoriæ particeps, suis a Mansfeldio sequestratis



vicinia ad Wimpinam confiterat Tillius. Ratio belli postulabat, ut junctis cum Mansfeldio viribus, qui Ladeburgum obsidebat, & aliquot post dies expugnaturus erat, Tillium aggrederetur. At Exmarchio, impatiens moræ, & Tillii prostrati solus gloriam reportaturus, sine Mansfeldii auxilio eum aggredi decrevit. Tillius

Tom. IV.

Bb

„ copiis, solus, solo exercitu, indivisæ victoriæ gloriam sectabatur: sed in  
 „ contrarium omnia cecidere & ejus temeritate factum, ut unus ad Wis-  
 „ lochium vicisse Mansfeldius videretur. LOTICHIVS *rer. Germ. Lib. XI.*  
 „ Cap. V. hæc habet: „ Exhortatoriis illis suis, antequam ipse veniret, ad  
 „ Principes nuper confœderatos, dimissis, tantum profecit Fridericus Pa-  
 „ latinus, ut quoque Fridericus, Marchio Durlachius, veteris amicitiae ac  
 „ fœderis memor, in subsidium Palatini, exercitum promte colligeret,  
 „ eundemque tormentis, pulvere pyrio, impedimentisque novi ge-  
 „ neris, atque id genus necessariis, abunde instructum educeret. Ini-  
 „ tio igitur cum Mansfeldio aliquousque se tenuit. Ut etiam victoriæ  
 „ illius apud Wiselochium, super Thyllio reportatæ, particeps videre  
 „ posset. Quod autem ipse mallet integra potius deinceps, quam di-  
 „ midiata victoria frui, censeretque se jam Thillii impetum absque  
 „ fociis sustinere posse, utique quem vinci quoque paullo ante didice-  
 „ rat, copias suas, simultate interveniente, a Mansfeldio segregavit.,  
 Auctor Anonymus vitæ Marchionum pag. 347. ante Wiselochianam  
 quoque & Mingelshemianam pugnam Marchionis cum Mansfeldio jun-  
 ctionem evenisse scribit. *Acta Mansfeldica* pag. 153. copias Durlacenses  
 præliis illis interfuisse testantur. Sed ut ex litteris, e Friderici Palati-  
 ni castris, A. 1622. perscriptis, apparet, Georgius Fridericus non nisi post  
 prælium Mingelsheimense suas copias eduxit.

GEORG.  
FRIDER.

ab exploratoribus consilium Marchionis intelligens, eum in campo late patente, inter Heilbronnā & Wimpinā, Durlacensis ubi fixerat castra, magno cum ardore adortus est, die 26. Aprilis (A. 1622.) & quidem summo mane; ut maculam deleret, quam Mansfeldius ei nuper inusserat.

### §. LVII.

Prælium  
Wimpin.

Burgundicas Hispanorum legiones Corduba Tillio tum opportune adduxerat; cujus augmenti ignarus creditur fuisse Georgius Fridericus, qui nihilominus numero militum & opportunitate loci Tillio fuit superior; ut Carafa perscribit. JULIUS BELLUS (h) autem observat, Tillium occupasse locum editiorem, indeque Durlacenses, qui ictus evitare non poterant, graviter ab initio infestasse tormentis; levi ab ipsis damno accepto. Cruentā dein equestris efferbuit pugna; per horas aliquot durans. Præstantes viri utrimque ceciderunt permulti. Irruerunt pedestres aliquot copię Durlacenses in Hispano-Bavaricas, acriterque cum illis dimicarunt. Neutra tamen pars alteri cessit. Marchio aciem suam curribus sepserrat, qui militibus proelio fessis, valli instar, receptum præbebant. Propugnaculum hoc summis denique viribus aggressus est Tillius. Impetu factō Cæsareani paululum recesserunt, ut Durlacenses elicerent. Stratagema successit: Cordubensis enim, qui ad latus in munimento quodam se absconderat, a tergo ir-

---

(h) *Laureæ Austr. Lib. VI, pag. 526.*



ruens, Marchicos ordines turbavit, & equitatum disjecit. Marchio intra vallum se recipere & restituere pugnam conatus est frustra. Restitit tamen aliquamdiu peditatus, qui tormentis & sclopetis multa Tillianis intulit damna.

## §. LVIII.

Sed improvisa res aciem Marchionis turbavit & perculit. <sup>Fuga Marchionis.</sup> Currus numero quinque, pyrio pulvere onerati, igneque correpti, stragem & trepidationem Marchicis intulerunt. Dolo hostium, an indiligentia ministrorum, an tormenti ictu id factum sit, nemo definivit. (i) Repentino casu Durlacenses perculsi sunt. Percussis institit Tillius, donec in fugam effusi excederent campo. Pugna non ante vesperam finita. Summa utrimque arte, fervore & contentione certatum. (k) Tormenta & currus, quos inter & illi,

Tom. IV.

Bb 2

(i) CARAFA, sæpe allegatus, hæc addit : „Cum initio proelii res Cæsareanorum fuissent in arcto, visam a milite Hispano in acie mulierem candido amictu, quæ Catholicos hortaretur ad pugnam, & victoriam promitteret. Eundem mox militem majori tormento, cui astabat, casu ignem intulisse, ex quo erumpentes pylæ hostium inciderint currus.,,

(k) De proelio hoc legendus est JULIUS BELLUS *Laureæ Austr.* Lib. VI. pag. 526. LOTICHIUS *rer. Germ.* Lib. XI. Cap. V. pag. 304. *Theatrum Europ.* Tom. I. pag. 626. BRACHELIUS in *Hist. sui temporis* Lib. II. pag. 60. KHEVENHÜLLER *Annal. Ferdinand.* Tom. IX. pag. 1706. sq.

GEORG.  
FRIDER.

quibus imposita pecunia, in Tillii potestatem venerunt. (1) Supra centum & mille milites capti, multique tribuni & ordinum ductores. Wirtembergæ Ducis frater, Magnus, fortissime pugnans, in proelio cecidit.

---

qui tamen in eo fallitur, quod Marchionem juvenem Carolum in proelio extinctum fuisse perhibet. Descriptio hujus proelii particulari scripto prodit A. 1622. 4to.

- (1) JULIUS BELLVS *loc. alleg.* pag. 527. hæc habet. „Inter alia autem  
 „ duas majores machinas ferreas, quæ pilos sexaginta librarum emit-  
 „ tebant, sex nova tormenta ænea, anno 1614. fusa, & Marchionis  
 „ Durlacensis insignibus ornata; triginta mediocria & minora ænea  
 „ tormenta: quinquaginta parva mortaria ænea, ingens mortarium,  
 „ quale vix a veteranis & diu in bello versatis militibus visum fuerat:  
 „ duo alia nova mortaria ænea, quinquaginta currus, pulvere nitrato,  
 „ funiculis, instrumentis bellicis & alio apparatu militari onustos;  
 „ quadringentos alios, quibus omnis generis sarcinæ impositæ erant,  
 „ quatuor artificiosis scalis, ad oppugnationem faciendam comparatis,  
 „ plenos: sexaginta longurios, ferrea cuspidem munitos, magnam panis,  
 „ farinæ, falis, vini, pecudum, & omnis generis annonæ copiam;  
 „ duos currus, in quibus ducenta viginti quinque millia thalerorum,  
 „ quorum pleraque ab Archiduce Leopoldo cusa erant, & aliqua regia  
 „ moneta, quam nova unio contulerat, cum aliquot millibus floren-  
 „ rum, quæ omnia militibus prædæ cesserunt: duodecim naves ad ster-  
 „ nendum pontem, infra Heilbronnâ a Durlacensibus comparatas, ce-  
 „ perunt. Denique septem vexillis peditum & decem equitum cum  
 „ vexillo Marchionis prætorio potiti sunt, quæ Viennam miserunt.



Marchio victus ad Mansfeldium confugit; (m) obsidentem Ladeburgum, cujus obsidionis finem expectare debuisset, ut, junctis cum Mansfeldio viribus, Tillium aggrederetur. Inter abdicationem Marchionis & cladem acceptam nonnisi quatuordecim intercefferant dies.

## §. L I X.

**I**nfelix hoc ad Wimpinam proelium non modo Badensium Sequelæ  
& Palatinorum, sed & Germaniæ Protestantium fortunam pro-  
stravit. Palatinum una perdidit in Bohemia pugna; Durlacensem  
unum perdidit in Suevia proelium; quo amisso, Palatinatum Ex-  
rex Bohemus, & Marchiam superiorem Exmarchio Durlacensis  
suæ lineæ amisit; Palatinatui suo restitutus Fridericum. Ille Carolo-  
burgi, quo post proelium secesserat, die 3. Maji, ad Joachimum  
Ernestum Brandeburgicum scribens, aperit ei, ad Wimpinam se pro-  
gressum, ut castra ibi figeret, non ut provocaret ad proelium. At  
celeritate hostium & fervore se adactum, ut rem certamini com-  
mitteret. Post continuas bidui velitationes denique cessisse se loco,  
amissis tormentis & nervo belli, stipendiorum pecuniis, sed ho-  
stes cruenta potitos victoria; cum singuli militum suorum tres vel  
quatuor ceciderint hostes nullusque eorum perierit inultus. Ex

Bb 3

---

(m) Tradit KHEVENHÜLLER loco alleg. Marchionem fugientem abjecisse  
armaturam corporis, quæ Leopoldo Archiduci dono data.

GEORG.  
FRIDER.

præcipuis ductoribus neminem fere desiderari præter Magnum, Wirtembergæ Ducem, qui fortitudine & prudentia sua, causæ publicæ multum præsidii potuisset afferre. Damna, hac clade accepta, facile posse reparari; constituisse se, collectos e fuga milites, proximo quoque die, in hostes educere.

### §. LX.

Gesta re-  
liqua.

**E**nimvero Georgius Fridericus cum reliquiis exercitus sui toto mense Majo stetit in armis, & cum Ernesto Mansfeldio rem Palatini utcunque sustinuit; Ladenburgum expugnavit, evertit; Rheno trajecto liberavit Hagenoam, quam Leopoldus Archidux obsidione premebat; captoque Drusenheimio, Leopoldi & Alfaticas Hanoviæ Comitibus ditiones late vastavit. Posthæc Mansfeldius cum Exrege Bohemiæ & Exmarchione, relicta Alsatia, die XXIII. Maji Rhenum transgressus, inopinato impetu cepit Darmstadium, & vicinum omnem agrum misere vastavit; quod Ludovicus Landgravius Cæsaris partes constanter secutus est, uti Cassellanus Anti-Cæsareanas amplexus est partes. Darmstadiensis, propositis a Mansfeldio conditionibus subscribere nolens, cum filio Johanne fugam arripuit, sed in itinere ab excubitoribus Durlacensibus captus, Carolo, Georgii Friderici filio juniori, traditus, ab eo ad patrem Marchionem deductus est. Omnes hic vires intendit, ut Landgravium Palatino redderet faventem. At ille ingenue & constanter professus est, nullo metu, nulla spe, unquam a fide,



Cæsari data, discedere se posse. Palatinus Landgravium, qui ad eum fuerat deductus, mancipavit custodiæ, atque exercitum sequi iussit; æquiores pacis condiciones a Cæsare se obtenturum confidens, si captivum retineat. (n)

## §. L X I.

Sed omnia Palatini & Fœderatorum consilia brevi post <sup>Marchio</sup> <sup>copias</sup> (die 9. Junii) intervertit Christiani Halberstadiensis, a Tillio pro- dimittit, fligati, clades Hœchstiana ad Mœnum, quæ in his partibus bellum terminavit. Palatinus enim non Halberstadiensem modo, sed & Mansfeldium atque Marchionem nostrum post cladem hanc exau- ctoravit; (o) Cæsaris se committens arbitrio; quem faventorem sibi fore crediderat, si deponeret arma; ut focer ei suasset, Rex Angliæ, Jacobus, ab Hispanis deceptus.

In his rerum angustiis suas quoque copias die XII. Junii Georgius Fridericus dimisit; literis ad Pleickardum Helmstadium, primarium sui exercitus ducem, scriptis, quibus de tristi patriæ suæ & Protestantium statu pauca præfatus, non aliam sibi super- esse viam declarat, quam ut arma deponat. Injungit Pleickardo, ut tormenta cum instrumentis & impedimentis bellicis Schreckium mittat ad Rhenum, cum equitum comitatu; curaturum se,

---

(n) KHEVENHÜLLER *loco. alleg.* pag. 1723. seq. JULIUS BELLVS  
pag. 546.

(o) Halberstadiensis & Mansfeldii exauctoratio facta die XIII. Julii 1622,

GEORG.  
FRIDER.

ut transvehantur in Marchiam. Scribit ei porro, ut cum militibus rationes subducatur, illis se satisfacturum promittens, monensque, ne illos introducat in Marchiam, quæ magna commeatum jactura laboret; quin & timendum, ne Cæsar tractatus, quos Marchio filius cum eo instituit, abrumpat, si militem in terris suis se alere intelligat. Repetit ergo, ut Marchionatui, satis jam afflicto, parcatur.

§. LXII

Marchia  
vastata.

Paulo ante enim, Mansfeldio in Alsatia grassante, duodecim millium exercitus, ex Holfatis, Saxonibus & Cosacis compositus, in Marchiam Durlacensem indeque in Alsatiam, Anhaltino duce, transiverat, ut Mansfeldium expelleret. (p) Ita res desperatæ Exregis, res desperatæ Exmarchionis, nuper tam potentis & floridi. Evangelica Unio, Moguntini & Darmstadiensis persuasum nuper dissoluta, Georgii Friderici rebus nihil potuit opis afferre. Inundata mox (die 5. Julii) Bavaricis, Hispanicis, Polonicis, Hungaricis, aliisque copiis Cæsareanis, Marchia omnis, infelix & territa. Omnia latrociniis, rapinis, cædibus, incendiis, miserrime vastata. Exmarchio Hachbergam cum paucis se contulit; privatam ibi & solitariam vitam acturus.

Tillius



Tillius eodem Julio mense, quo socios suos, Cæsari ut placeret, Palatinus exauctoraverat, Heidelbergam obsedit, mense Septembri cepit; expugnavit Manhemium. Palatinatus amissus.

## §. LXIII.

Sed & Cæsarea sententia superiorem mox Marchiam Dur-  
lacensis amisit, quam A. 1617. ab Imperatore Matthia in perpetuum obtinere potuisset, si Badensem Spanheimensis Comitatus partem, cum Marchionis titulo, Eduardinis liberis concedere voluisset; quod in Francofurtano Conventu legati Cæsarei Georgio Friderico obtulerunt. Imprudentiæ eum non pauci accusant, quod Evangelicæ Unionis opibus nimium confidens, tam æquas litis componendæ conditiones tam pertinaciter recusaverit. Cæsareo enim judiciali decreto Eduardinis reddenda quoque jam fuit omnis superior Marchia. Judicarium ordinem in omni hoc observatum negotio, Georgius Fridericus ipse ad Senatum Populumque Argentinensem Februarii Calendis 1622. perscripsit.

Marchia  
superior.

## §. LXIV.

Ultimo Octobris A. 1620. Marchioni, ad Judicium Senatus Aulici vocato, bimestre tempus exceptioni præfixum. Marchio ab Imperatore, male informato, ad Imperatorem melius informandum, & ad Status Imperii provocavit. Sed alio mox decreto, die 25. Febr. A. 1621. imposita ei denuo in judicio compa-

Judicia-  
rius or-  
do.

GEORG.  
FRIDER.

rendi necessitas. Eodem, quo nuper, modo, post tres menses, a Marchione responsum. Tertium denique ab eodem Senatu die 30. Julii A. 1621. ejusdem formæ emanavit Decretum: ad quod eadem responsio cum Apologia, qua Georgius Fridericus recusati judicii rationes exponit. Hæc die 25. Aug. A. 1621. missa ad Aulam, quæ provocationis nullam habuit rationem. Quin imo de rei novitate, ad imminuendam supremi judicis auctoritatem composita, litteris, die XIV. Decembris ad Marchionem datis, questus est Cæsar; appellationis formulam ei remittens; Matthiæ Imperatoris secutus exemplum; qui die 7. Junii A. 1613. eandem fuerat viam ingressus. Idem egit Moguntinus Elector, cui Marchio simile provocationis exemplum transmiserat, ut cum Statibus Imperii in Comitibus illud communicaret. Georgius Fridericus alio scripto die 31. Jan. 1622. Electori respondit.

### §. LXV.

Restitutio  
Marchiæ su-  
per.

**I**nfelix ad Wimpinam prælium, his rebus interveniens, liti finem imposuit. Augusto enim mense sententiam pronuntiavit Cæsar, ut superior Marchia, cum refusione sumptuum & damnorum, primogenito Eduardi filio restitueretur. Restitutio facta est eo modo, quem supra exposui. (q) Ita Marchiam superiorem Badensem, quam Ernestus Fridericus per novennium, Georgius Fridericus per octodecim tenuerant annos, Frideri-

---

(q) Tom. III. pag. 84. seq.



cus V. in primo regiminis aditu restituere coactus est. Pater interea degens Hachbergæ, biennium ibi vixit privatus. Quum autem A. 1624. mense Augusto novus Baviaræ Ducis exercitus Marchionatum infestasset, Exmarchio, mense Octobri Genevam transivit. (r)

GEORG.  
FRIDER.

### §. L X V.

At in ipso hoc Helvetico suo secessu inquires, de novis <sup>Nova</sup> auxiliis Palatino adducendis, cogitavit. Joachimus de Rufs- <sup>Marchio-</sup> <sup>nis confi-</sup> <sup>lia.</sup> dorff, qui res Friderici Exregis in Aula Anglicana procurabat, in Monitis Politicis, quæ Jacobo Regi illo anno (1624.) exhibuit, id aperte profitetur. „ Marchio Badensis senior, inquit, (s) occa-  
„ sionem expectans, paratus & promptus est exercitum & mili-  
„ tem parare, modo videat, alibi etiam bellum surgere & ho-  
„ stes occupari. Helvetios sibi auxilio affuturos, aut saltem  
„ clam juvaturos sperat, ut exercitum possit conscribere & edu-  
„ cere, quem vel conniventibus, vel non impredientibus illis, si-  
„ ne mora & impedimento concenturiabit. „

Placuit denique, ut Regis Angliæ, Regis Gallorum, Sabaudia Ducis ac Venetæ Reipublicæ pecunia XX. mille armatorum exercitum Marchio noster colligeret, in Alsatiam & in Palatinatum irruptionem facturum; quod consilium, mortuo Jacobo

Tom. IV.

C c 2

(r) JUNGLERUS in *vita Georgii Friderici*.

(s) In libro cujus rubrum: *Consilia & negotia publica* pag. 100.

GEORG.  
FRIDER.

patre, Rege imbelli, Rufsdorffius (t) Carolo successori commendaverat. Helvetii huic bello accessuri videbantur, quibus Austriae vicinæ potentia suspicionem commovit. Sed Cæsar, missis confestim in Alsatiam copiis, & Leopoldo Archiduce summæ rerum præfecto, consilium evertit. Unde Marchionis in Alsatiam & Palatinum expeditio ne quidem tentata est.

Acta Genevæ.

Genevæ cum viveret Marchio, in ædibus ille suis sacra sua Lutherana peregit. His paulatim & alii, vel cives vel exteri, cum frequentes accederent, petiit Senatus, ut extraneos excluderet. Marchio petitem, aliquoties repetitem, contemnens, denique mense Februario A. 1626. Geneva relicta, Tunonium, Caballicensis Ducatus oppidum, se contulit, ubi a Sabaudia Duce Carolo Emanuele domesticum quoque religionis suæ exercitium obtinuit. (u)

---

(t) *Loco alleg.* pag. 173. ubi ita differit.,, Confœderati serio cogitanto, quomodo diversio in Alsatia per seniores Marchionem Badensem, qui pronus est eam suscipere, si de mediis, quæ proponit & petit valde parabilia & bene secuta, prospectum fuerit, fieri possit. Gallo,, aliquid subsidii pecuniarii & Helvetiis vicinis aliquid auxilii conferentibus.,,

(u) SPON. *Hist. de Geneve* Tom. I. Lib. III. pag. 487. ubi annotat, Marchionem Syndico Civitatis, mandata Senatus exponenti, ictus intentasse, causatum; Gebennam esse Imperii Civitatem, in qua sui ipse juris sit & plena libertate gaudeat. Sed confutat hæc AUCTOR *Annotationum ad Historiam Sponii* pag. 488. litt. O.



## §. LXVI.

In illo secessu suo Georgius Fridericus, a Carolo Angliæ & Fœdus cum Rege Angliæ. Christiano Daniæ Regibus, ad induenda rursus arma bellumque alienis sumptibus gerendum invitatus est. Carolus peculiaribus litteris, die 10. Nov. 1626. Westmonasterii datis, Marchioni nostro potestatem concessit, ut quater mille pedites & mille equites regiis suis sumptibus conscriberet, atque ad vindicandam libertatem Germaniæ; ad restituendum Palatinum & defendendos socios, vi injusta oppressos, quanta posset diligentia in aciem educeret, ageretque ea omnia, quæ utilitati communi, Palatini & sociorum salutis expedire viderentur. (x) Præterea Rex pacem se non facturum promisit, nisi incluso Marchione, qui, missum Venetias legato, omnem operam impendit, ut in societatem consilii adduceret Venetos. Anglus jam antea (y) ad Christianum IV. Daniæ Regem scripserat, se ductu Marchionis rebus Germaniæ Daniæque afflictis opem laturum. (z)

## §. LXVII.

Vigor mentis & corporis, ardor bellandi, causæ Palati- Expedi- tio in Holsat. næ studium, induxerunt Marchionem, ut A. 1627. copias, An-

Cc 3

---

(x) Literas has vide in RYMERT *Actis publ.* Tom. VIII. Part. II. pag. 112.

(y) X. Kal. Octobris.

(z) Extant hæc litteræ Ms. in Tabulario Bada-Durlacensi.

GEORG.  
FRIDER.

glica quas collegerat pecunia, Angliæ Regis fœderato, Daniæ Regi, in Holsatiam adduceret. Danus Generalis copiarum suarum Locumtenentis dignitate Marchionem condecoravit. (a)

Annus hic Daniæ Regi & Marchioni nostro fuit omnino fatalis. Exercitus ejus, quem anno præcedente Tillius ad Lutteram fuderat, per Wallensteinium ejusque Legatos pulsus est ex Silesia, Brandenburgica Marchia, & ex Meclenburgi Ducatu. Infelicius horum eventuum testis interfuit Georgius Fridericus, qui tranquillus & securus e longinquo in secessu suo hæc spectare potuisset. Sed fatis agitatus adversis, in ora boreali maritima non felicius, quam in Rhenensi & Suecica fuit. Tillium utrobique implacabilem expertus est hostem; qui cum Fridlando prosperis insistens successibus, Cimbricæ Chersoneso denique Danum & Marchionem nostrum inclusit. (b)

### §. L X V I I I.

Clades  
Marchio-  
nis.

Hic, appropinquante Wallensteinio, Wismariæ naves cum copiis suis conscendens, ex Meclenburgico Ducatu in Wageriam, Holsatiæ provinciam, transiens, ad Heiligenhavæ portum appulit, milites ad Grotenbrodam in terram exposuit. (c) Schli-

(a) *Theatrum Europæum* Tom. I. p. 982. LOTICHIVS *rer. Germ.* Lib. XVII. Cap. IV. pag. 498.

(b) PUFENDORF. *rer. Suecicar.* Lib. I. §. 49. seq.

(c) HOLBERG *Dänische Reichshistorie* Tom. III. pag. 754. CARAFFA *Ger-*



ckius, Wallensteinii Legatus, fugientibus institit, atque die 25. Septembris ejusdem anni (1627.) omnem Marchionis nostri exercitum circumdedit, cecidit vel cepit. Prælii locum silent plerique. (d)

---

*mania restaur.* pag. 308. & 315. WASSENBERG. *Florus Germanicus* pag. 151.

- (d) Novissimus rerum Danicarum scriptor ROCHIUS (DES ROCHES) in *Historia Daniæ*, Gallice scripta, Tom. V. pag. 349. Marchionem ad *Winmar*, vel *Trismar*, adventante Schlickio, castra habuisse refert. Intelligenda videtur esse Cismaria, qui locus est Wagriæ, unde Præfecturæ nomen. Idem auctor tradit, Marchionem a Schlickio cinctum, antequam prælium iniretur, conscensa navi, quam in littore maris Balthici repererat, cum præcipuis Præfectis fuga salutem petiisse; exercitum autem, quem nonnisi quinque millium fuisse putat, deditione facta, in Schlickii victoris verba jurasse. CARAFA *loco alleg.* pag. 316. ait: Marchionem cum copiis suis in angustias insulæ cujusdam prope Kielam reductum, deletisque duabus legionibus Bernhardi Ducis Vinariensis & Nellii, ceteros tam arcte inclusos, ut vel aquis se committere, vel Schlickii arma perfringere cogerentur. Addit pag. 319. „Optima fortè Comes Schlickius apud Cimbricam Chersonesum prope Kielam, postquam dudum hostium copias obsedisset, fugiente Marchione Durlacensi, cum præcipuis Ducibus via maris & dissipatis primis legionibus, totam illam partem exercitus Daniæ Regis, quæ eidem Marchioni commissa fuerat, superavit, ademtisque 27. signis peditum & sexdecim equitum, sine sanguine Cæsareis copiis adjecit, atque ulterius progressus, quasi totam præfatam Cimbricam Chersonesum seu

GEORG.  
FRIDER.

Polonicarum rerum haud indiligens scriptor, PAULUS PIASECIUS, sex millia peditum, duo millia equitum in proelio hoc cæsa fuisse refert. (e) Quadringenta militaria signa; viginti tormenta bellica, vel triginta duo, si LOTICHIMUM (f) audias, cum copiosa supellectile castrensi, in Schlickii victoris potestatem venerunt. Marchio cum Præfecto suo Nellio, paucisque tribunis navium ope evasit. Ceteræ legiones in Cæsaris verba jurarunt, qui victoria hac, præter Gluckstadium & Crempam, Holfatia potitus est tota.

## §. LXIX.

Argenti-  
nam fe-  
cedit.

Post infelicia hæc fata Georgius Fridericus, a bellicis curis animum revocans, Argentoratum concessit, ubi Domum habuerant Durlacenses Marchiones, cum insigni Draconis, prope pontem D. Nicolai, quæ seculo superiore in Gubernatoris urbis ædes conversa. Ibi tranquillam vitam agens, litteris & præsertim librorum sacrorum lectioni vacavit, quas undesexagies se legisse, ipse manu sua in primis exempli sui, quod formæ minoris est, paginis annotavit. Terras Marchicas tamen, quoties Suecorum arma in his partibus prævaluerant, invisit.

## §. LXX.

„ Jutiam, occupavit. Kiela, cujus hic mentio fit, non est Chilonium,  
„ Holfatiæ caput, sed sinus, uti videtur, ad littora Wagriæ. „

(e) *Chronica Gestorum in Europa singularium* pag. 397. Adde *Theatr. Europ.*  
Tom. I. pag. 986.

(f) *Rer. German.* Lib. XVIII. Cap. I. pag. 500.



## §. L X X.

Memorable est testamentum, quod septennio ante abdi-<sup>Testa-  
mentum  
ejus.</sup>cationem (A. 1615.) de Marchiæ & Domus suæ salute sollicitus, condidit Caroloburgi, die 17. Novembris, quod Pragmaticam Ernestinæ suæ lineæ sanctionem constituit. Præcipua ejus capita hæc sunt:

- I. Omnia testamenta, quæ superioribus annis condidit, revocat.
- II. Filiis & Successoribus constantiam in Evangelica religione commendat.
- III. Sepulturam eligit Pforzhemii in Collegiata S. Michaëlis Ecclesia, ubi & uxor ejus Agatha, Erbacensis Comitissa, sepeliatur. Exequias, Balsamationem, Epitaphium, ordinat.
- IV. Renunciatio Principum feminarum perpetua Lex fit Domus Badensis.
- V. Filii prioris matrimonii educentur in Aula Principis regentis; posteriores apud matrem, usque ad annum octavum completum. Matri centum floreni pro singulis liberis, pro filia, quæ annum 8. egressa, 200. floreni quotannis pro victu & amictu solvantur.
- VI. Singulæ Principes filiæ, postquam renunciaverint successioni, accipiant 500. florenos.
- VII. Si Marchionissa vidua ad secundas nuptias vel ad aliam

GEORG.  
FRIDER.

religionem procedat, filiae ad Marchionis viventis Aulam transferantur, & in Lutherana educantur religione.

VIII. Durlacensis Gymnafii & Sulzbergensis scholæ conservatio & emendatio commendatur.

IX. Commendatur observatio tractatum, privilegiorum, contractuum, quos inivit deditque testator.

X. Fridericus, Carolus & Christophorus, filii ejus, constituuntur heredes. Excluduntur filiae, quamdiu masculus superstes. Dos filiarum sit decies mille florenorum, ut Ernestus testamento suo A. 1550. ordinavit. Intelligitur hoc de filiabus Marchionis Regentis, de reliquis ipse Regens disponat. Principi Regenti, cum annum vigesimum quintum compleverit, subditi praestent homagium, ante complementum praestetur tutoribus.

XI. Terræ Badenses in posterum nulli divisioni obnoxiae, ab uno Principe regantur.

XII. Jus primogenituræ & successionis linealis agnaticæ stabilitum.

XIII. Princeps Regens in regimine statuta sequatur Majorum, nisi testator ante mortem nonnulla in utilitatem Domus immutet. Neque hæc contrariantur consensui, quem testator dedit, ratione permutationis, quam Marchio Ernestus cum Wirtembergica Domo inivit.



XIV. Marchio regens solus onera portet, solus quoque tria suffragia, superioris nempe & inferioris Marchiarum Badæ & Marchionatus Hachbergæ in Circulo Suevico, ut & suffragium Comitatus Spanheimensis in Circulo Rhenano habeat; atque omnes, quicunque sunt, Marchiones Badenses præcedat. (g)

XV. Si Marchio Regens anno vigesimo sexto ætatis suæ non duxerit uxorem, aut post quinquennale matrimonium non habuerit heredem, proximus heres matrimonium ineat, qui si id facere neglexerit, intra anni spatium sequens id faciat heres. De cetero omnibus Principibus Domus liberum sit ducere uxorem, si Princeps Regens consentiat, vel ejus tutores.

XVI. Omnes Marchiones, non regentes, eosdem cum regentibus titulos gerant.

XVII. Carolus, secundo genitus testatoris filius, Badensem portionem Comitatus Spanheimensis ulterioris, & Christophorus tertius Princeps, Præfecturam Grefensteinensem obtineant, ut inde percipiant fructus; (h) sed salva superiori-

Tom. IV.

D d 2

---

(g) Tum temporis omnes terræ Badenses erant in manibus Lineæ Durlac. & Eduardini liberi extorres.

(h) Terræ hæ ex sententia Cæsaris ad Wilhelmum Bada-Badensem quum postea rediissent, Georgii Friderici Marchionis interventu A, 1624. die 16.

GEORG.  
FRIDER.

tate Principis senioris, Friderici, cui intra annum feudale homagium præstare teneantur.

XVIII. Quodsi secundus Princeps sine masculis moriatur heredibus, junior in Comitatu Spanheimensi succedat, & huic in Præfectura Grevensteinensi succedat, si quis adhuc nasceretur filius. Unicus autem si superstes sit cum Principe Regente frater, ille solus Spanheimenses & Grevensteinenses possideat terras.

XIX. Possessores hujus Comitatus & Præfecturæ, dotem & vidualitium uxori suæ constituere possunt, Principis Regentis permisso.

XX. Appanagia nec alienare, nec oppignerare licitum est, nisi ob liberationem ex captivitate. Fiat id tamen cum consensu Regentis, ut proprietarii terrarum. Eum in finem possessores litteras antigraphas offerant Regenti.

XXI. Si moriente testatore, Spanhemium & Grevensteinium non

---

Febr. inter tres filios ita transactum est, ut Carolus secundo genitus septies mille thaleros annuos, Christophorus quater mille perciperet, uniusque deficientis portio accresceret alteri. Marchia superior Friderico si fuerit restituta, Carolus Spanheimensis Comitatus, vel Lahrensis Dynastiæ partem Badensem; at Grevensteinii Præfecturam Christophorus accipiat. Earum ditionum redditus a pensione annua deducat Fridericus. Reliqua testamenti capita confirmantur. Id addo, conventionis hujus instrumentum authenticum in Tabulario Durlacensi, quod Basileæ est, non extare, adeoque dubium esse, an illa fuerit perfecta.



amplius forent in ejus potestate, contenti sint filii juniores eo, quod illis assignabitur infra. Si Comitatus & Præfectura non tantum reddituum ferant, quantum junioribus assignatum est fratribus, suppleat senior, qui illos in possessione eorum defendat. Illi tamen ante 25. annum neutrius administrationem possint adire. Officiales, quos constituunt, jusjurandum præstent Marchioni Regenti.

XXII. Principes, ætate minores, in Aula Regentis ad annum usque 18. educantur.

XXIII. Quodsi præter Marchionem Regentem, unus tantum superesset Princeps, huic post completum annum 25. vel, si consilio Regentis, aut tutorum ejus, matrimonium contrahat, 5000. floreni annuatim solvantur. Si sint duo vel tres, singuli 3000. florenos accipiant, si quatuor vel plures, 2000. floreni singulis porrigantur.

XXIV. In tali rerum statu junior Princeps, si matrimonium contrahat, in Spanheimensi Comitatu, vel in Dynastia Grevensteinensi domicilium figat. Quod si terræ hæ amitterentur, occupet Badevillam & Castrum Sulzberg cum oppido, si vidua Marchionissa, loca illa occupans, morte vel alio modo ea reliquerit. Accipiat porro 5000. florenos cum frumentis, vino, venatione; reservato semper seniori superioritatis jure,

GEORG.  
FRIDER.

a quo etiam Badevillam & Sulzbergam teneat in feudum ; sed filio successori Regentis has terras restituat.

XXV. Mobilia omnia maneat in manibus solius Principis Regentis. Reliquis, si unus modo est, 5000. floreni ; si duo, singulis 4000. floreni, si vero tres vel plures, singulis 2000. floreni, & quidem nonnisi eo tempore, quo ad nuptias transeunt, solvantur.

XXVI. Primogenitus Marchio junioribus nihil debet ratione terrarum.

XXVII. Quibus conditionibus cum Eduardinis liberis transactio ineunda sit, si obveniat occasio, Marchio præcipit.

XXVIII. Prioris conjugis hereditas inter filias ejus dividatur.

XXIX. Filiis commendantur boni mores & debitorum solutio.

XXX. Pro curatoribus & tutoribus filiorum minoris ætatis, si qui superessent, testatore moriente, Joachimus Ernestus, Marchio Brandenburgicus, & Jo. Fridericus Wirtembergæ Dux, commendantur, qui eos in Evangelica religione educabunt, ad externos studiorum causa mittent. Senior maneat domi, nec duo Marchiones eodem tempore ad externos mittantur.

XXXI. Evangelica religio constanter servetur. Marchio religionem mutans, terris privetur.

XXXII. Expellantur Judæi ex omnibus Badensibus terris, nec unquam admittantur.

XXXIII. Forma regiminis præsens servetur, saltem Principe in



ætate minore constituto. Confiliarii Intimi sint Evangelicæ religionis. Res, statum publicum concernentes, ad Curatores, & Tutores deferantur. Administratio justitiæ, constitutio, depositio officialium & Ministrorum Ecclesiæ ad Confiliarios Intimos spectet.

XXXIV. Judicium Aulicum, Matrimoniale & Consistorium in suo statu servantur. Filius natus maximus; minor licet annis XXV. quotidie Confilia, præsertim Intimum, frequentet.

XXXV. Jus Provinciale quantocius perducatur ad finem.

XXXVI. Principes ad completum usque annum 25. feminæ usque ad matrimonium, sub curatela vivant.

XXXVII. Si duo tutores vel moriantur vel mutant religionem, aut eam non stricte observent, alius Princeps, Unioni addictus, eligatur.

XXXVIII. Confiliariis tutelæ vel curatelæ commendatur silentium.

XXXIX. Si successor moriatur, relictis minoribus ætate, iidem tutores rogantur, ut continuent tutelam.

XL. Si quæ lites inter heredes oriantur, res componatur per arbitros.

XLI. Successor non recedat ab Unione, quæ A. 1608. d. 8. Maji inter Principes Protestantes inita: servet quoque fœdus, cum Turicensibus & Bernatibus initum.

GEORG.  
FRIDER.

XLII. Equester ordo a successore quovis modo augeatur, promoveatur.

Ad perpetuam & inviolabilem hujus Testamenti observationem filii Principes obligantur.

Dispositio hæc Principem sapit, omnia animo complexum, Marchiam quæ poterant reddere tranquillam, florentem.

## §. L X X X I.

Obitus.

Argentorati tandem die 24. Septembris A. 1638. ætatis 65. decessit, postquam, patre mortuo, per 45. annos vel ipse, vel sub tutoribus gessisset regimen, atque per 16. annos vixisset privatus. In tam diuturnis Belli Germanici motibus Georgius Fridericus a Cæsare nunquam nominatim proscriptus, Palatini partes licet semper secutus sit. Sarcophago inscripta fuit notitia sequens: „ Hoc in loculo corporetenus recumbit Quondam Sere-  
 „ nissimus Princeps ac D. D. GEORGIUS FRIDERI-  
 „ CUS Caroli F. Marchio Badensis & Hachberg: Landgravius  
 „ Saufenberg: Comes Spanh: & Eberst: Dn. Roetelæ, Badenwi-  
 „ ler, Lahr & Mahlberg &c. Heros magnanimus, Pietatis  
 „ cultor devotissimus, religionis puræ Augustanæ Confessionis &  
 „ Germaniæ libertatis assertor constantissimus, VIRTUTE, quo  
 „ Symbolo usus est, tam militari, quam togata, præclarus, Dux  
 „ belli fortissimus, litterarum & linguarum scientia, multis pe-  
 „ regri-



„ reginationibus parta, incomparabilis, innumeris calamitati-  
 „ bus obrutus, nunquam fractus, quem uno verbo sine adula-  
 „ tione dixeris coronam Principum. Natus Caroliburgi  
 „ A. MDCXXIII. XXX. Jan. Marchicarum ditionum partem  
 „ cum dnis Fratribus XI. omnes conjunctim ad XVIII. annos  
 „ rexit, vixit annos LXV. menses VII. dies XV. obiit Argenti-  
 „ nae XIV. Sept. A. MDCXXVIII. cujus anima vivit in  
 „ Deo. „

Inscriptionem hanc Tabularium Badense asservat. Sarco-  
 phagus autem, in quo Georgii Friderici corpus quiescit, quem in lo-  
 cum deportatus sit, nobis non liquet. In Cathedralis Argenti-  
 nensium Ecclesiae crypta depositus fuisse videtur, donec, pace re-  
 ducta, cryptae inferretur majorum. Deportationis autem nulla  
 nobis documenta supersunt. Inter Marchiones, Pforzhemii sepul-  
 tos, Georgius Fridericus certe non extat.

## §. LXXII.

Princeps fuit, Marchionum Badensium nulli secundus, cui Chara-  
 „ nihil defuerat praeter fortunam. Simonius, Cathedralis Ecclesiae <sup>cter,</sup>  
 Metensis Primicerius, Theologus Doctor, in literis ad Subdata-  
 rium Pontificis, Romam datis Nancejo, ita de eo: „Marchio Ba-  
 „ densis, Princeps Lutheranus, inter Germaniae Principes inge-  
 „ nii praestantia ac doctrinae laude celebriores numeratur.

GEORG.  
FRIDER.

Omnium Badensium ditionum possessor, in Collegio Principum tria tulit suffragia, Hachbergicum nempe & Badensia duo, quod Marchionum Badensium contigit nulli.

Senioris fratris sui, Ernesti Friderici, imitatus exemplum, politicas Majorum suorum mutavit rationes. Carolus I. Cæsari contra Fridericum I. Palatinum adhærens, libertatem amiserat. Georgius Fridericus, contra Cæsarem Friderico V. Palatino addictus, Marchiam superiorem amisit. Palatinatum ut Palatino fervaret, Marchiarum suarum se abdicavit regimine. Durlacensibus suis Marchiæ superioris ut firmaret possessionem, regimen utriusque filio tradidit vivus. Quodsi oblatas ab Imperatore Matthia conditiones, ut supra ostendi, acceptasset, aut Ferdinando II. A. 1620. se opponere desisset, Marchiæ inferiori superior mansisset conjuncta. At Fœderatis suis nimium confusus est; experientia nondum fatis edoctus, lubricum esse fœdus, pluribus quod fociis constat, quod vel Smalkaldicum seculi præcedentis fœdus eum docere potuerat. Quam parum fiduciæ in Angliæ Rege Jacobo, Principe imbelli. In Halberstadiensi & Mansfeldio, quam parum præsidii. Wimpinensi proelio si victor evasisset, momentanea ejus fuisset victoria. Quam leve damnum ille Cæsari, Hispanis & Ligæ intulisset, tantis impar impensis; ac potente destitutus fœderato.



## §. LXXIII.

**E**ruditæ ejus rerum militarium scientiæ veteris & novæ Scientia  
militaris.  
in Bibliotheca Bada-Durlacensi Carlsruhæ præstans superest monumentum. Commentarios bellicos intelligo, qui tribus (i) voluminibus maximæ molis constant, quos A. 1614. decimo quarto Quintilis conscribere cœpit, ex præcipuis ævi sui & vetustioris rei bellicæ Scriptoribus (k) concinnatum; in quo omnia sollicite

Tom. IV.

Ee 2

(i) Agitur Tomo I. de bello in genere, de officiis summi copiarum ducis, de mediis parandi pecuniam ad alendos milites, de annona & comæatu militari, de molendinis militaribus, de furnis, de re tormentaria & supellectile militari, de medicamentis castrensis, de literis conductitiis, de conscriptione & lustratione exercitus, de diribitoribus & scribis cohortium, de armis, de cancellaria castrensi.

Tomus II. exhibet collectanea de castris metandis, hospitibusque designandis, de excubiis & vigiliis, in castris ac hospitibus, de fanitate militum in castris conservanda, de alendis & curandis ægris vulneratis, de judicio equestri, de exercendis instruendisque militibus, de castris moventis, de expeditionibus & ordine in itineribus observando.

Tomus III. proponit excerpta de proeliis majoribus & pugnis minoribus acieque struenda, de reducendis ex acie copiis, de obsidionibus & oppugnationibus, de locis muniendis, de iisdem defendendis hostibusque propulsandis, de pace & pacificationibus.

(k) Polybium præsertim & Scripta de Re militari, a Justo Lipsio e veteribus collecta, adhibuit. Ex junioribus usus est libris Brancæii, Achillis,

GEORG.  
FRIDER.

tractavit, examinavit, quæ ad Tacticam, Poliorceticam, Castrametationem & Politiam exercituum pertinent. Opus, maximam partem sua manu exaratum, terminavit die 25. Novembris A. 1617. in Caroloburgi Palatio; filiisque Friderico, Carolo & Christophoro adscripsit; addita prohibitione, Liber ne evulgaretur in publicum, privatis filiorum usibus modo destinatus. Machinarum bellicarum, stationum, castrorum, acierum delineationes ipsius Marchionis manu adjectæ sunt.

Pleraque ex ipso usu ac experientia rerum & ex colloquio cum præclaris belli ducibus annotavit; natura & arte ad Martis scholam formatus Heros; libertatis Germanicæ, civilis & ecclesiasticæ, vindex.

#### §. LXXIV.

Religio.

**L**utheranam religionem in suas terras introduxerat Pater. Filius eam consilio atque ense defendit. Annotant Scriptores, (1) Pistorium, Jacobo Marchione ad Romana sacra perducto, multum impendisse laboris, ut Georgium Fridericum quoque ad illa perdu-

---

Tarduccii, Bernardini de Mendoza, Philippi Cliviæ Ducis, Wilhelmi de Bellay, Marefchalli de Biron, Georgii Bostæ, Bernardini Rocca, Jo. de Billon, Henrici Wenischkenii, Georgii Wilhelmi Sturzelii, Leonhardi Fronspergii, Ludovici de Montgomery, Ducis de Mercœur.

(1) PAULUS CHERLERUS Bintzheimensis Ecclesiastes in *Epist. ad Marbachium* Part. VI. pag. 760.



ceret, Marchiæ superioris possessione perpetua ei in præmium promissa.

Regimen adiens, mortuo fratre Jacobo, primum habitavit *Sedes.* Hachbergæ A. 1593. cui Castro novum addidit splendorem & robur. (*m*). A. 1599. sedem suam transtulit Sulzbergam, ubi amplificato Castro, hortos & scholam, literis latinis addiscendis, Hedleri Cancellarii consilio, instituit. A. 1604. post Ernesti Friderici decessum omnium Marchiarum Badensium possessor Carolo-burgense Palatium sibi sedem elegit.

Inter perpetuos, qui regimen ejus exercuerunt, tumultus, Vasalli. vasallos suos Marchicos ad servitia militaria, per se vel per alios præstanda, frequenter evocavit, nec pecuniam, fructusve feudi pro servitiis accepit.

### §. L X X V.

Neque verò militaribus modo & literariis rebus deditum *Amor Ju-  
stitiæ.* fuisse Georgium Fridericum, existimet Lector. Singularis in eo semper fuit justitiæ amor. Themidis studio studiose se applicuit, præsertim ab eo tempore, quo regimen adiit, ut non modo Principis fortis & docti, sed & justii mereretur elogium.

Antiquas Consuetudines Marchiæ, ut & Constitutiones a *Jus pro-  
vinciale.* Majoribus latas, novis adjectis, in Corpus collegit, quod per

Ee 3

---

(*m*) Carolus II. jam muniverat Castrum Hachbergæ. Filius, multis munitionibus adjectis, illud formidabile reddidit.

GEORG.  
FRIDER.

omnem Marchiam observatur hodieque. Christophorus I. qui inter statores Domus Badensis comparet, Juris Marchici primus statator dicendus est. Edidit ille A. 1509. Ordinationem Judicii Aulici, (n) quam omnibus Marchiæ judicibus normam præscripsit. Accesserunt A. 1511. de testamentis, de dividenda hereditate & de tutela Ordinationes; in quibus adornandis Udalrici Zasii, Antecessoris Friburgensis, usus est opera. Georgius Fridericus has aliasque Juris Marchici partes correctas & auctas renovavit, atque in Corpus redactas A. 1622. typis vulgavit. (o) Solennis tamen promulgatio nonnisi A. 1654. sub Friderico V. Marchione evenit, quod bellicæ curæ animum Marchionis in diversa distraxerant. Insigne hoc opus in duas Partes dividitur; quarum altera Ordinationis provincialis, (p) altera Juris provincialis (q) nomine innotuit.

### §. XXXVI.

Admini-  
stratio  
publica.

Nec minus administrationis publicæ formam Marchio noster ordinavit. Consiliarios in Collegia distribuit; Consilio Secreto frequenter præfedit; graviora negotia ipse examinavit, discussit; jura inter cives æqua lance distribuit; comis, blandus, clemens,

---

(n) Ordinationem hanc Philippus quoque Marchio A. 1525. renovavit atque correxuit.

(o) Nova hujus Juris editio sub Carolo Wilhelmo prodit A. 1710.

(p) Landordnung.

(q) Landrecht.



at necessitas cum exegerat, severus & rigidus. Virtutes hæ ex ipsis ejus oris lineamentis eluxerunt, quibus omnium, qui eum viderant, animos sibi facile conciliavit; naturam in omnibus expertus faventem, at fortunam novercam; quæ in bellicis præsertim rebus dominatur; quæ tamen nec animum, nec famam ei potuit auferre.

## §. LXXVII.

Conjugium felix octodecim liberorum eum reddidit pa- Uxor I.  
rentem. Tres inter Georgii Friderici Uxores prima fuit *Juliana Urfula*, Friderici Comitis Silvestris & Rheingravii filia; nata die 28. Sept. 1573. desponsata Jul. 1592. mortua d. 23. April. 1614. heroici animi femina, digna marito conjux, fœcunda Domus Durlacensis mater, quæ per 22. annos matrimonii sui Marchias florentes vidit atque felices.

Numerosam ex ea sobolem suscepit, quam ordine nativita- Liberi.  
tis expono.

Catharina Urfula, nata d. 19. Jun. 1593. Ottoni Hassiæ Landgravio nupsit d. 25. Aug. 1613. intra biennium d. 15. Febr. 1615. defuncta.

Fridericus, natus A. 1594. qui patri succedens, stirpem propagavit.

Anna Amalia, nata die 9. Julii 1595. Wilhelmo Ludovicò

GEORG.  
FRIDER.

Comiti Nassoviæ Saræpontano nupta die 25. Novembris (r)  
A. 1615. obiit A. 1652.

Philippus, natus d. 30. Decembris A. 1596. nondum trime-  
stris decessit 14. Mart. 1597.

### §. LXXVIII.

Carolus.

Carolus, Hachbergæ A. 1598. die 22. Maji in lucem edi-  
tus. Princeps acuti & capacis ingenii, cui nihil difficile. A pri-  
ma pueritia litteras didicit, litteratos amavit & coluit. Liberali-  
bus artibus & præsertim linguis delectatus, A. 1616. Galliam, Bri-  
tanniam & Belgium invisit. A. 1617. in bello contra Hispanos,  
quod in Pedemontio gerebatur, militavit. A. 1619. sub auspicio  
patris & ductu aliquot duxit cohortes. A. 1620. expeditioni in  
Palatinatum, a Foederatis Unionis susceptæ, una cum patre in-  
terfuit. A. 1621. iterum in Italiam profectus, petiit Siciliam &  
Melitam. A. 1622. in prælio Wimpinensi fortis dux & miles  
pugnavit. Haud ita multo post ad Venetos profectus, indeque  
rediens, Longobardiam, Pedemontium, Sabaudiam, Galliam  
peragravit, ut Mauritium, Arausionis Principem, apud Batavos  
inviseret. Itinere confecto, A. 1623. ad Ernestum Mansfeldium in  
Frisiam Orientalem se contulit, a quo constitutus fuit equitatus  
Chiliarcha. A. 1624. Galliæ Regis castra in bello cum Hispanis  
secu-



secutus est. Anno sequenti eorundem Gallorum expeditioni in Vallem Telinam interfuit. (s) Eodem anno ad Magnæ Britanniæ Regem missus est, ut causam ibi Protestantium ageret. In itinere hoc Bononiæ Picardorum variolis correptus, die 27. Julii A. 1625. decessit. Corpus ejus in patriam translatus, die 17. Nov. in Ecclesia Pforzheimensi sepultum est. (t)

Juliana Urfula, nata Calendis Januariis, 1600. (u) Obiit Juliana Urfula, die ultimo Augusti anni ejusdem.

Rudolfus, natus d. 21. Jan. (x) A. 1602. ultimo Maji A. 1603. decessit.

§. LXXIX.

Christophorus A. 1603. die 16. Martii natus, Carolo fratre quinquennio junior, at indole, genio, dotibus & virtute eidem par, forte superior. Præmaturus tirocinia militiæ fecit sub patre, ad res bellicas natus. Friderico Rheingravio, cujus contubernalis fuit, aliquando ingenue professus est puer; si inevitabilia sunt bella, optare se, ut in illud tempus differantur, quo ipse arma gerere & virtutem suam ostendere possit; exclamans: quam fortem me tum præstabo & strenuum. (y) In prælio Wimpinen-

Tom. IV. Ff

(s) SPRECHER *Hist. Rhæt.* pag. 601.

(t) Conf. *Caroli Marchionis Badæ & Hackbergæ Apotheosis*, Argent. 1727. 4to & JUNGLERUS.

(u) Alii die 2. Dec. 1599.

(x) Alii diem 6. Jan. ponunt.

(y) Junglerus, qui Principem hæc dicentem audivit, in vita Georgii Friderici

GEORG.  
FRIDER.

fi talem se ostendit, qualem se futurum promiserat. Ad Comit-  
tem Mansfeldiæ profectus in Frisiam, turmæ equitum Carolo  
sub fratre præfuit A. 1623. annoque sequenti vixit apud Galliæ  
Regem. At A. 1625. Ducis Sabaudiæ castra secutus, contra  
Hispanos in Pedemontio pugnavit. Inde ad Belgii Fœderati  
transivit militiam, in ea perseverans, donec Gustavus Adolfus in  
Germania apparuit; ejus castra magno cum ardore secutus, a  
latere ejus nunquam discedens, Ingolstadii obsidioni interfuit; in  
qua Regis equus, Rege servato, occisus; at Christophoro nostro  
paucis post horis caput ablatum est globo, die 20. Aprilis A. 1632.  
sub oculis Regis. Digna mors juvene heroë; qui in herois sui  
periit conspectu. Rex eo cadente exclamavit: Ter mille Princi-  
pes in hoc Principe amisi. Defuncti corpus jussu Regis Augu-  
stam, (z) indeque in Durlacenses terras deductum est. Pforzhe-  
mii sepultum. Universus Suecorum exercitus, in aciem dispositus,  
duplici tormentorum ac sclopetorum explosione, Principi, cum  
abduceretur, valedixit. Infelicem filii casum mira animi constan-

---

rici, ejus Consiliarius fuit, rem annotat: De Junglero vide Tom. I.  
*Hist. Badensis in Proleg.*

(z) Augustæ in Ecclesiæ S. Annæ crypta aliquamdiu corpus ejus quievit.  
Fridericus, Christophori frater, datis ad Augustanos litteris, petiit, ut  
illud servarent, donec itinera securiora, ut in Marchiam possit trans-  
ferri. STETTEN *Geschichte der Stadt Augsburg* Part. II. pag. 195.



tia pertulit pater, (a) cui tot malis afflicto, majus addi non potuisset; tranquillum se esse professus, quod rex sit illæsus.

GEORG.  
FRIDER.

## §. L X X X.

Anna Augusta, nata A. 1604. die 30. Martii, obiit die 2. Aprilis A. 1616. Filiae reliq.

Sibylla Magdalena, nata d. 21. Julii 1605. nupta Johanni

Comiti Nassovio Idsteinensi d. 7. Jan. 1629. defuncta A. 1644.

Francisca, nata d. 9. Aug. denata d. 27. Aug. 1606.

Ursula Maria, nata d. 3. Nov. mortua d. 22. Dec. 1607.

Francisca Sibylla, nata die 4. Febr. periit d. 2. Mart. 1609.

Sophia Dorothea, nata d. 14. Mart. 1610. mortua die 24. Oct. 1633.

Ernestina Sophia, nata d. 26. Dec. 1612. denata 4. Jul. 1658.

## §. L X X X I.

Uxor secunda Georgii Friderici fuit Agatha, ex Comiti-  
tum Erbacensium prosapia, Georgii Comitis Erbacensis & Annæ  
Comitissæ Solmensis filia, nata die 16 Maji A. 1581. nupta die 23.  
Octobris A. 1614. mortua Caroloburgi A. 1621. pridie Cal. Maji  
quadragesimo primo ætatis; sepulta Pforzhemii, postquam septen-  
nio in matrimonio vixerat.

(a) BOLESŁ. PHILIPPUS & CHEMNITZ *Belii Sueco Germ.* Vol. I. libro IV.  
Cap. XV.

GEORG.  
FRIDER.  
Liberi.

Tres illa Marchioni filias Principes peperit; quarum duas moriens vivas reliquit.

Agatha, nata die 2. Sept. 1615. denata 1616.

Anna, nata die 29. Maji 1617. Carmina hæc varii generis & Comœdias Basileæ, ubi belli temporibus vixerat, lingua patria scripsit; nec Gallicæ, nec Latinæ ignara. A. 1672. die 15. Octobris decessit.

Postrema liberorum Georgii Friderici fuit Elifabetha; nata die 5. Febr. 1620. haud vulgaris quoque ingenii Princeps, iisdem, quibus soror, artibus operam navans. Scripta ejus, poëtica manu exarata, in Bibliotheca Bada-Durlacensi servantur. Veterum quoque Scriptorum, Regum ac Principum acute & prudenter dicta sollicitè collegit & typis vulgavit. Sexui feminino dedicatus est liber. (b) Basileæ, ubi Gallicum ob bellum secesserat, die 13. Octobris 1692. anno 72. ætatis vitam commutavit cum morte.

### §. LXXXIII.

Uxor 3.

Tertia Georgii Friderici uxor fuit Elifabetha, Johannis Thomæ Stotzii, supremi judicis in Stauffenberg, filia, ad Morganaticam (c) desponsata, die 29. Jul. A. 1621. quæ vero A. 1652. die 14. Maji improlis decessit.

---

(b) Impressus Durlaci A. 1685. 4to.

(c) Conventum, ne liberi, ex hoc matrimonio nati, succedant in Marchia, sed bonis, in contractu nuptiali definitis, contenti sint.



## CAPUT VI.

## FRIDERICUS V.

A. 1622. -- 1659.



## §. I.

Fridericum in ordine Marchionum regnantium <sup>Frid. V. initia.</sup> tertium, stylo, apud Badenses recepto, quintum appello, quod majores, non regimini, sed nominibus tantum intenti, Fridericum Ultrajectensem Episcopum, ut & Fridericum illum, qui ante patrem Hermannum IX. in pueritia mortuus est, computandos esse censuerunt.

Fridericus V. natus est inter Marchicos motus, eo ipso anno, (a) quo Bada-Badenses terras occupaverat patruus, eo tempore, quo, plena diffidentiarum, Germania præparaverat arma, quibus paulo post in sua viscera sæviit; quo emicuerunt scin-

Ff 3

(a) A. 1594. d. 6. Jul.

FRID. V.

tillæ, quæ denique in bellicam triginta annorum flammam eruperunt. Inter incendii hujus initia (b) Georgius Fridericus pater, animo & corpore vicens, filio Principi sceptrum regiminis tradidit, ut non tam viventem ex se, quam ex se regnantem vivens conspiceret. Bonis artibus, a teneris, innutritus pater, nato quoque eas instillavit sollicitæ; eo feliciore successu, quod ante oculos quotidie habuerat filius patris exemplar.

Ex itinere, quod A. 1612. & sequente in Galliam, Belgium Angliamque instituit, redux Fridericus, a patre rebus gerendis admotus est, eo absente non semel regimen gerens, quod patre abdicante, A. 1622. solus suscepit. (c)

## §. I I.

Regimi-  
nis exor-  
dia.

Regiminis ejus, quod per triginta septem annos duravit, exordia fuerunt sollicitudinis plena. Vix enim capeffiverat fasces, cum pater, apud Wimpinam clade prostratus, Marchiam quoque, filio traditam, prostravit. Subditi, miseriis belli & militum licentia oppressi, publicam & suam deplorabant calamitatem.

Friderici nostri Literæ, post cladem, die 22. Maji scriptæ, supersunt, quibus Cæsari exponit, Badensium terrarum regimen,

---

(b) A. 1622.

(c) Post solennem patris abdicationem in Superiori & Inferiori Marchia & speciatim quoque in Schwarzacensi ditione præstitum est Friderico V. homagium.



paulo ante, quam ad proelium eduxerat copias, sibi traditum a Patre; cujus consilia sibi semper displicuisse, simul ingenue fatetur. Addit, sperare se, Cæsarem legatis, quos proxime missurus sit, haud denegaturum esse investituram feudorum; beneficii memoriam nullo tempore depositurum se spondens.

Extant & aliæ ejusdem Marchionis ad Tillium literæ, scriptæ die 18. Junii, quibus dimissum a patre exercitum nunciat, eumque certiolem reddit, bellica consilia a patre, se invito, suscepta. (d)

## §. III.

Eundem in sensum scripsit quoque Fridericus V. ad Maximilianum, Bavarie Ducem; cui eodem modo persuadere studet, constanter se pridem sollicitasse patrem, ut deponeret arma, idque tandem ab eo obtinuisse. Petit, ut deprecatoris officio apud Cæsarem fungatur.

Acta cum  
Bavaro.

Maximilianus die 25. Aug. Marchioni respondit, Georgium Fridericum, nec læsum nec laceffitum, Cæsari & Ligistis arma eodem fere tempore intulisse, quo nihil se hostile meditari, sed defendendæ tantum, inter bellicos motus, Marchiæ suæ invigilare, literis testatus erat & ore. Subjungit & alias querimonias; at denique, causam Friderici apud Cæsarem se acturum, promittit,

---

(d) LONDORP. *Acta* Tom. II. pag. 626. JULIUS BELLVS in *Laurea Austr.* Lib. VI. pag. 551. PAREUS in *Hist. Palat.* Lib. VI. Sect. III. pag. 339. KHEVENHÜLLER *Annal. Ferd.* Tom. IX. pag. 1731.

FRID. V.

quod patris ille improbet acta; remque eo perducturum, ut terras suas, a bello intactas, conservet; ea conditione, ut reliquas copias, paucis exceptis, dimittat; Cæsarisque hostibus nulla ratione ferat opem. (e)

Ab ipso Cæsare suppliciter petiit Fridericus, e Spanheimensi Comitatu, haud ita pridem occupato, ut deduceret præsidia & quoad Eduardinam litem, amicæ compositioni locum concederet. (f)

## §. I V.

Marchiam  
superiorem  
amittit.

Cæsar autem opportunum hoc tempus esse ratus est, quo Marchiam superiorem, quam per XXVIII. jam annos Durlacenses tenuerant, sententia, die 25. Aug. A. 1622. lata, Wilhelmo, Eduardi Fortunati filio, una cum fructibus perceptis & percipiendis, adjudicaret. (g)

Executor sententiæ designatus est Leopoldus Archidux, Ferdinandi Cæsaris frater, Argentinenfis & Passaviensis Episcopus, quem Fridericus, datis ad eum literis, de executione suspendenda

(e) KHEVENHÜLLER *Annal. Ferdin.* Tom. IX. pag. 1709.

(f) Litteras hac de re ad Cæsarem scripsit die 14. & 28. Aug.

(g) Cessionem terrarum, a Georgio Friderico factam, quod non agnosceret Cæsar, subdelegati ejus executionem sententiæ non Friderico nostro, sed Georgio Friderico, patri, literis Spiræ, die 21. Octob. A. 1622. datis, nuntiaverunt.



denda interpellavit. Eodem tempore Saxonem, Wirtenbergicum, Onolsbacensem & Baruthinum, Marchiones, aliosque Evangelicos Principes ad causam suam suscipiendam invitavit Fridericus; Cæsarem submisit rogans, ne Principem, ipsi devotum, indicta causa condemnaret.

Verum enimvero neque in Senatu Aulico auditæ sunt Marchionis rationes; neque frequentes Principum intercessionem impedire potuerunt, quo minus latam Cæsar sententiam per Leopoldum Archiducem exequeretur mense Octobri. Wirtenbergæ Dux Joh. Fridericus, Marchionis affinis, suavit, ut majoribus malis avertendis se obedientem præberet. (*h*)

## §. V.

Fridericus noster, hostibus Marchiam vexantibus, ad aff- <sup>Gesta varia,</sup> nem secedens, nihil aliud obtinuit, quam ut copiarum Cæsarearum A. 1623. die 20. Maji terras ejus relinquerent, fructuum perceptorum & damni actione in annum proximum dilata.

A. 1624. tempore æstivo Ligisticarum copiarum pars Marchionatum invasit; Pforzhemio per duodecim horas resistente. Fridericus, non tutum se videns, terras suas iterum reliquit. (*i*)

Tom. IV.

G g

(*h*) Solenni tamen instrumento contra executionem hanc protestatus est Marchio die 14. Octobris.

(*i*) *Theatr. Europ.* Tom. I. pag. 820.

FRID. V.

In Conventu Circuli Suevici, hoc anno Ulmæ habito, de loco priore inter Friderici & Wilhelmi legatos lis agitata; possessionem Friderico, prærogativam lineæ allegante Wilhelmo. Res amice cum non potuisset componi, Wilhelmus Cæsaris auctoritatem imploravit. Hic audiendum quoque Fridericum æquum esse duxit. Pactione Vindobonensi res tandem transacta.

## §. VI.

Fru-  
ctuum  
percept.  
actio.

Eodem anno, quo hæc Ulmæ contigerunt, de restitutione documentorum superioris Marchiæ & fructuum perceptorum denuo tractatum est. Leopoldo Archiduci Cæsaris decreto cura rei delata. De documentis & chartis res parum difficilis; sed difficilior fuit fructuum perceptorum tractatio, contendente Friderico, contra jus fasque eam sibi necessitatem imponi, quod Marchiæ superioris occupatio iustis ex causis a maioribus facta sit. Leopoldus Archidux intercessorem se gerens, Ruffaci instituit Conventum, in quo Fridericus ipse comparuit, sed conditiones, quas Wilhelmi proposuerant legati, ut minus æquas rejecit.

Idem plane fuit exitus secundi Conventus, A. 1625. mense Majo, conciliante Archiduce, Friburgi Brisgoviæ habiti, in quo præsentem Wilhelmo, Fridericus in vicinia substitit. Hic novam paulo post, conficiendis rationibus, dilationem impetravit a Cæsare, unde negotium aliquantisper quievit.



## §. VII.

At A. 1627. rumor Vindobonam quum venisset, Georgium <sup>Trans-</sup>Fridericum, Marchionem, denuo arma parare, Cæsar exequen- <sup>actio Vin-</sup>do-  
 bæ sententiæ nova ad Leopoldum Archiducem expedivit man-  
 data. Fridericus, litteris die 13. Februarii ad Cæsarem da-  
 tis, falsos esse, quæ de patre spargebantur, rumores, neque se  
 consiliorum ejus, qualiacunque fuerint, participem fore ostendit.  
 Copiæ Bavaricæ, quæ Dynastias Brisgovicas, a pluribus jam annis  
 infederant, ut deducantur, Cæsarem submisit rogat. Ejusdem  
 argumenti literas scribit ad Bavarum die 27. Febr. quibus certio-  
 rem eum reddit, Basileam se ad patrem profectum, ut eum a pro-  
 posito averteret; patrem animum mutasse.

Instabat tamen Leopoldus Archidux, & agitatum illud  
 fructuum perceptorum negotium, vi armata terminare constitue-  
 rat. In eo res erat, Fridericus omnibus ut pelleretur ditioni-  
 bus, (k) cum denique Cæsar, Principum interventu, ad mitio-  
 rem perductus sententiam, utrique Marchioni diem (15. Maji)  
 dixit, quo Vindobonam venirent & arbitrato suo controversiam  
 dirimerent.

Tom. IV.

Gg 2

(k) Consilium hoc Aulæ Cæsareæ Fürstenbergæ Comes, Judicii Aulici tum  
 temporis Præses, Marchioni nostro, amico aperuit; suaque intercessione  
 rem eo deduxit, ut uterque Marchio, coram Cæsare transacturi, Vin-  
 dobonam vocarentur.

FRID. V.

Fridericus, cui componendi rationem Wirtenbergicus suggererat, venit Vindobonam die 29. Aprilis & postridie in Cæsaris conspectum admissus benigneque exceptus, (l) cum paucis diebus post advenisset Wilhelmus, in memorabilem illam transactionem consensit, quam uberius in Wilhelmi exposuimus vita. (m)

Vindobonæ commorans Marchio, multis precibus obtestatus est Cæsarem, ut suas & Ligæ copias ex Marchia revocaret. Cæsar die 1. Junii ad Bavarum ea de re literas dedit, sed caruerunt effectū.

## §. VIII.

Transact.  
Etling.

Fridericus denique, investitura pro se & agnatis die 11. Junii a Cæsare suscepta, postridie Vindobona discessit. Marchiam spoliata redux cum deprehendisset & inopem, ingentem illam pecuniæ summam, quam Vindobonensi pactione promiserat, colligere non potuit. Wilhelmus, ea de re anno sequente apud Cæsarem præsens conquestus, nova ab eo ad Leopoldum Archiducem die 7. Dec. mandata obtinuit. Instituti tum inter Marchiones tra-

---

(l) Cæsar Marchioni ad januam usque obviam processit & limen intranti manum protendit. Redeuntem ad januam capite aperto comitatus est. Ferdinandus Cæsaris filius, Hungariæ Rex, Marchionem, die 3. Maji eum invisentem, in Camera ante cubiculum excepit. Leopoldus Archidux, veniente & discedente Marchione, ad scalam usque processit. Fridericus ægre inductus est a Cæsare, ut Wilhelmum appellaret agnatum.

(m) Vid. Tom. III. pag. 86.



status; amica compositio non semel tentata; sed frustra. Con-  
filio Wilhelmi a Leopoldo Etlingam denique missi sunt legati, qui  
A. 1629. novam ibi confecerunt pactionem, qua Præfecturæ Stein  
& Remchingen oppigneratæ Wilhelmo; territorii juribus Frideri-  
co servatis, cui & ordinis prærogativa, dum viveret, relicta. (n)

Aequiores conditiones impetrasset Fridericus, si ad sacra  
mutanda potuisset induci. (o) Recusavit hoc, licet amplis pro-  
missis, &, post obitum Barbaræ conjugis, spe matrimonii cum filia  
Ferdinandi II. Imperatoris invitatus. (p)

### §. I X.

Ferdinandeum de Ecclesiasticis bonis restituendis Edi-  
ctum, quod eodem anno prodiit, totius Germaniæ Protestantes  
vehementer commovit; qui in dubio rerum statu frequentia inter  
se agitarunt consilia. Evangelici Sueviæ Ordines eam ob causam  
Vindobonam legationem miserunt, cui Lœwensteinio-Werthei-  
mensis præfuit Comes. (q) Sed legati cum nihil proficerent, jussu  
Ordinum re infecta domum redierunt.

Edictum  
restitut.

Gg 3

(n) Conf. Tom. III. pag. 90.

(o) CHAPPUZEAU *Allemagne Protestante* pag. 90.

(p) JUNGLERUS in *Vita Friderici V.*

(q) Legatio hæc A. 1629. die 26. Julii Vindobonam advenit. Intererant illi  
duo Badenses Consiliarii Fridericus de Stein & Johannes Wilhelmus  
Abelius.

FRID. V.

Fridericus biennio post Præfecturam Langensteinbach, quam titulo permutationis nuper Ernestus Fridericus acquisiverat, Nicolao, Albæ Dominorum Abbati, restituere coactus est.

Imminens tum libertati Germanicæ & Protestantium rebus periculum Gustavum Adolpum, Sueciæ Regem, induxerat, ut A. 1630. victricia sua in Germaniam arma proferret. Elector Saxo, Suecis non favens, Lipsiam tamen ad diem VIII. Februarii Protestantium Conventum indixit, ad quem, commendatis Wirtembergæ Duci Marchicis terris, atque supplicationibus per omnem Marchiam indictis, aliis cum Proceribus se contulit Fridericus. (r) Abolitionem Edicti & oppressionum a Cæsare petendam, placuit Conventui, quin & arma paranda, quibus vis & injuriæ militis Cæsarei propulsentur. (s)

Cæsar vero, missis circumquaque mandatis, Principes atque Civitates, Lipsiensi foederi ut renunciarent, hortatus est. Fridericus, quos ex foederis hujus legibus conscripserat milites, aliorum Principum exemplo, dimisit.

## §. XI.

Marchio  
Suecis  
aecedit.

Cæsar diffidiorum, de religione, & de bonis ecclesiasticis componendorum, induens speciem, Francofurti ad Mœnum Con-

---

(r) KHEVENHÜLLER *Annal. Ferd.* Tom. IX. pag. 1518. *Theatrum Europ.* Tom. II. pag. 293. Idem litteris, ex Conventu Lipsiensi ad Cæsarem datis, subscripsit, *Theatrum Europ. loco alleg.* pag. 304.

(s) LONDORP. *Act. publ.* Tom. IV. pag. 144.



ventum instituit, ad quem Friderici quoque nostri legatus accessit. (t) Sed infecuta brevi post Lipsiensis pugna Conventum & omnia Cæsaris intervertit consilia. Sueci victores per omnem effusi Germaniam, Principes Protestantes & speciatim Fridericum nostrum ad suas paulatim partes traduxerunt.

Hic dein, Suecis ad Rhenum & in Alsatia dominantibus, in terris suis fuit securus, superioris quoque Marchiæ ad tempus, ut videbimus, possessor; quod Wilhelmus Marchio Cæsareas partes constanter sequeretur.

### §. XII.

Enimvero A. 1632. mense Martio Ossa, Cæsaris dux, Cæsarei  
per Alsatiam descendens, Wissenburgo expugnato, Rhenum tra-  
jecit, atque in Badensem Marchionatum irrupit. Occupatum  
pridie Paschatis Durlacum. Exmarchio pater, qui illic commo-  
rabatur, adauctus est, ut militem suum, nuper conscriptum, quem  
secum habebat, in Cæsaris militiam transcriberet. Inde Stolho-  
vam progressus Ossa, Strasburgerum, equitum ductorem, qui  
modico Suecorum præsidio oppidum tuebatur, ad deditionem  
compulit. (u)

Eodem anno Montecuculus Comes, equitum & peditum, Bronckhorstii, Roëllingeri, Metternichii copiis adauctus, infe-

(t) *Theatr. Europ.* loc. alleg. pag. 437.

(u) CHEMNITZ *Belli Sueco Germ.* Vol. I. Lib. IV, Cap. XXVII, *Theatr. Europ.*  
Tom. II, pag. 569.

FRID. V.

standæ Durlacensi & Wirtenbergicæ ditioni, ex Alsatia movit trans Rhenum, occupatisque Durlaci & Brettæ oppidis, Suecos, qui ibi hospitabantur, ad sua repulit signa. Inde Knitlingam, in Wirtenbergenfi agro, vi expugnatam, admoto quatuor diversis locis igne, combussit.

## §. XIII.

Sueci  
succur-  
rant.

Eodem tempore Henricus a Metternich, summæ rerum Heidelbergæ præfectus, Wiselocense oppidum, ubi equitum ala, a Marchione Badensi conscripta, ac dimachi quidam agebant præsidium, circumfedit atque tormentorum projectu in angustias redegit. Durlacensis noster & Wirtenbergicus Gustavi Hornii implorarunt auxilium, quem Gustavus Adolfus rebus ad Rhenum jusserat præesse. Hic laborantibus fociis eo lubentius succurrit, quod Galli, occupatis Treviris, ad Rhenum usque inferiorem mense Junio progressi, Archipræfulatus Trevirensis occupaverant oppida, atque adeo tutum ab ea parte reddiderant Hornium. Hic ergo, Rheno inferiore & Mosella relictis, ad superiores ejus partes contendit, atque Wiseloco obsidione liberato, hostium equitatum, quem Montecuculus Comes in auxilium Metternichio miserat, ibidem mense Augusto ejusdem anni profligavit.

## §. XIV.

Monte-  
cuculi  
fuga.

Accepto de hac clade nuncio, Montecuculus celeri fuga prope Philippiburgum trans Rhenum se recepit. Insequitur eum  
cum



cum equitatu Hornius, relicto ad Stoltzovam cum peditatu Hubaldo tribuno, qui brevi oppidum in potestatem redegit. Milites præfidiarii plerique ad Suecicum transierunt exercitum. Ortenbergæ Castrum Hornio fere fuit funestum. Offenburgum cum locis vicinis occupatum a Suecis; Kintzingana vallis, Wirtenbergici ope, Cæsareanis erepta.

Hornii consilium quoque fuerat, Rheno super pontem Argentorati transmissio, Montecuculum impedire, ne Brisacum attingeret, quam urbem ille post Wiselocianam cladem petierat. Sed irritum fuit Hornii consilium: Montecuculus rediit salvus Brisacum. Hornius tamen in Alsatiam transivit, ab Argentinensibus, Suecicas in partes pronis, invitatus, qui omnia, expeditioni necessaria, militemque offerebant.

Benfelda, Selestadtum, Colmaria, aliaque cis & trans Rhenum oppida, partim vi, partim voluntaria deditione, in Suecorum potestatem transierunt. (x)

### §. X V.

Gustavi Adolphi, Regis, in prælio ad Luzenam hoc anno cæsi, obitus Suecorum in Germania opes haud parum adflixit. Conventus Heilbronn. Renata tum inter Protestantes, Suecorum confœderatos, diffi-

Tom. IV.

H h

FRID. V.

dia. Plerique inopinato casu velut attoniti, nutabant. Nutantes ut confirmaret Axelius Oxenstierna, Regni Suecici Cancellarius, omnes animi sui vires intendit. Conventum ille Ordinum quatuor Circulorum superiorum A. 1633. mense Martio & Aprili celebravit Heilbronnæ, ubi de libertate Germanica, de vindicandis Imperii legibus, Ordinibusque restituendis, die 13. Aprilis quatuor Circulorum nomine cum Sueciæ Regina percussum est fœdus. Exercitus, stipendia militum, adparatus bellicus, com-  
meatus & disciplina militaris ordinata. Cautum, separatam si quis sociorum iniverit pacem, hostis loco habeatur. Suprema rerum omnium cura Oxenstiernæ & delegatis delata. (y)

## §. XVI.

Ditiones  
in Mar-  
chionem  
collatæ.

Splendissima hæc est vitæ Friderici nostri epocha, ubi ille non superiorem modo Marchiam, sed alias Suecorum beneficio, ditiones accepit.

Marchionatum superiorem, anno superiore occupatum a Suecis, a Gustavo Adolpho Rege petierat Marchio. Rex, commendante rem Bernhardo Vinariensi, facile annuit, restitutionem factururus, nisi mors intervenisset.

---

(y) Acta hujus Conventus exhibet LONDORP. Tom. IV. pag. 292. seq. Add. CHEMNITZ Tom. II. pag. 33. 61. seq. PUFENDORF. *Rer. Suec.* Lib. V. §. 28. 29. 34. PIASECIUS *Chron.* pag. 464.



Destinata Regis in Heilbronnenfi Conventu executus est Axelius Oxenstierna, qui Friderico præfenti, die 13. April. Coronæ Suecicæ nomine instrumentum exhibuit, quo superiorem Marchiam cum reliquis, quæ ad eam spectant, ditionibus, ei & heredibus, masculis ac foeminis, concessit. Sed & alio diplomate, consensu Circulorum, omnes terras Rhenenses, Rhenum inter & Nigram Silvam a Seckinga ad Philippiburgum usque, quæ ad Austrios pertinent, illi adscripsit; in compensationem meritorum in Protestantium causis. Præterea copiis per Brisgoviam & omnem Marchionatum præfectus Marchio, (z) ab Oxenstierna in mandatis accepit, ut Schauemburgensis, Salmenfis & Monteculi Comitum se objiceret conatibus; commeatu omniq[ue] apparatu bellico Brisfacensem Civitatem, a Suecis mox obsidendam, prohiberet. (a)

## §. X V I I.

Sustinendis autem belli sumptibus, Fridericus cum Feuquie<sup>Acta cum legato Gall.</sup> rio, Ludovici XIII. ad Germanos legato, qui, renovando cum Suecis foederi, (b) Heilbronnâ venerat, de pecuniæ summa, a Rege Galliæ mutuo accipiendâ, tractavit. (c)

Tom. IV.

Hh 2

(z) Litteræ eam in rem datæ sunt die 16. April.

(a) CHEMNITZ loco alleg. pag. 94.

(b) Instrumentum hujus renovationis extat in LONDORP. Tom. IV. pag. 313.

(c) *Memoires pour l'Histoire du Cardinal de Richelieu*, Tom. I. pag. 394, ubi hæc

E Conventu Heilbronnenfi redux Fridericus, mense Julio, præfente Reichardo Mockhelio, Suecico per Alfatiam legato, Marchiæ superioris, Comitatus Ebersteinensis, Dynastiarum Lahræ & Malbergæ, ut & Auftriacarum ditionum, Advocatiæ præsertim Ortenaviæ, possessionem adiens, ubique populos in fidem suscepit, abolitis pristinis officialibus & præfectis, novos constituit, aliaque, quæ præfens rerum usus videbatur exigere, ordinavit. Monasterio Schutterenfi procuratorem dedit. Advocatiæ Ortenaviæ Antonius de Lutzburg cum militari imperio præfectus. Ex omnibus Badenfibz terris solus Spanheimensis Comitatus non in manibus fuit Friderici Marchionis.

## §. XVIII.

Clades  
Cæsarean.

Hæc dum aguntur, mense Majo ineunte, Cæsarei e Brisacco erumpentes, Badevillam, Roetelam & Sausenbergam occuparunt. Sed mense sequenti Otto Ludovicus, Rheingravius, exercitus Suecici dux, junctis cum Marchione Badensi copiis, insignem hostibus cladem intulit prope Brisacum. Marchio Ketztingam & Kirchovæ vicum, vallo fossaque munitum, cepit, Kro-

---

de Marchione nostro refert Feuquierius: „ Le Marquis de Bade-Dour-  
 „ lac, qui étoit aussi à l'assemblée de Heilbronn 1633. fit grande in-  
 „ stance au Sieur de Feuquières pour obtenir par l'entremise de ses  
 „ offices vers sa Majesté, qu'elle eut agreable de lui preter cent mil-  
 „ le écus pour l'assurance de la quelle somme il donneroit des terres.



tzingam, Ampringam aliosque vicos combussit; Stauffam, Neoburgum, Badevillam, Saufenbergam, Roetelam, Rheinfeldam, Seckingam, Lauffenburgum & Landshutum expugnavit præfidiisque munivit. Denique citato agmine in Alsatiam contendit Rheingravium, ut Montecuculum, cum quo erat Hermannus, Marchio Badensis, ex eadem expelleret. Sed hostis adventu Montecuculus trans Rhenum se cum copiis recepit. (d)

Eodem Junio mense Oxenstierna quatuor Circulorum superiorum Heidelbergæ celebravit Conventum, ad quem Fridericus quoque noster Badensis se contulit. Actum ibi de solvendis militum stipendiis, de annona militari; obsidio Hagenoæ ac Philippiburgi decreta. (e)

Conventum hunc ultimo Julii solennior alius Francofurti ad Moenum excepit; ubi Heilbronnensia acta confirmata sunt, & de futuræ pacis legibus aliisque rebus actum, quas præsens exigebat. (f)

Hh 3

---

(d) CHEMNITZ. *loco alleg.* pag. 125. 126.

(e) IDEM pag. 121. 136. PUFENDORF. *de Rebus Suecicis* Lib. IV. §. 54.

(f) IDEM pag. 152. 172. PUFENDORF. §. 69. Conventui huic nomine Marchionis interfuit Isaacus Bartolus, Confiliarius Aulicus ejus, quem publicis se non immiscere jusserrat negotiis, quod earum non satis gnarus videretur. Aegre id ferens Oxenstierna, deliberationibus eum interesse voluit, quod & factum est. Legatus nomine Marchionis Receptui Francofurtano die 5. Sept. subscripsit.

## §. XIX.

Oppu-  
gnatio  
Brisac.

Mense Julio & Augusto Fridericus noster, una cum Otone Rheingravio oppugnavit Brisacum. (g) Urbs tamen Ducis Feriæ ex Italia adventu liberata. Durante obsidione a Præfecto quadrangularis argenteus cufus est hummus, qui bimestris obsidii memoriam servat. (h)

Milites palantes, Badensem cum infestarent Marchiam, & viatoribus damna inferrent, Fridericus A. 1634. die 10. Januarii edicto illos observari & vi armata jussit repelli. (i)

Convent.  
Francof.

Oxenstierna, quam dudum animo conceperat, Circulorum superiorum cum inferioribus conjunctionem, hoc demum anno perficere satagens, communem omnibus Protestantibus Conventum Francofurtum ad Moenum indixit, ad quem Fridericus quoque noster cum filio natu majore Friderico se contulit. (k) Ibi de consiliis armisque jungendis, diu multumque tractatum est, sed

---

(g) IDEM pag. 162.

(h) Extat apud KOELER *Münzbelustig.* Tom. I. pag. 425. In Nummo hæc legitur Inscriptio: „Die VII. Julii & III. Aug. 20. Dni MDCXXXIII.  
„ Brisacum obsessum ductu Rheingr. Ottonis Lud. & March. Frid. Durl.

(i) KHEVENHÜLLER *Annal. Ferdinandeor.* Tom. XII. pag. 1281. *Theatrum Europæum* Tom. III. pag. 151.

(k) *Theatrum Europæum* pag. 252. Fridericus ante Conventum finitum Francofurto discedens, Ernestum Fridericum de Remchingen, a Consiliis secretis & Isaacum Bartolum, Consiliarium Aulicum legatos reliquit.



deliberationibus dum trahitur tempus, funestæ ad Nordlingam Suecorum cladis nuncius advenit, quo perculsi Ordines, re infecta discesserunt. (l)

## §. XX.

Cæsareani victores per omnem Sueviam, Wirtembergi-<sup>Marchio</sup> cam ditionem & Marchionatum inferiorem grassati sunt. Frid-<sup>ditioni-</sup> ricus noster, omnibus spoliatus ditionibus, cum aula sua se Argen-<sup>bus exul.</sup> tinam recepit, (m) & reliquum belli tempus vel Argentinæ vel Basileæ (n) transegit; ita tamen, ut rebus gerendis non raro ipse interesset. Cæsareani vero, occupatis Saufenbergæ, Roetelæ & Badevillæ Dynastiis, Klinglinum, Juris Doctorem, ex Ensisheimiano Regimine præfecerunt Gubernatorem.

Ingravescentibus ita rebus Suecorum in superiore Germa-<sup>Convent.</sup> nia, multisque Protestantium recedentibus a foedere, Oxenstier-<sup>Wormat.</sup> na, tanto oneri sustinendo impar, necessarium judicavit, cum reliquis foederatis communicare consilia, ut, quid agendum, sit in medium conferrent. Occasio novi Conventus, sub finem hujus

(l) CHEMNITZ Tom. II. Lib. II. pag. 364. 410. 496. PUFENDORF. de Rebus Suecicis Lib. VI. §. 35. seqq.

(m) Theatrum Europæum Tom. III. pag. 381.

(n) Usque ad A. 1642. Argentinæ versatus est Marchio, ut ipse testatur in literis die 27. Maji A. 1642. scriptis. Sequentibus annis usque ad pacem Westphalicam Basileæ commoratus est. A. 1640. jura sua in vicum minoris Huningæ Civitati Basiliensi titulo venditionis reliquit. BRUCKNER Merckwürdigkeiten der Landschaft Basel VI. Stuck pag. 616, seqq.

FRID. V.

anni Wormatiæ habiti, in quo cum Wirtembergæ Duce aliisque cum fociis Fridericus quoque Marchio comparuit. Actum de conditionibus foederis, cum Galliae Rege ineundi, quæ multis licet minus placuissent, Bipontino tamen, Palatinatus Electoralis administratori, ut & Wirtembergico, Hassio, Badensi nonnullisque Comitibus a Feuquierio, Galliae legato, persuasum est, ut accederent foederi; sine quo Suecorum & Protestantium Germaniæ res perditæ fuissent. Tum denique missa a Protestantibus foederatis in Galliam legatio, quæ pecuniam & copias, quin & foedus apertum peteret a Rege, utque Cæsari bellum declararet. (o)

Conversione hac rerum monachi, ex Monasteriis superioris Marchiæ nuper a Suecis expulsi, post Nordlingensem Cæsareanorum victoriam A. 1634. in Monasteria redierunt; quod & post Restitutorium Ferdinandi Edictum ante quinquennium fecerant.

## §. X X I.

Pax Pra-  
gensis.

Pace Pragensi A. 1635. cum Saxone constituta, Fridericus noster in laterculo eorum comparet, qui a Cæsare ab amnestia exclusi sunt. (p) Saxo die 5. Nov. ea de re ad Marchionem scribens, incassum laborasse se apud Cæsarem ait, amnestiæ ut includeret

---

(o) PUFENDORF loco alleg. §. 89. seqq.

(p) *Pragischer Neben-Recess wegen der excludirten in Pirnischen und Pragischen Friedens-Pacten* pag. 269.



cluderet Marchionem. Id tantum se a legatis ejus impetrasse, ut singuli Ordines nonnisi causa cognita & accedente Collegii Electoralis consilio judicentur. Marchioni certas Præfecturas, alimmentorum loco, assignandas, donec, admissa pace, Cæsari reconcilietur & Ordines Catholici, ut & Lotharingæ Dux restituantur. Sacra per omnem Marchiam in eo relinquenda esse statu, in quo fuerint A. 1627. die 27. Novembris.

Marchionatui Bada-Durlacensi Cæsar administratorem dedit Johannem Eberhardum ab Elz, Trevirensis Archiepiscopatus Mareschallum & Confiliarium Intimum Domus Bada-Badenfis. Marchia superior restituta Wilhelmo.

Plerique superioris Germaniæ Ordines, Suecis neglectis, tum cogitarant de pace, missis ad Hungariæ Regem Ferdinandum, qui suo nomine transfigerent. Nonnullis æquæ, asperæ aliis dictatæ sunt leges. At Marchio Fridericus exul e terris, & amnestia exclusus, ad Gallicas se applicuit partes, quæ unica ei spes supererat atque præsidium, post cladem Nordlingæ. (q)

Idem fuit Wirtenbergici fatum, qui ditionibus pulsus, reconciliationem cum Cæsare per facialem quærens, duram a Curcio Cancellario, Ferdinandi, Hungariæ Regis nomine, Heilbron-

---

(q) PUFENDORF *Rer. Suecicarum* Lib. VII. §. 88. pag. 211. de eo ita scribit: „Marchio Badensis, Gallorum promissa secutus, his sese plane addixerat.

FRID. V.

næ responfionem accepit; pace Pragenfi ab amneftia quoque nominatim exclusus. In Wirtenbergicis Cœnobiis reftitutus fuit cultus Romanus. (r)

## §. XXII.

Acta varia.

Reinachius, Gubernator Brisfacy, Marchicum Hachbergæ castrum, Brisfaco non longe diftans, natura arteque munitum, obfidione lenta per totum obfederat triennium. Præfidiarii denique A. 1636. annonæ defectu ad deditiōem compulsi, militari more emigrantes, Cæfareanis castrum tradiderunt. (s)

Eodem anno Ferdinandus, Romanorum Rex, cum exercitu fuo venit Durlacum, fed clementem fe præftans.

At Bernhardus Vinarienfis, victis captisque A. 1638. apud Rheinfeldam Cæfareani exercitus Ducibus quatuor & expugnata Rheinfelda, die 28. Martii Roetelæ recepit castrum & paulo post Friburgum; (t) fed & Brisfacum denique (u) post octimeftrem obfidionem & repetitas contra Cæfareanos, urbem liberaturos, victorias, eodem anno quum in potestatem redegifset Bernhardus, Marchicas Brisgoviæ ditiones reftituit Friderico, qui expugnationi urbis interfuit. (x)

(r) IDEM loco alleg.

(s) LOTICHII *Rer. German.* Lib. XXVI. Cap. H. §. 4.

(t) Die ii. Aprilis.

(u) Die 17. Decembris.

(x) *Theatrum Europæum* Tom. III. pag. 932. 1026.



Anno sequente Marchioni, Basileæ hærenti, conditiones de pace & de reconciliatione, cum Cæsare ineunda, propositæ sunt; quibus ille spretis Suecico foederi constans adhæsit.

## §. XXIII.

Unde ad Ratisbonensia Comit<sup>Comitia</sup>ia, quæ pacificandæ Ger<sup>Ratisbon.</sup>maniae Cæsar A. 1640. indixerat, non vocatus est Marchio. Nunciatum illi tamen, non vocatis Ordinibus, securum Ratisbonam eundi iter patere. Sed & ex Ratisbonensibus Comitiis omnium Electorum nomine ad eum scriptæ sunt literæ, (y) ut cum Cæsare rediturus in gratiam, vel ipse Ratisbonam veniret, vel eodem mitteret legatum. Datturos esse operam Electores, ut æquis conditionibus reconciliatio fiat cum Cæsare. Eam occasionem si prætermiserit Marchio, feram nimis pœnitentiam eum esse acturum. At ille Suecorum confusus amicitia, fortunam belli expectare, quam Cæsari, irato & minus forsan æquo, se committere maluit. (z) Hinc & amnestiæ, Ratisbonæ A. 1641. sancitæ, beneficio caruit. (a)

Tom. IV.

Ii 2

(y) Die 21. Dec. A. 1640.

(z) Ostendunt id literæ ejus ad Electores A. 1641. die 10. Febr. scriptæ.

(a) ADAMUS ADAMI in *Relatione historica de Pacif. Westph.* Cap. IX. §. 4. pag. 176. inter eos, qui ab amnestia Ratisbonensi excluduntur, Marchionem recenset.

FRID. V.

Biennio post Cæsareani castrum Badense Malberg occupant, diruunt, comburunt.

A. 1643. Bavari ex Pforzhemio oppido omnique Præfectura, ut & ex Præfectura Grabæ Ministros Ecclesiarum & Ludi-moderatores Lutheranos expulerunt; substitutis Catholicis. Westphalica Pace Præfecturas has Bavari restituere noluerunt. Restitutæ tamen sunt ex legibus Pacis & Sacerdotes Catholici recedere coacti.

Eodem anno Vinariensis exercitus oppidum Badam & Ebersteinense oppidum Gernsbach diripuit, Steinbacum combustit, apud Dutlingam die 23. Novembr. a Cæsareanis victus & fere internecone deletus. (b)

#### §. XXIV.

Tractatus  
Pacis  
Westph.

Inter hæc apud Westphalos de pace tractatum. Friderici nostri legatum deliberationibus interesse Cæsareani noluerunt, nisi Paci Pragensi prius accesserit Marchio. At Suecorum, Gallorum aliorumque Principum interventu legatus admissus; fidem & obsequium Marchionis in Cæsarem atque Imperium testatus. (c) In Conventu hoc Bada-Durlacensis Bada-Badenfi legato in Collegio Principum locum denegavit. (d)

(b) ENGELSÜSS *Weimariſcher Feldzug* pag. 190.

(c) ADAMUS ADAMI Cap. VII. §. 6. & 9.

(d) Vide Tom. III. pag. 108.



Sed & questus est Fridericus noster de sententia Cæsaris A. 1622. & de Vindobonensi atque Etlingensi transactionibus, omniaque in pristinum statum postulavit restitui, qualis nempe ante bellum Bohemicum fuerat. (e) Stauffensem Dynastiam & ditiones Brisgoviae cum reliquis Comitum olim Friburgensium terris repetiit Marchio, legitimum eorum heredem se esse caussatus. Geroldseccianum denique in Ortenavia Dominium Annæ Mariæ conjugii suæ Geroldseccianæ restitui, sibi & heredibus masculis ac feminis investituram ejus postulavit concedi; urgens porro, ut actionibus super Dynastia Roeteleni aliisque ditionibus, in Camera contra Marchiones institutis, renunciarent Austriaci, (f)

## Ii 3

(e) Prodiit A. 1646. Diatribe, in qua sententiam A. 1622. & transactiones, eam secutas, auctoritatem non habere ostenditur. Scripti hujus titulus est: *Summarische Information, wegen der in der Oberbadischen Sach vermeintlich vorgeschützter exceptionum rerum judicatarum atque transactarum.*

(f) ADAMUS ADAMI Cap. XXVI. §. 17. pag. 516. In *Tractatibus Pacis Westphalicæ* mense Aprili 1648. Volmarus contendit, Roetelam pignoratitium esse feudum Austriæ, sex mille florenis auri redimibile, prout in Camera Imperii judicatum, addens, quod eadem Camera Badevillam & Saufenbergam suprematui Austriaco subjectam agnoverit. Additur, Marchionem sex mille thaleros Monasterii obtulisse Volmaro, id nimirum acturo, ut Roetela relinquatur Marchioni, qui vicissim Badevillam & Saufenbergam Austriacæ Domui in feudum se oblaturum promiserit. Non displicuerant hæc Volmaro, convenientius esse judicanti, certum habere Vassallum, quam inimicum vicinum. Quum autem potestatem

FRID. V.

& quæ, ob eversum Hachbergæ castrum, data sunt damna compensarentur.

## §. XXV.

Difficultas negotii,

Legatis Suecicis res fuerat curæ, qui vicies & ultra Cæsareis legatis rem proposuerunt. (g) Post causam Palatinam vix alia Osnabrugensem & Monasteriensem Conventum ma-

---

ea de re tractandi non habuisset Volmarus, rem differendam esse dixit, donec Oenipontem ad Principem redeat. MEYER *Acta Pacis Westph.* Tom. V. pag. 704.

- (g) Sueci Formulæ Pacis, A. 1647. die 14. April. Cæsareanis oblatæ, hæc verba inferuerunt: „Fridericus Marchio Badensis & Hochbergenfis restituitur in eum statum, in sacris & profanis, in quo fuit ante hos  
 „ motus ejus Parens Georgius Fridericus, controversiis de superiori  
 „ Marchionatu Badensi ex æquo & bono componendis. Reddatur quoque dicto Principi Friderico Dominium Stauffen & ditio Brisgovie,  
 „ cum reliquis Comitum Friburgensium ditionibus & bonis, quæ olim Domui Austriacæ sequestrata; postmodum vero ad Marchiones Badenses, legitimos eorum heredes, jure devoluta sunt. Renuncient  
 „ Archiduces Austriæ pro se & heredibus in perpetuum actionibus & processibus super Dynastia Rœteln, aliisque ditionibus in Camera  
 „ contra Marchiones institutis. Satisfiat suæ Celsitudini ob everfionem Castri Hochbergenfis ex æquo & bono; Principissæ quoque Badensi restituitur Dominium Hohengeroldseck, cum fructibus perceptis & percipiendis omnique damno & interesse, eoque aperto investiantur  
 „ dictus Dominus Fridericus ejusque heredes masculi & fœminæ:  
 MEYER *Acta Pacis Westph.* Tom. V. pag. 460.



jore motu exagitavit; Volmaro & Bavaro resistentibus firmiter. (h)

Bada-Badenfis conquestus est, Friderici V. patrem & patruum ex Eduardi Fortunati terris LXXIII. tonnas auri per 28. annos detentionis percepisse.

Post multam actionem Cæsareani A. 1647. consenserunt denique, ut Marchia superiore penes Wilhelmum manente, Vin-  
dobonensis & Etlingensis transactiones abolerentur, atque Præ-  
fecturæ Stein & Remchingen restituerentur Friderico. (i) Hunc

(h) HENNIGES *Meditat. ad Instr. Pac. Cæsareo Suec. Specim. I.* pag. 56.

(i) In formula Pacis mense Majo A. 1647. a Cæsareanis exhibita, apud MEYERN *Actor. Pacis Westph.* Tom. IV. pag. 561. hæc leguntur: „ Et  
„ quamvis Fridericus, Marchio Badensis & Hochbergensis præter re-  
„ stitutionem, sibi ex sanctione amnistie generalis competentem, etiam  
„ in Marchionatum Badensem superiorem restitui postulaverit, cum  
„ tamen sententiam Cæsareæ Majestatis ea de re latam retractandam  
„ non esse placuerit, ad tollendas ultteriores controversias, atque re-  
„ staurandam amicitiam visum est, ut non obstante transactione, desu-  
„ per Viennæ & postea Etlingæ confecta, Præfecturæ Remchingen  
„ & Stein, Guilielmo Marchioni Badensi & Hochbergensi in compen-  
„ sationem fructuum perceptorum cessæ, dicto Marchioni Friderico re-  
„ stitui adeoque tota illa fructuum perceptorum actio tolli & cassari  
„ debeat, ea tamen conditione, ut Marchio Fridericus dicto Marchio-  
„ ni Wilhelmo de annua pensatione, ex avita hereditatis divisione  
„ debita, satisfaciatur, inque ejus compensationem possessionem & Do-  
„ mum Ridberg, oppido Edlingen adjacentem, cum omnibus suis ap-

FRID. V.

conciliationis modum & Galli, Marchionis foederati, paucis mutatis, amplexi sunt. (k)

## §. XXVI.

Evangelicor.  
sententia.

**E**vangelici Status, plurium annorum labore in rebus his componendis frustra adhibito, Marchioni nostro, tempori ut serviret, publicæque ut cederet utilitati, confidenter & serio suaserunt. Auxilium enim ulterius, nec a Suecis, nec a Gallis expectandum. Catholicos ad decus suum referre, Principum Secularium religionis suæ si numerus augeatur; ideoque ardentius pro Eduardinis pugnare. De amnestia, ex cujus capite Marchio restitui voluerat, iidem Evangelici Status observarunt, quod si vel plenissimam ex hoc capite obtinuerit restitutionem, non aliam tamen utilitatem inde ad eum redituram, quam ut rei litigiosæ possessionem adeptus, omnibus adversarii actionibus juris pateat, qui Cæsaris, Bavari & Catholicorum favore subnixus, amicæ disceptationi

---

„ pertinentiis cedat, salvis Domui Austriacæ juribus, sententiis &  
 „ actionibus in ditiones Ræteln, Badenweiler & Sausenberg competentibus.

- (k) Galli in Formula Pacis mense Julio A. 1647. oblata, quam exhibet MEYERN *Actor. Pacis Westph.* Tom. V. p. 146. præter Præfecturas Stein & Remchingen duas alias ex superiore Marchionatu Friderico adjudicari, & pensationem illam annuam, quam ex avita hereditatis divisione Durlacenses debebant, penitus aboleri petierunt.



sceptationi rerum vix daturus sit locum. In tribunalibus Imperii post longas rerum & temporum ambages, ambiguam prorsus fore victoriam, at certas sine fine impensas. Suadebant denique, ut acciperet oblata.

Eundem in sensum Sueci quoque literas ad Marchionem scripserunt; ancipitem ostendentes eventum; prudentius esse arbitrati, certa dubiis, utilia speciosis ut anteferret. Restitit tamen aliquamdiu Fridericus, Præfecturas aliquot sibi adjici postulans. Saxonici, Brunsvicenses & Argentinenfes Marchioni pinguiiores conditiones a Cæsareanis exorare studuerunt, sed irritò conatu.

### §. XXVII.

Fridericus ergo cum perspiceret, frustra se in contraria Summa restitut. Badensi  
niti, consensit denique, ut articulo IV. Pacis Osnabrugensis paragraphus his verbis infereretur: (1)

„ Fridericus, Marchio Badensis & Hochbergensis, ejusque  
„ filii & heredes, cum omnibus, qui iisdem quocunque modo infer-  
„ vierunt, aut adhucdum inserviunt, cujuscunque nominis aut  
„ conditionis sint, gaudeant & fruuntur supra art. 2. & 3. descri-  
„ pta amnestia cum omnibus suis clausulis & beneficiis, ejus-

Tom. IV.

Kk

(1) PUFENDORF *Rer. Suecicar.* Lib. XIX. §. 1. PFANNER *Hist. Pacis Westph.* Lib. V. §. 16. seq. MEYERN *Acta Pacis Westph.* Tom. IV. Lib. XXXIII. §. 30. Tom. V. Lib. XL. §. 24. seq. ADAMI *Relatio* Cap. XXVII. §. 17.

FRID. V.

„ que vigore restituantur plenissime in eum statum in sacris &  
„ profanis, in quo ante exortos Bohemiæ motus fuit Dominus  
„ Georgius Fridericus Marchio Badensis & Hochbergensis, quoad  
„ Marchionatum inferiorem Badensem, qui vulgo sub appella-  
„ tione *Baden Durlach* venit, itemque quoad Marchionatum  
„ Hochbergensem, tum etiam quoad ditiones Roettelen, Baden-  
„ veiler, Saufenberg, non obstantibus, sed annullatis quibus-  
„ cunque interim in contrarium factis mutationibus. Deinde  
„ restituantur Marchioni Friderico præfectura Stain & Ren-  
„ chingen absque onere æris alieni, interea temporis a Mar-  
„ chione Guilielmo contracti, ratione fructuum, interesse ac  
„ sumptuum per transactionem, Etlingæ A. D. 1629. initam, dicto  
„ Guilielmo Marchioni Badensi cessæ, cum omnibus juri-  
„ bus, documentis litterariis, aliisque pertinentiis, ita ut tota  
„ illa actio sumptuum ac fructuum perceptorum & percipiend-  
„ rum cum omni damno & interesse, a tempore primæ occupa-  
„ tionis numerando, sublata & penitus extincta sit: annua quo-  
„ que pensitatio ex Marchionatu inferiori, Marchionatui supe-  
„ riori pendi solita, virtute præsentium penitus sublata, annul-  
„ lata & annihilata sit, nec eo nomine quicquam vel de præte-  
„ rito vel de futuro in posterum unquam prætendatur vel exi-  
„ gatur. Alternetur etiam in posterum inter utramque lineam  
„ Badensem, inferioris scilicet & superioris Marchionatus Baden-  
„ sis, præcedentia & sessio in Comitibus & Circuli Suevici aliis-



„ que universalibus vel particularibus Imperii aut quibuscunque  
 „ Conventibus, pro nunc tamen eadem præcedentia penes Mar-  
 „ chionem Fridericum, dum superstes erit, permanente. „

## §. XXVIII.

Ita Osnabrugensis Pax Fridericum V. in politicis & in sa- Judicium de ea.  
 cris ex capite amnestiæ restituit; (m) ita quidem, ut res religio-  
 nis in eo statu persisterent, in quo ante Bohemicos motus fuerunt.  
 Norma religionis ergo in Marchia Bada - Durlacensi est annus  
 1618. qui in Palatinis quoque obtinet terris.

In Pacis tam solennis memoriam Fridericus noster Castrum  
 Otlingam, quod bis mille passibus distat Basilea, haud procul a  
 dextra Rheni ripa, quod tum temporis restaurare cœperat, *Frid-*  
*lingam* appellavit.

At inter diuturni belli mala grave æs alienum contraxerat  
 Marchio, Rescriptum moratorium petere coactus, quod A. 1654.  
 Cæsar illi & Wilhelmo agnato concessit.

## §. XXIX.

A. 1649. d. 3. Januarii Fridericus V. a conjuge sua, An- Jus in al-  
lodia Ge-  
roldseck.  
 na Maria, ex Hohengeroldseccii Dynastis prognata, heres testa-

Tom. IV.

K k 2

(m) Speciatim Præfecturæ Pforzheim & Graben, quas Bavari retinere volu-  
 erant, Friderico restitutæ. Dominicani ac Franciscani Monachi, sedem  
 qui fixerant Pforzheimii, ejecti fuerunt. *Theatrum Europ.* Tom. XXVII.  
 pag. 716. & 1049.

FRID. V.

mento scriptus, jus in allodia Geroldseccianæ gentis acquisivit. Res, ut melius intelligatur, altius repetenda.

Geroldseccium, Ortenaviæ Castrum, ab altitudine rupis, cui impositum *Hohengeroldseck* dictum, Dynastiæ caput fuit, quæ suos olim habuit Dynastas, quos inter Theobaldus & Gangolfus, fratres, seculi XV. fine floruerunt. Hi A. 1484. a Philippo, Palatino Comite, bello petiti, arce sua Hohengeroldsecciana & Præfecturis Prinzbach atque Schimburg dejecti sunt; quæ per vicennium in Palatini manibus perstiterunt. Superveniente bello Palatino-Bavari- co, terræ hæ a Maximiliano Imp. receptæ, Christophori, Badensis Marchiopis, commissæ sunt fidei; donec A. 1511. sententia Imperiali pristinis suis Dynastis restituerentur. Hi accepti beneficii memores, terras illas, a Palatino quondam occupatas, & a Christophoro Marchione custoditas, Castrum nempe & Præfecturas memoratas & quidquid allodii jure tum temporis possidebant, A. 1534. Domui Austriacæ in feudum masculinum obtulerunt; ita tamen, ut quæ beneficii nomine ab Imperio aliisque dominis tenerant Dynastæ, tenerent in posterum. Investitura nonnisi decennio post Gangolfo & Walthero, fratribus Dynastis, a Frid- erico Imp. ut Archiduce collata est. (n)

---

(n) Utrasque tam oblationis quam investituræ literas exhibet Libellus: *Gründliche und mit Urkunden belegte Vorstellung derer hochfürstl. marggrävlich Baden-Durlachischen Gerechtsamen auf die Allodien derer Herren zu Geroldseck* pag. 35. & 64.



Interjecto tempore Geroldseccii dimidiam vici Reichenbaccensis partem, ac Præfecturas Selbach, Kubach & Schutterthal, quas jam A. 1482. in Christophorum Marchionem sub lege retrovenditionis transtulerant, (o) restituto emtionis pretio, ad Dynastiam reduxerunt. Retrovenditio hæc A. 1539. evenit. (p) Accessit dein Dautensteinense Castrum, una cum adjacentibus bonis; quod jam inde a seculi XV. temporibus, Lumbartiis, posteaque Pleussiis feudi jure concessum, A. 1584. Geroldseccii redemerunt. (q)

## §. XXX.

Jacobus Geroldsecciorum postremus, quum mascula prole careret, Rudolfus II. Imperator, ut maximam Dynastiæ partem Domui suæ servaret, spem in Imperialia Geroldsecciorum feuda, Maximiliano fratri, Pragæ die 2. Aug. 1604. concessit. Mortuo deinde A. 1634. eodem Jacobo, feuda quidem ad dominos directos, ac speciatim Imperii & Austriaca feuda ad Domum spectabant Austriacam, sed allodia gentis Jacobi, ultimi vasalli, filiae debebantur; nempe Annæ Mariæ, quæ Friderico Solmensi Co-

Ab Anna  
Maria Geroldsecc.  
derivat.

Kk 3

(o) Instrumentum extat in scripto: *Gründliche und mit Urkunden belegte Vorstellung* &c. pag. 41.

(p) *Idem* pag. 54.

(q) *Idem* pag. 90.

miti, nuptiis primis; Friderico nostro Durlacensi secundis fuerat conjuncta. Hæc vici Reichenbacensis partem, quam memoravimus, ut & Præfecturas Selbach, Kubach & Schutterthal, una cum Dautensteinensi Castro, aliasque terras, (r) prima Austriacorum investitura non comprehensas, sed allodiales, sibi vindicavit; reluctante Austriaca Domo, quæ, Anna Maria ex possessione ejecta, anno sequenti feudalium omnium & allodialium bonorum possessionem Craftoni Adolpho Ottoni, Cronbergio Comiti, tradidit; cujus pater Adamus Philippus ante plures jam annos spem in ista bona a Ferdinando Cæsare ut Austriæ Archiduce, obtinuerat. (s) Separationem allodii a feudo filia impetrare non potuit. Missi Cæsarei, causæ examinandæ destinati, literis die 19. Sept. Dautensteinii datis, rem non liquere professi, pristina jura Annæ servarunt. (t)

Inter bellicas turbas ad Westphalicam usque Pacem de Geroldsecciana hereditate nihil memorabile actum. Quadriennio ante Westphalicam Pacem (1644.) Anna Maria, defuncto marito

---

(r) Catalogum horum bonorum allodialium refert auctor ejusdem scripti pag. 10. seqq.

(s) LINCKIUS in *Dissert. de Jure Serenissimæ Domus Durlacensis in allodia controversa ultimi Dynastiæ Hohen Gerolsecc* pag. 6.

(t) Charta hæc extat in Diatriba: *Untersuchung der Beschaffenheit des Fleckens, Thales und Bannes Berghaubten &c.* pag. 64.



priore, novum ut sibi defensores pararet, cum Friderico nostro matrimonium contraxit.

## §. XXXI.

Hic rem eo perduxit, ut in Instrumento Pacis, ubi de <sup>Pace Westph. assertum.</sup> Badenium restitutione agitur, (u) de Geroldsecciana Dynastia hæc verba infererentur: „De Baronatu Hohengeroldseck conventum est, ut, si Domina Principissa Badensis prætenfa sua jura in dicto Baronatu documentis authenticis sufficienter probaverit, restitutio statim post latam desuper sententiam fiat cum omni causa omnique jure, vigore documentorum competenti. Cognitio autem hæc finiatur a die publicatæ pacis infra biennium.

Verum enimvero Friderici conjux finem litis non vidit. <sup>Marchio Annæ Mariæ heres,</sup> Brevi post enim e vivis excessit, postquam conjugem Fridericum Marchionem omnium bonorum & jurium suorum scripserat heredem. (x) Hic legibus Westphalicæ Pacis ut satisfaceret, A. 1649. in Conventu Norimbergensi, ubi de Executione pacis agebatur, ut & in Conventibus Ordinum Sueviæ, eodem anno & sequenti celebratis, authentica sua documenta produxit; sed irritum labore.

Fridericus VI. Marchio, patri succedens, A. 1667. à Leopoldo Cæsare Rescriptum obtinuit, quod Regimini Austriaco ci-

(u) Art. IV. §. 27.

(x) Testamentum hoc extat in sæpe allegato scripto: *Gründliche und mit Urkunden belegte Vorstellung* &c. pag. 15.

FRID. V.

teriori injunxit, ut amicam rei compositionem tentaret. Verum tergiversante Cronenburgio, quem nec iterata Cæsaris præcepta commoverant, ad Judicium Aulicum lis denique delata est A. 1669. Ibi inter varias adversæ partis machinationes ad A. 1692. res protracta.

## §. XXXII.

Badenses  
possessionem  
arripunt.

Extincto tum fine mascula prole Cronenburgio Comite, Fridericus Magnus, Marchio, Friderici V. nepos, bonorum allodialium possessionem, nemine contradicente, adivit, Cæsaremque ea de re literis docuit. Cæsar duobus Rescriptis, quibus bonorum quorundam restitutionem Friderico Magno injunxerat, ejusdem possessionem agnovit.

Verum Carolus Caspar, Liber Baro de Layen, qui investituram feudorum Geroldseccianorum, extinctis Cronenburgiiis, obtinuerat, a Cancellaria Austriaca *Rescriptum*, ut vocant, *immissionale* ratione allodialium bonorum A. 1695. impetravit. Marchio de injuria sibi facta penes Aulicum Imperii Judicium conquestus, petiit ab eo, ut jurisdictionem, quam illud in hac lite ab A. 1669. sibi jam vindicaverat, adversus Cancellariæ Austriacæ conatus defenderet. Annuit Marchionis precibus Aulicum Judicium, amicoque decreto Calendis Febr. 1697. Cancellariæ injunxit, ne progrediretur ulterius.

At



FRID. V.

At Regimen Oenipontanum minacibus literis possessione Eadem dejecti, decedere iussit Marchionem; quibus cum ille parum moveretur, armata denique trecentorum militum manu die 16. Aprilis possessio in Layanum translata est Comitem. Marchio expulsus, frequentes quidem ea de re Cæsari querelas exhibuit; intercedentibus quoque, propter insolitum exequendi modum, Sueviæ Ordinibus; sed ad hoc usque tempus in pristino res statu permanfit. (y)

## §. XXXIII.

Geroldsecciana successio cum Nassovia quoque Domo Jus in Dynast. Lahrensem, litem Friderico V. concitavit, quæ, ut recte intelligatur, repetenda quoque ab ovo.

Inter Geroldseccianos Dynastas & Nassoviorum majores de Lahrensi & Malbergenfi hereditate ab A. 1532. in Camera Imperiali longa & diuturna fuerat agitata contentio; (z) quæ pro

Tom. IV.

L 1

(y) Acta, quæ allegavimus, exhibet: *Gründliche Vorstellung &c.* pag. 16. seqq.

Scripto huic addi meretur libellus, novissime editus, cui titulus: *Pragmatische Geschichte des Hauses Geroldseck, wie auch derer Reichsherrschaften Hohengeroldseck, Lahr und Mahlberg in Schwaben mit CCXIII. Urkunden, Francofurti & Lipsiæ 1766. in 4to.* sectione III. De omni hac lite præter LINCKIUM in citata Dissertatione agit quoque OBRECHT ad J. P. Art. IV. §. 27. BURGOLDENSIS ad J. P. Part. I. Disc. 30. §. 1. & SCHWEDERUS in *Theatro Præfensionum* Part. II. pag. 34. IMHOFFIUS in *notitia procerum* Lib. IV. Cap. VIII. §. 28. male patrimonialia Geroldseckiorum bona ad Badenses pervenisse tradit.

(z) De lite hac mentionem fecimus Tom. III. pag. 97. not. d. Actionum in

FRID. V.

Geroldsecciiis A. 1595. die 2. Junii decisa, (a) & executio decreta. Nassovii contra sententiam hanc remedio revisionis, quod vocant, quum sibi prospexissent, loca & bona, quæ Geroldsecciiis una cum fructibus perceptis restitui debuerant, in Nassoviorum manibus perstiterunt.

Judicio revisorio per triginta jam annos pendente, Ludovicus, Comes Nassoviæ Saræpontanus & Jacobus Geroldseccianorum postremus, Henrico Limpurgenfi Dynasta, & Maximiliano Pappenhemio arbitris usi, A. 1625. die 3. Augusti transactionem iniverunt, qua Jacobus hereditati Lahrensi & speciatim juri, ex sententia Cameræ A. 1595. quæsito omnique actioni & liti penitus renunciavit. Vicissim Nassovius centum mille florenos, certis temporibus solvendos, eorumque annuas usuras quincunces Jacobo promisit, atque in debiti fidem Lahrensis Dynastiæ partem dimidiam, quam indivisim cum Badensibus tenebat, & insuper in subsidium allodialia quæcunque bona sua eidem oppigneravit. Præter hos centum mille florenos, Nassovius viginti quoque millium florenorum summam, quam Geroldseccius A. 1603. a Georgio Friderico Marchione mutuo acceperat, in se derivatam, intra

---

Camera Imp. a Geroldsecciiis A. 1532. institutarum formulæ leguntur in scripto, cui tit. *Höchstgemüßigte Vorstellung derer Hochfürstl. Baden-Durlachischen Gerechtsamen wider das Fürstl. und Gräfl. Haufs Nassau, die Herrschafft Lahr betreffend* inter Docum pag. 1. seqq. absque loco & ao. impressi.

(a) Sententia hæc extat in *scripto alleg. inter Documenta* pag. 4.



bimestre tempus una cum usuris 5500. florenor. Marchioni se soluturum spopondit. Accessere 10000. floreni & 20000. alii, quos Nassovius, partim numerata pecunia, partim statis temporibus exsolvendos suscepit.

## §. XXXIV.

Virtute hujus transactionis Nassovius Badensi, quæ promiserat, præstitit; Geroldseccio 10000. florenos quoque numeravit; sed de reliqua summa novæ difficultates quum fuissent exortæ, A. 1634. d. 6. Junii, Friderici nostri Marchionis interventu, Francofurti alia inter Jacobum Geroldseccium & Ludovici Nassovii heredes inita est transactio; qua præcedens confirmata, additumque, ut præter summas memoratas, Nassovius viginti adhuc florenorum millia, a Geroldseccio debita, in se fusciperet. (b) Nassovii his transactionibus morem non gesserunt. Postremum nomina, in illis expressa, una cum jure in reliquam allodiam Geroldseccianam hereditatem, ex testamento Annæ, Jacobi, Geroldsecciorum ultimi, filiæ, ad Fridericum nostrum Marchionem transferunt. Hic denique A. 1652. die 13. Julii cum Johanne, Ernesto Casimiro, & Johanne Ludovico, Comitibus, Ludovici Nassovii filiis, Caroloburgi ita transegit, ut loco 213200. florenorum nonnisi 130000. florenos Nassovii persolverent Marchioni. Triginta florenorum millia tempore definito, reliquorum centies mille

A Geroldsecc.  
adBadenses per-  
venit.

FRID. V.

florenorum quincunces usuræ ex redditibus Dynastiæ Lahrensis oppigneratæ, & si non suffecerint, ex aliarum quoque Nassovicarum ditionum redditibus Friderico pendantur, donec summa soluta. (c)

## §. XXXV.

Marchio  
in possess.  
immissus.

Verum enimvero postrema hac transactione stare quum noluissent Nassovii, Fridericus denique, eadem neglecta, præcedentibus transactionibus inhærens, in Camera Imperii litem Nassovio intendit, atque A. 1654. 15. Febr. mandatum obtinuit, quo Johanni Comiti Nassoviæ Saræpontano injunctum est, ut in possessionem dimidiæ partis Dynastiarum Lahr & Malberg oppigneratæ, Fridericum immitteret, donec de 213200. florenorum summa, ut & de usuris, sumtibus & damno satisfecerit. (d)

Nassovius nec huic, nec aliis, quæ successerunt, satisfecit Mandatis. Camera Imperii sententiæ suæ executionem decrevit, eamque Hugoni Eberhardo, Wormatiensi Episcopo, & Mariæ Eleonoræ, Palatinæ Simmerensi, (e) Circuli Rhenensis superioris Rectoribus A. 1658. die 12. Nov. demandavit. (f) Immissio anno sequente facta. (g) Marchio possessionem Lahrensis Dyna-

(c) Transactio hæc *ibidem* legitur inter documenta pag. 13.

(d) Extat Mandatum in *Scripto alleg.* pag. 15.

(e) Vidua hæc erat Ludovici Philippi, Comitis Palatini, A. 1654, defuncti, tuitrix filii Ludovici Henrici Mauriti, ætate minoris.

(f) *Scriptum alleg.* pag. 22.

(g) Agit de omni hac lite IMHOFFIUS in *Notitia procerum Imperii* Lib. IV. Cap. VIII. §. 29. & DROLLINGERUS in *Lexico Basiliensi sub Friderico V.*



stiae adivit; Protestantium sacra in eadem introduxit; (h) possessionemque retinuit, usque ad A. 1724. quo Aulicus Cæsaris Senatus Nassovio Saræpontanis Dynastiam hanc restitui iussit. (i)

Hæc de Geroldseccianis & Lahrensis rebus, quas ordine non interrupto exposuimus, evidentiores ut fierent. Nunc ad Fridericum nostrum redimus.

### §. XXXVI.

Investituram ille feudorum Imperii a Ferdinando III. Imp. Acta ab A. 1651. A. 1651. die 12. Aug. Vindobonæ per legatos accepit. In literis feudalibus & Badensis & Hachbergensis Marchiæ, ut & dimidia pars Comitatus Ebersteinensis & Dynastia Usenbergensis memorantur. Quinquennio post Basiliensia feuda ab Episcopo Johanne Francisco recepit.

His temporibus ex decreto Circuli Suevici Conventus minorum quatuor Circulorum, agebantur. (k) Fridericus, ad quem, ex jure Senioratus, secundæ partis spectabat directio, Ordinibus, qui eam partem componunt, Offenburgum A. 1651. mense Novembri Conventum indixit, ad quem & Hanoviæ Comitem & Argentinenfes, aliosque vicinos Status, de re communi delibera-

Ll 3

(h) PETRI *Suevia ecclesiast.* pag. 492.

(i) Vide infra in Carolo Wilhelmo Marchione.

(k) Divisio hæc in quatuor Circulos minores (*in vier Viertel*) A. 1563. ordinatione Circuli Suevici instituta & Domui Badensi secundæ partis tum delata directio, quam illa habet hodieque.

FRID. V.

turos, vocavit. Legatus Friderici Præses Conventum direxit, Ordinumque collegit suffragia. Aderant Bada-Badenfis, Furstenbergicus, Zolleranus, ut & Civitatum, Rothwilæ, Offenburgi, Zellæ ad Hammerpacum legati, Ordinum, qui secundam partem componunt, mandata ferentes. Ex vicinis Hanoviæ Comititis & Argentinenfium comparuerunt legati. Ab Advocatia Provinciali Ortenaviæ & a Civitate Spirensi literæ venerunt, quibus causæ communi se non defuturos testati sunt. Actum de rebus, ad politiam spectantibus. (l)

## §. XXXVII.

Acta ab  
A. 1653.

A. 1653. post diuturnum exilium & innumera, quæ bellum post se traxerat mala, Consilium Secretum in Caroloburgenfî palatio prima vice habuit Marchio. Placuit, filium ejus cognominem Fridericum ad Comitiam Ratisbonam mittendum, quod infirma pater valetudine uteretur. (m)

(l) In Instruktion, quam Wilhelmus Marchio dedit legato, hæc verba leguntur: „ Als vermög bey diesem Fürstl. Hause herkommenen Alter-  
„ nativ jetzmaligem vorsitzendem auf der weltlichen Fürstenbanck eine  
„ Zusammenkunft deren in den andern Viertel dieses löblichen Schwæ-  
„ bischen Creyfes, auch anderer ausgefessenen benachbarten Ständen, auf  
„ den 5ten dieses nacher Offenburg ausgeschrieben worden, um zu deli-  
„ beriren, wie dem aller Orten geklagten und durchgehenden Unwesen,  
„ Hartnæckigkeit und Übersetzung der Ehehalten, Dienstbotten, Tag-  
„ löhner und Handwercksleuth zuvorkommen &c. „

(m) Quæ de alternandi ordine inter varias Domos Principales & speciatim Badensem in his & præcedentibus Comitibus gesta fuerunt, exposuimus supra Tom. III. pag. 106.



Westphalica Pace obtinuerat Cæsar, ut promitterent ei Status, (n) belli sumptuum causa in proximis Imperii Comitibus pecuniarium ei se decreturos subsidium. A. 1654. Ratisbonæ decretum, ut centum Romanorum, quos vocant, mensium summa ei solveretur. Eridericus noster, ultra portionem suam, quæ quadragies & quinquies mille atque ducentorum florenorum fuerat, undecies mille & trecentos florenos solvit, quorum in sequentibus Imperii Collectis habita ratio. (o) Insigne parsimonie Marchionis documentum.

## §. XXXVIII.

A. 1655. Friderico cum Wirtembergæ Duce gravis est <sup>Lis cum Wirtenb.</sup> exorta contentio, cujus summa huc redit. Ernestus Fridericus Altensteigam & Liebenzellam Joh. Friderico, Duci A. 1603. quum tradidisset, recepta Malscha, Ottersvira & Steinbaco, Dux peculiari instrumento die 15. Dec. eodem anno Marchioni evictionem promisit; eumque in finem Besighemii & Mundelshemii præfecturas, in promissi fidem, ei oppigneravit; Malscha, Ottersvira & Steinbacum, ecclesiastica bona quod essent, restitutioni obnoxia. (p) Addita conditio, si loca illa, vel in totum, vel ex parte amitterentur, ut Dux damnum præstaret, atque si mora in eo fuerit, Besighemii & Mundelshemii Præfecturas occupandi Marchioni jus esset.

---

(n) Art. XVI. num. XI.

(o) Testis est Ferdinandi III. Imp. apocha data ultimo Octobris 1655.

(p) Lege, quæ diximus supra in Ernesto Friderico pag. 213. seq.

Wilhelmus Bada-Badenſis A. 1622. reſtitutus ditionibus, Maſchenſem quoque Præfecturam recepit; virtute juris antiqui, quod Bada-Badenſes in eam ſibi vindicabant. (q) Steinbacum vero, Durlacenſi undique cinctum ditione, in Friderici noſtri manibus tum quidem permanſit. Hic de Maſcha amiſſa apud Wirtenbergensem conqueſtus eſt, ſed aliquamdiu quievit. Etlingenſi autem tranſactione A. 1629. Maſcha Wilhelmo cum fuiſſet relicta, Wirtenbergæ Ducem monuit Fridericus, ut, quam promiſerat, evictionem præſtaret. Acceſſit eodem anno Ferdinandum, Reſtitionis bonorum eccleſiaſticorum, Ediſtum, quo Wilhelmus Maſſcham, Fridericus noſter Steinbacum Albæ Dominorum Abbatu reſtituere coacti ſunt. Decrevit denique Weſtphalica Pax, ut Wilhelmus Maſſcham, Fridericus Steinbacum, ex anni decretorii (1624.) lege recipere; Friderico in tractatibus pacis fruſtra contendente, ut Maſſcha quoque ipſi redderetur. Peculiari tamen Scripto juribus ejus proſpectum eſt.

## §. XXXIX.

Pro Marchione  
decifa.

**R**ecuperandæ hujus præfecturæ ſpe dejectus Marchio, Wirtenbergæ Ducem de damno ſarciendo denuo coepit urgere. Hic e contra Marchioni in Camera Imperii litem intendit, (r) & ſubditis ſuis commercium vini cum Marchicis interdixit. At Camera eodem

---

(q) Adi Wilhelmum Tom. III. pag. 112.

(r) Ex lege *Diffamari*.



eodem anno die 4. Octobris Wirtembergæ Duci injunxit, ut in Besighemii & Mundelshemii Præfecturarum locorumque, ad eas spectantium, possessionem immitteret Marchionem, donec ei de damno, propter Malscham & Ottersviram ablatas, ut & de expensis satisfecerit. Commerciorum quoque libertatem eodem mandato restituere jussus est Wirtembergicus, qui Besighemii tamen & Mundelshemii possessionem pertinaciter retinuit.

Fortius dein agitata fuit lis, atque lata denuo sententia A. 1684. ut Wirtembergicus duas illas Præfecturas, intra trimestre spatium, pro quantitate reddituum Malschæ & Ottersviræ traderet Marchioni, donec pacta impleffet. Sententia A. 1731. die 28. Junii confirmata est, sed Wirtembergæ Dux variis juris remediis usus, executionem avertit (s) donec Carolum Fridericum Marchionem inter & Carolum Eugenium Ducem, nostra ætate, res tandem transacta est, ut suo loco docebitur.

## §. XL.

A. 1657. mortuo Ferdinando III. Imperatore Bavarum inter & Palatinum de Vicariatu lites exortæ sunt. Fridericus noster, aliorum Principum exemplo, Vicarii titulum utrique concessit; Palatinus licet, missa legatione, Marchionem ad suas perducere partes studuisset.

Gesta reliqua.

Tom. IV.

M m

---

(s) Conferantur *Acta in Sachen, so zwischen dem Hauß Baden-Durlach, Klärgern, und dem Hauß Wirtemberg, Beklagten, an dem Cammergericht von*

Eodem anno inter Principes Evangelicos de Monitis ad Capitulationem, futuro Regi præscribendam, deliberabatur Francofurti, ubi Deputatorum Imperii illo tempore agebatur Conventus. Marchio noster Georgio Wilhelmo Bidenbachio, quem Wirtembergæ Dux ad Conventum illum miserat, suas partes demandavit. Principum Monita, in compendium redacta, A. 1658. die 27. Apr. Moguntino exhibita fuerunt. In adornanda tamen Capitulatione Monita hæc ab Electoribus cum fuissent neglecta, Principes solenni scripto sibi intercedendum putarunt. (t)

Leopoldus, Ferdinandi III. Cæsaris filius, Imperator electus est; ad quem, coronationis causa Francofurti agentem, Fridericus noster filium misit Fridericum, Cæsari novo ut sua obsequia deferret.

#### §. X L I.

Testa-  
mentum  
ejus,

**D**ecennio ante mortem (u) Fridericus noster Basileæ testamentum condidit, cujus præcipua capita cum testamento Georgii Friderici A. 1615. conveniunt. En summam ejus:

1. Testator vult, ut corpus ejus inter secundam & tertiam Conjugem collocetur in crypta.

---

*A. 1655. verhandelt worden; die Abtretung beeder Aemter Besigheim und Mundelsheim &c. betreffend.*

(t) Monita Principum exhibet LONDORP. *Atq. publ.* Tom. VIII. pag. 257. Protestatio eorundem, die 8. Aug. facta, legitur *ibidem* pag. 383.

(u) A. 1649. die 31. Dec.



2. Sibylla filia & duæ sorores, Anna & Elisabetha successioni renuntient.
3. Filii testatoris, Fridericus, Carolus Magnus & Gustavus Adolphus sint heredes. Ita tamen, ut Primogenitus regat solus, eique subditi præstent homagium.
4. Indivisibiles semper sint Marchicæ terræ.
5. Successio linealis agnatica denuo firmata.
6. Carolo Magno & Gustavo Adolpho destinantur pro sede Otlinga (x) & Dautenstein.
7. Executores Testamenti, Tutores & Curatores constituti sunt Eberhardus Wirtenbergæ Dux & Georgius, Landgravius Hassiæ.

Ferdinandus III. Imp. hoc testamentum confirmavit die 25. April. 1654. duabus rebus exceptis, quarum prima est prohibitio transitus ad aliam religionem. Altera respicit austregas, quas Fridericus V. uti pater, inappellabiles constituit. Cæsar autem eas primæ instantiæ judicium appellat.

#### §. XLII.

**D**ecennio post testamentum conditum, anno nempe 1659. Obitus. die 8. Sept. Fridericus V. vitam cum morte commutavit; sexagesimum quintum ætatis annum quum omnino expleffet.

Tom. IV.

Mm 2

---

(x) Quam Fridericus noster dein Fridlingam vocavit, ut superius dixi.

FRID. V.

Chara-  
cter.

Princeps a primo regiminis tempore ad Westphalicam usque Pacem, adeoque per totos viginti sex annos perpetua factorum varietate agitatus; at malis non fractus, constantis & intrepidi Principis elogium meritus est, ut pater. Mechanicis artibus maximopere delectatus; virtutibus togatis magis, quam militaribus, imbutus; modestus, boni publici amans; luxus & luxuriæ hostis; parvo contentus; parcus, non sordidus; felix maritus & pater. (y)

## §. XLIII.

Uxor pri-  
ma,

Uxores habuit quinque. Ex tribus posterioribus sobolem non suscepit. Prima fuit Barbara, filia Friderici, Wirtenbergæ Ducis & Sibyllæ Anhaltinæ; nata die 4. Dec. 1593. nupta die 21. Dec. 1616. Stutgardiae; domum deducta die 11. Jan. 1617. Obiit A. 1627. die 8. Maji in patria, in quam, marito Vindobonam abeunte, secesserat. Corpus delatum est Pforzhemium, ibique conditum die 15. Jul. in crypta Marchionum. Fridericus conjux cum filio Friderico; Johannes Fridericus & Julius Fridericus, Wirtenbergæ Duces, funus duxerunt, cui & plurimorum Principum legati & magna Nobilium multitudo interfuit. (z)

(y) FEUQUIERIUS, Gallicus ad Germaniæ Ordines legatus, de eo ita scribit in *Memoires pour l'Hist. du Cardinal de Richelieu* Tom. I. pag. 394.

„ Pour la personne du susdit Marquis de Bade, il est Lutherien,  
 „ d'esprit mediocre, d'assez bon cœur; attaché aux Suedois, tant  
 „ parce qu'ils l'ont remis dans ses Etats, dont il étoit entierement  
 „ depouillé, que par le don, qu'ils lui ont fait des places, qu'ils te-  
 „ noient dans l'Alsace de là le Rhin; dont il preta le Serment à la dite  
 „ Couronne entre les mains du dit Chancelier, pendant la dite assem-  
 „ blée de Hailbronn.

(z) Editus est A. 1627. liber Durlaci, cui titulus: *Serenissimæ Principis ac Do-*



FRID. V.

Liberi  
primima-  
trim.

Mater hæc octo liberorum, quos ordine subjungimus.

Fridericus A. 1617. natus, qui patri successit.

Juliana, nata die 4. Nov. 1618. obiit die 7. Julii 1623.

Sibylla nata d. 5 Febr. 1620. d. 8. Kal. Maji 1679. cælebs decessit.

Carolus Magnus, natus A. 1621. cujus vitam separatim describemus.

Barbara, nata Stutgardiae die 6. Junii 1622. XVII. annorum puella die 18. Kal. Oct. 1639. defuncta.

Johanna, nata die 5. Dec. A. 1623. Johannem Banierium Campi Marefchallum Suecicum A. 1640. die 26. Sept. Arolsæ maritum accepit, quo extincto, A. 1648. nupsit Henrico, Comiti de Thurn, Duci Suecico in Livonia, ubi in prælio contra Russos cecidit. Johanna A. 1661. mense Febr. vitam commutavit cum morte.

Friderica, nata die 6. April. 1625. vigesimo ætatis anno cælebs obiit A. 1645. die 16. Jun.

Christina, nata die 25. Dec. 1626. mortua die 11. Jul. 1627. eodem, quo mater, die Pforzhemii sepulta est.

## §. X L V.

Secunda Friderici uxor fuit *Eleonora*, Alberti Ottonis, <sup>Uxor 2. & liberi ex</sup> Comitis Solmenfis, in bello Juliacenfi A. 1610. occisi, filia, nata <sup>ea.</sup>

Mm 3

---

*minæ Dominæ Barbaræ Marchionissæ Badensis & Hachbergenfis funus. Ut & Panegyricus exequialis beatis manibus ejusdem Principis, Durlaci impressus A. 1628.*

FRID. V.

A. 1605. nupta Friderico Butzbachii apud Philippum Landgravium

A. 1627. die 8. Octobris, mortua Hachbergæ A. 1633. die 6. Julii.

Ex ea nati sunt liberi sequentes :

Anna Philippina, nata die 9. Septembris A. 1629. eodemque  
anno die 27. Decembris extincta.

Eleonora, nata & mortua die 15. Nov. 1630.

Gustavus Bernhardus, de quo separatim dicemus.

#### §. XLVI.

Uxores  
reliquæ.

Defuncta Eleonora, Fridericus ad tertias progressus est  
nuptias, ducta *Maria Elisabetha*, filia Wolradi Comitis de Waldeck  
& Annæ Badensis, Jacobi filiæ, nata A. 1608. mense Septembri,  
desponsata Marchioni A. 1633. mense Novembri, mortua Basileæ  
A. 1643. die 19. Febr.

Eam in thoro Marchionis excepit *Anna Maria*, Jacobi,  
ultimi Geroldsecciani Dynastæ, filia heres; vidua Friderici Comitis  
Solmenfis, per quam jus in Geroldseccianam hereditatem ad Ba-  
denfes, ut supra docuimus, pervenit. Nata hæc A. 1593. die Si-  
monis & Judæ, nuptias cum Marchione celebravit A. 1644.  
die 13. Febr. obiitque Basileæ A. 1649. die 25. Maji.

Postrema denique Friderici uxor fuit *Elisabetha Eusebia*,  
Alberti Comitis Furstenbergici Filia, A. 1649. nupta, quæ marito  
diu supervixit, A. 1676. die 8. Junii Basileæ extincta.





# PROCEEDINGS

1911  
The following  
and others  
of the

1. The following	2. The following	3. The following	4. The following
5. The following	6. The following	7. The following	8. The following
9. The following	10. The following	11. The following	12. The following
13. The following	14. The following	15. The following	16. The following
17. The following	18. The following	19. The following	20. The following

21. The following	22. The following	23. The following	24. The following
25. The following	26. The following	27. The following	28. The following
29. The following	30. The following	31. The following	32. The following
33. The following	34. The following	35. The following	36. The following
37. The following	38. The following	39. The following	40. The following

41. The following	42. The following	43. The following	44. The following
45. The following	46. The following	47. The following	48. The following
49. The following	50. The following	51. The following	52. The following
53. The following	54. The following	55. The following	56. The following
57. The following	58. The following	59. The following	60. The following

61. The following	62. The following	63. The following	64. The following
65. The following	66. The following	67. The following	68. The following
69. The following	70. The following	71. The following	72. The following
73. The following	74. The following	75. The following	76. The following
77. The following	78. The following	79. The following	80. The following

# T A B U P R O S A P I A E

## FRIDER

nat. 6. Nov. 1617. † 31. Jan. 1

Joh. Casimiri Comitis Palati

† 4. Aug. 1622.

FRIDERICUS  
CASIMIRUS,  
nat. 27. Novemb.  
1643. † 1644.

CHRISTINA,  
nat. 22. Apr. 1645. nupta  
1) Alberto Anspac. March.  
1665. 2) Friderico Duci  
Gothano 14. Augusti 1681.  
† 21. Dec. 1705.

ELEONORA  
CATHARINA,  
nat. 4. Maji 1646.  
† 9. Jun. 1647.

FRIDERICUS MAGNUS,  
natus 23. Septembris 1647.  
† 25. Junii 1709. Ux. Augu-  
sta Maria, Friderici Ducis  
Gottorp. filia 15. Maji 1670.  
† 25. April. 1728.

FRIDERI-  
CUS MA-  
GNUS, na-  
tus 13. Ja-  
nuarii 1672.  
† 24. Febr.  
h. a.

FRIDERI-  
CA AUGU-  
STA, nata  
21. Maji 1673.  
† 25. Julii  
1674.

CHRISTINA  
SOPHIA,  
nata 17. Dec.  
1674. † 22. Jan.  
1676.

CLAUDIA  
MAGDALE-  
NA ELISA-  
BETHA, nat.  
15. Nov. 1675.  
† 18. Aprilis  
1676.

CATHARINA,  
nat. 10. Oct. 1677.  
ux. Joh. Friderici  
Leininga - Har-  
tenburg. Comi-  
tis 19. Jun. 1701.  
† 11. Aug. 1746.

CAROLUS W  
MUS, nat. 28.  
† 12. Maji 1738.  
dalena Wilhelmi  
helmi Ludovici D  
tenberg. filia  
1697. † 30.  
1742.

CAROLUS MA-  
GNUS, natus 21.  
Jan. 1701. † 12. Jun.  
1712.

FRIDERICUS,  
natus 7. Octobris 1703. † 26. Martii 1732. Ux. Anna Carola Amalia Ludovica,  
Johannis Wilhelmi Frisonis Principis Nassovio-Arauf. filia, 3. Julii 1727.  
nupta.

CAROLUS FRIDERICUS,  
natus 22. Novembris 1728. Ux. CAROLINA LUDOVICA, Ludovici  
Haffo - Darmstad. filia, nupta 28. Januarii 1751.

CAROLUS LUDOVICUS,  
natus 14. Febr. 1755.

FRIDERICUS,  
natus 29. Aug. 1756.



# L A II. ERNESTINAE.

Tom. IV. pag. 279.

## ICUS VI.

Ux. Christina Magdalena  
Cleburg. filia 30. Nov. 1642.

CAROLUS GUSTAVUS, at. 27. Sept. 1648. † 24. Oct. 09. Ux. Anna Sophia, Antonii rici Ducis Brunsv. filia 1677.	CATHARINA BAR- BARA, nata 4. Julii 1650. Canonissa Her- vord. † 1734.	JOHANNA ELISABETHA, nata 6. Nov. 1651. Ux. Johan- nis Friderici Anspac. March. 26. Januarii 1673. † 28. Sept. 1680.	ELEONORA FRIDERICA, nat. 6. Mart. den. 13. April. 1658.
---	--	--	--

CHRISTINA JULIANA, nat. 12. Sept. 78. Ux. Joh. Wilhelmi Ducis Ifenac. 1697. 10. Julii 1707.	CAROLUS, nat. 30. Mart. 1680. † 30. Aug. ejusd. anni.	FRIDERICUS RUDOL- PHUS, nat. 13. Maji 1681. † 18. Maji 1682.	CAROLUS ANTO- NIUS, nat. 1683. † 31. Maji 1692.
---	---	--	---

EL- 1679. Mag- Wil- Wir- Junii obris	JOHANNA ELI- SABETHA, nat. 3. Oct. 1680. ux. Eberhardi Lu- dovici D. Wirten- berg. 16. Maji 1697. † 2. Jul. 1757.	ALBERTINA FRIDERICA, nat. 3. Jul. 1682. Uxor Christiani Aug. D. Gottorp. Episcopi Lubec. 2. Septemb. 1704. † 22. Dec. 1755.	CHRISTOPHORUS, nat. 28. Septembris 1684. † 2. Maji 1723. Ux. Ma- ria Christiana Felicitas, Joh. Caroli Aug. Lei- ninga-Heidesh. Comitis filia 4. Decembris 1711. † 3. Jun. 1734.	CAROLA SOPHIA, nat. 1686. † 3. Octob. 1689.	MARIA ANNA, nat. 3. Jul. 1688. † 8. Mart. 1689.
--	---	--	---	---	--

AUGUSTA MAG- DALENA, nata 19. Novembris 1706. † 25. Augusti 1709.	CAROLUS AUGUSTUS JOHANNES REINHAR- DUS, natus 14. Novem- bris 1712.	CAROLUS WIL- HELMUS EUGE- NIUS, nat. 13. Nov. 1713.	CHRISTO- PHORUS, nat. 5. Junii 1717.
--	--	--	---

I. Landgravii	WILHELMUS LUDO- CUS, natus 14. Januarii 1732.
---------------	---

LUDOVICUS WILHELMUS AUGUSTUS,  
natus 9. Febr. 1763.

5 AUG 2 1955



## CAPUT VII.

## FRIDERICUS VI.

A. 1659. -- 1677.

## §. I.



Octodecim annorum regimen expositurus sum Prin-<sup>Introitus.</sup>  
cipis, patrem qui fortitudine bellica, avum fe-  
licitate & prudentia superavit regendi; virtu-  
tibus & Imperatoria dignitate neutri secun-  
dus. Fridericum VI. intelligo; Principem, in  
quo plures invenias Principes & compendium virtutum.

Produxit eum Caroloburgense Palatium die 16. Novembr.<sup>Initia Marchionis.</sup>  
A. 1617. quo omnia apud Germanos atque Bohemos ad civile bel-  
lum, quod per totos triginta annos Germaniam agitavit, parata.

Argentoratum a longo jam tempore Marchionum Baden-  
sium prima fuerat studiorum palæstra. Hanc & Fridericus ado-  
lescens invisit, atque ex ea A. 1634. Lutetiam profectus, totum  
ibi transegit triennium, omnibus disciplinis imbutus & artibus, quæ  
Principem ad magna natum exornant. Ad militiæ artes se præ-  
fertim applicuit, cujus præcipuum theatrum ipsa tum fuerat Ger-  
mania, bello ardenti, quo consumebatur, conflagrans.

## §. I I.

Tyrosi-  
nium mi-  
litia,

**B**ernhardus ille Dux Vinario-Saxo Lutetiam Parifiorum venit A. 1637. de bello, contra Auftriacam Domum continuando, communia cum Cardinali Richelio initurus confilia. Ibi Fridericus noster Saxoni se applicuit, firmiter sibi proponens, a primis militiae gradibus ad summum imperatoris culmen per obsequia, sibi succedentia eniti. Bernhardo irrumpente in Sequanos, A. 1639. in pugna diuturna ad pontem Burgundicae Araris Fridericus gladio suo viginti hostes viginti duo annorum juvenis vel occidit, vel vulneravit. (a) Delemontium, Rinovia, Laufenburgum, vel defensae vel captae, virtutis ejus testes celebrantur. Rheinfelda obsessa & capta, ubi Caesareanorum quoque copiarum duces, Savellius, Enckenfortius, Verdanus, Sperreuterus, urbem ab obsidione liberaturi, ab obsessioribus intra biduum ter profligati, denique capti fuerunt, (A. 1638.) Marchionis juvenis virtutem suspexit.

## §. I I I.

Chiliar-  
cha Leg.  
Schoen.

**P**rope Niddam Hassorum Equestris Schoenianae Legionis Chiliarcha creatus est (A. 1640.) postquam per biennium eam Sub-Chiliarcha duxisset. Eodem anno Vinariensis exercitus ad Erfordiam Suecico, quem Banerius ducebat, ut & Hassiaco exercitu auctus est. Castra hostium castris, natura arteque munitis,  
ad

---

(a) KECKIUS in *Oratione funebri Friderici VI.* pag. 10.



ad Salfeldam opposita, obsidione lenta expugnare foederati decreverant. Sed post levia aliquot proelia, in quibus Friderici nostri virtus emicuit, orta dissensione, re infecta discessum. (b) Interjecto tempore Foederati ad Vildungam, Cæsarei ad Fritzlarium confederunt. Marchio cum mille equitibus castra hostium prætergressus, non sine vitæ periculo commeatum Cassellas adduxit.

Paulo post idem noster Fridericus a Banerio Suecici exercitus Duce ad Ludovicum XIII. in Galliam missus est, ut de belli communis, in Germania continuandi, ratione cum Richelio tractaret. E Gallia redux A. 1641. conflictui ad Merseburgum interfuit; quo Cæsareani Salam ad Naumburgum transeuntes, magna repulsi sunt clade. Eodem anno post obitum Banerii reportatæ a Cæsareanis ad Guelferbitum victoriæ, magna quoque pars tribuenda Friderico.

## §. I V.

**B**ellum hoc Sueco-Germanicum variis itineribus, in Sue- <sup>Vinculum cum Suecis.</sup> ciam faciendis, ei dedit occasionem, unde & matrimonii occasio. Ibi enim Christinam Magdalenam, Caroli Gustavi, postea Sueciæ Regis, sororem A. 1642. sibi junxit uxorem. Post nuptias ex Suecia Volgastum se contulit, Pomeraniæ oppidum, quod alluit Pena. Ibi relicta conjuge, per Galliam eodem anno ad exercitum in Alsatiam contendit atque dein expugnationi Rotvilenfi &

FRID. VI.

infausto ad Dutlingam in Suevia interfuit prælio ; in quo Galli & Vinarienses cæsi ; præcipui Duces capti. (c) Fridericus autem, instituto per Galliam itinere, in Pomeraniam redux aliquamdiu quievit.

Christina, Sueciæ Regina, A. 1645. Friderico nostro Marchioni ejusque conjugii Christinæ Magdalenæ præfecturam Uccermundanam, dum bellum duraret, utendam fruendamque concessit. Unde non semel Uccermundæ versatus est Marchio, ubi & filius ejus Fridericus Magnus, in Principatu successor, lucem adspexit. (d)

## §. V.

Gesta varia.

A. 1647. promovendis Domus suæ commodis Volgaſto Monasterium & Osnabrugam, ubi de pace tractabatur, se contulit. Eundem in finem ad Carolum Gustavum, Westphaliæ pacis executioni intentum, Norimbergam profectus est A. 1649. ut commodis Domus suæ invigilaret. Inde in Pomeraniam reversus, iter per Poloniæ regnum instituit. His omnibus peractis cum uxore sua A. 1651. venit Durlacum.

Multiplices autem ingenii dotes & in rebus gerendis prudentiam Ferdinando III. Cæsari & Principibus Imperii Fridericus noster probavit, quum A. 1653. Ratisbonam ad Comitia fuisset missus a Patre. Ferdinandus IV. Cæsaris filius tum electus & paulo

---

(c) IDEM Lib. XV. §. 34. pag. 521.

(d) A. 1651. Carolus Gustavus affini suo Marchioni literis cavit, ne Præfecturam hanc dimittere teneretur, nisi viginti thalerorum Imp. millia ipsi fuerint soluta.



post coronatus est Rex Romanorum. Coronata quoque Eleonora Augusta, Ferdinandi Cæsaris conjux. In festivitate hac Fridericus noster Imperialis Pincernæ officio functus est.

§. V I.

Biennio post Carolus Gustavus, Marchionis nostri affinis, <sup>Bellum Polon.</sup> Sueciæ Regni solium conscendens, bellum intulit Polonis. Tum vero in itineribus, in tentorio, in acie, in præliis, Regi semper fuit ad latus, Suecici equitatus constitutus Magister. (e) Varfavia capta, cum Poloniæ Rex Regnum deseruisset, missus est Fridericus, ut Sendomiriæ Provinciam in Caroli Gustavi fide retineret. Sendomiria urbe anno sequente per Polonos recepta, Sueciæ Rex, veritus, ne, auctis pedetentim hostium viribus, intercluderetur itinere, e Minori Polonia, ubi hærebat, in vicina Borusfiæ loca se recipere statuit.

Regi, Jaroslavia discedenti, equitum viginti quatuor turmas, dimacharum signa decem Fridericus obviam adducere jussus, itinere in sinistra Vistulæ ripa facto, Janovizam pervenit, ubi Regem, victis prope Sendomiriam Lithuanis, per alteram Vistulæ ripam descendere intellexit.

§. V I I.

Varsoviam tunc recessurus Marchio, die 28. Martii (1656.) <sup>Pugna ad Warcam.</sup> in vicinia oppidi Varcæ in Czarneckium incidit, Polonorum Du-

(e) Lieutenant Général de la Cavallerie.

cem, qui duodecim armatorum millium ducebat exercitum. Marchio copiis hosti longe inferior, cum pugnam evitare non posset, suis in aciem dispositis, ultra bihorium summo cum ardore pugnavit, cæsis aliquot hostium centuriis, donec obruti numero Sueci, plerique tirones, fugam arripuerunt. Quingenti eorum proxima nocte evaserunt Varsoviam; quos sequentibus diebus secuti sunt multi, qui se in sylvis absconderant. Centum sexaginta capti, reliqui ferro perierunt. Fridericus ipse cum præcipuis aliquot ducebus & equitibus centum & octo Czierskam se recepit, ubi excitis inter rudera murorum munitionibus, per biduum magna fortitudine vim Polonorum sustinuit; deditionem, quam non semel imperaverant hostes, pertinaciter detrectans & extrema subire paratus, nisi Poloni, de victoria desperantes, ac itinere Regis percussi, ab obsidione recessissent. Unde Fridericus, cum militibus suis Czierska egressus, inter volitantes Polonorum catervas, Varsoviam attigit salvus & fospes. (f)

Rebus tam fortiter gestis, Rex Fridericum supremi Mareschalli Campi dignitate ornatum, una cum Stenbockio & Gardio castris præfecit ad Gedanum, atque insignes duas Borussiae Præfecturas paulo post illi contulit.

---

(f) PUFENDORF. *de rebus Caroli Gustavi* Lib. III. Cap. X. GOTTFRIED LENGNICH *Geschichte der Preussischen Lande unter der Regierung Joh. Casim.* pag. 157.



## §. VIII.

Enimvero litteris A. 1656. die 18. Sept. Frauenburgi datis, Rex Friderico nostro, ejusque conjugii, sorori suæ, variis nominibus 87656. *thalerorum* summam se debere professus est; (g) in cujus debiti securitatem Starostiam Rheden illis oppignerat, ea conditione, ut hujus Starostiae reditus ipsi, eorumque heredes percipiant, donec de summa prædicta illis fuerit satisfactum. Evictionem autem suo & Coronæ Suevicæ nomine promisit Rex, si Starostia Pacis tractatibus ad Polonos redierit; similes prioribus reditus Marchioni & heredibus se assignaturum promittens.

Starostiae  
Marchio-  
ni colla-  
tæ.

Eodem anno & die Carolus Gustavus, Diplomate Frauenburgi quoque dato, Friderico nostro, ejusque conjugii, in signum amicitiae & benevoli animi, pro 50000. *thalerorum* Imperialium summa Starostiam Liepinko Borussiae oppigneravit; qua ipsi & heredes eorum utantur fruantur, donec de summa memorata alio modo ipsis fuerit satisfactum. In utroque tractatu jus supremi imperii & tributorum Rex sibi reservavit.

Starostiae hæc, postquam quadriennium in Friderici manibus perstitissent, Pace Olivenfi A. 1660. ad Polonos redierunt.

Idem Carolus Gustavus, antequam solium Suevicum con-

N n 3

---

(g) Debita hæc a Christina Regina, & a Maria Eleonora, Regina vidua, Gustavi Adolphi quondam uxore, & a Johanne Casimiro Palatino, Caroli Gustavi patre, ut & ab ipso Carolo Gustavo originem habuerunt, uti ex litteris patet.

FRID. VI.

scendit, A. 1648. die 4. Aug. litteris Ockermundæ scriptis, eidem Christinæ Magdalenæ forori, ex redditibus suis, annuam trium milium thalerorum pensionem, in heredes transiturem, assignaverat, quam dein Rex factus, in quater mille thaleros annuos, ad heredes quoque transiturem, atque ex Regis & Regni ærario solvendo convertit. (h)

## §. I X.

Patri succedit.

Continuatum inter hæc magnis moliminibus Polonicum bellum, atque Friderico nostro Livoniæ, contra Russos tuendæ, & urbis Rigæ, quam hostes obsidebant, cum delectis equitibus liberandæ, demandatum est munus; sed antequam illud exequeretur, adversa valetudo parentis, ad vitæ finem festinantis, ex ipso victoriarum cursu eum revocavit in patriam; in quam redux A. 1659. die 18. Sept. patri successit, eodemque anno die 22. Decembris Imperialium feudorum investituram a Leopoldo Imperatore accepit. Johannes Conradus, Basiliensis Episcopus, biennio post, Basiliensia illi quoque contulit feuda.

Acta cum Suecis.

Biennio postquam solium Marchicum occupasset, Fridericus VI. Antonium Ottonem de Wittersheim, Aulæ suæ Magistrum, misit in Sueciam, qui mortuo Carolo Gustavo Rege, Suecicorum nominum solutionem urgeret. Regina vidua, Regnique tutores, decreto die 5. Dec. A. 1661. facto, nomina hæc ex parte agnoverunt, ex parte reprobarunt.

---

(h) Chartam Rex dedit Frauenburgi die 17. Sept. A. 1656.



## §. X.

Regefferant nimirum, Starostiam Lipinko, pro 50000. Nomina a Suecis agnita. thaleris oppigneratam, Olivenfi Pace redditam esse Polonis. Damni, ex redditione orti, refarcitionem a Sueciæ Regno Badenfibz non magis deberi, quam aliis, quibus ejusmodi concessiones factæ fuerunt. Evictionem a Carolo Gustavo promissam esse negarunt. At fortem 87656. thalerorum Sueci validum nomen, Regi & Regno inhærens, declararunt; nonnisi de 24207. thaleris ad usuras semisses se obligari, professi; reliquam pecuniam, absque usuris, certis portionibus se numeraturos promiserunt. De dote 15000. florenorum Christinae, Friderici VI. filiae, a Carolo Gustavo Rege assignata, tutores nihil immutandum censuerunt; sed mandata ad Melchiorem Heinzium, Præfectum Catharinoburgensem, (i) expediverunt, ut residuos census absque ulla cunctatione persolveret. Reliquorum nominum examen ad legitimam Regis ætatem dilatum est. (k)

Ex debitis his Domui Badensi nihil solutum; quæ non semel ea de re cum Suecis, sed sine successu, tractavit. Solutio negata. Carolus Gustavus, Friderici Magni frater, A. 1700. Holmiæ cum versaretur, sua & Domus suæ postulata repetiit. Cognitio rei Senatoribus commissa. Hi debita, A. 1661. a Regiis tutoribus agnita, ut

(i) Catharinoburgi Præfectura in Alsatia inferiore, haud procul a Weisenburgo sita, patria fuit Caroli Gustavi.

(k) De nominibus his vide vitam Christinae Magdalene, Friderici VI. conjugis & quæ de Carolo Magno ejusdem Marchionis fratre, infra differemus.

FRID. VI.

invalida rejecerunt & dubia. Non dubia autem cum aliis nominibus compensare voluerunt. (l) Redeamus ad oram Rhenensem.

## §. X I.

Castrum  
Lands-  
cronæ.

**L**andscronæ apud Alsatias Sundgovios Castrum Austriacæ & Badensis Domuum fuit feudum avitum, in duas partes divisum. Austriaca pars, quæ cum Ferretensi Comitatu ad Austrios pervenerat, cum Alsatia Austriaca ad Galliam transivit Westphalica pace. (m) Reichii a Reichenstein Badensium partem tenuerunt in feudum. Fridericus VI. pactione, cum Ludovico XIV. facta, A. 1663. d. 28. Martii annua mille thalerorum pensione accepta, directo suo renunciavit dominio. Reichiis annua quoque satisfactum pensione, quam pro dominio utili hodieque accipiunt. Ita Marchica & Austriaca pars pervenerunt ad Galliam.

## §. X I I.

Bellum  
Turci-  
cum.

**I**nvaserant eodem anno (1663.) Hungariam Turcæ; Forgatschio Comite victo, inhiantes Germaniæ. Fridericus gravitatem periculi sentiens, rebus domi ordinatis; venia ætatis pro filio herede obtenta; tabulis, ut non rediturus, confectis, Comitatus Ratisbonæ, perpetua quæ tum esse cœperant, A. 1664. adiit; (n) ubi

---

(l) Quæ A. 1737. hac de re acta sunt, Caroli Wilhelmi Marchionis Vita docebit.

(m) Instrumentum Pacis Monaster.

(n) Fridericus una cum Wilhelmo Bada-Badenfi Marchione die 23. Jan. Ratisbonæ advenit. MÜLLER *Staats-Cabinet Vte Eröffnung* pag. 250.



ubi Cæsarem invisit, (o) atque in Principum Senatu ante legatum Magdeburgicum, nequicquam renitentem, tulit suffragium; Principes præsentes absentium legatis præferendos causatus. (p). Cæsar d. 11. April. Serenitatis (*Durchleuchtig*) axioma Badenibus concessit. Fridericus autem sequente Julio mense bellici contra Turcas Senatus una cum Episcopo Monasterienfi, Bernhar- do, in Comitiiis constitutus est Præses. (q) Assignatum ei 1500. florenorum in singulos menses stipendium; (r) injunctumque Comitiorum decreto, ut una cum Monasterienfi Antistite & Consiliariis Bellicis, ab Imperio selectis, ad Cæsarem, tanquam supremum rei militaris moderatorem, se Vindobonam conferret, ibique consiliis rerum gerendarum, Imperii nomine, interesset. (s) Vindobonam delatus, bellicis Leopoldi Imperatoris consiliis quotidie præsens, in Hungariam aliquoties se contulit; exercitus Imperii curam habiturus. Sed Gothardiana victoria bello mox imposuit finem, quum Turcæ, suis rebus timentes, pacem ipsi offerrent. (t)

Tom. IV.

O o

(o) Die 30. Jan.

(p) MÜLLER loco alleg. pag. 277.

(q) LONDORP. *Act. publ.* Lib. IX. pag. 251.

(r) Vide Recessus Imp. Tom. IV. pag. 12.

(s) Vide Instructio directorum Recess. Imp. Tom. IV. pag. 19. LONDORP.

*Acta publ.* Tom. IX. pag. 266.

(t) Vide supra Tom. III. pag. 153.

## §. XIII.

Gesta varia.

**R**edux domum Fridericus noster Mulbergæ vico, quem valde amaverat, ubi frequens ejus in Arce mora, oppidi jura donavit.

Vestigal, quod Wenceslaus Imperator A. 1397. Hefsoni Hachbergenfi, in vico Weisweil ad Rhenum concesserat, frequens cum finitimis, Basiliensibus præsertim & Argentinensibus, fuit litium materia. Descendens & ascendens navis pro pondere, quod *Fahrtel* vocatur, Turonensem Grossum solvere tenetur. (u) Nummi hujus valor temporis progressu dubius evenit. Georgius Fridericus, suo jam tempore rem sollicitè indagans, invenit, 84 Turonenses Grossos Colonensem componere Marcam & 14½ semiuncias argenti puri continere. Sed hic computandi modus cum Civitatibus ad Rhenum minus placuisset, Fridericus noster interpretationem privilegii a Cæsare petiit; qui Diplomate A. 1665. die 3. Junii dato, (x) Turonico nummo novem crucigeros monetæ Imperii substituit. Sed reluctati Basilienses, litem in Consilio Aulico intenterunt Marchioni. Basiliensium causam probarunt Helvetii. Intra sexennium amica transactione res fuit sopita.

A. 1665. in Camera Imperii lis intentata Marchioni, ratione æris alieni, quo Ernestus Fridericus & Georgius Fridericus,

---

(u) Pondus intelligitur trecentarum Librarum.

(x) Extat hoc Diploma in LUNIG *Reichs-Archiv-Supplement zu einigen Fürstlichen Häusern* pag. 138.



Marchiones, superiorem oneraverant Marchiam. Marchiæ hujus causam qui agebant, Fridericum V. ex Vindobonensis & Etlingensis transactionum legibus ad damnum præstandum & dissolvendum æs alienum teneri contenderunt. Fridericus negavit; transactiones illas, Westphalica pace abrogatas omnemque damni actionem expressis Instrumenti verbis sublatam extinctamque contendens.

## §. X I V.

A. 1666. Fridericus Cæsaris Leopoldi solennitati nuptiarum <sup>Iter Vin-</sup> interfuit Vindobonæ, cum magnifico comitatu, (y) Sed <sup>dobon.</sup> & eidem Cæsari, biennio post legatum mittenti, aliorum Electorum ac Principum exemplo menses aliquot Romanos concessit.

Nassovio Saræpontana Domus A. 1666. ad intercessionem Comitiorum Imperii, (z) Moratorium, quod vocant, Rescriptum a Cæsare obtinuit, ne in Judiciis Imperii intra duodecennale tempus ad solvenda debita urgeretur, & ne usuræ, quarum dies vel jam venit, vel intra prædictum advenerit tempus, exigenterent. Rescriptum hoc ad Dynastiam Lahrensem, cujus possessionem, pignoris jure, haud ita pridem Badenses adierant, (a) A. 1670. Ju-

Tom. IV. Oo 2

(y) CONRADUS SAMUEL SCHURZFLEISCHUS *Operum historico politicor.* pag. 304. ubi Friderici nostri vitam satis prolixè describit.

(z) Ordines Imperii solenni decreto causam hanc Cæsari commendarunt, qui Rescriptum dedit die 26. Maji A. 1666.

(a) Vide supra in Vita Friderici V. ad A. 1659.

dicii Aulici decreto extensum est. Nassovius tamen in Comitibus Imperii, ubi de Rescripto hoc, Cæsari commendando, agebatur, ad Causam Lahrensem illud non pertinere declaraverat. Marchio, injuriam sibi fieri arbitratus, anno sequente a Camera Imperii (b) impetravit sententiam, qua retinere jussus est pignus, donec de integra sorte & de usuris ipsi fuerit satisfactum. Causa tamen Rescripti eadem Cameræ sententia ad Cæsarem, tanquam judicem competentem, cum fuisset remissa, Nassoviis dein in Consilio Aulico litem instaurandi nata occasio; tam felici successu, ut victi Badenses, Dynastiam Lahrensem sine omni pretio Nassoviis restituere cogerentur. (c)

## §. X V.

Bellum  
Galli-  
cum.

**P**ax, post sex bellica lustra, Westphalicis Pactis restituta Germaniæ, non per integra quinque lustra duraverat, quum nova belli fax, A. 1672. apud Batavos orta, ab illis pedetentim ad Germanos prorepit; ab inferiore Rheno ad superiorem ascendens; quo utraque Marchia & Principatus vicini evidentibus periculis rursus expositi, quod Philippopolis, Pacis Monasteriensis virtute, Gallico munita præsidio, Badenses fere terras attingit. Hispanus & Cæsar anno sequenti se huic bello immiscuerunt. Imperium A. 1674. eidem accessit.

(b) Causa hæc jam ante agitata fuerat in Camera, ad cujus forum eam pertinere causatus est Marchio.

(c) Vide infra in Vita Caroli Wilhelmi.



Fridericus noster, ab Imperio Archistrategus five Marchio  
 schallus Generalis constitutus, eodem anno Ratisbonæ, una cum re-  
 liquis Ducibus, fidem suam Ordinibus adstrinxit. (d) Decretum  
 in Comitiis, ut Imperii copiae, ad Electores Rhenenses defenden-  
 dos comparatae, exercitui jungerentur Cæsareo, (e) quem Mon-  
 tecuculus ad Rhenum superiorem ducebat. Ordines sollicitè in-  
 junxerunt Marchioni, stationes, ad Philippiburgum & in vicinia  
 positas, ut bene muniret. (f) Sed eorundem Ordinum copiae  
 & bellici apparatus lente advenerunt. Sub finem anni Fridericus  
 a Cæsare Vindobonam vocatus, bellicis, quæ ibi agebantur, con-  
 siliis frequenter interfuit. (g)

## §. X V I.

A. 1675. Cæsareus viginti quinque millium exercitus Mon-  
 tecuculo Duce cogendus erat ad Rhenum; eique adjungendæ Im-  
 perii copiae, quæ duodecim millibus constare debuerant. Sed &  
 hac æstate bellica res Ordinum, Cæsare & Marchione frustra  
 hortantibus, (h) administrata est segniter. (i) Turenno ad Sa-

Gesta  
A. 1675.

Oo 3

(d) *Theatr. Europ.* Tom. IX. pag. 229. Pensionis menstruæ loco mille quingenti  
 floreni A. 1675. die 13. Febr. Friderico in Comitiis decreti. Recessus Imp.  
 Tom. IV. pag. 99.

(e) MÜLLER *verwirrtes Europa* Tom. II. pag. 337. & pag. 348.

(f) Præfidiarii Galli e Philippiburgo Civitate insignia vicinis Principibus damna  
 inferebant. Unde jam A. 1674. in Comitiis decretum est, ut Fridericus  
 una cum Imperii copiis eminens urbem obsideret. Vide MÜLLER *loco*  
*alleg.* pag. 450.

(g) MÜLLER *loco alleg.* pag. 448.

(h) IDEM *loco alleg.* pag. 685. 705.

(i) PUFENDORFIUS *Hist. Brandenburg.* Lib. XIII. §. 16. hæc scribit: „Pu-

spacum occiso (k) pulsisque cis Rhenum Gallis, Fridericus, exercitum ducens Imperii, una cum Montecuculo & Hermanno Badensi agnato, Hagenoæ obsidionem aggressus est, quam sub adventum Condei, discedente Montecuculo, ex arcta in laxam commutavit. (l) Ea obsidione soluta, Philippiburgum, arcendis hostium excursionibus, laxè cœpit obsidere, & erumpentes aliquoties præfidiarios magna virtute rejecit. Præfidiis dein Landaviæ Bruchsalæque impositis, cum hiems appropinquasset, reliquas copias in hiberna deduxit. (m)

## §. X V I I.

Obsidio  
Philippi-  
burgi.

A. 1676. Fridericus, abeunte in Hispaniam Bournonvillio, Campi Mareſchallus Cæsareus die IX. Martii creatus, (n) una cum Hermanno Badensi ad suscipiendam Philippiburgi obsidionem unanimi destinatus est voce. (o) Ille ultimo mensis Aprilis urbem e longinquo obsidere cœpit; civitatis rivo in aliam partem deflexo. (p) Junior filiorum Marchionis, Carolus Gustavus, pri-

---

„ blicus Imperii exercitus tenuis, & vix pontibus ad Argentoratum  
 „ tuendis sufficiens; & quia multi Ordines suos ex eo exercitu milites  
 „ dimittebant, ac stipendia negligenter solvebant, metus erat, ne iste  
 „ plane dilaberetur. „

(k) Adi Tom. III. pag. 168.

(l) WAGNER *Hist. Leopoldi* Part. I. pag. 389.

(m) *Theatrum Europæum* Tom. XII. pag. 677. MÜLLER *loco alleg.*

(n) IDEM Tom. XI. pag. 907. seq.

(o) LUDOLFFI *Schaubühne* Tom. V. pag. 149. MÜLLER Tom. III. pag. 110.

(p) MÜLLER *l. c.* pag. 30.



num in præfidiarios impetum fecit. Idem Fridericus paulo ante Stölthovam & Offenburgum munitionibus firmaverat, ductoque in Alsatiam exercitu, variis velitationibus fatigaverat hostes. Philippiburgi obsidio a Friderico cum mediocri copiarum numero suscepta est; tarde progredientibus Circulorum copiis. Sed fine Junii viribus auctus, majori rem ardore aggressus est; postquam in Consilio bellico, Rastadii habito, de arctiore obsidione inter Duces convenisset. (q) Carolus VI. Lotharingiæ Dux, durante obsidione, in tractu Spirensi ad Luteram, quam variis muniverat operibus, cum exercitu stetit, aditum ut intercluderet Gallis, qui urbem hanc, Germaniæ clavem, quam magnæ provinciæ præferendam Turennius reputabat, summa vi tueri decreverant. Luxemburgi Dux, Franciæ Mareſchallus, cum quinquaginta millium armatorum exercitu urbi obsessæ in auxilium venit. Sed Lotharingum, suis se munitionibus continentem, aggredi non ausus, in Brisgoviam se recepit. Copias, quas cum comœatu in urbem introducere tentaverant Galli, Fridericus noster, misso Schulzio Duce, disjecit.

## §. XVIII.

Obsessoribus Rhenus, ripas suas non semel supergressus, <sup>Deditio urbis.</sup> contrariari videbatur. Ordines comœatum, pecuniam, tormenta, copias lente submiserunt, qua de re frequentes Marchionis ad Eichstadiensem Episcopum, Cæsaris ad Comitæ legatum,

---

(q) *Theatr. Europ.* Tom. XI. pag. 856. MÜLLER *loco alleg.* pag. 110.

testantur querelæ. Cæsar ipse repetitis vicibus Ordines tam singulos, quam universos, sui officii commonefecit. (r) Institit tamen proposito suo Fridericus, difficultatibus obsidionis, quæ identidem ei occurrebant, audacior factus, suaque virtute rem eo perduxit, ut Fayus, urbis Præfectus, ad incitas redactus, die 17. Sept. Philippopolin ei traderet; qui Imperii nomine eam recepit, atque adeo Germaniæ restituit eo ipso die, quo A. 1644. eam occupaverant Galli. (s)

## §. XIX.

Obitus  
Marchio-  
nis.

Philippiburgo capta, Brisacum quoque expugnare decreverat Marchio. Sed obsidione dispendiosa & gravi nuper finita, reddenda erat Cæsari ratio, antequam nova susciperetur. Quin & de belli continuandi modo prius erat deliberandum. Media ergo hieme profecturus Vindobonam, ad Cæsaream Aulam, in itinere morbo correptus, rediit ad suos & paucas intra septimanas in Caroloburgensi suo Durlaci Palatio A. 1677. die 31. Jan. quinqu-

(r) Singulas has Friderici, & Cæsaris litteras vide apud MÜLLERUM *lib. alleg.* Tom. III. pag. 111. 115. & in *Appendice Documentor.* pag. 6. seqq. Plures alias Friderici nostri litteras, quibus de statu obsidionis Cæsarem & Eichstadiensem Episcopum identidem reddidit certiores, exhibet idem AUCTOR *loco alleg.* pag. 131. 140. 141. 143. Add. LONDORPIUS *Acta publ.* Tom. X. pag. 384. seq.

(s) Leges deditionis hujus die 9. Septembris conscriptæ sunt, quibus inter alia cautum, ut intra octiduum si non advenerint auxilia, urbs die 17. Sept. Friderico traderetur. QUINCY *Histoire Militaire de Louis le Grand*



quaginta novem annorum (*t*) heros laureatus, novas sibi laureas parans decessit; febre ex viscerum torminibus orta, magnos inter belli apparatus occumbens; postquam non longo regimine seculi famam expleisset; constanti Imperatoris Leopoldi & Aulæ ejus, quam septies inviserat, florens amore.

## §. X X.

**M**ultiplices corporis & animi dotes se in eo conjunxerant. Chara-  
cter ejus. Statura sublimis, imperatoria dignitas, majestas ex ore, gestu, incessu, elucens; summis & infimis eum venerabilem reddiderunt. Terrarum suarum securitati consulens, Hachbergæ Castrum ex ruderibus ad pristinum robur muniri, Roetelanum, Canderense, Saufenburgicum, Badevillanum, Pforzheimense, Staffortense, Grabense, ita refici curavit, ut subitaneo tumultu percussis servirent perfugio. Mulbergenſe non refici tantum, sed perfici & exornari voluerat. Caroloburgi Palatium, Durlaco adhærens, ita extulit, tantumque adauxit, ut ab eo tempore Fridericiburgum re-

Tom. IV.

Pp

Tom. I. pag. 49x. seq. HODÉ *Hist. de Louis XIV.* Tom. IV. pag. 59.

BASNAGE *Annales des Provinces Unies* pag. 703-709. *Theatrum Europ.*

Tom. XI. pag. 860. MÜLLER *verwirrtes Europa* Tom. III. pag. 146. seq.

ubi & litteræ Friderici ad Eichstadiensem Episcopum occurrunt, die 10. & 15. Sept. perscriptæ, quibus totius rei gestæ seriem illi exponit & rogat, ut pensionis, ipsi debitæ, in Comitibus ratio habeatur.

(*t*) Duorum mensium, 24. dierum.

FRID. VI.

ctius, quam Caroliburgum appellasset. Lateritiam, quam struxerat Carolus, marmoream Fridericus reliquit. Elegancia Palatii & Aulæ ab exteris certatim laudata. Aulam ornarunt præcipue duæ amitæ, Anna & Elisabetha, Georgii Friderici filiæ, tanto dignæ parente; quarum scientiam linguarum exterarum & multifariæ doctrinæ cognitionem populares laudaverunt & exteri. (u)

Vita privata.

Privatam ejus vitam si spectes, & regimen, nemo clementior eo atque benignior fuit. Ille publicas qui injurias nunquam, facile condonavit privatas. Popularis fuit, affabilis, religiosus datæ fidei custos; remunerator virtutis. Omnis otii, nisi literarii, osor; parcus somni; in feram noctem lectionis amator; qui hebdomadibus singulis Commentarios sibi jussit afferri omnium rerum, quæ in Aula, in Cancellaria, in Tribunalibus, in Camera fuerunt peractæ. Musis intimus apud eum fuit accessus; præsertim illis, quæ elegantioris literaturæ præsidium tenent.

## §. XXI.

Numo-  
phylacium.

Numismaticus thesaurus ab eo collectus est ingens, in quo Regum, Consulium, Imperatorum, urbium, coloniarum, græci atque latini, ex omni metallo moduloque nummi comparent. Eminent tamen aurea Imperatorum & Cæsarum series. Præter numismata Marchio quoque noster Cimeliothecæ suæ inseruit ex Romana suppellectile veteri, sacra atque profana. Item varii ge-

---

(u) CHAPPUZEAU de quo paulo post.



neris vasa, ex amethysto, achate, onyche, jaspide; ut & gemmis, e Marchico solo effossis, sculpta, scyphos ex auro Rhenensi Marchico fusos. Inæstimabilis hæc gaza est Domus Badensis; ex qua præstanti suo Numismatico Operi plures ineditas inferuit Ezechiel Spanhemius. (x) In comparando & ordinando hoc antiquitatis thesauro Fridericus noster præsertim usus est opera Caroli Patini, qui insigni apud eum gratia floruit, atque A. 1671. tertiam Itinerum suorum *Relationem* eidem Marchioni Argentina adscripsit. (yz)

Nec prætereundum silentio, quod in pluribus Germaniæ illius ævi Aulis elegantiorum literarum regnaverit genius. Apud Palatinos Carolus Ludovicus; apud Brandenburgicos Fridericus Guilielmus, Electores; Brunsvigæ Antonius Ulricus; apud Wirtenbergenses Fridericus Augustus, in colligendis hujus generis thesauris fuerunt diligentes.

## §. XXII.

In bello, quo Philippopolin obsedit Fridericus, Nummo-<sup>Basileam</sup> phylacium cum Bibliotheca Domus, quæ & valde tum aucta, Ba-<sup>transla-</sup> fileam translata est, ubi ab eo tempore perstitit ad annum usque 1765. quo omnem hunc literarium thesaurum Basilea in Carlsruhense Palatium suum Carolus Fridericus jussit transferri.

(x) Libri rubrum: de usu & præstantia Numismatum.

(yz) Relations historiques & curieuses de Voyages, à Bale 1673.

Præditum tot virtutibus & dotibus Fridericum VI. cur non appellemus Badensium *Augustum*. Marchia felix, si primum illum Imperii Romani fundatorem diuturnitate quoque vitæ Marchio noster æquasset.

Marchionis hujus vitam KECKIUS (a) FECHTIUS (b) & ARNOLDUS, (c) Oratores, sermone latino delinearunt. SCHURZFLEISCHIIUS (d) in Badensium Marchionum serie Friderici VI. in primis historiam late tractavit. CONRINGIUS (e) & CAPPUZOVIIUS (f) eum in transitu laudarunt.

---

(a) JO. CHRISTIAN. KECKIUS Confiliarius, Marchioni ob eruditionem carus, in *Panegyrico Friderici VI. post mortem ejus habito*.

(b) In programme invitatorio ad KECKII Orationem.

(c) GERHARDUS ARNOLDUS, Rector Gymnasii Durlac. in *Laudatione funebri, tum quoque habita*. Scripta hæc impressa Durlaci 1677. fol.

(d) *Operum politico-histor.* pag. 297.

(e) CONRINGIUS in *Thesouro Rerumpubl.* Part. IV. pag. 1236. ita de eo:  
 „ ditiones suas marmoreas facere nititur; Princeps affabilitate ac humanitate amabilis, curiosus, Serenissimo vultu & fano corpore præditus; Ecclesiæ pariter ac reipublicæ feliciter præest, Augustanam Confessionem mascule propagans; Princeps Martia laudè illustris &c.  
 „ Aulam habet concinnam, perpolitam, venustam, elegantem, in qua  
 „ Nobiles Aulici valde civiles.

(f) Libri rubrum: *L'Allemagne Protestante* à Geneve 1671. 4to. Auctor fuit præceptor Arausii Principis. Hic ita de eo pag. 92. „ Ce Prince est de  
 „ la riche taille & de grande mine avec beaucoup d'embonpoint. Il  
 „ est très affable & très civil, curieux de belles choses & tous les



§. XXIII.

Conjux Friderici VI. fuit Christina Magdalena, Johannis <sup>Conjux</sup> Casimiri, Comitis Palatini Bipontini, filia, - ex Catharina, Caroli IX. Regis Sueciæ, Gustavi Adolphi Regis sorore, prognata; quæ Nicopiæ A. 1616. die 14. Maji lucem aspexit. Princeps aliquot annorum cum parentibus in Germaniam migravit. Sed post turbas, in Palatinatu exortas, A. 1622. cum iisdem in Sueciam rediit. In Aula Gustaphi Adolphi, avunculi, educata A. 1631. Regem ejusque conjugem, Mariam Eleonoram, in Germanica expeditione secuta est; sed extincto Rege, una cum Regina vidua & Catharina matre A. 1633. in Sueciam redux, in Aula Christianæ Reginæ aliquot annos peregit; matre A. 1638. orbata, ob insignes virtutes ingenique præstantiam, inter alias illustres feminas Christianæ Reginæ educationi a Senatoribus Regni (g) præfecta est; usque ad A. 1642. quo matrimonium cum Friderico no-

Pp 3

„ traits de son visage marquent ses bonnes inclinations. Il mange  
„ délicatement. Sa table est des meilleurs d'Allemagne & servie à la  
„ françoise, la qualité l'emportant sur la quantité de viande par les  
„ bons ragouts.

(g) Hi Christianæ Magdalenæ tum ad legitimam usque Reginæ ætatem annuam trium millium thalerorum assignarunt pensionem, quam Christina Regina A. 1647, ad vitam Marchionissæ extendit.

FRID, VI.

stro contraxit. Nuptiæ die 30. Nov. celebratæ sunt Holmiæ. Decies mille florenorum dos & ex bonis maternis decem mille thaleri eidem Christinæ Magdalenæ promissi sunt. Renunciavit illa in commodum stirpis Bipontinæ masculorum, omnibus juribus in Ducatum Bipontinum & in successionis Juliacensis partem, quam Bipontini petebant, & in alia bona feudalia, in Imperio sita. Conditio addita, ut mascula Bipontinorum prole extincta, Christinæ Magdalenæ reviviscerent jura. Bipontinus ramus cum Gustavo Samuele, ultimo Duce, quum A. 1731. interiisset, in Juliacensis successionis partem jus aliquod per eam ad Badenses pervenit. (h)

## §. XXIV.

Liberi.

Ex Coniuge hac Friderico nostro soboles VIII. liberorum prognata est. Tres inter filios fuit *Fridericus Casimirus*, A. 1643. die 27. Novembris natus Volgasti; qui intra quintum nativitatis mensem ibidem decessit, atque sepultus est; quod ibidem quoque vixerat pater.

Excepit eum in ordine filiorum *Fridericus Magnus*; patris successor & *Carolus Gustavus*, quorum vitam separatim exponimus. Filiae *Eleonora Catharina* & *Eleonora Friderica*; illa A. 1647. hæc A. 1658. infantes extinctæ.

---

(h) Vide infra in Vita Caroli Wilhelmi.



*Christina* A. 1645. die 22. Aprilis nata, Alberto, Marchioni Brandenburgico, lineæ Onolsbacensis, A. 1665. nupsit. Post mortem Alberti, Fridericum Ducem Saxo-Gothanum secundis nuptiis A. 1681. die 14. Aug. maritum accepit. Sexagesimum annum agens A. 1705. decessit. Princeps herois; Carolo Gustavo, Sueciæ Regi, avunculo, inprimis dilecta, qui Diplomate A. 1656. die 8. Octobris Frauenburgi dato, decies mille Imperialium summam, futuræ dotis loco, illi adscripsit. Interea semisses nongentorum annuorum florenorum usuras ex Bipontini Ducatus Cleburgica parte, quam Carolus Gustavus sibi servaverat, eidem pendi iussit Christinae. Hæc A. 1665. cum Alberto Onolsbacensi nupsisset, Carolus XI. Sueciæ Rex & Regni tutores consenserunt, ut Præfectura Catharinoburgica pignoris loco traderetur Christinae, donec, Rege ad legitimam ætatem provecto, decies mille Imperialium summa solvatur. (i) Christina, Friderico Saxoniae Duci secundis nuptiis iuncta, literis Altenburgi die 3. Nov. 1697. scriptis, pro se & heredibus omne jus suum in hanc summam ut & in pensiones atque usuras residuas fratri tradidit Friderico Magno Marchioni, literasque donationis Caroli Gustavi, Sueciæ Regis, hoc anno illi transmisit. Marchia tum flammis vastata, Christina liberalitate hac sua solata est fratrem; addens pecuniam omnem,

---

(i) Docent hoc litteræ Regis & tutorum ad Adolphum Johannem Palatinum, Caroli Gustavi Regis fratrem, partis Kleburgicæ Biponti Ducem scriptæ die 15. Nov. 1665.

FRID. VI.

a Suecis solvendam, in rem Marchiæ verti debere. Catharinæburgicæ Præfecturæ possessionem Fridericus Magnus per aliquod tempus arripuerat, pignoris jure, quod ei concefferant Sueci, ufurus. Sed ex quo Christianus, Comes Palatinus Birckenfeldensis, Bipontini Ducatus administrationem fufcepit, Præfectura hæc ex Friderici manibus exivit.

## §. XXV.

Filiæ reliquæ.

Christinam excepit Catharina Barbara, Friderici VI. & Christinæ Magdalenæ filia, A. 1650. die 4. Julii nata, tres inter forores corporis animique dotibus eminuit; artibus & scientiis imbuta, Cæfaris Lepoldi aditura thorum, nisi paternis sacris adhæfiffet constanter. Canoniarum denique Hervordienfium adfcripta Collegio, anno hujus feculi 1734. decessit, condito die 13. Febr. A. 1726. testamento, quo Carolum Wilhelmum, Marchionem, omnium bonorum & jurium fuorum fcripfit heredem.

Johanna Elifabetha, tertia Friderici VI. filia A. 1651. die VI. Nov. Caroloburgi nata, Johanni Friderico, Onolsbacenfi Marchioni, A. 1673. die 26. Januar. elocata, (k) obiit die 28. Septembris 1680. (l)

## §. XXVI.

(k) Nuptiæ Caroloburgi celebratæ; evocatis Vafallis Marchicis, qui fervitia confueta obierunt.

(l) Vid. Oratio de Sereniffimorum Marchionum Badenfium origine ac magnitudine &c. memoriæ Johannæ Elifabethæ &c. in Gymnafio Heilbronnenfi confecrata.



## §. XXVI.

**H**is liberis in lucem emissis, Christina Magdalena, mater, <sup>Testam. Christinae Magd.</sup> A. 1662. die 4. Aug. decessit. Die 18. Januarii condidit testamentum, quo ex 87656. Imperialibus, a Corona Suecica debitis, Carolo Gustavo, Marchioni, filio suo postgenito, XL. florenorum millia prælegavit. Reliqua Sueciæ debita, inter eum & tres filias, Christinam, Catharinam Barbaram, & Johannam Elisabetham, æquis portionibus, dividi jussit. Christina instrumento, Altenburgi A. 1698. die 6. Martii dato, omnia jura sua in nomina, a matre relicta, Friderico Magno Marchioni pro certa pecuniæ summa reliquit. Catharina Barbara, Canoniarum Hervordensium Collegio adscripta, suam Suecicorum debitorum partem testamento, quod memoravimus, in Carolum Wilhelmum Marchionem transulit. Johanna Elisabetha, Johanni Friderico, Onolsbacensi, quæ nupserat, portionis suæ jura in Onolsbacensem Domum transmisit. Caroli Gustavi jura in filiam ejus Christinam Julianam, & cum ea in Isenacensem Domum transferunt.

Mortua Christina Magdalena, Fridericus VI. ex Johanna, dicta de Munzesheim, genuit quoque Fridericum & Joh. Bernhardum, & illis Nobilium Ordini a Cæsare adscriptis, Munzesheim (m)

Tom. IV.

Q q

---

(m) Vicus hic antiquum Ebersteinensis Comitatus allodium una cum parte Comitatus A. 1283. emtione ad Badenses pervenit. Vassallis, qui a Comiti-

vicum in feudum concessit; unde Barones a Munzesheim, qui hodieque durant, genus suum duxerunt & nomen. Vicus A. 1761. initis die 28. Julii cum Familia pactis ad Marchiam rediit.

---

bus Ebersteinensibus hunc vicum acceperant, extinctis, Fridericus Marchio A. 1526. Alberto Hofwartho equiti, ex Kirchheimensi valle oriundo, vicum hunc in feudum concessit. Vid. *Cod. Diplom.* Tom. V. pag. 396. Hofwartiis cum Johanne Philippo A. 1675. deficientibus, feudum ad Marchionem rediit, qui filios naturales de eodem investivit. Lites de Collectione equestri in hoc vico diuturnæ, de quibus agit BURGERMEISTERI *Thesaurus juris equestris* Tom. II. num. 33. pag. 70. seq. transactione, anno 1727. inita, sopitæ, at postea renatæ, a Judicio Imperiali Aulico anno 1757. decisæ sunt. Plura de hujus feudi Ebersteinensis historia habet GE. ERN. LUD. PREUSCHEN Ser. Marchioni Carolo Friderico a Secretioribus Aulæ Consiliis in *denen Carlsruher nützlichen Sammlungen* Part. I. pag. 387. seq.





## CAPUT VIII.

## CAROLUS MAGNUS

## FRIDERICI VI. FRATER.



## §. I.

Carolus Magnus, Friderici V. Marchionis & <sup>Caroli</sup> <sup>initia,</sup> Barbaræ Wirtenbergicæ filius, A. 1621. die 27. Martii lucem adspexit, indolis non mediocris Princeps, qui a prima ætate bellicis studiis totum se dedit, summis illius ævi Ducibus, ob erectum ingenium, carus, magnos inter Duces ipse locum haud dubie habiturus, si longiore vita illi frui licuisset. Annum ætatis decimum quartum cum ageret, in præcipua Europæ regna instituit iter. Lutetiæ Parisiorum inprimis aliquamdiu versatus est; Fratri suo Friderico adhærens, cum quo A. 1637. in Bernhardi Vinariensis se contulit castra; tirocinium militiæ tanto sub Duce facturus. Bernhardo intra biennium ex-

CAROL.  
MAGNVS.

tincto, Johanni Banierio, illi Suecorum heroi, Johannam, Caroli nostri sororem, in matrimonium ducenti, se adplicuit; turmæ equitum sub Slangii legione ab eo præfectus.

## §. I I.

Gesta sub  
Suecis.

**B**anierius ineunte A. 1641. memorabilem illam versus Danubium expeditionem suscepit, qua Cæsarem & Imperii Ordines, de Pace Ratisbonæ tractantes, primo impetu vel intercipere, vel trepida fuga disjicere constituerat. Sed remittens gelu, facultatem transeundi Danubium Banierio ademit. Guebriani miles hibernam expeditionem fastidians, ab ejus exercitu discessit. Hinc irruente cum validis copiis Piccolomineo, Banierius festinato per Bohemiam receptu, sibi consulere coactus est, tribus legionibus relictis, inter quas Slangii legio, in qua Carolus militabat Badensis. Hæ Neoburgi ad Sylvam, tertio a Chamo milliari, a Piccolomineo circumfessæ, post acerrimam quatuor dierum defensionem, dejectis circumcirca mœnibus, ad unum omnes in deditionem venerunt. Carolus noster cum aliis copiarum ducibus ductus Ratisbonam. (a) Sed anno sequente libertati restitutus, ad exercitum Suecicum rediit, quem post Banierii, A. 1641. defuncti, obitum Leonardus Torstenfonijs ducendum acceperat. Tribunus militum ab eodem creatus, in Jancoviensi Bohemiæ prælio, quo duplici clade prostrati A. 1645. Cæsarei, miræ fortitudinis sibi

---

(a) PUFENDORF. *Rev. Suecicarum* Lib. XIII. §. 9. *Theatrum Europæum*  
Tom. IV. pag. 609. *Florus WASSENBERGII Germ.* pag. 354.



gloriam peperit. (b) Sed & in reliquis Torstenfonii, & qui eum paulo post excepit, Caroli Gustavi Wrangelii expeditionibus non minori virtute pugnauit.

Composita apud Westphalos Pace, in Marchiam redux Carolus, otio & musis vacavit; militare recusans Imperium, quod varii Europæ Principes non semel ei obtulerunt.

## §. III.

At a Carolo Gustavo, Rege Sueciæ, ad bellum Polonicum cum fratribus A. 1655. evocatus, lateri Regio fere semper adhæsit; Legati (c) ab eo dignitate ornatus. Quo & infecuto Danico bello fortitudinem suam & in rebus gerendis peritiam summopere Regi probavit. Turmam ille ducens equestrem omnibus Regis gestis interfuit, spectator & actor. A. 1656. mense Majo aliquot legiones e Pomerania Regi adduxit, profligata Polonorum manu, quæ Wejero Duce iter morabatur. Excipiendo Marchioni ad Coronovam Rex castra admovit. (d) In atroci illo ad Varsoviam prælio; quo immensus Polonorum exercitus, post triduanam pugnam, a Carolo Gustavo prostratus est, Carolus noster in dextro cornu secundam regionum aciem duxit. (e) Sunt qui tum Regi vitam a Marchione servatam fuisse scribunt. (f)

Bellum  
Polon.

Qq 3

(b) IDEM Lib. XVII. §. 6. seqq. *Theatr. Europ.* Tom. V. pag. 545.

(c) *General-Feldmarschall-Lieutenant.*

(d) PUFENDORF. *de rebus Caroli Gustavi* Lib. III. pag. 148. 150.

(e) IDEM *loco alleg.* pag. 158.

(f) SPENER in Libro, cui Tit. *Herstammung beyder Häuser Baden und Hol.*

CAROL.  
MAGNVS.

## §. I V.

Regis do-  
na.

Rex A. 1657. die 13. Maji diplomate, in castris prope Ostrozana dato, Carolo Magno Marchioni, equitatus Suecici Locumtenenti Generali, in remunerationem officiorum, in bellis Germanicis atque Polonicis magna assiduitate & eximio Regni commodo præfitorum, Præfecturam Borussicam, quæ *Tenuta Meseleuz* vocatur, jure caduci Regi apertam, titulo pignoris & pro summa 40000 *thalerorum* cum pacto antichretico tradidit, ea conditione, ut ipse Carolus Magnus & masculi ejus heredes Præfecturam hanc tenerent, donec de forte 40000 *thalerorum* alia ratione ipsis fuerit satisfactum. Suprematum vero Rex sibi reservavit.

Interjectis aliquot diebus, Rex Carolum nostrum cum aliquot equestribus legionibus ad Steenbockium proficisci jussit, ut juncti, pontem navalem, Plotzæ exstructum, transirent, ac recta in Johannem Casimirum Regem ac Czarnecium, circa Lowicium hærentes, tenderent, eosque vel opprimerent incautos, vel a Borussia invasionem averterent. (g) At irruptio Danorum in Brementensem Ducatum & Austriacorum cum Polonis conjunctio, hæc interverterunt consilia.

---

*sein*, fol. pag. 19. DROLLINGER. *Lex. Basil.* voce *Carolus Magnus*.

ANONYMI *Leben der Marggraffen von Baden* pag. 463.

(g) PUFENDORF. Lib. IV, pag. 261.



## §. V.

Suecus Danicum bellum aggressus, Carolum nostrum Mar-<sup>Bellum</sup>chionem e Polonia secum abduxit. Holsatiam Julio mense inva-<sup>Dan,</sup>dens, cum Danorum copiae adventare dicerentur, exercitum prope oppidum Mölln eduxit in aciem, Carolo nostro Marchione dextram equitatus alam ducente. Holsatia pleraque atque Jutia subacta, Rex anno sequente (1658.) sub finem Januarii per glaciem in Fioniam transiens, in Bransæa insula aciem ita disposuit, ut Marchio Badensis & Claudius Tottius dextrum cornu, Fabianus Berendius una cum Rege sinistrum curarent. Successit (30. Jan.) atrox ad Isvernæsum Fioniæ pugna, in qua Wrangelius primum agmen & quatuor alas primæ duxit aciei, reliquas ipse Rex cum Carolo Magno Marchione & Tottio direxit. Carolus noster primum cum tribus alis impetum in quatuor Danorum alas, sibi oppositas, fecit, tam felici successu, ut eas penitus prosterneret. Dani fere omnes, qui cædem effugerant, in deditionem venerunt. (h) Post victoriam hanc Rex tota potitus Fionia, per mare Balthicum, glacie opertum, & Langelandiam ac Lalandiam insulas, Carolo nostro comitatus Marchione, in Selandiam irrupit tantumque Danis terrorem iniecit, ut insequente Februario mense funestam illam Roschildiensem pacem inire cogerentur.

---

(h) IDEM loco alleg. Lib. V. pag. 369. seq.

CAROL.  
MAGNVS.Gesta re-  
liqua.

## §. VI.

Cum Carolo Marchione Rex Gothenburgum in Sueciam abiit; sed ob difficultates, circa pacem enatas, mense Junio ejusdem anni in Slesvicensem Ducatum ad exercitum rediit, quem passim in Danici regni provinciis distribuerat, paci exequendæ intentus. (i)

Flensburgi cum hæreret Rex, literis A. 1658. die 21. Junii datis, professus est, se Carolo nostro octoginta quondam mansos (k) alimentorum loco assignasse, sed mansis his in alium dein usum conversis, quinque millium thalerorum summam, ex contributionibus Fionicis pendendam, substituisse. Verum cum nec hac ratione promissa pecunia fuisset soluta, Carolus Gustavus denique bis mille thaleros ex Camera sua persolvit Marchioni & in securitatem trium millium thalerorum, qui restabant, illi litteris cavit. Nomen hoc illatum rationibus, quas A. 1661. Suecici Regni Curatoribus obtulit Marchica Domus. Curatores hanc summam quam primum se soluturos declararunt. At summam illam quadragies mille thalerorum, pro qua Borussiae Præfectura, *Tenuta Meselenz*, Marchioni oppignerata, ut & Scanderburgi aliorumque Jutiæ feudorum collatio, nihil plane ad Sueciæ Regnum pertinere statuerunt Curatores; ejusdem pretii illam esse dicentes, cujus collatio Starostiae

Li-

(i) IDEM loco alleg. pag. 405.

(k) PFLUGE.



Lipinko, Friderico VI. Marchioni ejusque Conjugi Christinæ  
Magdalenæ suo tempore facta.

## §. VII.

**R**ecrudescente A. 1658. Danico bello, cum Sueciæ Rex Obitus.  
e Slesvicensi Ducatu in Selandiam denuo arma transferret, Caro-  
lus noster, valetudine minus prospera usus, ad patrem sibi redeun-  
dum esse duxit Caroloburgum, ubi eodem anno die 8. Nov. ex fe-  
bre continua anno ætatis XXXVII. decessit. Corpus ejus majo-  
rum tumulo illatum Pforzhemii die 29. Novembris.

Uxorem Carolus noster habuit Mariam Julianam, Georgii Uxor.  
Friderici, Comitis Hohenloici, filiam, A. 1622. die 23. Martii  
natam, cum qua A. 1650. hie 21. Jan. Schillingsfurstii prope Ro-  
teburgum ad Tuberum solennia nuptiarum peregit. Septendecim  
illa annis marito superstes, A. 1675. Fridlingæ, ubi vidua sedem  
fixerat, vitam commutavit cum morte.

## §. VIII.

**E**x matrimonio hoc quatuor liberi prodierunt, quorum Liberi  
duo infantes extincti sunt.

Carolus Fridericus, natus Fridlingæ A. 1651. die 11. Jan.  
cum adolevisset, exteras regiones peragravit. Romæ A. 1671.  
mense Majo, Gustavi Adolphi patrui exemplo, sacra mutavit, a  
Friderico, Cardinali Hassiaco, Ludovici V. Hasso-Darmstadien-

CAROL.  
MAGNVS.

sis Landgravii filio, inductus. Hic Ordini Melitenfi, cujus Magnum Prioratum per Germaniam ipse gerebat, Carolum Fridericum adscripsit. (l) Roma Carolus Vindobonam profectus est, ubi splendide eum habuit Cardinalis Landgravius, qui eodem paulo post advenerat. (m) Tirocinium militiæ edidit in Belgio atque in cruento ad Seneffam proelio, Gallos inter & Belgas A. 1674. commisso, magna fortitudine pugnavit. Pnevmonico dein morbo correptus, die 5. Octobris 1676. Basileæ decessit.

Carola Sophia, Caroli Magni filia, A. 1652. die 13. Sept. Caroloburgi quæ lucem adspexerat, Emiconi Leininga-Hartenburgico Comiti A. 1676. nupta, intra biennium fatis concessit.

Eleonora Barbara, Wollinii in Pomerania A. 1656. die 12. Junii nata, anno sequente 4. Novembris diem obiit.

Friderica Christina, A. 1658. nata; Martio mense anni sequentis extincta est.

---

(l) *Diar. Europ.* Part. XXIV. pag. 131.

(m) *Diar. Europ.* Part. XXV. pag. 735.





## CAPUT IX.

## GUSTAVUS ADOLPHUS

ABBAS FULDENSIS ET CAMPIDONENSIS

APPELLATUS

BERNHARDUS GUSTAVUS.



## §. I.

Friderici V. Marchionis Durlacensis, filius natus <sup>Gesta  
ejus mi-  
lita</sup> tu minimus, Gustavus Adolphus, natus A. 1631. die 24. Dec. ex Coniuge Eleonora, Comitissa Solma-Laubacensi, a Gustavo Adolpho, Sueciæ Rege, nomen accepit; (a) ejusque vestigia ab initio secutus, sese destinaverat bello. Venetis copias auxiliares adolescens contra Turcas adduxit. Cum fratribus suis, Friderico & Carolo Magno A. 1655. Polonico interfuit bello, præsertim proelio, quod habitum fuit ad Warkam. Anno sequenti cohortem pedestrem, Regis Sueciæ destinatam custodiæ, Præfectus accepit. Munimento Morungen-

Tom. IV.

Rr 2

(a) Stollbergensis Comes, Gustavi Adolphi Regis Sueciæ nomine, de fonte baptismatis eum suscepit

GVSTAV.  
ADOLPH.

fi Borussiae per aliquod tempus cum militari Imperio praefuit. A. 1650. fratris sui Caroli Magni turmam equestrem accepit.

Polonico bello Caroli Gustavi, Sueciae Regis, morte finito, Marchio juvenis Bataviam Italiamque invisit, donec Turcicum in Hungaria bellum oriretur. Tum vero in Comitibus Ratisbonensibus A. 1664. supremus Excubiarum Praefectus publico Imperii nominatus Decreto, (b) memorabili ad D. Gothardi Fanum praelio interfuit, duobus sub eo equis occisis, graviter vulneratus in facie, victoriae reportatae nuncium Caesari attulit. Pace reducta, cum Ecclesiastica toga sagum commutavit.

### §. I I.

Mutatio  
sacror.

Monendus est Lector, quod jam A. 1660. die 24. Aug. in Alsatia apud Franciscanos Hermelshemii, prope Molshemium, ad Catholica sacra Gustavus noster Adolphus occulte transiverit. Publice ea professus est Romae A. 1663. (c) Tum vero novum *Bernhardi Gustavi* ei impositum est nomen; in memoriam B. Bernhardi Marchionis. Nec reticuit causas, quae eum permoverant, ut sacra mutaret; (d) nec omnes propalavit.

Dignit.  
ecclesiast.

A bello Turcico redux, Rhinoviense monasterium intrans, Benedictinae sese regulae dicavit; altiora petiturus. Rhinovia enim transiens Fuldam, a Joachimo Abbate, Leopoldo Caesa-

(b) *Recess. Imp.* Part. IV. n. 3. pag. 10.

(c) *IMHOF. Notit. proc. Imp.* pag. 339.

(d) Sex motiva, ut vocantur, edita tum fuerunt in lucem lingua latina, 8vo.



re petente & annuente Summo Pontifice, in successorem assumptus est (e) d. 19. Mart. 1668. reservans sibi Canonicatus, quos in Colonienfi, Argentinensi, & Leodiensi Ecclesiis possederat. Eodem tempore Coadjutor Campidonensis creatus.

Cum fratre Friderico VI. A. 1668. d. 20. Julii transactionem inivit; virtute cujus debita Gustavi Adolphi solvenda frater suscepit; promittens 5000. florenos ei quoque se persoluturum quotannis, donec beneficiis ecclesiasticis majoribus fruatur. Ceterum nihil aliud sibi reservavit Gustavus Adolphus, quam jus succedendi, si utraque deficeret linea Badensis.

## §. III.

Tirocinium sacrum in S. Petri prope Fuldam monasterio cum peregisset, vacantem morte Salentini de Sinzig Præposituram in Holzkirchen accepit, & denique A. 1671. d. 4. Jan. Joachimo, Abbati Fuldensi, in dignitate successit. Apostolicus apud Helvetios Nuncius ordinare eum debuerat Lucernæ. At mutato proposito, Suffraganeus Spirensis die 12. Aprilis ceremoniam Badæ peregit. (f) Clemens IX. eum Cardinalem creavit. Birretum Leopoldus Imp. d. 19. Apr. 1672. ei porrexit Vindobonæ. (g)

Abbas  
Fuld. &  
Card.

Rr 3

---

(e) SCHANNAT, *Historia Fuldenfis* Part. III, pag. 299.

(f) IDEM *loco alleg.* Part. III. pag. 293.

(g) *Theatrum Europæum* Tom. XI, pag. 53.

GVSTAV.  
ADOLPH.

Novus Abbas vix regimen adierat, quum Judæos omnes, quorum mille quingenti computabantur, intra trimestre tempus Abbatiae ditionibus excedere jussit. (h)

Eodem anno nova cum fratre Friderico VI. transactione, pro certa pecuniae summa, omnibus, quæ habere potuerat, juri-  
bus renunciavit.

Abbas  
Campid.

A. 1673. post Romani Abbatis obitum Campidonæ factus est Abbas; Siegburgensis (i) quoque Benedictinorum monasterii, in Bergenfi Ducatu, Administrator electus.

#### §. I V.

Supellex  
ejus di-  
repta.

Paulo post Episcopatum Leodiensem ambivit; sed excidit ausis. Profectus est quidem cum splendido comitatu Leodium. Verum post aliquot mensium moram, insigni pecuniae summa expensa, A. 1675. rediturus Coloniam, pro supellectile sua, Leodio Coloniam devēhenda, literas salvi conductus ab Estradæo, qui Gallici præsidii Præfectus erat Trajecti ad Mosam, obtinuit. Nihilominus supellex ejus capta est a Gallis & Trajectum allata. Ipse non absque insigni difficultate evasit Coloniam. Scripsit ad Regem. Rex ipsi respondit, literas ei salvi conductus datas ad negotia sua perficienda, non vero, ut publicis & bellicis se immi-

(h) *Diarium Europ.* Part. XXIII. pag. 444.

(i) Siegburg, Siegeberg vulgo Sieberg & Sieburg A. 1060. ad flumen Siegam ab Annone Archiepiscopo Colon. constructum.



sceret negotiis. In supellectile hac inventæ sunt merces prohibi-  
tæ, multa sclopeta, quibus aliquot cohortes poterant armari.

GVSTAV.  
ADOLPH.

## §. V.

Accusatus fuit Cardinalis, quod Leodii consilia clandestina pro Imperatore & Hispanis contra Electorem Coloniensem, Gallicis partibus addictum, foverit, ut nempe Electorem non modo Leodiensi Episcopatu, sed & Electoratu ipso privaret. Rem manifestarunt Literæ Chartæque plures, in ejus supellectile re-  
pértæ, quarum nonnullas, typis impressas, publicavit Estradius, ut litteris salvi conductus Cardinalem abusum esse, publice doce-  
ret. (k)

Consilia  
ejus.

Bernhardus Gustavus, spe sua dejectus, in lentum, sed  
pertinacem, incidit morbum. (l) Interfuit tamen A. 1676. ele-  
ctioni Innocentii XI. qui eum Cardinalem Presbyterum, titulo  
S. Sufannæ, creavit. (m)

Obitus &  
sepultu-  
ra.

## §. VI.

Post Romanum hoc iter non diu rebus humanis superfuit  
Bernhardus Gustavus. In itinere enim, quod Hammelburgum

(k) Marquis de BEAUVAU *Memoires du Duc Charle IV. de Lorraine* pag. 436.

MÜLLER *verwirrtes Europa* Tom. II, pag. 689. *Theatr. Europ.* Tom. XI, pag. 679.

(l) Fuerunt qui damnum hoc CCC. florenorum millia excessisse crediderunt.

SCHANNAT *loco alleg.* pag. 294.

(m) IDEM *loco alleg.*

GVSTAV.  
ADOLPH.

fufceperat, A. 1677. die 26. Dec. obiit. (n) Cor ejus ad Campidonenses delatum; exta in Oratorio, quod exstruxerat, Fratrum Minorum Hammelburgi recondita; corpus autem Ecclesiæ Fuldenfi illatum, in qua Placidus a Drosste, Abbas successor, ei splendidum Monimentum erexit; quod exhibet Schannatus. (o) Nummum memorialem, in honorem ejus cufum A. 1672. inter Badenses nummos suo loco exhibemus.

(n) Elogium ejus edidit PROBSTIUS S. J. Fuldæ 1678.

(o) *Loco alleg.* pag. 295. Inscriptio monumenti hæc est: Anno Christi MDCLXXVII. die XXVI. Decembris obiit piissime Sereniff. & Eminen-  
tiff. Dom. Bernardus Gustavus S. R. E. Cardinalis Presbyter, Abbas Fuldenfis, S. R. Imperii Princeps Divæ Aug. Archicancellarius per Germaniam & Galliam Primas, Marchio Badensis & Durlacensis, cujus anima requiescat in sanctissima Pace. Huic pius successor Placidus Abbas ejusdem Ecclesiæ, S. R. Imp. Princeps hoc monumentum fieri curavit. Stat sua cuique dies, breve & irreparabile tempus omnibus est vitæ.





## CAPUT X.

## FRIDERICUS MAGNUS.

A. 1677. - - - 1709.



## §. I.

Marchiam bellicis oppidorum & vicorum incendiis, ca- <sup>Introitus.</sup>  
 strorum & agrorum vastationibus horridam, Fri-  
 derici Magni repræsentat historia; plena calami-  
 tatum, plena terroris; omnium Domus Badensis  
 Epocharum tristissima. Marchia plures per an-  
 nos denudata incolis; Marchia in eremum conversa.

Infantia & adolescentia Marchionis fuerunt tranquillæ & <sup>Initia Marchionis.</sup>  
 omnino felices. Natus est Uckermundæ in Pomerania A. 1647. (a)  
 quo belli Germanici tricennalis teda cepit extinguere & per totos vi-  
 ginti quinque annos mansit extincta. Unde in profunda pace cre-  
 vit & adolevit Fridericus Magnus; a patre pacis artibus innutri-  
 tus & altus, quibus per totam dein vitam deditus fuit, ab indole  
 bellica omnino alienus.

Linguarum exterarum cognitione imbutus, ab A. 1664.  
 per quinquennium præcipua Europæ Regna, Galliam, Italiam,

Tom. IV.

Ss

(a) Die 23. Sept.

FRID. M.

Belgium, Angliam Germaniamque peragravit, ita tamen, ut per temporum intervalla ad lares suos reverteretur. In Aula præsertim Gallica multis exceptus fuit honoribus. Septentrionalem Germaniam A. 1669. adiens, Hufumum, Slesvicensis Ducatus oppidum, se recepit, ubi Maria Elisabetha, Friderici III. Holsatiae Ducis vidua, tum degebat cum filia, Augusta Maria, viginti annorum Principe, egregiis virtutibus prædita, quam Fridericus Magnus, interventu Ludovici VI. Hassiae Landgravii, anno sequente sibi conjugem delegit.

## §. II.

Bellum  
Batav.

**B**ellum Batavicum anni 1672. in Germaniam pedetentim cum proripere cœpisset, Fridericus VI. cum omni sua Aula se Basileam recepit A. 1674. Filius cum patre sesqui anni spatio ibi versatus est exul.

Ludovicus XIV. anno præcedente cum in Alsatiam venisset, Fridericus VI. Marchio Croneckium a consiliis intimis ad eum misit Brisacum, ipse Regem aditurus Philippiburgi, quo eum venturum esse fama ferebat. Sed mutato itinere Rex cum per Lotharingiam in Regnum rediret, Fridericus noster, jussu patris, Lunevillam secutus est Regem, omnibus ab eo benignitatis testimoniis exceptus. Rex litteris, die 7. Sept. ad patrem scriptis, insignes filii Principis dotes plurimum extulit.

A. 1676. mutata belli fortuna, domum rediit juvenis Marchio; domesticis vacans negotiis, bellica dum tractat pa-



ter. Obsidioni tamen Philippiburgi, a patre eodem anno susceptæ, interfuit.

## §. III.

Patri A. 1677. in hereditarias ditiones successit; quas per-<sup>Regimen adit.</sup>petua inter bella & calamitates viginti tres annos rexit; factorum adversitate, non interrupta, agitatus. Regiminis initio novam Aulæ suæ faciem induxit, creato Marefchallo, qui omnia procuraret, quæ ad Aulam Principis spectant; ceremoniis præesset; exciperet exteros, eosque in Principis conspectum adduceret. Sub jurisdictione ejus omnes Aulæ officiales constituti, solo stabuli Magistro excepto, cujus separatum officium mansit. Novæ huic dignitati præfectus est Croneckius, qui a consiliis intimis fuerat Marchioni. Cancellariâ quoque novam tum formam accepit, ordinatis quinque Collegiis; *Consilio* nempe, quod vocant *Secretius*, *Consilio Aulico*, *Consilio Ecclesiastico*, *Camera Quæstoria* & *Collegio Deputatorum*. In Consilium secretius duos recepit Viros nobiles, & unum litteratum, cui postea plures accesserunt.

Eodem anno (1677.) Nobilitatis immediatæ Imperii Mar-<sup>Gesta varia.</sup>chionem adierunt legati, petentes, ut intuitu Münzeshemii ad onera publica, ratam suam contribueret partem, quod ille constanter recusavit.

## §. IV.

Feudorum Imperii investituram solennem die 22. Augusti <sup>Investitura Cæs.</sup>a Leopoldo Cæsare accepit. In litteris feudalibus dimidia illa

Comitatus Ebersteinensis excipitur pars, quæ anno præcedente, inita cum Spirensi Episcopo pactione, ad Wilhelmum, Lineæ Eduardinae Marchionem, transferat. (b) Eadem pactione septem Ebersteinenses vici pro feudis Spirensibus cum agniti fuissent, Fredericus noster, ne id fraudi sibi esset, litteris A. 1678. die 19. Jan. ad Electorem Trevir. & Spirenses Episcopum datis, intercessit. At brevi post eodem anno Ludovicus Wilhelmus, Wilhelmi Marchionis filius, consensit, ut Linea Durlacensis ad simultaneam Investituram dimidiæ illius Ebersteinensis Comitatus partis, a Wilhelmo comparatæ, admitteretur; quod & intra sexennium evenit, ut litteræ Leopoldi Imperatoris, A. 1684. die 7. Dec. utrique Marchioni concessæ, testantur. (c) Admissio hæc Durlacensium ad sola dein feuda cum restringeretur, de feudi determinatione longa utramque inter lineam nata est controversia; quæ multis tractatibus litibusque in Judicio Imperiali Aulico, hoc & superiore seculo ansam subministravit. Res inter Marchiones hodiernos novissimo successionis pacto composita est. Eo pacto allodialia quævis bona, utrinque acquisita, adeoque & Ebersteinensia, cum feudis ad Bada-Badensem Lineam A. 1676. translata, mutuæ successionis capacia sunt.

---

(b) Vide Tom. III. pag. 127.

(c) Investitura A. 1753. a Francisco Imp. renovata est. In litteris investituræ, ut & in litteris Leopoldi Imp. bannum forestale & bannum sanguinis præsertim inter dimidiæ hujus feuda recensentur.



Anni 1678. initio Roetelæ, Brombaci & Hachbergæ Castra a Cæsareanis occupata & præsidio munita fuerunt. Galli die sexto Februarii cum 1500. militibus Roetelam obsidere voluerunt. At præsidio 300. militibus Cæsareanis aucto, redierunt Friburgum; triginta militibus Fridlingæ relictis, qui Castrum hoc, adhibitis rusticis, solo æquarent.

## §. V.

His temporibus Tractatus Pacis cum agerentur Neomagi, <sup>Pax Neo-</sup> <sup>magenfis.</sup> Fridericus noster, misso ad Conventum illum legato, (d) petiit, ut propter damna bello accepta, spes in feudalia & allodialia Dynastiæ Geroldseccianæ bona, extinctis Cronenburgicis, ipsi concederetur. Ordinum Imperii Legati, Ratisbonæ agentes, & Cæsar ipse æquum censuerant, ut damnorum Marchionis ratio iniretur. (e) At postulata ejus improbarunt Angliæ Sueciæque legati, iniquum esse rati, Austriacæ Domui illud onus imponi. Ordines, Gallico bello afflictos, a Gallis indemnes esse præstandos, Cæsarei contenderant legati. (f) Sed Pacis Neomagenfis decreto illata invicem damna oblivione sepulta sunt. (g) De executione Pacis

Ss 3

(d) Johannes Christophorus Heilbronnerus eo missus est.

(e) LONDORP. Tom. XI. Lib. XI. pag. 472.

(f) Vid. *Proiectum Pacis Cæsareo-Gallicum, a legatis Cæsareis mediatoribus exhibitum* 6. Decembris 1678. Art. 2. in *Actes & Memoires des negotiations de la paix de Nimégue* Tom. III. pag. 250.

(g) Vid. *Art. I. Instr. Pacis in Actes & Memoires loco alleg.* pag. 404.

FRID. M.

cum fusciperetur deliberatio, Fridlinga aliaque Castra & loca Durlacensium, a Gallis detenta, restituendorum inserta sunt Indici. (h) Sed & in ipso executionis tractatu conventum est, ut Cæsareum ex Hachbergæ Castro abduceretur præsidium. (i)

## §. V I.

Nova  
Marchiæ  
facies.

Neomagensis Pax Marchiæ utrique Badenfi novam faciem induxit, sed aliam, quam Friderici nostri speraverat pater. Pater, Philippopoli Gallis erepta, Brisacum quoque in potestatem suam redigere decreverat, Gallos omnino repulsurus a Rheno, Castris suis & arcibus, quas ille reparaverat & omnibus rebus instruxerat, ut frueretur securus. Sed de Brisgovia & Ortenavia aliter disposuerant fata. Enimvero Nemetensium Philippopolin vix subegerat Fridericus, quum apud Brisgovios Galli subegerunt Friburgum, eamque una cum Brisaco, quam per totos jam quadraginta annos possederant, Neomagensi Pactio-  
ne retinuerunt. Unde Gallica ditio ad Martianam usque silvam extensa & Marchicarum terrarum pars Gallicis terris vel vicina vel mixta. Excitatae mox novæ munitiones ad Rhenum, Huninga & Fortalitium Ludovici. Illa haud procul Basilea, ipso pacis Neomagi compositæ anno; hoc septennio post in insula Rheni, e regione Stoltzovæ, frena & compedes Rheno injecerunt. Argen-

(h) Vid. *Designatio a Gallia restituendorum, exhibita a DD. Legatis Cæsareis Domino Legato Gallico 12. Junii 1679. in Actes & Memoires loco alleg. pag. 538.*

(i) *Actes & Memoires ibid. pag. 546.*



toratum, biennio post conditam pacem, Galliae Regno accessit. Kehla, propugnaculum præstans, ad dextram Rheni, in ipso Ortenaviæ aditu exstructa, omnem quoque provinciam hanc aperuit Galliae. Dominantibus ita per Brisgoviam & Ortenaviam munitionibus Gallicis, Roetelanæ, Saufenbergicæ, Badevillanæ & Hachbergicæ ditiones, quibus Dynastia Lahrensis tum quoque accensebatur, ut & superior ac inferior Marchiæ devenerunt limitrophæ Gallis. Ab eo tempore de finibus & finitimorum jure, de ripa, de insulis Rheni, de navigatione, de pontibus repetita hinc inde a Marchionibus gravamina. Primo quoque belli motu Marchicæ terræ ab exercitibus, vel Gallicis vel Germanicis, occupatæ. Marchiones ad externos confugere coacti sunt. Tantam rerum conversionem terris Badensibus attulit Pax, Neomagi conclusa. Infeliciores post eam Marchia, quam ante Pacem Westphalicam fuerat.

## §. VII.

Adeo exhausta tum belli calamitatibus Marchia, ut <sup>Rescript. morator.</sup> ingravescente pedetentim ære alieno, Fridericus noster moratorium, quod vocant, Rescriptum a Cæsare A. 1680. petere cogetur. Petitum hoc Collegia Electorale & Principum die 27. Nov. Cæsari commendarunt; ita quidem, ut ad octo vel decem annos illud concederetur Marchioni. (k)

---

(k) LONDORP. *Acta publ.* Tom. XI. pag. 92. & 186.

FRID. M.

Res monetar.

Hæc dum aguntur, de corrigendis rei monetariæ defectibus Ulmæ Ordines Sueviæ deliberarunt. Marchiones Badenses a Seculi XVI. temporibus nunc monetaria officina communi, nunc Stutgardiana sunt usi. Peculiarem denique fabricam Domus quum constituisset Badensis, injunctum est ei die 7. Maji A. 1681. Circuli Suevici decreto, ut duæ Marchicæ Lineæ communem monetæ officinam haberent, locumque, de quo inter eos convenisset, Principibus Circuli, jus convocandi habentibus, indicarent. (1) Post Decretum hoc Durlacenses, litteris ad Bada-Badenses scriptis die 6. Oct. proficuum esse judicarunt, ut exercitium monetandi inter Lineas alternet, quoties moritur Marchio, & ut Emmendingæ, ubi ædificia & instrumenta monetaria magnis nuper sumtibus Durlacensis noster ordinaverat, interim maneat officina, atque in ordine monetandi ab eodem Marchione initium fiat. Ludovicus autem Bada-Badensis, posthabito Circuli Decreto, convenientius esse duxit, utraque Linea peculiari ut officina utatur, at monetandi jus per singula decennia alternatim exerceat. Initium faciat ille, cui fors prærogativam tribuerit. Intervenientibus mox belli motibus, monetaria res omnis suspensa. Fabricam Badæ constitutam non novimus.

## §. V I I I.

Reuniones Gallicæ.

Gallicæ, quæ vocantur, Reuniones illo tempore magnos in Imperio motus concitaverant, in quibus de Pacis Westphalicæ

---

(1) Vide supra in Carolo II.



& Neomagensis interpretatione agebatur. Germanos inter & Gallos A. 1682. habitus est Francofurti Conventus, ad quem Fridericus noster suum quoque misit legatum; quem Brunsvico-Calenbergici legati sequi iussit consilia. Sed irritus fuit ille Francofurtensis Conventus. Res ad Comitia Imperii Ratisbonam remissa. (m)

Eodem tempore cum Wirtenbergico lites Veyhingæ compositæ atque inter alia commerciorum libertas utrinque concessa est.

Fridericus litteris, die 24. Apr. (1682.) ad Comitias datis, monuit, ut ratio haberetur promissi, quod de facienda belli damnis, durante Pacis Neomagensis negotio, ei fecerant Ordines, a quibus ille petiit, Cæsarem denuo hac super re ut monerent. (n) Negotium minus prospere successit. Marchio mense Novembri anni ejusdem a Comitibus petiit, Marchica portio in Matricula Imperii tertia ut parte minueretur. Præter enim belli nuperi mala, persisterat adhuc in Matricula Imperii vetus ille census, quem Marchiones persolverant Imperio, antequam Ernestus Fridericus quatuor illas Præfecturas, de quibus suo loco disserui, in Wirtenbergicam transtulit Domum. (o) Nec refragati sunt Imperii Ordines, sed anno sequente Cæsarem orarunt, ut Cir-

Tom. IV.

Tt

---

(m) Acta hujus Conventus exhibet LONDORP. *Acta publ.* Tom. XI. pag. 353.

(n) LONDORP. *loco alleg.* pag. 472.

(o) IDEM *loco alleg.* pag. 553.

FRID. M.

culi Suevici Directoribus imperet, Circularis Marchionis census ut ea, qua petierat, ratione diminuatur. (p)

## §. I X.

Gesta varia.

**I**mmediata Imperii, quæ vocatur, Nobilitas magnis tum motibus aditum ad publica Comitia, & suffragium in iisdem petierat. Rem quovis modo impedire laboravit Fridericus noster, eumque in finem cum Wirtembergico aliisque Principibus A. 1684. convenit Stutgardiæ. Res in ipso partu suppressa.

A. 1685. Calendis Octobribus ab Episcopo Basiliensi, Johanne Conrado, Brisgoica feuda sua Fridericus suscepit.

Anno sequente d. 20. Sept. Ratisbonam scripsit, Gallos, facto prope Huningam ponte, trajecisse Rhenum & in Germanica ripa Marchicaque ditione, contra Pacis Neomagensis ac Induciarum Ratisbonensium, nuper (1684.) conditarum, leges, firmando ponti, munimentum exstruxisse. (q)

A. 1687. die 2. Julii Fridericus noster cum Friderico Carolo, Wirtembergici Ducatus Administratore, ratione partis Badensium in oppido Heimsheim, quam A. 1444. Jacobus Marchio a Diterico de Gemmingen coëmerat, transegit, eamque cum omnibus juribus, ad hanc partem spectantibus, in Wirtembergicum Ducatum transtulit. Marchio Wirtembergicas partes vici Dürren, (r) decimas in Langenalb & Lehningen, una cum villa in

(p) *Ibid.* pag. 598.

(q) *Idem* Tom. XII. pag. 618.

(r) Reliquam partem vici Dürren Carolus Magnus Leutrum ab Ertingen A. 1730. Carolo Wilhelmo, Marchioni, vendidit.



Dürrenwetterspach, compensationis loco, accepit. Diuturna de Heimshemio lis ita tandem sepulta.

Ebersteinensem Comitatum a Ludovico Wilhelmo Marchione centum florenorum millibus A. 1688. Fridericus Magnus coëmit. Emtioni venditioni, die 30. Aug. peractæ, primarias inter conditiones pactum de retrovendendo adjectum est. Ludovicus Wilhelmus, præstatione onerum publicorum in se derivata, suffragium in Comitibus & Circuli Suevici Conventibus ut & Advocatiæ in Monasterium Albæ Dominarum & venandi jura per totum Comitatum sibi reservavit. In rebus ecclesiasticis nihil se mutaturum promisit Marchio; a reddendis rationibus immunis; omnes percepturus redditus; Gronsfeldicæ portionis, a Badensibus haud ita pridem coëmtæ, administratione penes Wolckensteinium Comitem, condominium, dum vivat, manente.

### §. X.

Idem funestus ille Germaniæ annus est, (1688) quo Ludovicus XIV. formidabilem Gallorum exercitum, duce Delphino, misit ad Rhenum, ubi Philippopolis obsessa & capta. Bellum Gallicum.

Anno sequenti omnes terræ Badenses, Palatinæ, Wirtembergicæ, Spirenses, WORMATIENSIS, omnisque adeo superior ora Rhenensis flamma & ferro deleta, æquata est solo; urbibus in busta, agris in deserta conversis. Fridericus Magnus cum numerosa prole sua Basileam confugit, unde mense Martio tristissimæ fortis

nuncium ad Comitia Imperii misit. (s) Villaregius, Campi-Mareschallus mandata cum accepisset, ut Palatium Durlacense, quod Caroliburgum vocatur, cum oppido combureret, incendii avertendi causa ad Delphinum profectus est. Hic autem Durasium, Franciæ Mareschallum, primum exercitus Gallici ducem, adendum esse dixit, qui hac super re acceperat Regis mandata. Sed Villaregius retulit repulsam & aliquoties retulit. Hic denique executionem rei commisit Melaco. Interea temporis Numophylacium & omnis rei antiquariæ thesaurus cum Bibliotheca & Tabulario, translatus est Basileam.

Pforzhemio, Durlaco, Etinga combustis, incendium Badam quoque, Raftadium, Steinbacum, Stollhovam, Kuppenhemium corripuit; Leopoldi Wilhelmi Marchionis vidua, Mariá Francisca, ex Fürstenbergicis nata, quæ sola aderat, ardentissimis precibus & missis ad Regem Ludovicum XIV. literis nequicquam renitente. Dies 24. Aug. D. Bartholomæo facer, Badam absumsit, illatis primo facibus Monialium S. Sepulcri Cœnobio, inde Collegio Sodalitatis Jesu, dein Ecclesiæ Collegiatæ, toti oppido, denique & ipsi Marchionum Palatio, unde nominis gentisque origo. Ludovicus & Hermannus, Marchiones, nepos & pa-

---

(s) LONDORP. *Acta publ.* Tom. XIV. pag. 215. Fridericus Magnus Marchiæ suæ statum ipse depingit in Libello, quod Legato Suecico, Pacis Conciliatori A. 1697. die 20. Jul. exhibuit in *Actes & Memoires de la Paix de Ryswic* Tom. II. pag. 202.



truus, eo ipso tempore virtutis suæ documenta in Hungaria contra Turcas ediderant. (t)

### §. XI.

A. 1690. d. 16. Aug. Fridericus Magnus de damnis, bello acceptis, denuo ad Comitata Imperii scribens, petiit, ut immunitate ab oneribus publicis ad tempus ipsi concessa, res eo deducatur in futuro Pacis negotio, ut non omnes ei modo restituantur conditiones, sed & indemnis præstetur. (u)

Triennio post die 4. Julii Fridericus Basileæ gravi morbo decumbens, testamentum condidit, quo jus primogenituræ & successionem linealem agnaticam, in Durlacensi Linea pridem stabilitam, denuo firmavit, eamque ad superiorem quoque Marchiam Bada-Badensem extendit, Lineæ seniori extinctæ ubi succederit junior. Præterea de alienatione terrarum, de matrimoniis Principum, de educatione liberorum, filiarumque elocatione, de appanagiis, aliisque de rebus decessorum suorum renovavit decreta. Annum decimum octavum completum, legitimam Principum, regimen adeuntium, ætatem constituit. Tutelam denique liberorum suorum coniugi & Carolo Gustavo fratri commisit, quibus Georgium Fridericum Brandenburgicum & Ludovicum Guilielmum Bada-Badensem Marchionem substituit. Executor testamenti Carolus XI. Sueciæ Rex, a Marchione constitutus est.

Tt 3

(t) IDEM l. c.

(u) IDEM Tom. XVII. pag. 603.

A. 1696. die 14. Junii Fridericus a Wilhelmo Jacobo, Basiliensi Episcopo, recens creato, Brisgoica Ecclesiæ Basiliensis feuda suscepit.

## §. XII.

Tractatus  
Risvic.  
vic.

Institutus est denique A. 1697. Risvicensis Pacis tractatus, cui a Conciliis Aulicis Marchionis interfuit HENRICUS WILHELMUS MALERUS, qui promovendis Principis sui commodis, varios Legato Suecico, Pacis Conciliatori, Libellos exhibuit, (x) quibus non restitutionem modo ablatorum, sed & ingentium damnorum compensationem flagitavit. Inter restituenda occurrit

1. Præfectura seu Parochia Kutzenhausen, Hagenoam inter & Weissenburgum sita, a Carolo Gustavo Sueciæ Rege A. 1656. Friderici Magni fratri, Carolo Gustavo, donata, sed Reunionum Gallicarum legi A. 1680. subiecta, fiscoque regio bellicas inter turbas addicta. (y)

2. Rodt vicus insignis, infra Landaviam, quem Zillenhardii nobiles a Badensibus in feudum masculinum tenebant. Bri-  
facensis Reunionum Camera nihil in hunc vicum sibi juris vindicaverat. Badenses, Zillenhardios investientes, jus collectandi, aliaque suprematus sibi reservaverant jura, quæ ad præsentis usque belli initium tranquille exercuerunt.

---

(x) Extant in *Actes & Memoires des Negociations de la Paix de Ryswick* Tom. II. pag. 195. 201. 265. 268.

(y) Vide vitam Caroli Gustavi Marchionis.



3. Omnis ager, in Rheni infula & dextra ejus ripa, cui Huningensia superstructa sunt munimenta, a vicinorum ditione cippis distinctus, quem Marchici juris esse Galli agnoverant. Accedunt prædia in insulis & altera Rheni ripa, ad Marchionem ejusque subditos spectantia; a nemine unquam negata aut vocata in dubium. Hæc in eo, in quo ante bellum fuerant, statu relinqui cupit Marchio.

4. Pensio annua ob Castrum Landscron A. 1663. constituta. (z) Post Pacem Neomagensem Rex Galliae pensionem hanc ultro restituerat Marchioni. Idem nunc a magnanimitate Regis expectans, e Catalogo restituendorum, cui ab initio pensionem inferuerat Legatus, expungi curavit. (a)

5. Feuda, nobilibus Alsatiae a Marchione conferri solita, quæ in variis juribus & bonis, nullam cum suprematu affinitatem habentibus, consistunt. Feudorum istorum jura Marchionibus, tam Reunionum, quam belli tempore illibata permanferant; quæ ut & ei relinquuntur in posterum, Marchio rogat.

6. Aedes, quas Argentinæ possederant Durlacenses, a Carolo II. Marchione A. 1562. coemptæ, (b) sed a Præfecto Gallico post captam Urbem, invito Marchione, & expulso ejus domestico, occupatæ. Fridericus noster A. 1683. Civitati quidem vendi-

---

(z) Vide §. II. Vitæ Friderici VI.

(a) Vide *Altes & Memoires* pag. 266.

(b) Carolus II. A. 1562. ædes has die 3. Febr. a Ludovico Wolfgango de Renchen, Cive Argent. aureis quater mille sexcentis & sexaginta coemerat.

FRID. M.

derat Domum. At idem [restitutionem ejus vehementer nunc  
urfit.

Denique bello omnino subversus cum fuerit Marchionatus,  
imminuto ad quartam partem subditorum numero; reditus Prin-  
cipis distracti; instrumenta publica igne consumta; stativis,  
transitu militum, prædis & rapinis multiplicia data sint damna,  
quæ novem florenorum excedebant myriades; (c) æquum esse  
duxit Marchio, ut ejus rei ratio haberetur in Pacis negotio; Gal-  
liæ Regem interpellans, ut vel in totum vel ex parte ipsum in-  
demnem præstaret. Legati quoque Cæsarei damna, Gallico bello  
illata, a Gallis esse farcienda contenderant. (d)

## §. XIII.

Pax Ryf-  
vic.

Sed omnium harum rerum oblivio decreta est Pace. (e)  
Abolitis Reunionibus extra Alsatiā, (f) omnium bonorum &  
jurium, quæ ante bellum habuerat, restitutio Marchioni con-  
cessa. (g) Speciatim munimenta e regione Huningæ in Marchi-  
cā ditione exstructa, solo ac ædificiis Marchioni relictis, destructa  
sunt.

(c) Aestimationem damnorum, quam Suecico Legato, Conciliatori Pacis, Fri-  
dericus exhibuit vide in *Actes & Memoires* loco alleg. pag. 213.

(d) *Ibid.* pag. 31.

(e) Art. II. in *Actes & Memoires* Tom. IV. pag. 16.

(f) Art. IV. *ibidem* pag. 17.

(g) Art. IV. hæc verba leguntur: „Gaudeat etiam Domus Marchica Badensis  
„ omni jure & beneficio Pacis hujus adeoque etiam Westphalicæ & Neo-  
„ magensis, inprimis vero Articulorum IV. & V. hujus Tractatus. „  
Articuli hi de restitutione ex capite amnestiæ agunt.



funt. (h) Argentoratum in tractatibus pacis Galliæ cum addictum fuisset, de restitutione ædium Marchionis nulla facta est mentio.

In omni Marchia sua ædes vix reperit Marchio, in quibus, bello finito, figeret sedem. Pforzheimense, Durlacense, Mulbergenſe, Stafforticum, Emmedingenſe, Sulzburgenſe, Badevillanum, Rœtelenſe Castra perierant incendio. Basiliense Palatium in festivitate, quam Pacis Rſvicenſis cauſſa instituit Marchio, cum omni ſupelleſtile & copia rerum fortuito quoque abſumtum eſt igne. Marchio, vix flammis ereptus, reliſta Baſilea, in Grecingenſem ſe arcem prope Durlacum recepit; quæ ſola non ſubiit flammæ.

#### §. XIV.

Arx hæc vico cognomini, quem Pfinza perluit, adjacens, <sup>Arx Gre-  
cing.</sup> diu neglecta, a Friderico Magno reſtaurata eſt. Colli, molliter edito, impoſita, ſuper quem mons vicinus (i) dominatur. Antiquum hoc Domus Badenſis patrimonium jam A. 1274. Rudolphus Marchio inhabitavit, qui in Godeſavienſe Monasterium libe-

Tom. IV.

U u

- 
- (h) Art. XXIII. hæc habet: „Curabit Rex Chriſtianiſſimus ſuis impenſis ſolo  
 „æquari munimenta e regione Huningæ in dextra ripa & in inſula  
 „Rheni exſtructa, fundo cum ædificiis Domui Badenſi reddendo: pons  
 „quoque illic Rheno ſuperſtructus deſtruatur. „

- (i) *Der Thurnberg.* Grezinga hæc Marchica non confundenda eſt cum Wirtenbergica Ducali.

ralis, Chartam ei tum dedit, quæ scripta est *in Castro Grechingen.* (k)

A. 1275. Rudolphus I. Romanorum Rex, Rudolphi Marchionis hostis, hoc Castrum confregit. Neglectum per aliquot secula Christophorus Marchio A. 1514. restauravit; quod æra supra portam sinistræ turris, lapidi incisa, docet. Carolus II. Marchio, restaurator Castrorum, Grecingæ Castrum A. 1576. restituit.

Sub Marchione nostro splendidius evasit; promovente Coniuge ejus Augusta Maria. Hæc de secessu suo, maritus ante illam si decederet, sollicita, post Pacem Neomagensem A. 1681. suis sumptibus restauravit hanc arcem, atque ita disposuit, usibus ejus ut videretur aptissima. Finis structuræ impositus A. 1699. Nova conditrix voluit a nomine suo ut Castrum Augustæ, *Augustenburg* appellaretur. Juniorum Scriptorum, ut & incolarum, recepta opinio est, Castrum, a Rudolpho I. Cæsare destructum, in monte, ubi turris est, extitisse. Turris, quæ in monte comparet, speculatoria fuit; a Castro pendens; similis speculæ, quæ a veteribus quoque Marchionibus Pforzhemii supra montem exstructa, hodieque comparet; cujus generis multas Alsatia & omnis olim Germania vidit.

---

(k) Apud GAMANSIUM *Mf.* pag. 189. vid. Tom. II. *Hist. Bad.* pag. 6. Chartæ huic subscripsit Miles, *Eberhardus de Grecingen.*



## §. X V.

Fridericus post diuturnum exilium, in patriam redux, suis <sup>Restauratio Marchiæ.</sup> civiumque opibus restaurandis totus incubuit. Durlacum & Pforz-  
hemium oppida restituit; Durlacensibus in afflictæ fortunæ solatium  
immunitates plurimas concessit; Mulbergæ, a patre instauratæ,  
privilegia confirmavit, adauxit; pristinum ubique ordinem ac  
disciplinam reduxit. Durlacense Gymnasium magnis ab eo resti-  
tutum est sumtibus variæque doctrinæ ac linguarum doctoribus  
denuo instructum.

Caroloburgense Palatium, ubi a Caroli II. temporibus Dur-  
lacenses habitaverant Marchiones, A. 1698. reædificare Fridericus  
magnamque in molem erigere aggressus est, sed in ipso operis co-  
natu cum novum ob Hispaniæ Regni successionem bellum oriretur,  
interruptum & suspensum est opus; quarta vix parte perfectum;  
habitabile tamen, cui Marchiones successores nihil novi adjece-  
runt.

## §. X V I.

Protestantes A. 1685. e Gallia pulsi, quum magno numero <sup>Colonix Gallicæ.</sup> in Helvetiam confugissent, neque tantam multitudinem caperet  
Regio, multi in vicinis Germaniæ Principum terris sedem quæsi-  
verunt. Guilielmus III. Angliæ Rex, humanissimis A. 1698. lit-  
teris, & anno sequente Fœderati Belgii Ordines Fridericum nostrum  
Marchionem literis quoque sollicitarunt, ut expulsis præberet re-

fugium. Exules ab A. 1699. benigne recepit Marchio; iisque publicum religionis suæ exercitium, templa & scholas aliasque libertates concessit. Plures exulum Durlaci, Pforzhemii, Mulbergæ, Grabæ, Stafforti, Steinæ, Aurbaci, Mutschelbachii suas sedes fixerunt. Dein & tractum inter Grabam & Blanckenloch, ut & steriles campos in Neureuthano Præfecturæ Mulbergicæ agro, ipsis excolendos tradidit; unde Gallicæ coloniae apud Bada-Durlacenses exortæ, quæ ad nostra usque tempora durant. Gallicus prope Grabam vicus nomen Fridericianæ Vallis (*Friedrichsthal*) a Marchione nostro accepit. Illi vero, Novales qui excoluerunt, campos (*Neureuth*) in vico hujus nominis primum habitarunt, dein, ob diffidia cum incolis exorta, novum quoque in vicinia vicum exstruxerunt, qui, ut a Germanico ejus nominis vico distingueretur, Novalia Gallica (*Welschneureuth*) vocatus est. Duabus his Coloniis Fridericus peculiari Diplomate A. 1699. insignia privilegia contulit. (1) Præter libertatem religionis; immunitatem ab oneribus publicis in decennium, & quod inprimis memorandum, a servitute juris Germanici, in Badensium ditionibus consueta, exemptionem perpetuam illis indulgit; qua postrema tamen exemptione non gaudere debent, qui extra duas has colonias aliis in vicis confederint; nisi, qui annum florenum in signum libertatis Marchioni dependerint.

---

(1) Diploma hoc 10. Dec, 1699. Caroliburgi datum proprie Friderici Vallem



## §. XVII.

A. 1700. d. 30. Jan. Leopoldus Imp. Friderico Magno totum<sup>Munim. Kehl.</sup>que Lineæ Durlacensi spem succedendi in feudo Munimenti *Kehl*, ad dextram Rheni ripam prope Argentoratum sito, Bada-Baden-sis si linea extingueretur, concessit. (m)

Gliscabant inter hæc lites de nono Electoratu, quibus im-<sup>Lites de nono Ele-  
toratu.</sup>plicitus quoque Marchio, solenne illud Principum fœdus, cui Ra-tisbonæ jam A. 1693. accesserat, in Conventibus Goslariæ & Norimbergæ A. 1700. habitis, consensu suo firmavit. (n) Goslariæ Herbipolitanus, Monasteriensis, Constantiensis, Fuldensis, Gothanus, Brunsvico-Guelpherbytanus, Hasso-Cassellanus, Anhaltinus & Badenses Lineæ utriusque legati, ad dignitatem Ordinis Principum conservandam, varia inter se pacta inierunt. Placuit in suscipienda investitura Cæsarea, mittendis excipiendisque eorum legatis, exæquandos esse per omnia Electoribus Principes. Eorum legatis decernendos esse honores, Electoralibus pares. Ut *Serenissimi* axioma Principibus æque ac Electoribus tribuitur, ita & *Excellentiæ* utrorumque legatis æquo juretribuendum. Actum præterea de modo excipiendi Cæsarem, Regum, Electorum, ipso-

U u 3

---

ejusque incolas respicit, sed Fridericus peculiaribus litteris, eodem anno datis, illud ad Welfchneureuthanam quoque coloniam extendit.

(m) Tom. III. pag. 225. seq.

(n) De omni hac lite fuse egimus supra Tom. III, pag. 228.

FRID. M.

rum Principum ceterorumque Ordinum legatos, qui ad Principum Aulas mittuntur. De his aliisque ejusdem argumenti rebus amplissima praecepta scripto consignata sunt. Coeptum Goslariæ opus, paulo post Norimbergæ, quo translatus fuerat Principum Conventus, perfectum. Placita hæc a plerisque Principibus sensim in usum deducta sunt. (o)

## §. XVIII.

Bellum  
Hispan.

A. 1701. controversia de Hispanica successione in bellum cruentum totius fere Europæ erupit, quo crebris Gallorum incursionibus patuit Marchia. Post Fridlingense anni sequentis prælium omnem Rœtensem Dynastiam deprædati sunt hostes. Hachbergensis quoque Marchia & Dynastia Badevillana occasione Brifacensis & Friburgensis obsidii omnino vastatæ. Fridericus A. 1702. Basileæ quæsiuit asylum, ubi Aulam, nuper combustam, reædificari curaverat. (p) Totum triennium Basileæ tum substitit Marchio; nonnisi A. 1705. reversus in patriam.

Fridericus noster cum Ludovico Badensi, agnato suo, a tenera ætate amicitiam coluit, quæ successu temporis aucta, effecit, ut de

---

(o) Darmstadiensis Landgravius A. 1724. Carolum Wilhelmum Marchionem hortatus est litteris, ut ex præscripto Goslariensis & Norimbergensis Recessuum aliorumque Principum exemplo easdem cum Electoribus ceremonias admitteret. A. 1725. de adornando jure ceremoniali perpetuo in Comitibus deliberatum est.

(p) Antiquitus Hachbergæ Marchiones habitaverant Basileæ. A. 1409. Rudolphus domum habuerat in platea, cui nomen a specula est.



restituenda inter utramque lineam concordia & unione perpetua renovanda, A. 1706. duos hos inter Principes haberentur tractatus. Unionis formula in has leges concepta. Amicitia perpetua inter utrumque Marchionem eorumque successores obtineat, & mutua contra hostes defensio. Tutela legitima utramque inter lineam observetur, neque tutorem legitimum testamento a tutela excludere, sed alios tantum ei addere, liceat tutores. Unius lineæ masculis extinctis, secundum pacta antiqua & Pacis Westphalicæ leges, linea superstes succedat. Successio hæc ad nova quoque singulorum linearum adquisita pertineat. Terrarum alienatio prohibita. Filia Princeps unica, quæ una linea extincta superfuerit, thaleros quinquagies mille; duarum filiarum singulæ tricies mille, plures si fuerint, vicena millia thalerorum accipiant singulæ. Clenodia & bona mobilia iisdem relinquantur. Religio in pristino statu permaneat. Sed pragmaticæ hujus in Badensi Domo Sanctionis perfectionem interveniens anno sequente Ludovici Badensis obitus impedivit. Complementum ejus filio juniore, qui nunc regnat, levi cum immutatione, servatum.

## §. XIX.

Stolthoviense vallum A. 1707. cum perrupisset Villarsius, <sup>Gesta reliqua,</sup> primum Gallorum impetum, non absque insigni fortunarum suarum dispendio, inferior experta est Marchia. Fridericus noster denuo Basileam aufugiens, eodem tamen anno in Marchiam rediit.

Comitatus Novi Castri in Helvetia, Mariæ, Longuevillanorum postremæ, obitu eodem tempore quum vacasset, inter alios competitores quoque comparuit Marchio, qui præter cognationem cum Longuevillanis, antiqua pacta, de succedendi jure inter Hachbergenfes, Longuevillanorum majores & Badenses Marchiones inita, pro se allegavit. Cæsar Bernatibus Friderici nostri causam commendavit, sed irritò conatu. Comitatus ille, ut constat, ad Brandenburgicam Domum pervenit.

Anno sequente Ebersteinensem Comitatum, quem ante decennium Marchio noster sub reluendi conditione coëmerat, Bada-Badenfibus agnatis, Ludovici Wilhelmi filiis, accepta centies mille florenorum sorte, restituit. Eidem immunitatis a tributis Imperii; compensandorum, quæ bello acceperat, damnorum, spes facta est Comitiali decreto.

Gertrudenbergæ apud Batavos A. 1709. cum ageretur de pace, Fridericus sua quoque postulata Legatis exhibuit. Conventus inter ipsa primordia sua abruptus, ac continuatum est bellum, cujus finem Marchioni nostro videre non licuit.

#### §. XX.

Obitus &  
Chara-  
cter.

Eodem enim Pacis tentatæ anno die XXVI. Julii, sexagesimum secundum ætatis annum agens Fridericus Magnus singulari cum constantia decessit; Pforzhemii in crypta majorum sepultus. Princeps vere bonus & probus; quem tamen in illa tempora serva-

verat



verat coelum, quibus terribiora nullum ævum vidit Badense. Memoriam ejus apud posteros durabilem reddiderunt lenitas ejus & amor in cives; quorum commodis, quantum per temporum iniquitatem licebat, sollicitus prospexit. Palustria prope Dur-  
lacum loca ut redderet ficca, Fossam construxit, merito quam *Fridericianam* appelles, qua derivatis in Albam, & cum ea in Rhenum, stagnantibus aquis, loca ficcavit, regionemque, minus fertilem, reddidit graminum & herbarum feracem. Literas amavit Princeps literatus; Mathematicis præsertim studiis delectatus. Tres ille priores Marchici juris partes, quæ processum civilem & causas matrimoniales pertractant, sub incudem revocatas, pluribus locis emendari jussit. Interveniente tamen bello propositum illud caruit. successu (q) A Rege Daniæ Elephantini Ordinis ornatus est torque. (r)

Tom. IV.

X x

(q) FRIDERICI GOTTLIEBII L. BARONIS DE LOEWENSTERN  
*Commentatio* PRAESIDE FERDINANDO CHRISTOPHORO  
HARPPRECHTO Tubingæ A. 1691. defensa atque Friderico nostro Marchioni adscripta sub Rubro: *Juris communis & provincialis Marchico-Badensis Differentiæ principes in materia contractuum successionis ex testamento & ab intestato, ut & in criminalibus, sive ad Juris Marchico-Badensis Partem IV. V. VI. VII.* Tres priores partes omisit LOEWENSTERNIUS, quod Friderici eas emendandi conatus, ardente tum bello, fuerat interruptus.

(r) Factum id occasione matrimonii, quod cum Holsaticæ Principe contraxit Fridericus.

## §. XXI.

Sponsalia prima.

Ducturus erat in matrimonium Carolam Elisabetham, Caroli Ludovici, Electoris Palatini, filiam; quæ dein Aurelianensium Duci Philippo fratri Ludovici XIV. nupsit. Sponsalia jam fuerant contracta. Sed ad Electorem futurum focerum, magno cum comitatu, Sobernhemium quum proficisceretur Fridericus, in milites Palatinos, qui ob turbas de Wildfangiatu hinc inde tum vagabantur, incidit; qui Marchicos equites, quos Lotharingos putaverant, male tractarunt. Marchio, apud focerum ea de re conquestus, Electorem facinus suorum excusare intelligens, negotium de matrimonio abruptit.

Matrimon. cum Holsat. Principe.

Interjectis aliquot annis Fridericus animum adplicuit ad Augustam Mariam, Friderici Ducis Holsatiæ filiam, A. 1649. Gottorpîi natam, cum qua Hufumi in Slesvicensi Ducatu, ubi Maria Elisabetha, sponsæ mater, sedem habebat, A. 1669. mense Decembri, sponsalia præfens contraxit. (s) Nuptiæ varias ob causas in annum sequentem dilatæ. Fridericus A. 1670. Hufumum redux, die 15. Maji matrimonium inivit. Christianus Albertus, Holsatiæ Dux, sponsæ frater, festivitati interfuit. Brevi post Marchio conjugem solenni ceremonia ad Caroloburgense suum Palatium deduxit, (t) atque cum ea per triginta sex annos felici

(s) *Diarium Europ.* Part. XXI. pag. 200.

(t) Occasio hinc nata PHILIPPO JACOBO SPENERO, ut librum conscri-



matrimonio vixit. Utramque inter fortunam Uxor marito semper comes adhæsit; cui superstes vitam produxit ad A. 1728. quo octogenaria fere senex Augustaeburgi apoplexia periit.

## §. XXXII.

Numerosam Marchioni undecim liberorum sobolem de-Liberi dit, quorum sex in tenera ætate defuncti sunt.

1. Fridericus Magnus, natus die 13. Jan. 1672. proximo die 24. Febr. decessit Laufannæ; in Cathedralis Ecclesiæ Basiliensis crypta sub Choro depositus.
2. Friderica Augusta, nata die 21. Maji 1673. anno sequente die 25. Julii extincta.
3. Christina Sophia, nata die 17. Dec. 1674. denata die 22. Jan. 1676.
4. Claudia Magdalena Elisabetha, nata 15. Nov. 1675. die 18. April. 1676. fato functa.
5. Catharina, nata die 10. Oct. 1677. Johanni Friderico Leininga-Hartenburgico Comiti A. 1701. die 19. Junii nupsit; A. 1746. die 11. Aug. defuncta.
6. *Carolus Wilhelmus*, patri in Marchia Durlacensi successit.


Tom. IV.

XX 2

---

beret, cui Tit. *Herflammung beyder Häuser Baden und Holstein*, impressum Francofurti A. 1672. fol. cura Meriani, qui Imagines Principum utriusque familiæ & festivitatis nuptiarum, quæ Durlaci celebratæ, æri impressas adjecit.

7. Johanna Elifabetha, nata A. 1680. die 3. Oct. Eberhardo Ludovico Wirtenbergico Duci A. 1697. die 16. Maji nupta, A. 1757. die 2. Jul. e vivis excessit Kirchhemii, haud procul a veteri Teccæ Castro, in Wirtenbergico Ducatu; ubi vidua vixerat.
8. Albertina Friderica, nata die 3. Julii 1682. Christiano Augusto Duci Holfatiæ lineæ Gottorpiensis, Lubecenfi Episcopo die 2. Sept. 1704. matrimonio juncta, A. 1755. die 22. Dec. mortua Hamburgi; Princeps fortunata, cui filium Adolphum Fridericum Regem Sueciæ, & ex filia neptem Catharinam, futuri Russiæ Imperatoris uxorem, nunc Imperatricem, videre contigit.
9. Christophorus, de quo separatim agemus.
10. Carola Sophia, nata 1. Martii 1686. vix triennio transacto, die 3. Oct. 1689. decessit.
11. Maria Anna, nata die 3. Julii 1688. denata die 8. Martii 1689.





## CAPUT XI.

CAROLUS GUSTAVUS

FRIDERICI MAGNI FRATER.

## §. I.



Carolus Gustavus Friderici VI. filius junior, natus <sup>Initia  
ejus.</sup>

d. 27. Sept. 1648. nomen suum ab avunculo Carolo Gustavo, dein Sueciæ Rege, accepit. Artibus ille & disciplinis, quæ Principem decent, imbutus, una cum fratre Friderico Magno Marchione per Belgium, Germaniam, Angliam, Galliam atque Italiam fecit itinera.

Exorto dein Belgico bello, Suevicæ Legionis Chiliarcha creatus, exercitum Imperii, cui pater summo cum imperio præerat, secutus est, magnisque se obiciens periculis, in obsidione Philippiburgi primum in præfidiarios impetum fecit. (a)

Xx 3

---

(a) Vita Friderici VI. §. 17.

CAROL.  
GVSTAV.  
Præfect.  
Kuzen-  
husan.

Kuzenhusanam Præfecturam, in inferiore sitam Alsatia, jam A. 1656. a Carolo Gustavo, Sueciæ Rege dono acceperat. A. 1680. die 22. Martii Senatus Alsatiae supremus, sedens Brisaci, eum vocavit, ut ratione hujus Præfecturæ possessionis suæ titulum ederet ac supremum Regis agnosceret dominium. (b) Exhibuit ille tabulas donationis Sueciæ Regis, quæ tamen non impediverunt, quominus Præfectus & incolæ Kutzenhusani paulo post Weissenburgi homagium Regi præstare cogerentur. Denique in bello Gallico, quod paullo post enatum, Præfectura hæc fisco regio addicta est; Carolus Gustavus contra Gallos pro Imperio quod tulerat arma. (c) At Pace Rîsvicensi Kuzenhusana Præfectura, salvo supremo Regis imperio, Marchioni restituta.

### §. I I.

Gesta mi-  
litar.

Inter hæc Carolus Gustavus Sueciæ se addixerat militiæ, primarii vigillum Præfecti (d) munere ei delato. Sed apud Suecos omnia tranquilla dum essent, A. 1684. Circuli Suevici copias in Hungariam Cæsari contra Turcas adduxit atque in oppugnatione Vivarini A. 1685. strenue fortiterque pugnavit. (e)

(b) *Recueil des Arrêts de la Chambre de Metz & de Brisac* pag. 252.

(c) Vide *Actes & Memoires des Negotiations de la Paix de Ryswic* Tom. II. pag. 268.

(d) General-Wachtmeister.

(e) WAGNER in *Historia Leopoldi* Tom. I. pag. 654.



Eodem anno die 27. Nov. literis, Vindobonæ ad Comititia Imperii datis, petiit, ut in creandis proxime exercitus Germanici Ducibus ratio sui haberetur, Præfecti Vigilum sibi dignitate collata, quam eo certius sperare sibi liceat, quod in bello Hungarico nuper non sine laude rem gesserit. (f)

Nec diu post ad altiore militiæ gradum ascendit, supremus tormentorum Præfectus (g) Circuli Suevici creatus, cujus quatuor Legiones A. 1688. contra Turcas in Hungariam, rebusque ibi feliciter gestis, in Germaniam reduxit mense Nov. Circuli nomine ad eum tum scriptæ sunt litteræ, ut brevissimo, quo poterit, tutissimoque itinere Sueviam peteret, hibernaque sua ad Danubium poneret, copiasque omnes retineret conjunctas. (h)

A. 1694. cum Ludovicus Badensis Rhenum transire decrevisset, hostes ut redderet securos, Carolum Gustavum cum parte copiarum ad Schreckam confidere iussit, ut ibi transiturus crederetur. Stratagemate hoc decepti sunt hostes. Ludovicus tribus leucis supra Schreckam libere Rhenum transivit. (i)

---

(f) LONDORP. *Act. publ.* Tom. XII. pag. 472.

(g) General-Feldzeugmeister.

(h) LONDORP. *Acta publ.* Tom. XIV. pag. 280.

(i) QUINCY *Histoire militaire de Louis le Grand* Tom. III. pag. 39. & *Theatrum Europ.* Tom. XIV. pag. 599.

CAROL.  
GUSTAV.

A. 1700. in Sueciam iter suscepit, ut a corona Suecica debitorum solutionem urgeret, sed parum profecit. (k)

§. III.

Obitus.  
Uxor &  
liberi.

Obiit Carolus Gustavus A. 1703. die 24. Octobris; Princeps, extra vitia positus; bonitatem mentis, lenitatem morum, cum fratre habens communes. Constans inter eos concordia. In gratiam eos inter se unquam rediisse non reperimus. In rebus militaribus dignum se profapia, ex qua natus est, ab ineunte ætate præstitit; in Aula Cæsarea gratia pollens.

Uxorem habuit Annam Sophiam, Antonii Ulrici, Ducis Brunfvico-Guelpherbytani filiam, A. 1659. die 29. Octobris natam, quam A. 1677. sibi matrimonio junxit. Ex ea sequentes liberi prodierunt.

Christina Juliana, nata die 12. Sept. 1678. Johanni Wilhelmo Duci Saxoniae Ifenacensi nupsit A. 1697. defuncta die 10. Julii 1707.

Carolus, natus 30. Martii, denatus 30. Aug. 1680.

Fri-

---

(k) Vid. Vita Frid. VI. §. 10.



Fridericus Rudolfus, natus die 13. Maji 1681. anno sequente die 18. Maji vita excessit.

Carolus Antonius, natus die 29. Jan. 1683. novennis puer die 31. Maji A. 1692. extinctus est.

## §. I V.

Carolus Gustavus moriens filiam, Christinam Julianam, <sup>Hereditas ejus.</sup> scripsit heredem; unde inter Johannem Wilhelmum, Isenacensem, maritum ejus, & Fridericum Magnum, Marchionem, difficultates prognatae. Quum Isenacensi nuberet Christina, secundum statuta Domus, renunciavit juribus, si quæ habuerat. A. 1704. die 3. Martii transactio Pforzheimii inita est, qua Marchio, in amicitiae pignus inter utramque Domum, fratris hereditatem, speciatim mobilia Francofurti deposita, jus in 40. millia florenorum, a Suecis debita & Carolo Gustavo a matre prælegata, aliaque nomina & actiones, eidem Marchioni competentes, Christinae Julianae ejusque conjugii transferipit; Alsaticam Kuzenhusæ præfecturam, a Carolo Gustavo, Sueciæ Rege, Christinae Magdalenæ, forori, Friderici VI. conjugii, ipsique Carolo Gustavo donatam, eidem Christinae Julianae & Isenacensi relinquens. Alienationis casus si aliquando eveniret, reluendi jus sibi Marchio servavit. (1) Ex ap-

Tom. I V.

Y y

(1) Alienatio, vivo adhuc Friderico Magno, facta. Præfectura venditione in

CAROL.  
GVSTAV.

panagio patris filiae quæ solvenda supererant, Marchio certis & statutis temporibus se soluturum promisit.

Hanoicam Domum tranfivit; Badensibus reluendi jure non ufis. Johannes Fridericus, Leininga-Hartenburgicus Comes, A. 1715. a Carolo Wilhelmo literis petiit, ut reluendi jus in ipsum transcriberet. Facultatem præfcriptione fublata effe, Marchio refpondit.





# CAPUT XII.

## CAROLUS WILHELMUS.

A. 1709 - - 1738.



## §. I.

Carolus Wilhelmum fingens alma rerum mater <sup>Ortus</sup>  
 Natura, dubia fuisse videtur, Herculem an <sup>ejus.</sup>  
 Amorem formaret. Formavit utrumque. In  
 eo ornando Veneres & Gratiae fuerunt Natu-  
 rae ministræ. Post atrox belli septennalis Europæi incendium, pa-  
 ce Neomagi terra marique conclusa, Carolus Wilhelmus lucem  
 aspexit Caroloburgi, die 28. Januarii A. 1679. vera Pacis propago.  
 Erectam & vividam indolem mirati sunt doctores, qui scientias &  
 artes instillabant ephebo.

Adolescens Laufannam & Genevam missus est A. 1690. <sup>Studia li-</sup>  
 quum Palatia, Arces, Castella, urbes, oppida, vici & villæ <sup>terar.</sup>  
 Marchionatus Badensis, bellico nuper incendio flagrantibus, adhuc  
 fumassent. Elegantioribus ibi literis incubuit strenue; ut juvenis  
 privatus. Ex Helvetia redux, A. 1692. profectus est Trajectum  
 ad Rhenum; politicis & Juris publici disciplinis, Principi regenti  
 futuro præsertim necessariis, operam daturus. Tantus ardor fuit

CAROL.  
WILHEL.

Principis ephebi, ut ab ore Professorum assiduus hæreret auditor, ipseque sententias & præcepta eorum avidus suo calamo exciperet; domum reportaturus thesauros, quos suo tempore in Marchiæ suæ sinum effunderet. Scripta hæc hodieque in scriniis Aulæ servantur.

## §. II.

Itinera  
Anglic.

**T**rajecto in Angliam vicinam mari, A. 1693. bis iter suscepit. Primum cum Gemmingio, suo Ephoro, solus, ubi Regiam Aulam, Magnates, Viros illustres & doctos omnis generis, Urbes, Emporia, Portus, Academias adiit, nihil visu dignum omittens; mense Junio redux Trajectum.

Fine anni Ludovicus Bada-Badensis quum in Angliam transiret; de belli ad Rhenum, contra Gallos gerendi, summa deliberaturus cum Rege, juvenis Marchio agnatum comitatus est; tanti Herois vestigia in ipso quoque secuturus itinere. Helvoet-flusii duo Marchiones quum conscenderent navem, exorta fuit tempestas, transitum quæ prohibitura videbatur. At necessario transeundum. Liberis tum carebat Ludovicus Wilhelmus. Carolus Wilhelmus sedecimo ætatis anno, cum unico fratre, unica spes fuerat Domus. Gloria & spes tantæ prosapiæ credita tum ventis & fluctibus maris. Julii Cæsaris exemplo Heros Badensis navarchum excitare tum poterat, Ludovicum vehis & Ludovici fortunam. Ad Withaliam appulit navis undecimo Januarii. Amicitiae testimonia, honores, quibus a Rege & ab omni ejus Aula exce-



ptus est Ludovicus Wilhelmus, in ejus vita exposui. (a) Rediit ad Batavos die 14. Martii 1694.

Primum iter in Angliam Principi nostro fuit utile; alterum fuit gloriosum. Agnatus & comes itineris tanti Herois spem Anglis injecit Principis, non Domui tantum suæ, sed & universæ Germaniæ futuri ornameto.

### §. III.

**E**x Britannia redux agnatum in castra sequi decrevit. Tirocin. militiæ. Interfuit tum quoque bello patruus, Carolus Gustavus, in Circulo Suevico tormentorum Præfectus. Tantis sub præsidibus tirocinia militiæ A. 1694. fecit Carolus Wilhelmus; a Musis ad Bellonam progressus; in cujus schola ille tam celeriter ac in altera profecerat.

Vix reversus e castris, ante finem anni, Italiam petiit; Iter Ital, admiranda veteris & junioris ævi monumenta visurus. Ad infimam usque penetravit Italiam; peregrinator curiosus; in reditu Casalæ urbis obsidioni interfuit. Florentia terræ motu quassata, domus, quam Princeps noster inhabitaverat, concidit, quum ex ea vix pedem promovisset.

Denique aliud majoris momenti iter per præcipuas Germa- Iter Sue-  
cicum. niæ septentrionalis Regiones Daniæque Regnum Carolus Wilhelmus A. 1696. medios inter belli tumultus suscepit; profecturus in

Y y 3

CAROL.  
WILHEL.

Sueciam, ut ibi Regem & Regiam matrem, materteram suam, inviseret, quæ fui ex forore nepotis fortunæ & gloriæ generose invigilaverat. Appulit ibi Martio mense.

## §. I V.

Spes ma-  
trim.Sue-  
cici.

Hedwigis Eleonora, Caroli Gustavi, Regis Sueciæ, vi-  
dua, ex Holfatiæ Ducum familia prodiens, Hedwigi Sophiæ, pri-  
mogenitæ Caroli XI. Regis filiæ, nepti suæ, Carolum Wilhel-  
mum destinaverat maritum. Rex & omnis Regia Aula florentif-  
simum septendecim annorum adolescentem omnibus amicitiae te-  
stimoniis excipiebant. Matrimonio hoc Regia Suecica Domus  
cum Marchica Badensi perpetuo sanguinis vinculo jungenda vide-  
batur. At res caruit successu. Princeps maritandus, non satis  
cautus, & liberius vivens, displicuit Suecis, ubi severiores illo  
tempore mores regnabant.

Enimvero monitore & consilio egens juvenis Princeps, co-  
mites habuerat, experientia rerum destitutos & consilii inopes, in  
quibus præsidium ille nullum invenit, sibi soli relictus. Amissa  
matrimonii spe, post septem ibi mensium moram, Holmia profe-  
ctus est.

Res, ut geri debuerat, si gesta fuisset, Regium in Domo  
Badensi jam diadema splenderet. Bipontino-Palatinis apud Sue-  
cos extinctis, virtute matrimonii hujus successissent Baden-  
ses; Hasso-Cassellanis & Ducibus Holfatiæ exclusis, qui jus suum  
a Caroli XI. filiabus deducunt, quarum senior Hedwigis Sophia,



Carolo Wilhelmo destinata, dein nupfit Friderico IV. Hofatiæ Duci, unde Holfatici juris in Suecicam coronam origo. (b)

CAROL.  
WILHELM.

§. V.

Quam Suecia Carolo Wilhelmo recusaverat conjugem, ei obtulit Wirtenberga; reciproco utriusque Domus matrimonio læta; quæ Principem Virginem Durlacensi Domui dedit, ut ex eadem Principem pro Wirtenbergica acciperet Domo. Ceremonia duplex A. 1697. peracta; tempore, quo Pace Rifvicensi reddita fuit Germaniæ quies; insecuta Caroli II. Regis Hispaniæ morte de novo turbanda.

Matrim.  
Wirtenb.

Enimvero novi seculi ortus novæ quoque tempestatis bellicæ epocha fuit, quæ tredecim per annos per Europam detonuit; cujus prima fulmina plerumque ad Rhenum & in Marchia vibrantur. Fida hæc Rheni & Germaniæ custos; novennialibus belli præcedentis furoribus agitata, nondum respiraverat, quum novum in ea belli resurgeret theatrum; in quo Carolus Wilhelmus omnium judicio strenuus comparuit athleta; magno agnati sui, Ludovici Badensis, animatus exemplo.

Bellum  
de suc-  
cess. Hi-  
span.

(b) Domus Durlacensis, extincto Carolo XII. Sueciæ Rege, jus in Sueciæ Regnum alio ex fonte derivavit GOTTFRIDUS RUHLMANNUS, Confiliarius Schwarzburgicus, qui scripto, A. 1722. typis vulgato, ostendere studuit, in Regium Sueciæ solum Carolo Wilhelmo Badensi potius, quam Carolo Friderico, Holfatiæ Duci, & Gustavo Samueli Bipontino jus competere, gradu prior quod esset. Jus Badense autem a Christina Magdalena Bipontina, Caroli IX. Regis nepte, Friderici Magni matre, Caroli Wilhelmi Marchionis avia, deducit.

CAROL.  
WILHEL.

Conscribendus ad defensionem miles, parandæ legiones, constituendi militares Præfecti. Sueviæ Ordines, quibus virtus Marchionis juvenis nota, Tribuni militum summique vigiliarum Præfecti munus ei contulerunt unanimes.

## §. V I.

Obsidio  
Landav.

A. 1702. bellum a Cæsare & Imperio declaratum est Gallis. Landaviæ obsidio a Ludovico Badensi, belli duce, suscepta; in qua singularem egregiæ fortitudinis sibi laudem Marchio noster comparavit. Hostis die 14. Aug. ex urbe erumpens, ex vallis, quæ circumdabant urbem, jam ejecerat Cæsareos. Carolus Wilhelmus, revocatis in pugnam militibus, tanta vi repulit hostes, festinato ut cursu repeterent urbem. Marchio fortiter dimicans, grave vulnus in femore accepit, ex quo diu decubuit. (c) Josephus, Romanorum Rex, literis ad Carolum datis, magnam ei fortitudinis laudem adscribit.

Proelium  
ad Frid-  
ling.

Restitutus a vulnere, ad copias, quæ tuendæ Brisgoviæ ad Fridlingam substiterant, eodem anno se contulit. Galli, cum valido exercitu Rhenum ad Huningam transgressi, tanta vi Cæsareos, viribus inferiores, adorti sunt, ut equitatu primo impetu pul-

---

(c) MARTINIERIUS in *Historia Ludovici XIV.* Principem nostrum in oppugnanda urbis obsessæ fossa una cum Comite Sueffionense & Comite Koenigseggii periisse perscripsit. Eadem habet QUINCY *Hist. militaire de Louis le Grand* Tom. III. pag. 589. ROUSSET *Histoire militaire du Prince Eugene* Tom. II. pag. 62. & ipse AUCTOR *Theatri Europæi* Tom. XI. pag. 1151.



pulso interfectoque Furstenbergio Comite, copiarum duce, aciēs inclinaret ad fugam; quæ Caroli nostri virtute restituta est. Ille cum Wilhelmo Friderico, Onolsbacensi Principe, ordines turbatos refecit, magno ardore pugnam instauravit, dubiamque fere reddidit victoriam Gallis; (d) sed magna virtute pugnans, grave vulnus accepit.

Fortitudine Caroli Sueviæ Ordines moti, summum copiarum Circuli Legatum (e) eum eodem anno renunciarunt.

## §. VII.

A. 1703. Kehlense propugnaculum expugnatum a Gallis; Vallum Stolhov. in mediam penetraturis Germaniam; nisi Princeps noster cum Ludovico Wilhelmo, agnato suo, exercitus ductore, vallo a Nigræ silvæ saltibus per Buhlam ad Stolhovam & ad Rhenum usque constructo, impetus hostium & incursiones retardasset. Denique cum Stirumio Comite, Campi Mareschallo, qui ad Danubium castra habebat, Princeps noster suas copias junxit.

Galli, vallo Stolhovienfi neglecto, per Kinzingæ vallem in Sueviam penetraverant; Stirumium vigesimo Septembris ex improvise aggressi. Dissipatus fuerat equitatus Cæsareus; impedimenta direpta. At Carolus Wilhemus cum Principe Anhaltino Dessaviæ copias pedestres ingenio suo & arte militari, mediis ex hostibus, levi detrimento accepto, recepit.

Tom. IV.

Z z

(d) Conferatur Tom. III. pag. 240.

(e) General-Feldmarschall-Lieutenant,

CAROL.  
WILHEL.

Rebus tam gloriose gestis, promeruit juvenis heros, ut Leopoldus Imperator die 20. Nov. supremum exercitus sui eum constituerit Legatum. (f)

Prælium  
ad Spir-  
bach.

Tallardus, Gallici exercitus dux, eodem tempore Landaviam obsedit. Landgravius Hassiæ & Nassoviæ Comes ad liberandam urbem copias adduxerunt e Belgio; Marchionem nostrum invitantes, ut expeditioni huic accederet socius. Accessit, & cum parte copiarum prope Manhemium substitit; Rhenum transire non ausus, donec de sententia Ludovici Badensis, ad quem summa rerum spectabat, per nuntios certior fieret. Inter hæc Tallardus gravi ad Spirbacum prælio Germanicum exercitum oppressit. Marchio, reductis copiis, in sequenti hieme Stoltzoviani valli curam & custodiam habuit.

#### §. VIII.

Prælium  
ad Hoch-  
stad.

Ineunte A. 1704. Tallardus ad Huningam superaverat Rhenum, novas Bavaro ut adduceret copias. Carolus Wilhelmus Eugenii Principis, qui Tallardum observaturus ad Danubium accesserat, secutus est castra, atque inter equitum Præfectos celeberrimæ ad Hochstadium pugnæ die 13. Aug. magna cum laude interfuit. (g) In dextro enim cornu collocatus, Gallorum aciem, opportunitate loci superiorem, quarto impetu fregit & tanta ipse

(f) General-Feldmarschall-Lieutenant.

(g) Adi Tom. III. pag. 258.



pugnavit audacia, ut signum militare, manu sua detractum signifero, ad suos pertulerit.

CAROL.  
WILHEL.

Post Hochstadiense proelium altera Landaviae a Cæsareanis suscepta est obsidio. Carolus Wilhelmus die 20. Sept. hostes ex ea identidem erumpentes, in urbem rejecit, eaque capta, durante hieme, ad Stolhoviani valli custodiam rediit. A. 1705. Suevici Ordines eum tormentorum Præfectum renunciarunt supremum.

Marchio  
tormen-  
tor. Præ-  
fect.

Maxima inde Cæsarei exercitus pars sub Wirtenbergæ Duce Treviros petiit, ut junctis cum Marlboroughio armis, ad Mofellam transferretur belli theatrum. Marchioni nostro & Thungio, Campi Marefchallo, Rhenensis superior tractus cum Lauterburgico vallo commissus est, ut modica utrumque manu defenderent. Villarsius, Julio ineunte, cum iusto exercitu aggressus est vallum; sed re infecta in Alsatiam se recipere coactus est. Paulo post Cæsarei in Alsatiam irruptionem fecerunt. Marchio commeatum curam suscepit.

Vallum  
Lauterb.  
propu-  
gnat.

### §. I X.

At A. 1706. ipse cum Thungio copias in Alsatiam duxit; a Germania ut averteret Gallos. Ob paucitatem suorum proelio tamen decertare non ausus, intra munitiones se continuit. Thungius, a Ludovico Badensi Rastadium, ubi ægrotabat, evocatus, Carolo Wilhelmo soli tradidit militare imperium; quod feliciter gessit; omnes Villarsii eludens conatus. Sed post Thungii redi-

Gesta re-  
liqua.

CAROL.  
WILHEL.

tum Duces Cæsarei, quod appropinquaverat hiems, relictis Alsatiae castris, cum exercitu Rhenum transierunt.

Ludovici Badensis obitus A. 1707. Germaniam vehementer afflixerat. Galli duabus ex partibus vallum, Rhenum inter & Silvam Nigram, perrumpere studuerunt. Villarsius fine Maji cum triginta millium armatorum exercitu illam ejus partem, quæ oppidum Buhlam tangebatur, aggredi constituit. Tantis viribus impar Carolus Wilhelmus, quum duo tantum peditum millia & sexcentos fere equites sub signis haberet, Wirtembergæ Ducis imploravit auxilium; qui alteram valli partem, versus Rhenum prope Stoltzhovam quinque millibus armatis defenderat. Sed alia via transierant hostes. (h) Marchio vigesimo tertio Maji quarta vigilia, militibus paucis in vallo relictis, ipse cum maxima equitatus parte discessit, equitibus imperans, ut ad primum hostium impetum, reliquis peditibus post terga receptis, sequerentur. Ita incolumis cum omnibus copiis Carolus Wilhelmus Pforzheimium evasit, ubi ceteris se ducibus, qui a vallo quoque discesserant, conjunxit. Inde brevi post cum duabus cohortibus missus est Ulmam; urbem consilio & manu Præfectus ut regeret. Paulo ante Cæsar, literis die 12. Maji datis, supremi rei tormentariæ Præfecti ei munus commiserat.

A. 1708. Bellum molliter gestum est. Vallum ad Etlingam constructum, cujus defensionem Marchio suscepit. Anno sequenti pater ejus decessit.

---

(h) Conf. Tom. III. pag. 270.



## §. X.

**T**um vero a bellicis octo annorum curis ad terrarum sua-<sup>Regi-</sup>  
rum regimen, quod felicibus auspiciis adiit, conversus est belli<sup>men adit,</sup>  
dux; eo feliciore cum conversione rerum, quod Germanicus ad  
Rhenum exercitus necessariorum rerum copia plerumque carebat;  
qua de re Ludovicus Wilhelmus, ut in Vita ejus edocui, toties  
fuerat conquestus.

Carolus VI. A. 1711. electus est Cæsar. Post electionem  
ex Hispania in Germaniam transeunti, Oenipontem usque obviam  
Marchio processit, indeque Venetias iter instituens, sequenti de-  
mum anno rediit domum.

A. 1712. Suevicam, cui præerat huc usque, Ordinum Le-  
gionem, fratri suo Christophoro tradidit.

Apud Helvetios atrox hoc tempore civile flagraverat bel-  
lum, ab Abbate S. Galli excitatum; qui Toggenburgensium mo-  
tum auctor fuit atque promotor. Carolus Wilhelmus vicinus &  
amicus Helvetiæ, omnem operam dedit, ut bellum, magno ani-  
morum ardore gestum, componeretur. Pacifica sua ut interponeret  
consilia, Cæsar ipse, Palatinus Elector, Wirzburgensis Episcopus  
& Wirtembergæ Dux, Marchionem suis litteris hortati sunt.

Inter hæc Galli, composita cum Anglis & Batavis Ultra-  
jectina pace, quum in Germaniam belli molem converterent, Mar-  
chicæ terræ ab exercitibus utrimque multa mala perpeffæ sunt,

CAROL.  
WILHEL.

quæ suis consiliis suaque autoritate Princeps, quantum in ipso erat, correxit.

## §. XI.

Prælim.  
Pacis  
Raftad.

Pacificationi, inter Gallos atque Imperium Raftadii celebratæ, interfuit, suis ipse rebus intentus. At Badam Ergoviæ, ubi pax consummata, suos misit Legatos.

In omni hujus belli decursu non modo Ludovici Badensis, agnati sui, sed & Eugenii, herois illius Sabandi, amicitia usus est familiari.

Literæ  
Eugenii  
Princip.

Primæ quum emicuiſſent pacis ſcintillæ, Sabaudus, Raftadii verſatus, die 5. Januarii A. 1714. literas dedit ad Carolum Wilhelmum, quibus ei ſignificat, Galliæ Regem pronum eſſe ad pacem ineundam cum Cæſare, & quidem conditionibus minus duris, quam fuerant Ultrajectinæ. Primum hac ſuper re nuntium ab Aulæ Electoralis Palatinæ Adminiſtris ſe accepiffe, eumque in finem cum Villarſio, Franciæ Mareſchallo, nuper die 26. Decembris A. 1713. Raftadii inſtituiſſe colloquium. Addit, ſpe tamen ſe fuiſſe deceptum; Gallos enim Landaviam & Fortalitium Ludovici velle retinere, nec reddere Friburgum, niſi eis Briſacum & Kehla, aut Philippiburgum reddantur, vel certe munimentis priventur. Baviariæ & Coloniæ Electorum reſtitutionem, cum reparatione damnorum, ante omnia peti. Conditiones has reje- ciſſe ſe ſcribit Sabaudus, & Raſtadio paſſe diſceſſum; at a Vil- larſio ſe fuiſſe retentum, qui Regis ſui expectarat reſponſa. Rediit



Verfallis nuntius. De restitutione Electorum Rex nihil remisit. Remisit reparationem damnorum; Fortalitium Ludovicianum atque Landaviam se non redditurum professus. Sed & de limite Alfatiae actum. Rhenus & Queicha Germaniam inter Galliamque termini petebantur. Regium axioma postulatum pro Bavaro. Sabaudus auguratus est, recurrendum ad arma. Hæc epistolæ summa, quam ad Marchionem perscripsit. Conjectura tamen Sabaudum fefellit. Ad maturitatem pervenerunt Rastadii Præliminaria pacis.

## §. XII.

Marchio ad Imperatorem, ad Comitæ Augustana, ad Eugenium Sabaudum, & ad Villarsium, Rastadii hærentes, die 11. Maji 1714. literas perscripsit, in quibus mala, quæ superiore & nostro hoc seculo Marchia Badensis perpeffa est, graviter depingit, petitque, gravaminum suorum ut habeatur ratio. Eugenius & Villarsius humanissimis formulis Marchioni responderunt uterque; in ipso futuræ pacis negotio optima quæque polliciti.

Pax denique Badæ Helvetiæ quum eodem anno constitueretur, compositoribus pacis per legatum quatuor petita sua obtulit Marchio.

Petiit primo, ut jurium suorum in Geroldseccianæ Dynastiae allodia tandem ratio habeatur.

Secundo, ut Civitas Neoburgi ad Rhenum, bello everfa & Badensibus circumdata terris, ab Austriaca domo tradatur Badensi; ob damna bellorum sine fine accepta,

CAROL.  
WILHEL.

Tertio, ut eadem Domus eandem ob causam ab oneribus Imperii & Circuli liberetur ad tempus.

Quarto ut ad simultaneam investituram bonorum, de quibus ab aliquo tempore investiti fuerunt Marchiones Bada-Badenses, admittatur quoque Durlacensis Domus. (i)

Restituta pace, redditæ quidem sunt Marchioni a Gallis insulæ Rheni; Huningæ munimentis vicinæ; (k) damnorum autem, quæ passus est immensa, nulla habita ratio.

### §. X I I I.

Fœdus  
contra  
Nobilit.

**M**aulbronnenſe illud Principum contra Nobiles, Cæſari ſine medio ſubjectos, olim initum fœdus, A. 1713. die 11. Febr. inter Principes renovatum eſt. Firmarunt illud Johannes Wilhelmus, Palatinus Elector; Johannes Philippus, Herbipolitanus Episcopus; Georgius Wilhelmus, Baruthinus, Wilhelmus Fridericus, Onolzbacenſis, Marchiones, Eberhardus Ludovicus Wirtembergæ Dux, & Erneſtus Ludovicus, Darmſtadienſis Landgravius. Carolus Wilhelmus noſter, a Landgravio invitatus, fœderi acceſſit. At Cæſar non probavit hoc fœdus.

Bellum  
Turci-  
cum.

A. 1715. Turcicum in Hungariæ finibus bellum, felici cum ſucceſſu, a Cæſare geſtum eſt. Bis mille militum Legionem ei A. 1716. Marchio in auxilium miſit; uſum ejus ad decennium Cæſari relinquens; qui ſupremi caſtrorum Mareſchalli dignitate eum

con-

(i) *Electa Juris publ.* Tom. VI. pag. 693. ſeq.

(k) *Vid. Inſtrum. Pacis Badenſis* Art. VIII.



condecoravit. Finito decennio, Legionem omnem Cæsari in perpetuum reliquit.

#### §. XIV.

Alta quies apud Germanos, post duodecim annorum bella, quum tandem regnasset, Carolus Wilhelmus de sua quoque quiete & otio sollicitus, Palatium CAROLSRUHAE exstruxit. Quindecimus hujus seculi annus Palatio & oppido suas dedit origines.

Ad consilium hoc fuscipiendum non una eum impulerat ratio. Vix quarta pars Caroloburgici apud Durlacenses Palatii a patre fuerat magnis sumptibus constituta. Filius immanes timens impensas concinnius meditatus est opus, in quo agriculturæ & hortorum studiosus, liberius, tranquillius, sine curis, rusticam veluti vitam transfigeret.

Elegit ergo novæ fedi silvam magnitudinis immensæ, quæ bis mille passibus, versus boream, distat Durlaco. In silva hac prostravit arbores, robora, quercus annosas, ut viridaria vasta, xyftos, ambulacra & hortos omnis generis, stagna, piscinas, ex ingenio ipso suo ordinaret, plantaret; Imperatoris Diocletiani imitatus exemplum. Ipse totius operis architectus; quin & sæpe hortulanus. Placuit ei circularis forma, quæ Palatium, oppidum, hortos & silvas suo ambitu complexa est.

Octangula turris est; a qua XXXII. viæ plurium horarum pulcherrimæ; radiorum instar, ad peripheriam procedunt.

CAROL.  
WILHEL.

Viæ latæ & amœnæ; per densas filvas directæ. Primum ejus lapidem posuit Princeps die XVII. Junii, ceremonia solenni; novum quæ peperit Ordinem Equestrem; secundum Ordinis Torquatorum in Badensi Domo exemplum. (kk)

A nomine & ab otio suo locum CAROLSRUHAM vocavit. Nummus memorialis hac super re cufus est, quem suo loco exhibeo. (l)

## §. X V.

Palatium  
Principis.

Ante turrim Palatium Principis figura curva extenditur; aspiciens austrum. Palatio spatiosus prætenditur hortus; rarioribus vegetabilis regni plantis, & fruticibus confitus; quem porticus circularis vel peristylum cingit, ædibus altioribus constans, quæ aspiciunt Palatium; retro quod spatiosa est silva phasiana.

Civitas  
ipsa.

Reliqua pars Circuli, quæ totius est quarta; destinata fuit Civitati, novem perviæ viis; quæ totidem radii sunt, ab octangula illa turri, ad extrema tendentes. Radios hos lata, elata

---

(kk) Ernestus Fridericus *Fasciæ cæruleæ* instituit Ordinem, qui brevi duravit. Vide supra pag. 118.

(l) Epigraphe, Tabulæ insculpta Palatio primo, ligneum quod erat, his constitit verbis: Sylva domicilium ferarum fuit anno MDCCXV. COSMOPOLITA pro requie invenienda stationem meam hic elegi, ut mundo fastidiisque abstraherer. O vanitas! nullam inveni. Ubi homo, ibi mundus. Contra vóluntatem meam populus affluxit civitatemque erexit. VIDE VIATOR homo proponit, DEUS disponit. Non voluntas, sed gratia ter optimi requiem animi dat, quam sperat CAROLUS. Anno MDCCXXVIII.



& longissima via publica permeat, Civitatem in duas difsecans partes; quarum exterior fossa provinciali terminatur. Viam hanc duæ Ecclesiæ, Gymnasium, & Curia Civitatis versus boream aspiciunt.

Aulam cum oppido a parte orientis equilia & hippodromium; a parte occidentis xyfti & phytothecæ plures, arborum fruticumque rariorum per hiemem custodes, connectunt.

Templum Civitatis A. 1717. Concordiæ dedicatum est Calendis Novembris. Reformati suam quoque condiderunt Ecclesiam; suam Romano-Catholici. Nec recusata Synagoga Judæis.

A. 1718. Consilium Aulicum, Tribunal Justitiæ, Camera Redituum, Expenfarum, Computorum, Consistorium, Fiscus, Durlaco Carlsruham translati sunt. Gymnasium nonnisi A. 1724. translatum.

Privilegia Civitati quæ concessit magnanimus Princeps, omnium Religionum Protector, facile effecerunt, numerus civium ut subito cresceret. Carolsruha, lignea tum licet ac simplex, ex improvise e terra sine fastu exsurgens, concinnitate & novitate formæ, omnium exterorum allexit oculos. (m) Ligna successor convertit in lapides.

### §. X V I.

Equester *Fidelitatis* Ordo, cujus origines cum Carolsruha communes sunt; duo Insignia habet, quorum alterum pendet ab

Ordo Fidelit.

Tom. IV.

Aaa 2

(m) MALSCHIUS in libro, cui Titulus: *Noctes vacivæ* seu Miscella curiosa A. 1728. Carolsruhæ edita, 8vo has descripsit origines,

CAROL.  
WILHEL.

Equitum collo; alterum sinistro togæ lateri assutum. Crux aurea operis encausti, in octangularem cuspidata formam, prius Insigne est; cui vox *Fidelitatis* superscripta. Litera C. duplex, altera alteri implicata, *Caroli* conditoris nomen Equitibus semper in memoriam revocat. Fascia, cui appensa crux aurantii coloris, cum argenteo limbo ad pectus usque descendit. Crux, togæ assuta, argentei coloris, grandior stellâ extans & undatim striata. Inter quatuor stellæ radios repetita est quoque litera C. duplex, ut in cruce appensa.

Mediocris primitus fuerat horum Equitum numerus, qui hodie ad LXV. excrevit. Ordinis Præses est Marchio Durlacensis Regens; a cujus arbitrio numerus Equitum pendet. Omnes Principes Domus Badensis nascuntur hujus Ordinis Equites. Amicitia, temperantia, fides, commendantur Equitibus. Hi autem, ante receptionem, quatuor nobilitatis majorum suorum gradus a parte patris & matris probare tenentur. Carolus Wilhelmus, novi Ordinis conditor, ipse fuit Ordinis S. Huberti Eques, quem a Johanne Wilhelmo Electore acceperat.

Instituta hæc splendori Domus & Aulæ suæ Marchio noster dicavit. Transimus ad aliud, moribus corruptorum civium corrigendis & miseriæ humanæ sublevandæ dicatum.

## §. X V I I.

Orphanotroph.  
Pforz.

A. 1716. optimus Princeps orphanis, pauperibus & hominibus infirmis alendis; facinorosis, prodigis, dementibus, coër-



cendis; pueris atque puellis erudiendis, amplissimas Pforzhemii ædes construxit; intra biennium absolutas. Inaugurationem Calendis Maji 1718. factam, Carolus Wilhelmus sua præsentia illustravit.

Egregium hoc institutum redditibus a Marchione instructum est. Inter alia Collegiatae D. Georgii Pforzheimensis, ut & omnium xenodochiorum, quæ in Marchia fuerant, eidem instituto attributi sunt redditus.

A. 1718. Carolus Wilhelmus cum Augustino, Abbate & Conventu S. Blasii varias difficultates composuit. Jura in vico *Ried*, a Marchionibus hucusque exercita, Abbatiae reliquit; ita tamen, ut Protestantibus ibi sacrorum libertas, sibi jus circa sacra servaret. (n) Decimæ in Sallneck, Tüllicke, Demberg, Oberhaüßem; decimæ novales in Wittnau & Vogelbach; Curiae dominicales in Hachbergæ, Roetelæ, Badevillæ Dynastiis, antea abolitæ, ut & decimæ plures aliaque hinc inde jura, pactione hac San Blasianis concessa.

Novæ dein lites sub eodem Marchione quum fuissent exortæ, A. 1733. alia inita est Conventio, qua Carolus Wilhelmus nonnulla denuo jura reliquit Abbati, qui vicissim juri collaturæ in Hügelsheim renunciavit.

Aaa 3

---

(n) Conventio hæc immutata est nova transactione A. 1751, de qua suo loco.

CAROL.  
WILHEL.

## §. XVIII.

Lis super  
Dynast.  
Lahr.

**D**isputatio cum Nassovio-Saræpontana Domo super Lah-  
rana Dynastia A. 1719. recrudit. Ad perficiendum negotium  
Missi ut constituerentur a Cæsare Nassovii petierunt, per quos in  
possessionem Lahræ immitterentur; diuturna possessione & perce-  
ptione reddituum, Badensibus sortem pecuniæ restitutam esse cau-  
sati. Judicium Aulicum die 6. Julii rem ad Cameram Imperii, quæ  
seculo superiore eam examinaverat, remisit, atque Rescripto d. 22.  
Maji 1720. Carolo Wilhelmo Marchioni injunxit, ne usuras, sen-  
tentia declaratoria A. 1670. qua moratorium ad causam Lahrensem  
extensum est, abolitas, rationibus inferret, atque in ejus rei fidem  
rationes, a Missis Cæsareis adornatas, intra bimestre tempus Ju-  
dicio Aulico exhiberet. Rescripto huic non paruit Marchio. Ju-  
diciū Aulicum A. 1721. d. 27. Jan. Electori Palatino & Hasso-  
Cassellano Landgravio rei executionem commisit. Camera Im-  
perii d. 11. Junii ejusdem anni mandatum inhibitorium Marchioni  
concessit, quo vetuit, ne rationum traditio & immissio Nassovio-  
rum in Lahræ possessionem in Judicio Aulico urgeretur ulterius.

At A. 1725. Cæsaris sententia Nassoviis Lahram addixit. (o)  
Ipso autem executionis sententiæ tempore, inter Durlacenses &

---

(o) Edita a Durlacensibus sunt varia scripta.

1) Actenmäßiger Bericht in Sachen Baden-Durlach contra Nassau-  
Saarbrücken die Herrschaft Lahr betreffend.

2) Höchstgemüßigte Vorstellung derer Hochfürstl. Baaden-Durla-  
chischen Gerechtsamen wider das Fürstl. und Græßl. Haus Nassau die  
Herrschaft Lahr betreffend.



Nassovios A. 1727. ita transactum est, ut hi Lahrensi Dynastia, quam Durlacenses per sexaginta sex annos possederant, recepta contenti, fructus, a Durlacensibus perceptos, cum creditis & augmentis compensarent.

## §. X I X.

Senior Brunsvicensium Linea in Nono Electoratu stabi-  
liendo præterita, Carolo VI. Imp. per conjugem Elisabetham affi-  
nitate juncta, A. 1719. magnopere laboravit, ut extincta Hano-  
verana Linea, in Nonum Electoratum succedendi spes illi decer-  
neretur.

Extensio  
IX. Ele-  
ctor.  
quæsitæ.

Speciatim Ludovicus Rudolphus, Blanckenburgicus, (p) Cæsaris focer, in senatum Principum se admitti postulavit. Cæsar  
per legatos rem in Comitibus & in singulorum Principum Aulis  
proposuit.

Suffrag.  
Blan-  
ckenb.

Carolus Wilhelmus, cui Brunsvicenses fratres, Augustus Wilhelmus & Ludovicus Rudolphus, ut & Georgius Magnæ Britanniae Rex, per literas, eodem anno scriptas, causam hanc eni-

3) Summarische Vorstellung, was in Sachen Baden-Durlach contra Nassau-Saarbrücken puncto declarationis moratorii vor einem hochpreislichen Reichs-Hofrath vorgegangen.

4) Kurtze Gegenbeleuchtung, Einiger vor wenig Zeit erschienenen und ohngefähr zugeschickt gekommenen Nassauischen Impressorum den Streit super moratorio zwischen Baaden-Durlach und Nassau-Saarbrücken betreffend.

(p) Blanckenburgum A. 1708. ex Comitatu in Principatum fuerat conversum. Intuitu novi hujus Principatus locum & suffragium in Principum Collegio flagitavit Ludovicus Rudolphus.

CAROL.  
WILHEL.

xe commendaverant, desiderio eorum & Cæsaris voluntati se non defuturum ostendit. In Comitibus tamen plures per annos res fuit protracta.

Landgra-  
vior. lite-  
ræ.

Uterque Landgravius Hassiæ literis A. 1727. ad Marchionem datis, rem periculi plenam esse judicarunt. Hac enim spe ad novum Electoratum, novam Principum Ordini parari injuriam. Blanckenburgense suffragium reliquis Brunsvicensium si innectatur suffragiis, Principum alternantium ordini atque dignitati id fore periculosum.

Respon-  
sio March.

Respondit Badensis, rem impediri non posse. Consultum tamen judicavit, intuitu noni Electoratus, ad Guélpherbytanam quoque Lineam extendendi, ut Principes certis sibi conditionibus prospiciant. Dandum aliquid dignitati Cæsaris & affinitati, qua ille Ludovico Rudolpho conjunctus. In eandem sententiam Carolus Wilhelmus ad Legatum suum in Comitibus fine hujus anni scripsit.

## §. XX.

Turbæ  
Basil.  
Episcop.

Circa id tempus Basiliensis Episcopatus magnis motibus concussus est sub Conrado Episcopo. Ordines provinciales subditique graves contra eum proferebant querelas, quæ bellum intestinum minabantur. Cæsar subditos, ad officium ut redirent, frequentibus mandatis hortatus est. Missus ab eo Austriaci Regiminis Friburgensis Cancellarius; in subditorum conatus ut præsens inqui-



inquireret. Carolus Wilhelmus, ad Episcopi Spirensis instantiam, suum quoque misit Legatum, qui anno 1732. & sequente componendis turbis operam navaret Brondruti. Sed irritus labor. Incolarum furor per octennium sæviit; Gallicis copiis atque supplicio auctorum rebellionis denique repressus.

Solemnia nuptiarum Augustæ Mariæ, Ludovici Badensis filiæ, cum Aurelianensium Duce A. 1724. die 18. Junii celebrata sunt Raftadii. Carolus Wilhelmus festivitati interfuit; novum Domus Badensis cum Borbonia vinculum agnato suo sibi-que gratulatus.

A. 1726. Castrum & vicus Bauschlott perpetuo vinculo <sup>Bauschlott.</sup> conjuncti sunt Marchiæ. Landenbergensis Familia illud quondam possederat, ex qua Johannes Christophorus Castrum & vicum cum juribus & bonis annexis A. 1604. Georgio Friderico Marchioni vendidit. Marchio in Erhardum Rammingium A. 1609. illud transtulit; a cujus successoribus denique Carolus Wilhelmus illud redemit.

## §. X X I.

A. 1729. mense Dec. Judicium Rotvilense Aulicum subdi- <sup>Judic. Rotvil.</sup> tos aliquot Marchionis e vico Schellbronn proscribere ausum est; lite exemptionis fori coram Tribunali Aulico Imperii adhuc pendente. Rotvilenses Vafallo Marchionis, Baroni de Gemmingen, ut & incolis vici per literas minaces prohibuerunt, ne proscriptis

CAROL.  
WILHEL.

viſtum receptumque præberent. Querela ad Marchionem delata. Hic adiit Cæſarem & ab eo mandatum contra Judicium Rotvilenſe petiit atque impetravit.

Comitat.  
Moer-  
ching.

A. 1730. familiæ erciſcundæ ultimi Moerchingæ in Lotharingia Comitis Johannis X. fine maſcula prole A. 1688. defuncti, cauſa, diu agitata in tribunalibus Lotharingicis, Nanceiano & Conſilio Status tandem decifa eſt. Magdalena Wilhelmina, conjux Marchionis, cum fratre, Wirtenbergico Duce, commune jus in partem Comitatus Moerchingæ ſibi competere rata, in coheredum numero comparuit; at cecidit cauſa.

Castrum  
Carlshau-  
ſen.

Castrum Carlshauſen cum parte vici Dürren Carolus Magnus Leutrum ab Ertingen, Domus Badenſis Vaſallus, A. 1730. die 31. Maji quadraginta mille florenis vendidit Marchioni, qui Corpus Equeſtre in exercitio juris collectandi, prouti illud hucusque exercuit, ſe non turbaturum promiſit.

## §. XXI.

Jus in  
ſucceſſ.  
Juliac.

Maſcula Bipontii Ducum ſtirpe A. 1731. cum Guſtavo Samuele extincta, jus aliquod in partem ſucceſſionis Juliacenſis Carolo Wilhelmo accreſcere viſum eſt. Chriſtina Magdalena, Frederici VI. Marchionis conjux, Caroli Wilhelmi avia, neptis fuerat Magdalenæ, tertio genitæ Guilielmi Juliacenſis Ducis filiæ, quæ Johanni Palatino Bipontino in matrimonium collocato, una cum tribus fororibus in Juliacenſes ditiones, tanquam feuda ſucceſſio-



nis promiscuæ, post Johannis Guilielmi fratris obitum A. 1609. jus sibi vindicavit. (q) Christina Magdalena, Friderico VI. nubens, in casum deficientium stirpis Bipontinæ masculorum, sua in Juliacensem successionem jura sibi diserte servaverat. (r) Carolus Fridericus, Holsatiæ Dux, filius Hedwigis Sophiæ Suecicæ, sororis Caroli XII. Regis, ex eadem Bipontina gente prognatæ, in quartam partem successionis Juliacenſis, ad Lineam Bipontinam spectantem, post obitum Gustavi Samuelis, Bipontinorum postremi, jus quoque suum allegavit, & scriptis defendit. Durlacenses tum tempus esse rati sunt, quo & ipsi in successionem hanc sua

Tom. IV.

Bbb 2

(q) Prodiit A. 1654. Vera ac perspicua demonstratio causæ Juliacenſis ſucceſſionis, cujus instrumentum Pacis Art. IV. §. ult. dirimendi gratia meminit, unicum ac solum decidendi principium esse privilegium Carolinum A. 1546. inque eo intentionem Domus Palatino - Ducalis optimo maximo jure fundatam. fol. PUFENDORF. de rebus Friderici Wilhelmi Lib. IX, §. 76. tradit, Palatinum Neoburgicum cum Friderico Ludovico Palatino circa tertiam ejus partem actionis Bipontinæ transegisse, cum reliquarum duarum tertiarum una ad Fridericum Palatinum, altera Regem Sueciæ ejusque patrui atque amicitie spectaret. Regem Sueciæ Carolum XI. hic intelligit PUFENDORFIUS, cujus patruus erat Adolphus Johannes, pater Gustavi Samuelis, Bipontini Ducis; amicitie erant Christina Magdalena, Friderici VI. Marchionis conjux, Maria Euphrosyna, uxor Magni Gabrielis Comitissæ de la Gardie & Eleonora Catharina, uxor Friderici Landgravii Hassio-Eschwegensis.

(r) Vid. §. 23. Vitæ Friderici VI. Marchionis.

CAROL.  
WILHEL.

producerent jura. Carolus Wilhelmus enim non Gustavo Samueli tantum, Bipontinorum Ducum postremo, sed & Magdalenæ Juliacensi, Wilhelmi filiæ, Johanni Bipontino nuptæ, gradu propior erat, Carolo Friderico Holsatiæ Duce. Ulrica Eleonora, Sueciæ Regina, ex eadem Bipontina stirpe progrediens, eodem plane, quo Carolus Wilhelmus Marchio cognationis gradu Gustavo Samueli & Magdalenæ Juliacensi fuerat conjuncta. Unde illa ægre tulit, inter Candidatos Juliacensis successionis comparuisse quoque Holsatiæ Ducem. A parte Badensium nihil memorabile hac in re gestum.

## §. XXIII.

Exules  
Protest.

Protestantes Helvetiæ Cantones A. 1731. literis a Marchione petierunt, ut Protestantibus e Pragelasi aliisque Pedemon-tii vallibus, numero 800. a Rege Sardiniae propter religionem expulsis, miseramque in Helvetia vitam trahentibus, in Marchia permitteret sedem. Carolus Wilhelmus, Gallicas exulum colonias, a patre in Marchiam susceptas, causatus & vastatam bello provinciam, tot hominibus alendis non sufficere providens, petitum denegavit.

Exercit.  
juris mo-  
net,

A. 1732. Ludovicus Georgius, Bada-Badenfis, exercitium juris monetandi in sexennium Carolo Wilhelmo reliquit; qui eodem anno officinam suam Carolsruhæ & A. 1734. Durlaci exer-



cuit. (s) Post hæc de communi utriusque Lineæ officina instituenta deliberatum, sed res non perfecta. A. 1761. placuit, ut monetarii, a Durlacensi Marchione constituti, in utriusque Marchionis fidem adigerentur. Probator monetæ (Müntzwaradein) Durlacensis in Conventu probationis trium Circulorum, Franco-nici, Bavarici, Suevici, Augustæ Vindelicorum eodem anno habito, utriusque Marchionis nomine comparuit & præeunte examine artis suæ testimonium accepit.

A. 1733. Rothbergenfes Nobiles, post longas cum Marchionibus lites, vicum Hertingen in Brisgovia, quem in feudum tenuerant, Carolo Wilhelmo, Marchioni pro 20000. florenis vendiderunt. Eadem pactione mutuis actionibusque utrimque renunciatum est. Emtione hac dominium utile cum dominio directo Marchio conjunxit.

Vicus  
Herting.

## §. XXIV.

A. 1733. exortum est ad Rhenum bellum, propter electionem Stanislai & Augusti III. ad Regium Poloniæ solium. Mar-

Bellum  
Polon.

Bbb 3

(s) Principes vicini potentiores Palatinus & Wirtenbergicus, monetandi arbitrium ut sibi solis vindicarent, Badensem monetam deprimere studuerunt. Res ipsa nunquam in dubium vocata, quippe Principum antiquo jure, Cæsarum privilegiis & Circuli conventionibus innixa. Interim Badensis moneta, pro temporis ratione, nunc rarior, nunc frequentior cusa apparuit.

CAROL.  
WILHEL.

chicæ terræ Gallicis inundatæ copiis. Carolus Wilhelmus evitandis furoribus belli, Basileam se contulit, & soluta quotannis Galliae, durante bello, certa tributum summa, a terris suis multa mala avertit. In bello hoc Marchio noster supremus copiarum Circuli Suevici Campi-Mareschallus creatus est. Post biennium reduces vidit delicias pacis.

Directorium  
Circuli Suev.

Eberhardi Ludovici, Wirtembergæ Ducis, morte A. 1733. Suevici Directorium Circuli, ob conservandam religionis paritatem, sibi deberi, Carolus Wilhelmus contendit. Ulrico Duce expulso, ab A. 1532. usque 1537. idem jus exercuerat Domus Badensis. Responsum est; Directorium non personæ, sed Principatui inhærere. Agnatum successorem, ob sacra mutata, non arcendum esse a prærogativa & juribus, constanter possessis. Alexander, novus Wirtembergæ Dux, Romano-Catholicæ religioni addictus, pollicitus est, Evangelico Corpori se adstiturum constanter & non nisi Evangelicos Legatos ad Circulum missurum; id quod, vivente adhuc Eberhardo, per Literas, die 28. Febr. A. 1733. datas, promiserat.

Vicus  
Crenz-  
ach.

A. 1735. die 2. Maji Marchio noster vicum Crenzach, prope Basileam, a Friderico de Bærenfels, qui a Durlacensi domo eum in feudum tenuerat, pro 32. mille & 500. florenis coëmit. (t)

---

(t) Supererat pars Austriacæ Domus in vico Crenzach admodum exigua, quam denique Carolus Fridericus A. 1741. ab Austriaca quoque Domo acquisivit.



Dimacharum Circuli Suevici Legio A. 1737. Marchionis nostri concredita est imperio.

Eodem anno debitorum Coronæ Suevicæ (u) res agitata. Causa Suecica.  
Junxerant se Badensibus Isenacenses & præsertim Carola Christina, Hassiæ Landgravia, ex Isenacensi Domo prognata, quæ cum Regina Sueciæ, cui amicitiae vinculo erat conjuncta, literis egit, & ut negotium sub examen revocaretur, obtinuit, sed nihil decisum.

### §. X X V.

Annus 1738. vitæ Caroli Wilhelmi fuit postremus. Mense Obitus Marchionis,  
Junio superioris anni apoplexia tactus, utcunque restitutus est; mente tamen semper & animo valens. Expedivit negotia; præfuit rebus; aëre libero semper gavisus. Die 11. Maji cubitum iturus, Aulicis suis lætus valedixit; optime se valere professus. At noctu apoplexia prostratus, morti succubuit; eam nondum expectans. Sepultus est sub altari Carolsruhenfis Ecclesiæ, quam ipse exstruxit.

Testamentum jam A. 1736. die 6. Januarii conscripsit, quo Testament,  
Carolus Fridericum, nepotem suum, juxta leges Domus, renunciavit heredem. Viduæ Marchioni, novi Principis Avia, ut & Carolo Augusto, Christophori, qui defuncti Marchionis frater fuerat, filiorum natu maximo, commendavit successoris tutelam,

---

(u) Vide Vitam Frid. VI. §. 9. & 10.

CAROL.  
WILHEL.

ita quidem, ut Sanctioris Senatus consiliarios eis adjungeret. Bada-Badenſis Marchio & Haſſo-Darmſtadienſis Landgravius inſtituti ſunt executores teſtamenti.

## §. XXVI.

Chara-  
cter,

Princeps fuit indolis amœnæ, vividi ingenii, comis, blandus; nemini non primo ſtatim intuitu amabilis. Magnis rebus gerendis idoneus. Magnitudinis animi & fortitudinis bellicæ non rara proſtant exempla. Res omnes ſuas ipſe vidit, examinavit, tractavit, emendavit, correxit. Præſectis & ſubditis, infimis ut ſummis, liber ad eum aditus. Querimoniis ſingulorum cujuſcunque ordinis audiendis certos dies impendit; non raro uſque ad ſolis occaſum.

Juſtitia  
amans.

Juſtitia tantus amor, ut ipſe tribunalia frequenter inviſeret, ſententiisque ferendis intereſſet. Quod ſi res dubia, ſuis ipſe ſumtibus Juris Conſultorum & Academiaſum conſilia expetiit. Civibus, quos belli calamitas afflixerat, ex ærario ſuo ſubvenit, quod parſimonia Principis, magnas inter expenſas, non interrupto Aulae nitore, nunquam fuit exhaustum.

Majorum ſuorum debita maxima ex parte, imo fere omnia exſolvit; paratæ pecuniæ theſaurum relinquens. Res majoribus ejus incognita.

Amicitiam vicinorum Principum omnibus humanitatis officiis devinxit. Lites, cum eis exortas, amica compoſitione, etiam



etiam cum jurium suorum dispendio, quandoque diremit. Stanis-  
lais, Poloniae Regis, amore & amicitia prae aliis floruit.

## §. XXVII.

**H**ortorum culturæ prae omnibus studiis deditus fuit. Fru-  
tices, plantas & flores a remotissimis terris, abundantiae amans,  
magnis impensis comparavit; res has non tumultuarie aut obi-  
ter, sed secundum rigidas Botanices regulas exacte pertractans,  
& magnæ molis voluminibus ordine classium describens. Che-  
miæ studium non pertinax, sed transitorium fuit, quale Princi-  
pem, naturæ indagatorem, decebat.

Litteras, quas a teneris didicerat, per omne vitæ tempus  
dilexit; sententiam suam latino idiomate identidem in subscrip-  
tionibus declarans; optimis libris variarum artium & scientiarum le-  
gendis ut & colloquiis hominum, in sua arte peritorum, quotidie  
delectatus.

In omni suo vitæ commercio facilis. Spectaculorum, deli-  
ciarum, elegantiae amans; nec ab Orientalium Gynæceis alienus,  
quæ ille Christianos inter Principes in Palatium suum introduce-  
rat primus; nec imitatore invenit. Unus ergo in tam amabili  
Principe fere reprehenditur a venere nævus, quem Gallicæ Hi-  
storici scriptor, GRAMMONDUS, in Henrico IV. excusare vi-

CAROL.  
WILHEL.

fus est; populos ea labe raro opprimi censens; quod, qui amat, vix potest sævire. (x)

## §. XXVIII.

Uxor &  
liberi.

CAROLI Wilhelmi uxor fuit Magdalena Wilhelmina, Wilhelmi Ludovici, Wirtembergæ Ducis, filia, Eberhardi soror. Nata A. 1677. die 7. Septemb. nupta die 27. Junii 1697. mortua die 30. Oct. 1742. Durlaci, ubi vidua vixit; Pforzhemii sepulta; Princeps pia, in adversitatibus constans; trium liberorum mater; mortuo marito tutrix nepotum, quos illa, duobus filiis superstes, educavit Durlaci.

Carolus  
Magnus.

CAROLUS Magnus, Caroli Wilhelmi filius senior, natus die 21. Jan. 1701. atque Laufannæ, ubi studiorum causa cum fratre versabatur, die 12. Jan. A. 1712. mortuus. Corpus, Basileam translatum, in Summi Templi crypta sub Choro quiescit; amabilis ephebus; de quo optima quæque sibi promiserant Parentes & Marchia.

## §. XXIX.

Frider.  
Princeps  
heredit.

FRIDERICUS, Caroli Wilhelmi filius junior, hanc lucem aspexit A. 1703. die 7. Oct. Stutgardiae; quo mater belli metu ad fratrem confugerat. Singularem curam habuit pater, doctrina

---

(x) GRAMMONDUS *Histor. Gall. Lib. 1. pag. 9.*



& literis liberaliter a puero ut institueretur Fridericus. Optimos ei Præceptores adjunxit, atque octavo ætatis anno cum fratre Carolo, & Friderico, Comite Leiningensi, confobrino, eum misit Laufannam; Friderico Emichone Joanne Barone Uxkullio comite, Ephoro prudente. (y)

Carolus post duos menses quum decessisset Laufannæ, successionis jura in Fridericum transmisit. Hic biennio post (1714. die 29. Sept.) relicta Laufanna, Genevam petiit atque Lugdunum; ubi a Villaregio, Franciæ Marefchallo, honorifice exceptus, reliqua Gallia peragrata, versus finem anni 1715. Ludovicum XV. Regem puerum invisit Lutetiæ. Inde per Nancejum, Metas, Argentoratum ad penates reversus. Redux elegantioribus literis & artibus, præcipue mathematicis, se tradidit.

## §. XXX.

A. 1718. patre auctore, novum in Galliam instituit iter; Iter Gall. Friderico Leiningensi iterum comite assumpto. Lutetiam delatus, præstantissimis artium Magistris erudiendum se tradidit; in Aula Regia sæpe versatus, cum Ludovico XV. familiaritate quadam conjunctus. Ducissam quoque Aurelianensem viduam, ex Pala-

Tom. IV.

Ccc 2

(y) Hic adhuc in vivis est Præses Regiminis, venerandus senex, octogenario major.

CAROL.  
WILHEL.

tina domo ortam filiumque ejus, Francici Regni eo tempore Rectorem, Philippum, Aurelianensium Ducem, crebro invisit; ab omnibus amice exceptus; qui præstantiam ingenii in eximio hoc Principe magis, quam sanguinis vinculum, se diligere fassi sunt.

IterBelg.

A. 1720. mense Aprili, relicta Gallia, in Belgium abiit, præcipuisque Belgii Austriaci urbibus perlustratis, die 16. Maji Hagam Comitum appulit. Vicinas ibi civitates, Lugdunum, Delphos, Amstelodamum adiit; tempus ita distribuens, ut mane incumberet literis, scriptoque consignaret ea, quæ in exterarum gentium moribus notatu digna ipsi videbantur.

Angl.

Anno sequenti die X. Maji, conscensa Slusis nave, contendit in Angliam; sæva in transitu tempestate jactatus. Londini Georgium I. Regem, omnemque regiam familiam salutavit. Præcipuos Angliæ Portus, Urbes, Academias, Arces spectator quum adiisset, die quinto Julii ejusdem anni regia navi, post octo dierum navigationem, Roterodamum reversus; Ultrajectum invicens, per Westphaliam contendit Cassellas, ubi humanissimo Caroli Landgravii hospitio exceptus & ægre dimissus, Hanoviæ Comitum, Landgravium Darmstadiensem, Electorem Palatinum, Carolum Philippum, invisit; qui A. 1723. eum S. Huberti torque ornavit. Itinere triennali finito in Marchiam rediit.



## §. XXXI.

Ab hoc tempore Carolus pater, publicis negotiis ut Publicis  
affuefaceret filium, omnia cum eo communicavit consilia; at sepa- vacat ne-  
gotiis.  
ratam rem domesticam eum voluit habere.

A. 1724. Fridericus a Circulo Suevico Legionem obtinuit.  
Quadriennio post ab eodem Circulo constitutus est Vigiliarum  
Præfectus.

Sed antequam novum erumperet bellum, in quo bellicas <sup>Obitus</sup>  
fibi laudes pararet Fridericus, viginti novem annorum juvenis, <sup>ejus.</sup>  
lethali morbo correptus, ante patrem decessit die 26. Martii A. 1732.  
per aliquot annos minus prospera valetudine usus. Sedati &  
tranquilli animi Princeps; expers vitiorum, qui comitate & leni-  
tate sua omnium fibi conciliaverat amorem.

Vigesimum quartum ætatis annum ingressus, A. 1727. <sup>Uxor &</sup>  
3tio Julii duxerat Annam Carolam Amaliam, Johannis Wilhelmi <sup>liberi.</sup>  
Frisonis, Principis Nassovio - Arausionensis filiam, quæ marito  
superstes, in Caroloburgensi palatio vivit Durlaci; corpore sana;  
animo ægra. Ex hac duos filios procreavit Fridericus.

I. CAROLUM FRIDERICUM, natum A. 1728.  
die 22. Novemb. qui Carolo Wilhelmo, avo suo, in Marchia suc-  
cessit & in ea nunc regnat.

CAROL.  
WILHEL.

II. WILHELMUM LUDOVICUM, natum die 14. Jan. A. 1732. qui A. 1747. Cohortem Batavicam Chiliarcha obtinuit. A. 1753. Arnhemii urbis Gubernator; anno sequente vigiliarum Præfectus omnium pedestrium Reipublicæ copiarum creatus est. (z) Princeps, qui Arausiorum & Badensium heroum sanguinem jungens, Foederati totius Belgii oculos in se convertit.

Unica Caroli Wilhelmi filia fuit Augusta Magdalena, nata die 13. Nov. A. 1706. mortua Basileæ die 25. Aug. A. 1709. in Summo Templo ibidem sepulta, multis lacrymis Parentum composita.

---

(z) *General-Major.*





CAPUT XIII.  
CHRISTOPHORUS  
CAROLI WILHELMI FRATER.

## §. I.



Natus A. 1684. die 9. Octobris, vigesimo secundo <sup>Natales & gesta.</sup> ætatis anno Lausannam, & anno post Genevam a patre missus est, literis ut ingenium excoleret. Helvetia inde & utroque Belgio peragratis, Lutetiam se contulit. Biennio ibi transacto, A. 1702. reversus est domum.

Eodem anno ad exercitum Batavorum in Brabantiam profectus, Centurionum ordini adscriptus est atque Leodii obsidioni interfuit; sequenti hieme nunc Ultrajecti, nunc Hagæ Comitum versatus.

A. 1704. præcipuas Germaniæ Principum Aulas obivit. Batavicum ad exercitum reversus, sub finem anni domum rediit, exercitui Cæsareo actor ut interesset. In exercitu hoc, A. 1705. ad Treviros collecto, supremi Militiæ Adjutoris (a) munere functus est; ipse ab agnato suo, Ludovico Badensi, sublimia artis

---

(a) General-Adjutant.

CHRISTOPH.

militaris addiscens. A. 1708. Chiliarchæ honos a Josepho Impatore delatus est Christophoro. Suevicam cohortem fratris, Sueviæ Ordinum consensu, A. 1712. obtinuit.

A. 1719. supremus vigiliarum Præfectus Circuli Suevici creatus est; paulo ante ab Electore Palatino Ordini S. Huberti adscriptus.

## §. I I.

Obitus.  
Uxor &  
liberi.

A. 1723. die 2. Maji ætatis anno XXXIX. decessit; Princeps vita dignus longiore. Matrimonium A. 1711. die 5. Dec. iniverat cum Maria Christina Felicitate, Johannis Caroli Augusti, Leiningensis Comitis, filia, A. 1692. d. 29. Dec. nata, quæ quadriennio post obitum mariti, Johanni Wilhelmo, Isenacensium Duci, nupsit, A. 1734. d. 3. Junii defuncta.

Ex ea Christophorus tres filios, hodieque superstites, suscepit, quos ordine nativitatis expono.

## §. I I I.

CARO-  
LVS  
AVGV-  
STVS.I. CAROLUS AUGUSTUS JOHANNES  
REINHARDUS.

Hic die 14. Nov. A. 1712. lucem adspexit. In Aula Caroli Wilhelmi, patrui, ab ineunte ætate optimis moribus ac institutis formatus, Johanne Reinhardo Gemmingio, duce & ephoro, una cum fratribus A. 1727. Lausannam missus est; ubi per quadriennium



nium literis operam navavit. In Marchiam redux A. 1731. Palatinam aliasque Aulas invisit. Matrem, Ducis Ifenacensis viduam, invifurus, eodem anno Altftadium iter fufcepit, a Rege Sueciæ Caffellis honorifice exceptus. Altftadio ad Batavos profectus eft, ubi in Ultrajectina Academia literis strenue incubuit. Hagam Comitum delatus, totius Europæ Procerum ibi legatos invenit; quorum plures fibi devincire ftuduit.

Chiliarchæ (b) dignitatem A. 1733. ei detulerunt Sueviæ Ordines. Palatinus Elector inter Ordinis S. Huberti Equites eum quoque illo tempore recepit. Exorto inter Galliam & Imperium bello, Carolus Auguftus A. 1733. a patruo Circuli Suevici cohortem accepit. Ordines Sueviæ eodem anno fummum vigiliarum Præfectum eum renunciarunt. Dignitate hac ornatus, fub Eugenio, Principe Sabauda, & Carolo Alexandro, Wirtembergæ Duce tribus expeditionibus annorum 1733. 1734. & 1735. interfuit. Postremo hoc Carolus VI. Cæfar ad fupremi vigiliarum Præfecti gradum eum quoque extulit. (c)

## §. I V.

Finito inter hæc bello, in Aula patrui aliquamdiu verfa-  
tus, ad expeditionem Turcicam profecturus, A. 1738. mortuo  
patruo, Caroli Friderici, ætate minoris, adiit tutelam, eamque

TUTOR  
CAROLI  
FRID.

Tom. IV.

Ddd

(b) Oberfter.

(c) General-Feldwachtmeifter,

CHRISTOPH.

per octennium inter perpetuas fere belli turbas magna cum laude, conjunctim cum Marchione vidua, gessit.

Dignitates militares,

A. 1742. summi quoque vigiliarum Præfecti dignitas a Carolo VII. Imp. Principi nostro collata.

A. 1743. Sueviæ Ordines eum Campi Marefchallum Generalem Locumtenentem crearunt; quam dignitatem post aliquot annos ab Imperatore quoque Francisco & ab Imperatrice, Regina Hungariæ, obtinuit.

A. 1750. decreto Comitiorum Imperii, quod Cæsar. d. 25. Apr. confirmavit, Campi Marefchallus Generalis Locumtenens Imperii, una cum Augusto Georgio Bada - Badensi, agnato, designatus est.

A. 1753. post Maximiliani, Principis Hasso-Cassellani obitum Campi - Marefchalli Generalis Imperii dignitas in Ludovicum Brunsvicensem, qui Præfecturam tormentorum hucusque gesserat, fuit collata. Tum vero Carolus Augustus noster supremi tormentorum Præfecti munus ambivit, illudque decreto Comitiorum Imperii, a Cæsare d. 11. Mart. 1754. confirmato, una cum Georgio Wilhelmo Darmstadiensi Principe, obtinuit.

A. 1757. in exercitu Imperii, quem Princeps Saxoniae Hildburgusanus & Fridericus Palatino-Bipontinus contra Borussiae Regem ducebant, tormentorum Præfecti munere functus est Carolus Augustus.



A. 1759. die 14. Dec. ab Ordinibus Sueviæ summus quoque tormentorum constitutus est Præfectus.

A. 1760. die 17. Martii, trium Collegiorum decreto, a Cæsare firmato, Campi Marefchalli Generalis Imperii gradus ei fuit delatus; gloriam suam aucturo, si quando redeundum ad arma.

## §. V.

II. CAROLVS WILHELMVS EVGENIVS, CAROL. WILHEL. EVGEN.  
natus die 13. Nov. 1713. in addiscendis litteris & conficiendis itineribus Fratri natu majori adhæsit comes. Ad bellica studia conversus, a Ludovico Georgio Bada - Badensi A. 1734. in cohorte Cæsarea Badensi manipulum obtinuit, eodemque anno Philippiburgi obsidioni & Italicæ Cæsareanorum expeditioni interfuit.

A. 1735. in Italia militaris, Pyrobolariorum Centurio (d) in eadem Badensi cohorte creatus est.

A. 1737. In Hungarie adversus Turcas bello usque ad ejus finem militavit.

A. 1741. Cæsareæ valedicens militiæ, Germanicorum militum conscripsit cohortem, quam anno sequente Sardiniae Regi, Sardin. Regi militat.  
Mariæ Theresiæ Reginæ partes fuscipienti, in Italiam ea lege adduxit, ut perpetuis temporibus Princeps Badensis ejus cohortis Præfecturam haberet. In proelio ad Cuneum (Coni) Pedemontii

CHRISTOPH.

A. 1744. Hispanos inter atque Sabaudos commisso, strenue rem gessit. Sardiniae Rex, virtutem ejus remuneraturus, ad altiores militiae gradus eum pedetentim promovit. A. 1745. creatus est Cohortium Ductor. (e)

A. 1746. summi vigilum Praefecti; A. 1749. supremi exercitus pedestris Legati (f) dignitate condecoratus, qua ad hunc usque diem fruitur; Aulæ Sabaudicæ gratia florens.

## §. VI.

CHRISTOPH.

III. CHRISTOPHORVS, in lucem editus A. 1717. die 5. Jun. itinerum, quæ fratres instituerunt, socius A. 1733. Altstadium ad Ducissam Isenacensem matrem cum venisset, Dux Isenacensis copiarum suarum Centuriam ei dedit, in cohorte, quam pro Imperatore conscripserat. Isenacenses hæ copiae prædictum tenuerant Brisaci, quum Cæsar eas eodem anno Mantuam transtulit in hiberna. Eadem copiae A. 1735. ex Italia in Hungariam cum mitterentur, visum est patruo Marchioni, melius esse, ut ad Rhenum militaret Christophorus. Commendavit eum Wirtembergæ Duci, qui Adjutoris Generalis gradum ei eodem contulit anno.

A. 1736. die 9. Junii Wirtembergicæ cohortis Cæsareæ Sub-Chiliarcha creatus est.

---

(e) Brigadier.

(f) Lieutenant-Général d'Infanterie.



A. 1738. in Hungariam profectus, bello contra Turcas voluntarius interfuit miles; in proelio ad Corniam in brachio vulneratus. Sub-Chiliarcha dein cohortis Cæsareæ pedestris Moltkianæ constitutus, A. 1739. in proelio ad Krozkam, in Serviæ regno, fortiter rem gessit; vulnere in imo ventre accepto. Post proelium Alba Græca a Turcis obfessa & infecuta mox pace iisdem relicta est.

## §. VII.

A. 1741. Christophorus Moltkianæ cohortis factus est <sup>Bellum Austriac.</sup> Chiliarcha, & anno sequente in proelio ad Czaslaviam, in quo Austriaci a Borussis prostrati, fortiter pugnavit. In obsidione Pragæ, a Gallis defensæ, ab Austriacis oppugnatae, Christophori quoque Principis eminuit virtus.

A. 1744. supremus vigiliarum Præfectus a Regina Hungariæ nominatus, ad exercitum, quem Carolus Lotharingus ad Rhenum ducebat, se contulit. Rheno trajecto, peculiare agmen in Alsatia duxit; pugnae ad Pfaffenhovium interfuit. Paulo post in Silesiam, ubi bellum cum Borussiae Rege recrudit, translatus, in pugna ad Strigaviam A. 1745. ducis & militis executus est munia. Paulo post Belgicæ Austriacorum contra Gallos expeditioni se junxit atque A. 1746. in gravi ad Raucoufium proelio & anno sequente in proelio ad Laffeldam, prope Tungros, fortitudinis suæ specimina edidit.

CHRISTOPH.

A. 1753. cohortem Cæsaream, cui Maximilianus, Hasso-Cassellanus, eo anno defunctus, præerat, Imperatrix Maria Theresia Principi nostro tradidit; qui anno sequente Campi Mareschallus Generalis Locumtenens ab eadem creatus est.

Bellum  
Boruff.

In nupero bello inter Austriacam Domum & Borussiae Regem A. 1756. prælio ad Lobosium Bohemiae, & anno sequente prælio ad Pragam & obsidioni ejusdem urbis strenuus interfuit actor.

A. 1758. ad Hochkircham Lusatiae particeps fuit victoriae, quam reportaverat Austria.

Eodem anno supremi tormentorum Præfecti munus ab Imperatrice illi delatum.

A. 1759. Austriacorum agmini, quod exercitui Imperii conjunctum est, summo cum imperio præfuit.

A. 1761. d. 13. Maji decreto Comitiorum Germaniae supremi quoque tormentorum Præfecti dignitate ornatus; Aulæ Cæsareæ carus. In Coronatione Josephi II. ad Cæsaris mensam functus est Diribitoris officio.

Triga hæc Fratrum mira inter se vivit concordia. Rerum gestarum memoriam recolunt pace; ad Martis theatrum olim alacriores ut redeant; nunquam non memores, ex alto Badensium se sanguine prognatos.

---



## CAPUT XIV.

CAROLUS FRIDERICUS

AB ANNO 1738.



## §. I.

rincipis vivi vitam perscribere, arduum & Introitus.  
difficile opus est. Nihil amor, nihil obsequio dare, humanæ mentis fere indolem excedit. In ambiguitate hac tutior via, res gestas simplici delineare stilo; judicium de rebus gestis relinquere Lectori, assentionis suspensionem ut scriptor evitet, qui inter adulationem & scribendi licentiam media via incedere studet. CAROLI FRIDERICI Regimen, in quo ratio, non affectus, dominatur, expositurus, hanc viam ingrediar; veritatis & brevitatis ubique studiosus.

CAROL.  
FRIDER.

Carolo Wilhelmo CAROLUS FRIDERICUS, A. 1728. die 22. Nov. Carolsruhæ natus, nepos avo, decennis successit. Tutela ejus & cura regiminis, ob invaletudinem matris, testamento decessoris, paternæ commendata est aviæ, Magdalenæ Guilielminæ, quæ vidua in Caroloburgi apud Durlacenses palatio Marchionem una cum fratre educavit sollicitè; ephoro & præceptoribus idoneis, cum quibus curas educationis divideret, instructa.

Carolus Augustus, Caroli Wilhelmi Marchionis ex fratre Christophoro nepos, cum avia partitus est onus tutelæ. (a) Avia A. 1742. extincta, Carolum Wilhelmum Eugenium, fratrem, tutelæ focium accepit. Prima Tutorum cura fuit, ut antiquum illud vinculum, quo variæ Badensium ditiones Domui Palatinæ adstringebantur, abolerent. Res, A. 1740. coepta tractari, a Marchione nostro regimen adeunte, perfectæ; ut suo loco docemus.

Majoris

---

(a) Magdalenæ Guilielminæ & Carolo Augusto adjunctum Consilii intimioris Collegium, cujus præcipua membra Fridericus Emico Joannes Baro de Uxküll & Reinhardus Baro de Gemmingen; ille Regiminis, hic Cameræ Præfides, hodieque viventes. Christianus Dietericus Stadelmann, Joannes Christophorus Cellarius, Joannes Henricus Wielandt, Joannes Burcardus Boch, Joannes Justus Ludecken & Fridericus Theobaldus Sahler mortui.



Majoris momenti fuerunt tractatus, quos iidem Tutores cum Maria Theresia, Caroli VI. Imp. filia, Austriacarum ditiorum herede, instituerunt. A longo jam tempore Austriacos inter atque Badenses de Saufenbergæ, Roetelæ & Badevillæ Dynastiis, duraverant lites; quod suprematum in eas sibi vindicabant Austriaci. Controversia A. 1741. finita die 29. Junii pactione, quæ mense sequenti subscriptione firmata. Summa ducentorum triginta millium florenorum persoluta Mariæ Theresiæ, quæ omnibus juribus suis renuncians, Dynastias illas una cum Schopfhemio oppido pro liberis Imperii allodiis agnovit. Eadem transactione, Austriaca pars vici Crenzach, prope Basileam; cum omni supremo dominio ad Marchionem transivit; servato Austriacis innoxio transitu & jure recipiendi hanc partem, Badensis Domus masculi & feminae si quando defecerint.

## §. II.

Marchio per quinquennium educatus Durlaci, A. 1743. <sup>Studium  
litterar.</sup> ampliandis bonarum literarum studiis, exemplo patris & avi transivit Laufannam; ubi celebrium illius Academiae Virorum, Croufazii præsertim atque Bochat, societate & doctrina excitatus; in scientiis, artibus ac usitatoribus Europæ linguis addiscendis, peregit biennium; majore cum emolumento præcipuas Europæ partes ut peregrinator inviseret.

CAROL.  
FRIDER.

Peregrinationis initium A. 1745. ab Aula Francica fecit. Ibi primarium Regii sanguinis Principem, Aureliani Ducem, Domui Badensi affinitate conjunctum, ut & alios Aulæ Proceres invenit amicos. Post plurium mensium moram, a Rege & Regia Aula omnibus amicitiae testimoniis cumulatus, A. 1746. discessit Lutetia. Apud Batavos aviam maternam, Mariam Ludovicam, ejusque filium, Wilhelmum Carolum Henricum Frisonem, avunculum suum, invisit; novum Fœderati Belgii illo tempore sidus; quem omnium septem Provinciarum Gubernatorem nuper elegerant populi; quod ante eum Arausionis Principum obtigerat nulli. Batavicum iter Marchio anno sequenti (1747.) repetiit, atque ex Batavia transnavigavit in Angliam.

Itinera hæc, magno cum fructu peracta, erectum Principis nostri genium ita perfecerunt, ut ante justam ætatem par videretur, qui Marchiæ suæ gubernacula tractaret.

### §. III.

Regi-  
men adit.

Tempus, quod legitimæ ætati deerat, publico Diplomate A. 1746. Cæsar supplevit. Vigesimo secundo Novembris Marchiæ suæ sceptrum CAROLUS FRIDERICUS magnis & felicibus capeffivit auspiciis. Imperialium feudorum investitura tamen non nisi post quatuor infecuta est annos. Franciscus Cæsar A. 1750. die 14. Augusti contulit eam Marchionis legato.



In literis feudalibus Badæ & Hachbergæ Marchionatus ambo, Comitatus Ebersteinensis dimidia pars, ut & Dynastiæ Malberg & Usenberg distinctim memorantur. A. 1756. die 3. Augusti accessit quoque investitura alterius dimidiæ partis Ebersteinii Comitatus, quam Cronsfeldii & Wolckensteinii olim possederant.

## §. I V.

Interregna Principum, ætate minorum, non raro solent esse <sup>Marchiæ status.</sup> incommodis & variis casibus obnoxia. Contrarium expertus est Marchio adolescens. Feliciorem tutelam nunquam Marchia vidit. Incolæ oblivisci tum cœperunt malorum, superioribus quæ perpeffi sunt bellis. Tutores œconomicarum rerum non modo periti, sed & parsimoniam studiosi, cumularunt thesauros; debita pauca, quæ extinguenda fuerant, solverunt; Ecclesias & alia ædificia publica vel repararunt, vel a fundamentis exstruxerunt; pontes & vias publicas, exemplo antea inaudito, & Romano quidem more, straverunt; muniverunt; variis institutis ornarunt Marchiam; felicissimi regiminis insequentis præludia.

Post tot gravia bella, post tot dissidia & lites, quas cum potentibus vicinis majores perpeffi sunt, CAROLUS FRIDERICUS Marchiam a debitis; a præcipuis litibus; ab Austriacæ Domus ligio liberam accepit, ejusque regimen adiit expeditus, tranquillus & fere omnino pacatus; quod nulli ante eum

CAROL.  
FRIDER.

contigerat Marchioni. Nihil ergo supererat, quam ut ipse felix suæ quoque Marchiæ Ordines institutis & legibus novis redderet feliciores.

Legislatoris est, exterorum populorum nosse mores, illosque inspicere propius, ut ex omnibus feligat, quæ patriis institutis superaddat, vel tollat abusus. Finem hunc ut assequeretur Marchio noster, nonnulla itinera, quæ fecerat ephebus, repetiit juvenis; terras jam visas doctioribus ut reviseret oculis; nondum visas sollicitus & curiosus ut examinaret scrutator.

§. V.

Nova  
Marchio-  
nis itine-  
ra.

Ab Italia initium faciendum esse ratus est; qua rerum mirabilium feracior nulla in orbe tellus, seu vetera seu recentia spectes. Iter hoc anno 1750. suo ipse consilio suscepit; atque in eo, quidquid superior, media atque infima Italia monstrant, vidit, examinavit, perlustravit, peregrinator attentus; non ea modo, quæ Politicus sagax, sed & quæ Physicus, quæ Mathematicus, quæ Historicus observare solet, oculo indagatore contemplatus.

Ab Italis redux haud difficulter perspexit, ex Italico itinere majorem se percepisse utilitatem, quam ex Britannico, quod ante quadriennium susceperat. Britannicæ itaque dotes & indolem cogniturus intimius; quæ neglexerat, suppleturus, ad transmari-  
nas illas partes alterum iter instituit. In divitem illam Insulam appulsus Marchio, inter Sodales Societatis Scientiarum Londi-



nenfis receptus est. Placuit ei indoles nationis simplex & libera; veritates reconditas indagandi mens constans & firma. Placuit ei lingua; quam non minus ac Gallicam deamat; non ignarus Italicæ, quam Italiam peragrans didicerat.

Ab exteris redux & multifaria rerum cognitione refertus, thesauros per itinera collectos, in Marchiæ suæ sinum effundere coepit.

§. V I.

Sed ante omnia difficultates, quæ supererant, cum vicinis componendæ. Germanicæ Reipublicæ Ordinum ab antiquis temporibus ea conditio fuit, ut ob diversos potentiæ gradus, ob diversas regiminis formas, multiplices leges, & juniore ævo ob religionis dissidia, perpetuis inter se litibus colliderentur, non modo vicini, sed & remoti; quarum litium materiæ indies novæ oriuntur, multiplicantur; ita ut summa Imperii tribunalia illis decidendis haudquaquam sufficiant. Intellexit hos morbos CAROLUS FRIDERICUS, qui rebus cum Austriaca Domo pacatis, cum aliis quoque Statibus, Marchiæ contiguis, veteres & novas lites ita componere decrevit æquissimus Princeps, conditio ut si pateretur humana, omnes evulsisset radicitus, atque adeo terras suas sine labe & maculis, sine ambagibus litium, sine tribunalium strepitu transmississet ad posteros. Præ omnibus emendanda fuerant peccata majorum & perficiendæ Conventiones, sub tutela jam coeptæ.

CAROL.  
FRIDER.

## §. VII.

Cum Do-  
mo Pala-  
tina.

Carolus I. Marchio, in bello Palatino captus, ut libertatem redimeret, plura Marchionatus sui loca Friderico I. Electori A. 1462. vinculo feudali adstrinxit, uti supra ostendi. (b) Trecentos per annos non inventus est Marchio, qui grave hoc, re-  
luibile quod fuerat, relueret onus. CAROLUS FRIDERICUS quarto regiminis suscepti anno (1750.) opus, a tuto-  
ribus coeptum, cum Carolo Theodoro Electore perfecit. (c) Pforzhemium, cum reliquis terris, (d) ab hoc onere liberatum, pristino restitutum est statui. Sexagies mille floreni Palatino per-  
soluti sunt; nexus omnis feudalis dimissus. Transactionem agnati utriusque Domus firmarunt.

Sed & aliæ inter Electores Palatinos & Marchiones Bada-  
Durlacenses de finibus regundis, de dominio Rheni ejusque limitibus coërcendis; de auro Rhenensi, de jure piscandi controversiæ, (e) A. 1750. die 14. Maji transactione solenni compositæ fuerunt. Con-  
ventiones, A. 1720. & A. 1740. his super rebus initæ, renovatæ. Imo & litēs, de Conventionum interpretatione identidem natæ, a Marchione sublatae sunt.

(b) Tom. II. pag. 177. seq.

(c) Die 14. Maji.

(d) Castrum nempe & vicus Graben, Castrum & vicus Stein.

(e) Ueber die Woerther, Gold-Salmen und Vogel-Grund.



## §. VIII.

**T**erminavit & litem, quæ super Besighemii, Mundelshe-<sup>Cum</sup>  
mii, Altensteigæ & Liebenzellæ Præfecturas, ab Ernesto Friderico<sup>Wirten-</sup>  
Wirtenbergicis venditas, (f) quatuor sub Marchionibus in<sup>bergica.</sup>  
Camera Imperiali non potuit terminari. Carolus Eugenius, Wir-  
tenbergæ Dux, omnia quæ sibi vindicabat jura in dimidiam par-  
tem Comitatus Ebersteinensis, (g) Wirtenbergæ Ducibus quon-  
dam oblatam, sed a Spirensibus vel Bada-Badensibus possessam,  
ut & jura in vicum Neuenburg, a Spirensi Ecclesia post mortem  
Casimiri, ultimi Ebersteinensis Comitis, occupatum, una cum  
Quæstura Castrensi (h) Gernspaci, CAROLO FRIDERICO  
reliquit. Addita paratæ pecuniæ centies trigesies mille floren-  
rum summa. His conditionibus memoratæ quatuor Præfecturæ  
in Ducis Wirtenbergæ potestate manserunt. Compositio die 29.  
Nov. A. 1753. facta.

---

(f) Vide Ernestum Fridericum pag. 213.

(g) Casimiri, ultimi Ebersteinensium Comitis, vidua, filiæ posthumæ Albertinæ Sophiæ Esther nomine, omnia filiæ hujus jura in allodia Ebersteinensia & feuda, a Comitibus Ebersteinensibus pendentia, Wirtenbergicæ Domui in feudum obtulerat. Wirtenbergæ Dux A. 1667. primam investituram contulit Albertinæ Sophiæ, quæ sæpius dein repetita, donec Alb. Sophia sine mascula prole defuncta, feuda hæc Wirtenbergico Ducatui aperta fuerunt.

(h) Burgvogtey.

CAROL.  
FRIDER.

## §. IX.

Cum Ab-  
batia  
S. Blasii.

San Blasiana Benedictinæ Familiæ Abbatia, in filia Martiana, axiomate Principis & cultu literarum florens, multas quæ decimas in Marchia possidet, cum Carolo Wilhelmo A. 1718. iniverat pactum, quod statutis Domus Badensis contrarium esse, CAROLUS FRIDERICUS existimavit. Itaque cum Meinardo Abbate A. 1751. die 2. Januarii nova inita est pactio, qua vicus *Ried* Nigræ silvæ cum omnibus ejus juribus Marchioni ejusque heredibus in perpetuum relictus est. Pacta annorum 1718. & 1733. in plerisque firmata. Novæ huic pactiioni stabiliendæ placuit, ut ejus confirmatio peteretur a Cæsare, qui literis die 3. Maji A. 1752. datis, conventionem ratam esse jussit. Marchiones agnati jam anno præcedente eam quoque firmaverant; quorum literas Confirmationi suæ inseruit Cæsar. Difficultates, ob executionem præcedentis pacti exortæ, A. 1754. die 15. Aug. penitus sublatae sunt. Restituta Marchionem inter & Blasianam Abbatiam firma concordia.

Cum Ab-  
batia  
Schutter.

Anno sequente cum Schutterano quoque Offonis in Ortenavia Monasterio, & quadriennio post cum Cisterciensi Tennebacensium Coenobio, varias super difficultates, veteres & novas, tam amice transactum, ut omnes hi Coenobitæ in transigendo Marchionem non adversarium, sed amicum experti sint.

Idem



Idem de Basiliensis Ecclesiæ Cathedralis dicendum est Capitulo, quod inita cum Marchione nostro A. 1756. Conventione Basileæ, rem sibi cum æquissimo Principe esse grata mente intellexit.

## §. X.

Sausenbergici sanguinis Marchiones Badenses, Roetelæ & Badevillæ Dynastiis, Sausenbergæ adjectis, cum libera olim Imperii, dein Helvetici fœderis, Rauracorum Civitate Basilea firmo amicitiae vinculo conjuncti fuerunt. Sausenbergicis extinctis, Durlacensis Lineæ conditor Ernestus, amicitiae fœdus continuavit, quod filius ejus, Carolus II. ad Protestantium sacra publice transgressus, adauxit. Marchiones, incolatu illius urbis fruentes, in ea domum possederant, quæ A. 1698. cum fuisset exusta, Fridericus Magnus construxit Palatium, a successoribus ejus continuatum; in quo pretiosa Gentis tempore belli; Tabularia & veteres Chartæ pacis quoque tempore, servantur, postquam Caroloburgense apud Durlacenses Palatium Gallico sæculi superioris bello combustum. Urbs asyla Marchionum, in qua sævis belli tempestatibus illi semper vixerunt securi, sacris suis in suo Palatio usi. Hæc ex vicinis Marchionatus locis & vicis multa ad victum necessaria accipit, unde reciproca eumentium & vendentium utilitas; quæ necessario in Principis quoque utilitatem redundat.

CAROL.  
FRIDER.

Vicinitas longo temporis tractu gravamina peperit; de viis, de limitibus, fluminibus, pontibus, de vectigalibus, de decimis & mensura decimarum, de jure patronatus varioque ejus exercitio; ut & de oneribus ejus, & quæ alia hujus, generis sunt. Gravamina hæc in amico congressu, examini placido ut subjicerentur, Basileæ inter partes conventum. Res omnis A. 1756. Julio mense tractata, brevissimo tempore composita; quod nunquam non evenire solet, ubi utrimque bona fide proceditur.

### §. XI.

Cum Comit. Neu-  
perg.

Nec minus æquum ac generosum litium terminatorem Suevica Equestris Neupergiorum, nunc Comitum, familia CAROLUM FRIDERICUM experta est. Pecuniarium hæc inter alia feudum, a Badensibus pendens, ab antiquo possedit, sed, ob neglectam aliquandiu investituram, felonix accusata, post disceptationes diuturnas ad Aulicum Cæsaris Judicium A. 1752. detulit litem. Res ad Curix Pares remissa; sed anno sequenti ita composita, ut extingueretur pecuniarium feudum. Vicorum autem feudaliū, Adelshoven prope Eppingam, & Klingenberg prope Heilbronnā, suspenderetur nexus, quamdiu Neupergii subsisterent masculi; his vero extinctis, tamquam feuda aperta revertentur ad Marchionatum. Boenigheimensis Curia ex feudo in Neupergense allodium conversa.



Eodem anno Stolbergæ & Isenburgo - Budingæ Comites ab Imperatore Carolo VII. in Principum Imperii ordinem cooptati fuerunt. Domus antiquæ de tuenda dignitate sua sollicitæ; timentes, ne novæ confunderentur cum suis, frequentia inter se communicarunt consilia. Res in Comitibus tractata. Conventum est denique A. 1745. ut Principibus novis axioma concederetur *Sereni*; (i) si ipsi in literis ad Principes antiquos *Serenissimi* (k) formula uterentur. Decretum hoc consensu Marchionis firmatum. (l)

## §. XII.

Wirtembergæ Duces ab illis temporibus, quibus ad Ducalem dignitatem evecti sunt, præ Badenſibus Marchionibus sibi prærogativam tribuerunt. In Conventionibus, inter utramque Domum initis, ad medium usque seculi superioris, Badenſium Marchionum nomen, nomini Ducum non semel postpositum occurrit. (m) Eberhardi Barbati, qui ex Comite Wirtembergæ Dux creatus est primus, in Imperio auctoritas & Christophori Marchionis in eum propensio originem dederunt prærogativæ, quæ

Conventio cum Wirtenb. de prærog.

Tom. IV.

Fff 2

(i) *Durchlauchtig* vel *Durchlauchtig Hochgebohren*.

(k) *Durchlauchtigst*.

(l) A. 1747. die 16. Januarii.

(m) Maximilianus I. Imperator in diplomate, quo Conventionem inter utramque domum de Advocatia in Herrenalb A. 1497. confirmat, Wirtembergico Badenſem præponit.

CAROL.  
FRIDER.

ob Principatus septem seculorum antiquitatem debebatur Baden-  
sibus. Hi de juribus suis tandem magis edocti, cum Wirtenber-  
gæ Ducibus de ordinis prærogativa disputare cœperunt. Conven-  
tus hac super re non semel instituti, non semel abrupti. Propo-  
sita alternatio, qualis inter quinque Principes, in Comitibus Impe-  
rii alternantes, observatur. A. 1747. decretum est denique, ut in  
Instrumentis pactio, quæ Wirtenbergici Durlacensibus tra-  
dent, Marchio; in illis, quæ Durlacenses Wirtenbergicis traditu-  
ri sunt, Wirtenbergæ Dux præponeretur. Alternandi hæc ratio  
primum adhibita fuit in Conventione, quam de libertate rätium in  
Wirma, Nagolda, Enzia, Neccaro, ambo inter se Principes eodem  
anno die 11. Aprilis in Wildbadensibus Thermis iniverunt.

## §. XIII.

Seniora-  
tus.

**D**uas inter Lineas Badenses in Comitibus Imperii & Con-  
ventibus Circuli Suevici Senioratus Lineæ non prædriam consti-  
tuit, sed Senioratus Regiminis; ita decernente Westphalicæ Pacis  
statuto. (n) Friderico Magno Durlacensi A. 1709. e vivis sublato,  
Senioratus Regiminis & prædria a Durlacensibus ad Bada-Ba-  
denses pervenit, atque ultra semiseculum apud eos permansit. Lu-  
dovicus Georgius, linea & regimine senior, quum A. 1761. deces-  
sisset, sedendi in Comitibus & suffragandi prioritas ad CARO-

---

(n) Art. IV. §. 26.



LUM FRIDERICUM, ut Badensium in regimine seniore, pervenit.

Assessoris Camerae Imperialis, a Circulo Suevico praesentati, locus quum vacat, Directorium Circuli Directori Principum Scamni rem denuntiat, qui cum Ordinibus ejusdem Religionis rem communicat, five Catholicus, five Evangelicus constituendus Assessor. Convenitur de uno pluribusve nominandis. Nominatos Director Scamni Principum Directori Circuli denuntiat, ut eos nomine Circuli Camerae Imperiali praesentet. Juris publici Germaniae stylo loquor. Durlacensis hodie solus est in Principum Protestantium Scamno Director. Unde ei soli quoque Assessorem proprio & reliquorum Statuum nomine nominandi jus competere contendit. Ab hoc ordine procedendi in Comitibus Circularibus A. 1740. Wirtembergicus quum recessisset, reclamavit Badensis, sui juris assessor. (o) A. 1746. majorum suorum jure gavissus Marchio, Candidatum, in Assessorem Camerae promovendum, nominavit Ioh. Wilh. L. B. de Riedesel, qui hodie Assessoris munere fungitur, nomine tamen & loco Electoris Palatini, cujus Praesentationem, more praesentatis Circulorum solenni, cum Badensi commutavit.

Fff 3

---

(o) Vide LUNIG *Bibliotheca Deductionum* Tom. I, voce *Cammergericht* ubi scripta, huc pertinentia, recensentur.

CAROL.  
FRIDER.

## §. XIV.

Nova ac-  
quifita.

**T**ranquillitate, quantum potis erat, cum vicinis restitu-  
ta, de Marchia sua, terris augenda, sollicitus quoque fuit providus  
Princeps.

Infra Landaviam, Vogesum inter & Rhenum, vicus in-  
signis est *Rhod*, oppido similis, qui post Comites Bitenfes (Bitsch)  
extinctos, ad Wirtenbergicam Domum, & ab hac A. 1603. ad Ba-  
densem transivit. (p) Vicum hunc Fridericus V. Jo. Dieterico a  
Zyllenhard, Equiti, A. 1635. in feudum masculinum concessit;  
reservato sibi cum Suprematu, collectandi jure & provocatione  
ad suum tribunal. Liberalitatem majorum Marchio noster cor-  
rexit, atque a Zyllenhardiis, pro septuagies septies mille florenis,  
redimens feudum, A. 1752. dominium utile cum directo conjunxit.

Munzes-  
heim.

Eadem expertus est fata Munzeshemii vicus; Ebersteinen-  
fis Comitatus allodium. Albertus Hofwarth, ex Kirchemia valle  
Eques, A. 1326. a Friderico Marchione eum, ut feudum masculi-  
num, accepit. Joannes Philippus Hofwarthus a Kirchem A. 1675.  
extinctus est, suæ Gentis postremus. Vicum Fridericus VI. Mar-  
chio, Friderico & Bernhardo, filiis naturalibus, & Friderico  
extincto, Bernhardo soli ejusque posteris A. 1678. in feudum  
masculinum tradidit. Unde Munzeshemiorum Familia. (q) At  
filius Bernhardi, Fridericus Augustus A. 1761. accepta pecuniæ

(p) Adi supra pag. 113. in Ernesto Friderico.

(q) Vide supra Cap. VII. §. 26.



summa, consensu filiorum, CAROLO FRIDERICO nostro restituit feudum.

CAROL.  
FRIDER.

Sed & Gondelshemii vicus est, Menzingiorum Nobilium allodium vetus. Et hunc vicum, una cum villis Bonartshausen & Erdbeerhof Marchio noster A. 1761. pro insigni pecuniæ summa, pignoris titulo, comparavit.

Gondels-  
heim.

### §. X V.

Lœrracum, vicus major, (r) cum Castro olim, unde familia nobilis nomen ducebat, (s) in Vifanæ vallis aditu situs, ubi Rœtelæ & Saufenbergæ Dynastiarum Præfecti atque Cancellariæ, ut & Capituli Rœtelani (t) sedes est ab eo tempore, quo Rœtelanum Castrum bellico igne deletum. Rupertus Cæsar jam A. 1403. jus Nundinarum huic loco concessit, quod Fridericus IV. Imp. A. 1452. Romæ firmavit. CAROLUS FRIDERICUS A. 1756. ex vico Civitatem constituit. Immutata brevi est tota indoles loci, curante Gustavo Magno, Barone Walbronnio, Dynastiæ Præfecto. Instituta varia & fabricæ faciunt, ut vicini & incolæ, Lœrracum in Lœrraco jam quærant, (u)

Lœrra-  
cum op-  
pidum.

(r) Lœrracho cum Ecclesia in Literis institutionis Sant Albanensis Cœnobii Basileæ A. 1083. memoratur. URSTISII *Epitome Hist. Basil.* pag. 123.

(s) Hugo de Lœrrach A. 1350. Ottonis Marchionis iram in se provocavit. A. 1357. idem Marchio Castrum in Lœrrach emit ab Ursula de Baden, Aliud Castrum vetus *Lœrrach* erat in Buchsgovia Helvetiæ. URSTISII *Chron. Basil.* Lib. I. Cap. XVI. pag. 52.

(t) Rœtelanum Capitulum Rudolphus Marchio A. 1428. instituit.

(u) Nummi occasione hac a Lœrracensibus cusi sunt.

CAROL.  
FRIDER.

Emmedingam Marchionatus Hachbergici caput, cui Jura Civitatis Jacobus A. 1590. concesserat, Marchio noster A. 1757. adauxit suburbio, ab illa parte, ubi vicus est Emmedinga inferior. Privilegiis invitati sunt, qui suburbium augerent, ornarent.

### §. XVI.

Palatium  
novum  
Carlsruh.

Sed jam ordo rerum requirit, ut a Marchicis Præfecturis ad ipsum Principis accedamus Palatium. Quanta ibi omnibus in partibus occurrit commutatio rerum. CAROLUS FRIDERICUS, Marchiæ regimen adiens, novi Palatii, quod inhabitaret, exstruendi impositam sibi esse necessitatem intellexit. Difficulit opus; aliquandiu incertus; Caroloburgense, a Proavo inchoatum Durlaci Palatium, num ipse perficeret, an temporarium, ab Avo Carolsruhæ constructum, reconstrueret funditus. Utramque in partem deliberatum est diu. Carolsruha denique vicit. Silvæ, tot itineribus perviæ, viridarium amœnitas, opportunitas novos hortos plantandi, tota indoles tractus, collibus nec nimis vicini, nec ab illis nimis remoti; aliæque rationes induxerunt Marchionem, ut Carolsruham præferret; perituram, si Marchio illam deseruisset. Sed novum erat exstruendum Palatium. Destructo itaque ædificio priore, fundamentis ejus superstruxit novum, quod hodie contuemur.

Palatium non magnæ molis, non amplum, sed concinnum, nitidum & elegans; in quo splendor cum parsimonia, decor cum



dignitate conjunctus; qualem decebat esse Principis Aulam, quæ virtuti, honori, Palladi, Musisque dicata. Hanc aulæa & peristromata, marmora omnis generis, ex ipsius Marchiæ sinu & visceribus effossa, exornant; quæ ille primus omnium aperuit atque effodi jussit; orientalium æmula.

## §. XVII.

Carolsruham Carolus Wilhelmus sibi exstruxit, CAROLUS FRIDERICUS eam reddit æternam. Immunitatem Carolsruhæ oppidum. triginta annorum, quam oppidanis concesserat avus, ad decem novos continuavit nepos; singularia beneficia ex ærario suo indulgit iis, qui lapidea ligneis substituunt, secundum præscriptam a Principe formam. (x)

Vicina Carolsruhæ est Godesavia; Benedictinæ olim Regulæ Godesavia exstructa. Cœnobium; quod ex Bernhardi Marchionis voto Gregorius XII. in Carthusiam A. 1406. conversurus erat, si annuos quadringentorum florenorum redditus novos prioribus additurus fuisset Marchio, (y) qui non implevit conditionem. Abbatia hæc A. 1525. bello rusticano direpta, incensa. Carolus II. ædificium novum

Tom. IV.

Ggg

(x) Baugnade auf Modelmæfige Hæuser.

(y) Gregorii XII. Literæ ad Moguntinum Archiepiscopum, hac super re datæ, in Bada-Durlacensi Tabulario supersunt.

CAROL.  
FRIDER.

ibi in suos usus A. 1553. construxit; quod filius ejus Ernestus Fridericus ampliavit. Palatiolum A. 1689. bellicis flammis consumtum, restauravit Carolus Wilhelmus. A. 1735. iterum incendio non bellico, sed fortuito, eversum, CAROLUS FRIDERICUS noviter exstructum, variis œconomicis rebus, ibidem institutis, amplificat.

## §. XVIII.

Agricul-  
tura.

Agriculturæ, omnibusque partibus ejus ita prospicit optimus Princeps, ut loca palustria ficcare, sicca humectare, arida ad fertilitatem adaptare, fertilia fertiliora reddere quovis modo laboret. (z)

Magnæ ei curæ est plantatio arborum, ad elegantiam & utilitatem hortorum, viarum, imo & ad incrementa silvarum. Quantum fuerat in saltibus vacuum, quod jam frondibus viret.

Fabricæ.

Nutriendis bombycibus moros magno numero plantavit; unde seta frequens jam prodit. Institutæ hinc Durlaci fabricæ setarum, uti Pforzhemii sunt fabricæ pannorum. Industria Principis excitat industriam civium, quin & allicit exteros. Vigent in Marchia fabricæ ferri, bractearum, filorum ferreorum, cultorum, acuum, coriorum, candelarum cerearum, vasorum, quæ porcellanæ sunt æmula, papyri, xylinarum omnis generis telarum, earum præsertim, quæ Persicæ appellantur.

---

(z) Variæ hac super re diversis temporibus editæ constitutiones.



Pforzhemii & Schopfhemii linteæ & gossypinæ telæ apricatione dealbantur. Plures fabricæ, licet in infantia sint, benefica tamen Principis cura, indies augentur & crescunt; qui non suæ tantum Marchiæ, sed & exterorum velificaturus commercio, vegetigalia terræ & fluminum ad dimidium reduxit.

## §. XIX.

Ex rupibus & visceribus Marchiæ, ab aliquo tempore, Marmora in Marchia re-  
perta. marmora omnis generis effodiuntur; quin & Achates & Jaspis. Ad indagationem eorum præmiis allekti sunt cives. (a)

Rœtelanæ Dynastiæ vicus Velmlinga ostentat marmor, quo via publica sternitur. Candidum est, in subflavum vergens; arbusculas, frutices, muscos, ad vivum effingens. Color figurarum inter cæsum & nigrum, venis flavescentibus intersectus, vias & flumina refert. Marmor hoc Florentino, quod rudera urbium, faxa & cautes repræsentat, præferendum.

Sausenbergicus Tannenkirchæ vicus aptissimum conficiendis columnis marmor producit; cujus color flavus, gilvus, albicans; roseis hinc inde maculis interspersus. (b)

Tom. IV.

Ggg 2

(a) Literis die 3. Aprilis A. 1754. publice datis.

(b) Marmora hæc descripsit Perill. J. O. JAC. REINHARDUS, Consilii Sanctioris Bada-Durl. membrum; Vir aliis pluribus scriptis editis clarus, in libro, cui Tit. *Vermischte Schriften* Part. IV. pag. 441.

CAROL.  
FRIDER.

## §. XX.

Lapides  
generosi.

Reperiuntur & rupes lapidum generosiorum feraces. Prope Wœßlingam in Præfectura Steinenfi saxum entrochis, conchis & cornubus Ammonis refertum se obtulit. Prope Eichstetam Hachbergicæ Marchiæ inventæ sunt Jaspides, quæ lemniscos sericumque repræsentant. Præcipuus in Denzlingæ finibus est syenites, candidi, atri & rubri coloris, maculis marcasitarum decorus. Occurrunt & lapides, carchedoniis, amethystis & syenitibus mixti; imo & præstans apud Effringam Roetelanam Dendritis.

Teniæ, carbones bituminosi, quin & gagates, hinc inde effodiuntur, rubro, violaceo, albo, coloribus præditi. Sunt, qui, onychum instar, circulis signati, sardios inter numerandi sunt lapides, quibus ad ignem eliciendum uti solent agrestes.

Mitto aurum, ex Rheno quod prodit, argentum & varia æris genera, ex metallifodinis Sulzbergicis quæ quotidie prodeunt.

Societas  
Oeco-  
nom.

Promovendis harum rerum progressibus, sollicitus Princeps *Oeconomicam Societatem* instituit, quæ ipso præsentente & præfide, deliberat, quid fontibus, aquis, fluminibus, agris, frugibus, pratis, pascuis, nemoribus, silvis, hortis, viis, fabricis, metallifodinis, domibus, vicis, oppidis, civibusque expediat. Societatis hujus leges die 8. Febr. A. 1765. in lucem emissæ.



## §. XXI.

**O**economicis his rationibus CAROLUS FRIDE-<sup>Politia.</sup>  
RICUS junxit Politiam, quæ populis normam vivendi, ut bonum civem, in suo quemque statu, decet, præscribit. In hac parte plus præstitit solus, quam omnes ejus præstitere majores; five ecclesias & scholas, five tribunalia, five singulas civitates, oppida, societates, tribus, vicos, forestalium rerum, viarum publicarum, viduarum, pupillorum, pauperum & indigentium, fortuito casu infelicium, curam intuearis. Nulla Marchiæ pars est, quam ille non legibus novis & institutis animavit. Leges has in unum si redigas corpus, concinnus inde oritur Politicæ Codex, aliis Principatibus qui inserviat normæ.

Principium ab ipsa Aulæ suæ emendatione ducendum esse ratus est. Administris, Consiliariis, officialibus, satellitibus regula bene vivendi præscribitur brevis. Publicata est hæc Ordinatio A. 1750. & probata ab exteris. (c)

## §. XXII.

**E**cclésiis & scholis non una lege prospexit Marchio, ita Ecclesiis  
quidem, ut A. 1749. & A. 1754. salaria parochorum & ludimo-<sup>& scholis</sup>prospicit.  
deratorum ex ærario suo non parum adauxerit. Agenda Ecclesiastica nova A. 1750. correctæ & auctiora imprimi curavit. Ec-

Ggg 3

---

(c) Recudi eam fecit MOSERUS in Libro, cujus Rubrum est *Hofrecht*.

CAROL.  
FRIDER.

clesiarum visitationibus, singulis annis instituendis, eodem fere tempore legem & modum præscripsit. Quinquennio post Parochorum etiam Synodos annuas ordinavit; in quibus de rebus, ad ecclesiarum curam & disciplinam spectantibus, tractandum; de theologicis disputandum sit rebus. Prima Synodo in Dioecesibus peracta; generalem, quæ vocatur, Synodalem Constitutionem, promulgavit, qua Superattendentibus, parochis, scholarum magistris, officii, disciplinæ & vitæ, quæ ipsos deceat, norma præscripta est. (d) Quæ singulis annis monenda, supplenda, corrigenda sunt, singularibus Principis rescriptis expediuntur.

Gymna-  
sium Ca-  
rolsruh.

Carolsruhenſe Gymnaſium novis redditibus dotavit, novis legibus & doctõribus auxit. In omnibus Marchiæ ſuæ oppidis & vicis juvenus ut ſtudioſe inſtituatur & erudiatur A. 1755. proſpexit.

Vitæ ſubditorum conſulens, obſetriciæ artis magiſtros, qui obſetrices doceant, dirigant, imo ipſis parturientibus ſuccurrant, conſtituit. Juvenes, addiſcendæ huic arti intentos, ſtipendiis & beneficiis ſublevat. Chirurgiæ cultores in patria diſcendi ne carerent occaſione, corporis humani ſtructuram publice Carolsruhæ juffit doceri. Prodiit hunc in finem Ordinatio die 6. Aug. anno 1763.

---

(d) *General-Synodalverordnung* d. d. 25. Maji 1756.



Orphanotrophium atque ergastulum, a Carolo Wilhelmo institutum Pforzhemii, CAROLUS FRIDERICUS A. 1752. emendavit, statutis novis, ædificiis & redditibus auxit. Ergastulum loco, a reliquis ædibus separato, construxit. (e) Alendis pauperibus Carolsruhæ & Durlaci oppidorum annuos ex ærario suo redditus A. 1748. assignavit. Eleemosynas totius Marchiæ peculiari Constitutione A. 1761. ordinavit. Viduabus Officialium defunctorum prospecturus A. 1758. fiscum constituit, unde certi redditus annui iisdem penderentur. Similem fiscum pro viduabus ludimagistrorum A. 1760. erexit. Utrumque redditibus ex ærario suo instruxit. Servos, glebæ addictos, libertatis participes reddidit, cum primum officio, sive ecclesiastico, sive civili fuerint admoti. (f) Officiales omnes eorumque viduas atque heredes, ex provincia migrantes, a jure detractus liberavit. (g)

A. 1756. superflua abrogavit festa; opificum & agricolarum ut consuleret quæstui. Baptismalibus, nuptialibus, funebribus (h) ceremoniis, aliisque festivitatibus præscriptus est modus; ita quidem ut cum parsimonia celebrentur. Sepultura in Eccle-

---

(e) Scriptus hac de re liber, cui Tit. *Umständliche Nachricht von dem Wayseuhause, wie auch Toll- und Kranckenhause zu Pforzheim, ingleichem von dem Zucht- und Arbeitshause daselbst.* Carlsruhe 1759.

(f) A. 1762.

(g) A. 1751.

(h) Duæ hac super re editæ Constitutiones A. 1754. & 1755.

CAROL.  
FRIDER.

fiis edicto anni 1753. prohibita. Omnis per Marchiam abolitus est luxur & sublata luxuria.

## §. XXXIII.

Processus  
tribuna-  
lium.

**L**ongus & tortuosus Tribunalium processus in subhastationibus, (i) in causis civilibus (k) atque criminalibus, (l) in compendium redactus est; temerariis & malitiosis litigatoribus erepta refugia. Sublatus juramentorum abusus; impediendis perjuriis atque mendaciis certæ leges constitutæ. (m) Perhorrescentiæ, quod vocant, juramentum aboliturum est peculiari Edicto. (n) Usurariis ac foeneratoribus, Judæis præsertim, qui variis artibus ad paupertatem rusticos redigunt, injecta sunt frena. (o) Furta, stupra & adulteria severioribus poenis coercita. (p)

Sed & præ aliis commendabilis est incendiorum Ordinatio A. 1758. d. 25. Sept. promulgata. (q) Incolarum Marchiæ Domus igne

---

(i) Prodiit hac super re Constitutio A. 1752. die 26. Febr.

(k) Processus civilis ordinatus Constitutione A. 1752. die 20. Sept.

(l) Processum Criminalem correxit Constitutio A. 1753. die 10. Febr.

(m) A. 1762. die 9. Octobris,

(n) A. 1757. die 10 Sept.

(o) Constitutio A. 1747. die 23. Jan.

(p) Plurimas Ordinationes collectas vide in *denen Carlsruher Wochenblättern* ab A. 1757 - 1766.

(q) *Brandassurationsordnung.*



igne aliove modo si perit, omnes incolæ ad reædificationem ejus concurrunt. (qq) Imo & de præcavendis extinguendisque incendiis A. 1763. Constitutio prodiit.

Publicas vias, non ære subditorum, sed suis sumptibus ster-<sup>Via pu-  
blicæ.</sup> nere, munire, Marchio noster omnium Germaniæ Procerum visus est primus. Opus, durante tutela cœptum, continuavit, ampliavit, regimen cum vix adiisset, atque A. 1747. & sequenti novis Ordinationibus editis firmavit. Inutiles autem cum sint viæ publicæ, nisi securitate muniantur, constituit custodes, qui vitæ vagæ assuetos erroneosprehendunt; quos ergastulis includit; sumptibus ex ipso quoque ærario suo suppeditatis. (r)

## §. XXIV.

Præcipua enarro. Sunt enim & alia, quæ quoti-<sup>Pactum  
familiæ.</sup> die ordinat, & in posterum ordinaturus est Badensium

Tom. IV.

Hhh

(qq) Damnorum, quæ singulis annis incendio facta sunt, Decembri mense initur ratio. Summa pro ratione pretii ædificiorum, quod quisque censu, in hunc finem instituto, professus est, inter cives totius provinciæ distribuitur. Civibus, quid refarciendum, quid conferendum, publice significatur. Refarciuntur damna, ea tamen lege, ut statim reædificentur domus, incendio quæ perierunt.

(r) Constitutio hac super re facta die 25. Sept. A. 1756.

CAROL.  
FRIDER.

nostri seculi Solon; præsentibus & futuris indefinenter propiciens.

Legislationi, quam exposuimus, coronidem imponit mutæ Linearum Badensium in Marchionatibus successionis Pragmatica Sanctio; CAROLO FRIDERICO Auctore, GEORGIO AUGUSTO Promotore, nuper constituta; (s) dignum suis conditoribus opus; perpetuæ magnitudinis & gloriæ Domus firmamen; politicos majorum errores emendans; qui, uti terras acquirere & comparare noverant, ita comparata conservare & in unum corpus indivisum constringere si voluissent, quantis opibus auctior ante plura jam secula floruisset Serenissima Domus; non impari cum potentioribus gradu æstimanda. Complementum hoc politicæ prudentiæ CAROLO FRIDERICO fata fervarunt; qui ea, quæ Rudolphi, Bernhardi, Christophori, Marchiæ totius possessores, præstare debuerant, tandem præstitit primus.

Primus ille quoque a Gallia obtinuit, ut cives Marchici per universon hoc regnum non haberentur Albini, sed suc-

---

(s) Vide Tom. III. pag. 303. Legati munus in gravissimo hoc negotio obiit Augustus Joannes de Hahn, Vicepræsidis in consilio regiminis & ecclesiastico munere conspicuus.



cessionis essent capaces; quod & Gallis in terris suis concessit Marchio. (t)

## §. XXV.

Gesta hæc secundum ordinem temporum dum simpliciter expono, legislatorem depingo, qui omnia rimatur, nihil inobservatum relinquit. Sed ita leges fert, ut & ipse leges, quas a natura & a majoribus accepit, religiose observet.

Elogium  
Principis.

Virtutibus his parsimonia & moderatio præsidet; tot aliarum matres virtutum. Animus hinc Principis a vexationibus subditorum; a novorum tributorum exactionibus, & ab ære alieno contrahendo, alienus; raro inter Magnates exemplo. Parsimonia, nihil detrahens Aulæ splendori. Splendor luxuria destitutus & luxu. Sine avaritia parcus, sine profusione liberalis. Liberalis in pauperes, populares & exteros. Exteras religiones non persequitur, non odit, sed protegit, ut suam; suæ sine hypocrysi cultor.

Tom. IV.

Hhh 2

---

(t) Pactio inter Ludovicum XV. & CAROLUM FRIDERICUM inita die 20. Novembris A. 1765. Argentorati. Instrumentum Regis, datum 8. mensis Decembris die, elegantissima Bulla firmatum.

CAROL.  
FRIDER.

## §. XXVI.

Splendor  
literarum  
& artium.

Litteris & artibus novus in dies splendor, ad posteros duraturus, sub Marchione nostro accedit. Non cives modo, sed & exteri omnes, qui Aulam ejus invifunt, aperte hoc prædicant. Literati cujuscunque nationis & ordinis in ea excipiuntur benigne, læti in ea morantur, & ab ea inviti difcedunt; difcedentes omni humanitatis genere cumulantur; redeundi fibi veniam expetunt & obtinent.

Expertus hoc eft Illuftris CASSINIUS A. 1763. ex Gallia in Germaniam miffus, Lineam Argentorato ut duceret Vindobonam, Marchicas quæ permeat terras. Geographiæ Germanici Imperii perficiendæ institutum hoc inferviturum intellexit Marchio, fuisque fumtibus opus in terris generofe promovit, atque continuando Geographiæ folidioris ftudio instrumenta ex Gallia juffit afferri. Linea meridionali in fuo Palatio ducta, progreflibus futuris ipfe præludit. Singularem Principis noſtri in fe humanitatem ore & ſcripto per Literatum orbem gratus prædicat CASSINIUS, doctrinæ & virtutum ejus præco ſincerus. (u)

---

(u) CASSINI in Relatione Itineris fui Germanici A. 1763. Gallice ſcripta Part. I. pag. 23. & Part. II. pag. 51. Titulus Libri eſt: *Relation de deux*



## §. XXVII.

**P**ublica Graphices & Diagraphices Schola. A. 1764. *Alia.*  
juventuti aperta; qui primus est omnium artium gradus. Hæc  
est illa linea, singulis diebus quam magnus ille duxit Apelles.

Bibliothecam Aulicam, quam a majoribus mediocrem  
acceperat, CAROLUS FRIDERICUS quotidie amplifi-  
cat, ornat, libris omnium scientiarum & artium adauget, di-  
versas ejus partes in unum corpus juncturus. Aditus ad Biblio-  
thecam hanc omnibus diebus nemini non patet.

Nummophylacium, quod Fridericus VI. dives reliquit,  
supplere atque præstantius reddere, quin & medii ac junioris ævi  
nummis augere satagit.

Publicæ hæ sunt Principis, quem describimus, virtutes. *Virtutes*  
Domesticas & privatas si spectes, quas ille, maritus & pater, quo- *domesti-*  
cæ.

Hhh 3

CAROL.  
FRIDER.

tidie exercet, quam felix ejus cum Conjuge animorum conjunctio; quam amabilis in Principum filiorum educatione concordia; quos præcepto non magis, quam exemplo ipse suo, quin & ipsa quandoque institutione sua, regit & dirigit; sollicitus & benignus pater; si necesse est, gravis; ipse pietatis in Præceptorem quondam suum vix visum exemplar.

## §. XXVIII.

Conjux.

In blando Marchionis nostri consortio vivit CAROLINA LUDOVICA, Hassiaca, Ludovici VIII. Darmstadiensis Landgravii filia, nata A. 1723. die 11. Julii, nupta die 28. Jan. A. 1751. Heroica Conjux; Mariti comes virtutum; comes itinerum, in qua, ut in Elisabetha illa Britannica, (x) Scriptores, quæ mirentur, inveniunt; quæ vituperent, quærunt. Marchica Rhea, partu suo centum jam complexa nepotes; similem sibi & marito sobolem gignit & educat. Marchica Pallas, quæ, vegetabilis regni admiranda dum scrutatur Maritus, ex minerali & animali regnis cumulat thesauros; pictura (y) & scalp pro Apellis & Pyrgotelis æmula; omnium artium & scientiarum cultrix, amica, patrona. (z)

---

(x) ORLEANS *hist. des revolutions d'Angleterre* Lib. VIII. pag. 176.

(y) Hafniensis pictorum Academia A. 1763. eam sociam recepit.

(z) Insigne Astronomicum duorum voluminum opus, Lutetiæ A. 1764. in



Prodierunt ex thoro hoc

1. CAROLUS LUDOVICUS, natus die 14. Februa-  
rii A. 1755.
2. FRIDERICUS, die 29. Augusti, A. 1756. editus in  
lucem.
3. LUDOVICUS WILHELMUS AUGUSTUS, qui  
die 9. Febr. A. 1763. orbem aspexit.

Quartus filius A. 1764. die 29. Julii periit in partu, Pforz-  
hemii sepultus.

Augusta hæc soboles, spes & expectatio Marchiæ, Bern-  
hardos, Carolos, Ernestos, Fridericos, Ludovicos Badensibus  
populis fisset redivivos, atque felicitatem patriæ, patre regnante  
stabilitam, ad seros propagabit nepotes. Soboles, cara cœlo &  
duratura in ævum.

---

quarta forma impressum, Lalandius auctor Serenissimæ Marchioni ad-  
scripsit; doctrinam ejus in artibus & scientiis celebrans; quod & ante  
eum fecerat CASSINIUS in *Relatione Itineris* A. 1763. quam supra  
allegavimus.

CAROL.  
FRIDER.

Annus MDCCLXVI. Badensem hanc Historiam terminat. Præterita futurorum speculum quum esse soleant, gratulandum est Badensibus populis, tali quod sub Principe vivant, novum Marchiæ qui conditurus est seculum; quod a memori & grata posteritate appellabitur Aurea Badensium Aetas.



NUMIS.



# NUMISMATUM

## BADA - DURLACENSIIUM

### EXPOSITIO.



**M**etallicam Ernestiadum Badæ Marchionum seriem Cæsareo, (a) Suecico, Gothano, (b) Durlacensi & Palmiano Carolsruhæ, Nummophylaciis debemus.

Heræana Marchionum Badensium Tabula, æri incisa, quæ nunquam in publicum prodiit, sed cum aliis ejusdem Heræi fragmentis in Cæsarea gaza fervatur, (c) nonnullos primi ordinis nummos nobis suggessit.

Durlacenses a seculi fere XVI. temporibus officina monetaria usi sunt, unde frequentiores eorum, quam Bada-Badensium nummi.

Tom. IV.

lii

(a) Perillustri L. B. de SENCKENBERG, Consiliarius Imp. Aulicus, Jurisprudentiæ publicæ decus, ex Cæsarea gaza ea, quæ damus, suppeditavit.

(b) Perillustri SCHLAEGERUS, Gothani thesauri Custos, scriptis eruditis de re numismatica celebris, nobis transmissit Gothana.

(c) HERRGOTTUS in *Nummotheca Principum Austriæ* Parte I. Tomi II. *Monumentorum* in Præfat. §. 19. Heræi Tabularum fragmenta describit.

## FRONTISPICIUM TABULARUM.

In superiore Frontispicii Nummorum Durlacensium parte Zaringicum comparet sigillum, equitem exprimens galeatum cum vexillo. Sigillum est Bertoldi IV. ab illo diversum, quod in Numismatum Bada-Badensium Frontispicio exhibui. Adhæret Chartæ A. 1181. quæ in Capituli Sancti Ursi scriniis Solodori servatur; ab Illustri Zurlaubio Franciæ Campi-Mareschallo, cujus studium inseruendi Badensium rebus heic publice laudandum, nuper ad me missum. Inscriptio: **BERHTOLDVS. DEI. GRA. DVX. ET RECTOR. BVRGVNDIE.**

In inferiore Frontispicii parte sigillum Bada-Durlacense majus posuimus.

**T A B U L A I.**  
**E R N E S T U S.**  
**I.**

**N**umisma argenteum, elegans, formæ majoris, Ernesti, Bada-Durlacensium factoris, pallio principis induti, repræsentans imaginem. Caput reticulo cinctum, quod crines involvit. Christophorus, Ernesti pater & ejus frater Bernhardus in Christophorianæ familiæ Tabula eadem forma comparent. (d) Aurea torques ex collo propendit ad pectus. Epigraphe:

---

(d) Tom. II. pag. 288.



V. G. G. ERNST. MARGRAVE. ZU. BADEN. UND  
HOCHBERG.

*Dei Gratia Ernestus Marchio Badensis & Hochbergensis.*

In averfa parte:

NIT SCHIMPF MIT ERNST.

*Ernesto illudere noli.*

Subjungitur Aera MDXXXIII. Occasionem nummi cudendi dedisse videtur discordia, in dividenda Philippi hereditate inter fratres exorta. Ernestus, de Confiliariis fratris non semel conquestus, constantem in omni hoc negotio animum ostendit. At eodem anno restituta inter fratres concordia, quam nummus Tabulae IV. Bada-Badensium sistit.

II.

Nummus unilaterialis, in quo Badensis baltheus & Spanheimenses tessellae. Manus junctae cor tenent, ex quo prodeunt rosae. In infima nummi parte lithospermum conspicitur. In circulo, qui nummum ambit, Aera MDXXXIII. comparet. Monumentum conjugalis inter Ernestum & Urfulam Rosenfeldiam concordiae.

M A R G A R E T H A

ERNESTI FILIA.

I.

Unilaterialis argenteus, moduli majoris, nummus Margarethae, Ernesti filiae, quae Wolfgango Oetingensi Comiti nupsit.

---

MARGARETH. MARGGRAVIN. ZV. BADEN. IRS.  
ALTERS XX.

Id est: *Margaretha Marchio Badensis ætatis suæ XX.*

## II.

Eadem Margaretha. In postica parmula Badensis cum Spanheimensibus tessellis. DROLLINGERUS Margarethæ, Caroli I. Marchionis filiæ, Abbatissæ Lucidæ Vallis, A. 1496. defunctæ, attribuit nummum, (e) quod Durlacenses ante Georgii Friderici ætatem, Spanheimensibus tessellis non fuerint usi. Spanheimensia, ante Georgium Fridericum, Insignia non adhibuisse Marchiones, non equidem negaverim; at Principes feminas illis usas esse, ejusdem Margarethæ apocha, Carolo fratri A. 1558. data, ostendit; quæ Margarethæ refert sigillum, in quo Oetingensia cum Spanheimensibus comparent. Elisabetha, Margarethæ soror, Conrado Comiti Castellæ nupta, A. 1544. usa est sigillo, quod Spanheimensia Castellensibus jungit. Denique Margaretha sæculari, non ecclesiastico, habitu decoratur. Literæ & scalprum artificis a sæculi XV. ruditate abhorrent, & cum nummis Ernesti ac Caroli II. conveniunt.

---

(e) In Schedis.



## TABULA II.

## CAROLUS II.

## I.

**A**ureus formæ oblongæ, nummus Caroli II. CAROLVS.  
D. G. MARCHIO. BADENSIS. ÆTAT. *tis* XXX.  
AN. *no*

In averſa ſcutum quadripartitum, in cujus prima parte in area argentea Leo ruber, aurea corona ornatus; Zaringica teſſera. In ſecunda eſt ala argentea, ſemicirculo aureo inſignita, in area cærulea; Uſenbergæ Dynaſtiam deſignans. Tertia ſiſtit in area coccinea trabem auream, cantheriis tribus nigris exaratam; Badevillanum deigma. In quarta eminet leo dimidiuſ ruber, ex variis pellibus emergens; Roetelanum Inſigne. Quatuor areis inſidet clypeuſ Badenſis. Quinque galeæ ſcutum cingunt. Tres ſuperiores coronatæ ſunt. Prima leonem exorientem rubeum, auro coronatum exhibet; Briſgoici Landgraviatuſ teſſera. Media, quæ proprie Badenſis eſt, arietina duo cornua, introrſuſ denticulata, ſuſtinet. Tertia hermam virilem oſtentat, cæruleo amictu ornatum, qui thorace alam argenteam Uſenbergicam gerit. Reliquarum galearum altera Badevillana, herma juvenili ornata, cujuſ veſti rubeæ in pectore paluſ aureuſ, cantheriis diſtinctuſ, inhæret. Poſtremæ denique galeæ tiara epiſcopaliſ inſidet; advocatiæ jura in monaſteria quædam deſignans. In ima nummi parte Aera MDLIX.

## II.

Nummus argenteus formæ oblongæ, præcedenti similis, sed formæ paulo minoris; anno Caroli XXX. Aeræ Christianæ 1559. cufus.

## III.

Uncialis Caroli II. thorace & manicis ferreis instructi, dextra hastam gestantis, sinistram capulo gladii admoventis. Annus 1572. Inscriptio: CAROLUS. D. G. MARCHIO. IN. BADEN. ET HACH.berg. In averfa scutum quadripartitum Bada-Durlacense, eo ordine, quem modo exposuimus. Literæ G. W. G. scuto circumscriptæ, indicant artificis nomen. Inscriptio continuat titulum:

LAND. IN. SUS: DNS: IN. ROT: ET. BADEN-  
WIL. (f)

*Landgravius in Saufenberg, Dominus in Ræteln & Badenweiler.*

## IV.

Nummus argenteus, forma semissis, in quo aquila Imperii duplex cum corona & epigraphe:

MAX. II. IMP. AUG. P. F. DECR.

*Maximiliani II. Imperatoris Augusti, Pii, Felicis, Decreto.*

Averfa pars Durlacensia deigmata, eodem modo, quo in præce-

---

(f) Uncialis hic æri incusus est in libro, cui Tit. *Sammlung rarer und merkwürdiger Gold- und Silbermünzen* Leipzig 1751. pag. 55.



dentibus Caroli II. lummis, collocata, exhibet. CAROLUS.  
D. G. MARCH. BADE.

---

TABULA III.

ANNA

CAROLI II. UXOR.

**A**ureum numisma, Annæ Palatinæ, Caroli II. conjugis viduæ,  
imaginem fistens, capite vittato.

ANNA von Gottes Gnaden MARGgræfin zu BADEN  
GEBORNE PFALZgrævin BEY RHEIN.  
Ætatis 44.

*Anna Dei Gratia Marchio Badensis, nata Comes Palatina  
Rheni Ætatis anno 44.*

In postica parte Durlacensia Insignia, Palatinis juncta, cum lem-  
mate:

ICH ACHT ALLES FOR KOT DAS ICH CHRI-  
STUM GEWINNE VND IN IHM ERFVNDEN  
WERDE.

*Omnia vilipendo, ut lucrifaciam Christum & in eo justificer.*

Aera: 1584.

## ERNESTUS FRIDERICUS.

## I.

Nummus, formæ oblongæ. Ernesti Friderici caput. ERNEST. FRID. D. G. MARCH. BAD. ET HACHBERG. A<sup>o</sup>. *Ætatis* 24. 1584. In averſa parte Durlacenia Inſignia eodem ordine, qui in prioribus Caroli II. nummis comparet. Ernestus Fridericus eo anno regimen adiit.

## II.

Nummus concordiæ, inter Ernestum Fridericum & Georgium Fridericum; A. 1596. firmatæ. Marchia Hachbergæ, Jacobi morte vacans, Georgio Friderico ſoli certis tum conditionibus relicta eſt. Antica pars ſpicula repræſentat, quæ duæ manus, e nubibus prodeuntes, amplectuntur. Inſcriptio: VIRIBUS UT JUNCTA HÆC RUMPUNTUR SPICULA NULLIS SIC OMNE IMPERIUM FIRMAT CONCORDIA FRATRUM. Poſtica habet Durlacenia Inſignia, uti præcedens. Additis A. 1596. Inſcriptio: ERN. FRID. ET GEORG. FRID. MARCH. BAD. ET HACHB. LAND. SVS. DNI. ROT. ET BADENW. FRATRES.

---

TABU-



---

---

TABULA IV.  
ERNESTVS FRIDERICVS.  
III.

**E**rnesti Friderici effigies. ERN. FRID. D. G. MARCH. BAD.  
In averſa comparet figura monſtroſa. Duæ manus, in cly-  
peo junctæ duorum fratrum, Ernesti Friderici & Georgii Friderici  
forte innuunt concordiam. Lemma: NEC. NVLLI NEC.  
Q̄MNIBVS.

IV. V.

Nummi memoriales, formæ oblongæ, Ernesti Friderici  
A. 43. cuſi. In utroque protome ejus: ERN. FRID. D. G.  
MARCH. BAD. In poſteriore additur: ET HOCHB. ÆTA. 43.  
Durlacenia Inſignia in averſa utriusque nummi parte comparent,  
cum Aera 1603.

---

---

TABULA V.  
GEORGIVS FRIDERICVS.  
I.

**I**mago Marchionis: GEORG. FRID. D. G. MAR. BAD. ET  
HACHB. LANDG. In poſtica oſſium caput, duobus oſſi-  
bus impoſitum: PVLVIS ET VMBRA SVMVS.

II.

Nummus argenteus, cum ejusdem Marchionis togati effi-  
gie: GEORG. FRID. D. G. MARCHIO BAD. ET HACH.

In altera parte crux, quatuor circumdata parmulis, quarum prima Zaringicum leonem, secunda alam Usenbergicam, tertia Badevillanam trabem, quarta leonem, e pellibus emergentem, Rœtelnanum insigne, prodit. In medio crucis parmula præcipua cum Badensi baltheo. Inscriptio:

LAND. Z. SVSENB. DO. IN. ROT. ET BADENWI.

*Landgravius in Susenberg, Dominus in Ræteln & Badenweiler.*

### III.

Nummus quadratus argenteus, in quo parmula cum tessera Badensi:

*Georg Friderich marggrav zu Baden.*

*Georgius Fridericus Marchio Badensis.*

In postica globus Imperii, cruce distinctus, in quo numerus 84. Addita Aera: 1609.

### IV.

Nummus argenteus, secundo hujus Tabulæ nummo similis, nisi quod A. 1610. cufus.

## TABULA VI.

### GEORGIUS FRIDERICUS

#### V.

**N**ummus quadratus argenteus, formæ majoris, cum Georgii Friderici effigie:



GEORG. FRI. D. G. M. BA. ET HACH. LA. SV.  
C. A. SPO.

*Georgius Fridericus Dei gratia Marchio Badensis & Hach-  
bergensis Landgravius Saufenbergæ Comes a Spon-  
heim.*

In postica scutum, in tres regiones distinctum. Regionis superio-  
ris parmula prima leonem Brisgoicum, secunda alam Usenbergi-  
cam, tertia Spanheimenses tessellas exhibet. In medio scuti bal-  
theus Badensis, quem ab uno latere aper, ab altero rosa, Eber-  
steinii symbola, stipant. Infima scuti regio quatuor laterculos  
continet, in quorum primo palus Badevillanus, cantheriis distin-  
ctus; secundo Roetelanæ fasciæ, ex quibus eminet leo; tertio  
baltheus Lahrensis; denique leo Malbergenfis. Supra scutum  
Aera: 1622. In ambitu tituli reliqui:

ET. EBERS. D. A. ROT. BADENW. LOR. ET MALB.  
*Et Eberstein, Dominus a Roeteln, Badenweiler, Lor & Mal-  
berg.*

Georgius Fridericus primus fuit in ordine Ernestiadum, qui titulos  
& insignia Bada-Badensia in nummis figillisque adhibuit; supe-  
rioris Marchiæ possessor quod esset. Restituta Eduardinis hac  
Marchia, pactione Vindobonensi (g) A. 1627. conventum est, ut

utraq[ue] linea iisdem gentilitiis uteretur insignibus; quod ab hoc tempore constanter obtinuit.

## V I.

Nummus uncialis argenteus, A. 1622. cufus, Georgii Friderici effigiem, titulos & insignia eadem, ut in præcedente nummo, formula exhibens.

## T A B U L A V I I.

## G E O R G I U S F R I D E R I C U S.

## I.

**N**ummus argenteus, cum Georgii Friderici, loricati & baculum tenentis, effigie. Ad caput Marchionis annus 1627. In ambitu:

GEORG. FRID. D. G. M. BAD. ET. HAC. LA. SV.  
C. A. SP.

*Georgius Fridericus Dei gratia Marchio Badensis & Hachbergensis Landgravius Susenbergæ Comes a Sponheim.*  
Pars averfa scutum Marchionis sistit, in tres regiones divisum, quas Tabula præcedente num. V. descripsimus. Inscriptio:

ET EBERS. D. A. ROT. BADENW. LAR ET MAL.  
*Et Eberstein, Dominus a Ræteln, Badenweiler, Lar & Malberg.*



## VIII.

Nummus argenteus, in quo Georgii Friderici loricati effigies cum inscriptione, quam modo memoravimus. Aversa habet scutum quadripartitum, in quo duplex Badensis baltheus & ala Usenbergica duplex. Supra scutum numerus 24. totidem crucigeros indicat. Epigraphe: MONETA. NOVA. HACHBERGENSIS. 1622.

## IX.

Nummus itidem argenteus, illi, quem num. VII. hujus Tabulæ descripsimus, similis, nisi quod Aera in eo nulla comparet.

## X.

Nummus bracteatus, minimi moduli, baltheum Badensem in parmula sistens. Literæ G. F. M. Z. B. *Georgium Fridericum Marchionem Badensem* indicant.

## TABULA VIII.

## FRIDERICUS V.

## I.

**N**umisma argenteum, formæ oblongæ, cum Friderici V togati effigie & literis:

F. D. G. M. Z. B. V. H.

*Fridericus Dei Gratia Marchio Badensis & Hachbergenfis.*

In averſa parte roſaria cum emblemate: ROSA NON SINE SPINIS: variam ejus fortunam denotant.

## I I.

Nummus elegans, in quo Fridericus quoque togatus: FRIDERICUS. MAR. BADEN. ET. HOCHBERG.

In averſa extat figura feminæ, inter gladios & ſpicula tranquillæ. E longinquo amphitheatrum & templum. In ambitu:

CONSCIENTIA VIRTUTI SATIS AMPLUM  
THEATRUM.

Solatia hæc Principis in adverſa fortuna.

## I I I.

Nummus quadratus argenteus, in quo Fridericus armatus cum baculo:

FRIDERICH V. G. G. M. Z. BA. V. HA. L. Z. SV. G. Z. S.

*Fridericus Dei gratia Marchio Badensis & Hachbergensis,  
Landgravius Suſenbergæ, Comes Spanheimenſis.*

In averſa ſcutum tripartitum, ſimile illi, quod Tabula VI. num. V. deſcripſimus. Ab utroque latere ſcuti Aera 1626. In ambitu tituli complementum:

V. EBERS. H. Z. ROT. BADENW. LOR. V. MALBE.

*Et Eberſteinenſis, Dominus in Ræteln, Badenweiler, Lor  
& Malberg.*



TABULA IX.

FRIDERICUS V.

IV. V. VI.

**T**res nummi, sola fere magnitudine inter se diverfi. Antica Friderici armati imaginem; postica Badensia omnia deigmata in scuto tripartito refert atque titulos Marchionis.

VII.

Nummus argenteus, formæ minoris, A. 1626. cufus, in quo Fridericus armatus cum insignibus.

---

TABULA X.

FRIDERICUS V.

VIII.

**N**ummulus, ab una parte Badensem baltheum; ab altera Alam Ufenbergicam in parmulis exhibens: MONETA NOVA HACHBERGENSIS 1622.

IX.

Nummus, ejusdem cum præcedente valoris, Badensem fistens baltheum, cum galea coronata, ex qua cornua prodeunt.

FRID. V. G. G. M. Z. BA. V. HA.

*Fridericus Dei gratia Marchio Badensis & Hachbergenfis.*

In averſa numerus VIII. totidem obolos; verba:

LANDMVNZ. *Monetam provincialem* indicant. Addita  
Aera 1622.

## X.

Nummus ab una parte Friderici imaginem; ab alterâ Badenſem baltheum in parmula referens. Inſcriptio titulos & Aera 1623.

## XI.

Nummus, Fridericum ſiſtens togatum, cum Aera 1624. Scutum averſæ in tres regiones diſtinctum, quas expoſuimus Tab. VI. num. V.

## XII.

Nummus minimi moduli. Parmula Badenſis cum litteris:

F. M. Z. B.

*Fridericus Marchio Badenſis.* Aera 1625.

---

TABULA XI.

FRIDERICUS VI

## I.

**F**riderici VI. effigies: FRID. D. G. MARCHIO. BAD. ET HOCHB. Poſtica ſymbolum ejus, tres coronas, inter ſe junctas; lauream vel triumphalem, querceam vel civicam, gramineam vel obſidionalem ſiſtit. Epigraphe: HIS ORNARI AVT MORI.

II. Num-



I I.

Numisma argenteum, formæ oblongæ, in quo protome Friderici. Aversa caduceum habet cum petaso alato. Cornua copię duo, decussatim posita. Lemma: VIRTVTI FORTVNA COMES.

I I I.

Nummus argenteus cum Friderici imagine. In postica furculus, quem irrigat plantator. Lemma: TANDEM FIT SVRCVLVS ARBOR. In imo:

LIBERAL. IN IYVENT. GYMN. DVRLAC.

*Liberalitas in Iuuentutem Gymnasii Durlacensis.*

Additur Aera 1669. Fridericus nummum hunc adolescentibus Gymnasii, præmium diligentię distribuit.

---

T A B U L A X I I

BERNHARDUS GUSTAVUS

CARDINALIS ABBAS FULDENSIS.

I.

**N**ummus Gustavi Adolphi, qui frater fuerat Friderici VI. & mutata religione Bernhardi Gustavi nomen assumserat. Antica pars sine effigie est, inscriptionem sequentem siglis exhibens: *Bernhardus Gustavus Dei & Apostolicæ Sedis Gratia Sacræ Romanæ Ecclesiæ Cardinalis Princeps Abbas Fuldenfis Marchio*

*Badensis Coadjutor confirmatus Campidonensis & Sigburgensis*  
 XXII. Februarii MDCLXXII. In parte averfa comparet  
 palma; cujus superiori parti impositum est pondus. Ad arboris  
 pedes sunt Bernardi Gustavi Insignia, quibus supereminet Cardi-  
 nalitius Galerus. Clypeus quadripartitus. In prima & quarta  
 area argentea crux nigra, Fuldenfis Abbatiae deigma. In secun-  
 da & tertia, quæ aurea est, baltheus ruber dexter; Badense in-  
 signe. Inscriptio: SVB PONDERE. Traditio est, palmas sub  
 oneribus magis virefcere. Nummum habet SCHANNATUS. (h)

## I I.

Nummus priori similis. Inscriptio: *Bernhardus Gustavus*  
*Abbas Fuldenfis, Marchio Badensis & Hochbergensis, Confirmatus*  
*Coadjutor Campidonensis & Siegburgensis Canonicus Colonienfis*  
*& Argentinensis* MDCLXXII. Eodem, quo præcedens, anno  
 cufus. Cardinalitiæ dignitatis nulla heic mentio. In postica, quæ  
 palmam & scutum, ut nummus præcedens, exhibet, Abbatialis  
 infula & pileus Principum scuto impositus. Retro scutum sunt  
 pedum abbatiale & gladius, ecclesiasticæ ac secularis jurisdictionis  
 indices. (i) Unde nummus hic præcedenti est prior.

(h) *Hist. Fuldenfis* Tab. II. numism. n. XVII.

(i) Nummum hunc dedit quoque KOELERUS *Munzbelustigungen* Tom. I.  
 pag. 225.



TABULA XIII.

CHRISTINA

FRIDERICI VI. FILIA.

I.

Caput Christinae, Friderico Duci Saxoniae Gothano secundis nuptiis junctae.

CHRISTINA. D. S. I. C. M. A. & W. N. M. B. & H.

*Christina Ducissa Saxoniae, Juliaci, Cliviae, Montium, Angariae & Westphaliae nata Marchionissa Badensis & Hachbergenfis.*

In averfa parte anchora: SPES CONFISA DEO NUNQUAM CONFUSA RECEDIT. In imo Aera: 1703. Literæ C. W. indicant nomen artificis.

II.

Eadem Christina. Pars antica refert fcutum bipartitum, cui pileus Principum impositus. Prima area fcuti trabes aureas & nigras transversas cum ferto viridi rutaceo exhibet; Saxonicum infigne. Altera area, auro fulgens, coccineum baltheum Baden-  
sem complectitur. Epigraphe; CHRISTINA. DUX. SAX.  
IVL. CLIV. MONT. ANG. ET. WESTPH.

Postica sequentem inscriptionem continet: *Nata in arce Wolgast MDCXLV. Aprilis XXII. Patre Friderico Marchione Bada-Durlacensi Matre Christina Magdalena, Palatina Rheni Nupta MDCLXV. Julii XXVII. Alberto Marchioni Brandenburgico Onoldino & post hujus fata XIV. Viduitatis anno facta Friderici Ducis Saxoniae, Juliaci, Cliviae, Montium, Angariae & Westphaliae Uxor MDCLXXXI. Aug. XIV. Vidua MDCXCI. Aug. II. defuncta Altenburgi MDCCV. Decembris XX. sepulta ibidem ejusdem anni mensisque XXIV.*

## TABULA XIV.

### FRIDERICUS MAGNUS.

#### I.

**N**ummus maximi moduli, A. 1682. cufus. Friderici Magni effigies. FRIDER. MAGN. M. Z. BAD. V. HACH. 1682. *Fridericus Magnus Marchio Badensis & Hachbergenfis* 1682.

In postica est Augusta Maria, Friderici Magni Conjux.

AVG. MARIE. MARG. BAD. HACHB. NAT. D. D.

SC. E. HOLST.

*Augusta Maria Marchionissa Badensis & Hachbergenfis, nata Ducissa de Schlesvich & Holstein.*



I I.

Friderici Magni effigies. In averſa equus concitatus, ephippio, phaleris criſtiſque ornatus: QUO FAS ET GLORIA DUCUNT. Additur A. 1689.

---

T A B U L A X V.

FRIDERICUS MAGNUS.

I I I.

Ejusdem Marchionis imago. In poſtica equus phaleratus: ET PACE ET BELLO. Aera 1677.

I V.

Fridericus Magnus. In averſa: XVI. BZ. HACHBERGER. LANDSWEHRUNG. *XVI. Bajoci, Hachbergenſis valoris.*

Inſcriptio utriusque lateris FRIDERIC. MAGNVS. V. G. G. MARG. Z. BAD. V. HACHBERG. LAND. Z. SAUS. G. Z. SPON. V. EBER. H. Z. R. B. L. V. M.

*Fridericus Magnus Dei Gratia Marchio Badenſis & Hachbergenſis, Landgravius Sauſenbergæ, Comes Sponheimenſis & Eberſteinenſis, Dominus Rœtelæ, Badevillæ, Lahræ & Malbergæ.*

## V.

Ejusdem Friderici imago & scutum, Badensia deigmata tribus regionibus complectens, cum pileo. Inscriptio utriusque lateris titulos Marchionis exprimit. Duodecim crucigerorum nummus.

## VI.

Nummus superioris dimidius.

## TABULA XVI.

## FRIDERICUS MAGNUS.

## VII.

Nummulus; tertia pars præcedentis. In antica velamentum, ubi galea Badensis coronata, cornibus distincta. In postica tres parmulæ, se invicem tangentes. Prima Badensem baltheum & Spanheimenses tessellas, decussatim positas; secunda alam Usenbergicam; tertia leonem Brisgoicum sistit.

## VIII.

Nummus duodecim crucigerorum, cujus antica & postica similis est præcedenti.

## IX.

Nummus novem crucigerorum. In antica est parmula, cum baltheo Badensi. Inscriptio:



FRID. MAG. V. G. G. MARG. Z. B. V. HACHB.

*Fridericus Magnus Dei Gratia Marchio Badensis & Hachbergensis.*

In postica est ala Usenbergica. Inscriptio hujus literis:

F. M. HACHB. LANDSWEHRUNG.

*Fürstlich Marggräflich Hachbergische Landswehrung.*

i. e. *Moneta Marchica valoris Hachbergici.*

X.

Nummus, ab una parte Friderici effigiem, ab altera parmulam Badensem exhibens.

XI.

Nummulus, in quo clypeus Badensis & inscriptio: II. PFENNIG Oboli duo. In altera parte Usenbergica ala & verba:

H. LANDSWEHRUNG.

*Moneta valoris Hachbergici.*

---

TABULA XVII.

CAROLUS GUSTAVUS

FRIDERICI MAGNI FRATER.

**N**ummus argenteus elegans, in quo Caroli Gustavi imago.

CAROL. GUST. D. G. MAR. BAD. HACH.

*Carolus Gustavus Dei Gratia Marchio Badensis & Hachbergensis.*

In imo additur nomen artificis: ANTON MEIBVSCH. Postica focum habet & ignem, super quem pendet e nube manus, gladium tenens, cui supereminet laurea. Baltheus Badensis pileo Principis tectus. Aera 1683. In ambitu: AVIDA PERICVLI VIRTVS.

# JOHANNA ELISABETHA

FRIDERICI MAGNI FILIA.

Nummus celebrandæ memoriæ nuptiarum Johannæ Elisabethæ cum Eberhardo Ludovico Duce Wirtembergæ A. 1705. cufus. Capita conjugum Principum jugata in Antica comparent; cum inscriptione:

EBERH. LUD. ET IOH. ELISAB. D. G. DV'CES  
WURTEMB. E. T.

*Eberhardus Ludovicus & Johanna Elisabetha Dei Gratia  
Duces Wirtembergæ & Teccæ.*

Mulleri artificis nomen ad latus conspicitur.

In postica Cupido, qui seposito arcu & pharetra lauream pileo innectit. E longinquo palatium & hortus. Epigraphe:  
COGIT IN UNVM.



TABULA XVIII.  
CHRISTINA JULIANA  
CAROLI GUSTAVI FILIA.

I.

Nummus, ab una parte Johannis Wilhelmi, Ducis Saxoniae  
Isenacensis; ab altera Christinae Julianae, conjugis ejus,  
Caroli Gustavi Marchionis Filiae, imagines exhibens.

D. G. JOHAN. WILH. DUX. SAX. I. C. M. A. ET W.

*Dei Gratia Johannes Wilhelmus, Dux Saxoniae, Juliaci,  
Cliviae, Montium, Angariae & Westphaliae.*

CHRISTINA JULIANA D. G. DUC. SAX. NAT.

M. B. A. D. D.

*Christina Juliana Dei Gratia Ducissa Saxoniae nata Mar-  
chionissa Bada-Durlacensis.*

Cusus est nummus A. 1704. ætatis Johannis Wilhelmi 38.

II.

Nummus ejusdem Christinae Julianae. Antica effigiem  
ejus cum titulis, quos indicavimus, exhibet. Cusus est eodem,  
quo præcedens, A. 1704. ætatis Christinae 26.

Postica feminam refert ad Deum preces fundentem:

TIMOR DOMINI EST INITIVM SAPIENTIAE.

SIR. I. 16.

TABULA XIX.  
CAROLUS WILHELMUS.

I.

**I**mago Caroli Wilhelmi : *Carolus Guilielmus Dei Gratia Marchio Badena - Durlacensis & Hochbergenfis* Literæ P. H. M. Mulleri artificis indicant nomen. Averfa leonem coronatum & signa militaria refert: **AVDACEM FORTVNA CORONAT.** In imo æra: **MDCCVIII.**

II.

Nummus Carolsruhæ conditæ memor. Ab una parte delineatio urbis & arcis; ab altera: *Carolus Wilhelmus Marchio Badena - Durlacensis primum lapidem fundamentalem arcis Carolsruhæ ponebat A. MDCCXV. die XVII. Junii.* Inferius duo gryphi aris infistunt, torquem tenentes, ex qua crux, Ordinis *Fidelitatis* insigne propendet.

TABULA XX.  
CAROLUS WILHELMUS.

III.

**C**aroli Wilhelmi effigies & tituli. In averfa leo dormiens: **QUIESCO.** In imo **MDCCXXXVI** & nomen Genevensis artificis *I. Daffier.*

.IV. Idem



I V.

Idem. In postica argentifodina Sulzbergenfis cum epigraphe: VTILITATI DVRLACI FELICITER PATET.  
In imo: ARGENTIF. SULZBURG. 1720.

---

T A B U L A    X X I.  
C A R O L U S    W I L H E L M U S.

V.

Caroli Wilhelmi protome. In postica baltheus Badensis in scuto, pileo Principis tecto, quod duo sustinent gryphi. Scutum torques ambit, ex qua crux Ordinis Fidelitatis pendet. Annus nummi 1721.

V I.

Idem averfa scutum habet tripartitum, in quo Badensis baltheus, ala Usenbergica & leo Brisgoicus. Peripheria insignibus Ordinis Fidelitatis condecorata. Subjungitur:

30. KREUTZER LANDMVNTZ.

*XXX. Crucigeri Provincialis moneta.*

Annus nummi cusi: 1736.

V I I.

Idem. In averfa:

20. KR. FVRST. BAD. DVRL. LAND-MVNTZ. 1732.

Tom. IV.

Mmm 2

*Viginti Crucigeri Provincialis Monetæ Bada - Durlacensis*  
1732.

## VIII.

Idem cum verbis: PRO BONO PUBLICO. In  
aversa:

X. KREUTZER. 1732.

*Decem Crucigeri 1732.*

In ambitu:

FVRST. BADEN DVRLACH. LANDMVNTZ.  
*Moneta provincialis Bada - Durlacensis.*

TABULA XXII.  
CAROLUS FRIDERICUS.

## I.

**P**armula columnæ affixa, Badevillanum referens palum. Fi-  
gura manum levans ad cœlum. OBSEQVIVM JV-  
RARE PARATA. Aera: 1738. In postica scutum, a duo-  
bus gryphis sustentatum; a quo crux Ordinis Fidelitatis propen-  
det. In ambitu: *Magdalena Wilhelmina, Marchio Badensis, nata*  
*Ducissa Wirtenbergiæ, Administratrix. Carolus Augustus Mar-*  
*chio Badensis & Hachbergenfis Administrator.*

## II.

Ara, parmulis Badensibus ornata, cum igne & epipraphe:



---

---

VOBIS. PIA. CORDA. SACRAMVS. In imo annus 1738.  
Postica præcedenti fimilis.

III.

Ara cum thuribulo & parmulae duæ; altera Badensem bal-  
theum, altera alam Usenbergicam referens. Epigraphe: PRO.  
VESTRA. VOTA. SALVTE. Aera 1738. Postica uti  
præcedens.

IV.

Florenus. Crux Ordinis *Fidelitatis* insigne. Epigraphe:  
AD LEGEM IMPERII CVSA. 1740. Infra crucem:

60. KR.

*Sexaginta Crucigeri.*

Postica habet parmulam, cum baltheo Badensi. Inscriptio nomi-  
na tutorum ad instar præcedentium exhibet.

---

---

TABULA XXIII.  
CAROLUS FRIDERICUS.

V.

Ara cum igne & parmula Badensi: MONETA DVRLA-  
CENSIS LÆTA SACRIFICIA FERENS. In averfa  
duo cornua copiae & sol: REDVCI SERENISSIMO  
PRINCIPI QVÆQVE FELICIA OPTANS. Nummus  
A. 1746. in memoriam Marchionis, a Gallico & Batavico itinere  
redeuntis, cufus.

Mmm 3

## V I.

CAROLI FRIDERICI effigies. In averſa ſcutum, baſi inſiſtens, pileo & torque Ordinis Fidelitatis ornatum, Badenſia deigmata. Duæ feminæ ad latus utrumque baſis. Altera globum terreſtrem & annulum five corollam; altera cornu copię tenet & libram: MODERATE ET PRVDENTER. In imo æra MDCCLI.

## TABULA XXIV.

## CAROLUS FRIDERICUS.

## V I I.

Nummus CAROLI FRIDERICI & CAROLINAE LUDOVICAE conjugio dicatus. Femina ſtans dextra palmitem, ſiniſtra cornu copię tenet. Ad pedes feminæ: MINERVA CATTORVM. In ambitu: HAEC TANTVM DIGNA CONNUBIALI FOEDERE IUNGI.

In averſa duplex ſcutum, in quorum uno baltheus Badenſis; in altero Haſſiacus leo coronatus, tæniis tranſverſis argenteis & rubris diſtinctus. In ambitu: FIRMAT AVGVSTAE GLORIAM GENTIS POPVLIQVE SALVTEM TALIS CONIVNCTIO. Inferius æra: MDCCLI.

## V I I I.

Nummus in memoriam nativitatis duorum filiorum CAROLI FRIDERICI cuſus. Capita jugata Parentum:



D. G. CAR. FRID. MARG. BAD. & CAR. LOVISA

M. N. L. H.

*Dei Gratia Carolus Fridericus Marggravius Badensis &  
Carola Louisa, Marchionissa, nata Landgravia  
Hassia.*

In postica est femina sedens, duos tenens infantes, cum epigraphe:

DAS GESCHL. DER FROM. WIRD GESEGN.

SEYN, PS. 112.

*Prosapia piorum erit beata, Psalm. 112.*

Inferius:

DIE GEBURTH DER PRINZ. CAR. LVD.

D. 14. FEB. 1755. V. FRID. D. 29. AVG. 1756.

*Nativitas Principum Caroli Friderici die 14. Febr. 1755.*

*& Friderici die 29. Aug. 1756.*

---

TABULA XXV.

CAROLUS FRIDERICUS.

IX.

**M**archionis effigies. In postica scutum, velamentò pileoque conspicuum, quod Badenses tesseras tribus regionibus complectitur.

## X.

Caput Marchionis. Aversa Badensem baltheum offert. Epigraphe: AD NORMAM CONVENTIONIS. Infra scutum Aera: 1763.

X. EINE FEINE MARCK.

*Decem hujus generis nummi Marcam puram conficiunt.*

## XI.

Nummus ejusdem cum præcedente valoris; Marchionis effigiem referens. In postica Badensis clypeus, singularum ditiorum tesseras continens; quem duo sustinent gryphi. Inscriptio uti præcedens.

## SUPPLEMENTUM I.

## CHRISTOPHORUS I.

## I.

**E**ffigies S. Petri, clavem tenentis. Ante eum parmula, baltheum Badensem & Spanheimenses tessellas decussatim exhibens. CHRISTOF. D. G. MARCHIO BADENSIS. In aversa crux, cui intermixtæ quatuor parmulae, quarum una duplicem baltheum Badensem; altera Spanheimenses tessellas; tertia alam Usenbergicam; quarta, in duas areas divisa, Lahrensem baltheum & Malbergensem leonem repræsentat. Inscriptio: MONETA NOVA BADENSIS.

## II. S.



## I I.

S. Bernhardi Martyris loricati & lanceam cum vexillo tenentis effigies. Ad latus Bernhardi annus nummi cusi 1512. Epigraphe BEAT. SANCT. BERNARD. MARTIR. In postica scutum majus, in quo Badense & Spanheimense insignia. Scutum quatuor ambiunt parmulæ. Prima balthem Badensem, secunda leonem, e pellibus emergentem, Roetelanum insigne; tertia, quæ e regione est, fasciam Lahrensem & leonem Malbergensem; quarta tres fascias transversas, Dynastiæ Rodemacheranæ, a Christophoro acquisitæ, deigma ostentat. Epigraphe: MONTA NOVA BADENSIS.

## SUPPLEMENTUM II.

## B E R N H A R D U S.

**I**mago Bernhardi, cujus caput reticulo, crines involvente pileoque contextum: BERNHARDUS DEIGRATIA MARCHIO BADENSIS. In postica Badense & Spanheimense insignia. ANNO SALUTIS MDXXXIII.

## P H I L I B E R T U S.

Unilateralis nummus Philiberti, filii Bernhardi:

---

PHILIPERT. MARGRAF ZV BADEN VND G. Z.  
SPONHEIM.

*Philibertus Marchio Badensis & Comes Sponheimensis.*

### C A E C I L I A.

Nummus memorialis Cæcilie, Sueciæ Principis; cufus antequam Christophoro, Bernhardi filio, nuberet. CECILIA PRINCEPS SUECIE. Latus hoc convenit nummo, qui inter Numismata Bernhardinæ Lineæ Tab. V. comparet. Aversa feminam repræsentat fedentem, tranquillam, manum amphoræ applicantem. Nummus hic in thesauro regio Holmieni inter rariores servatur.

---

### SUPPLEMENTUM III.

#### PHILIPPUS.

**N**ummulus sub Philippo, Philiberti filio, cufus. Badensem & Spanheimensem tesseræ, decussatim positas, exhibet:

PHILIP. D. G. MARCH. BAD. C. SP.

*Philippus Dei Gratia Marchio Badensis Comes Sponheimensis.*

Numerus 87. annum nummi cufi 1587. designat. Postica dupli-



cem Imperii aquilam, & Imperii globum, superaddita corona, re-  
præsentat cum verbis: RUD. II. D. G. ROM. IMP. S. AUG.  
Numerus 2. globo impressus, duorum crucigerorum indicat  
valorem.

## W I L H E L M U S.

### I.

Unilateralis nummus formæ oblongæ, A. 1627. cufus, Wil-  
helmi togati effigiem omnesque titulos continens.

### II.

Wilhelmi togati effigies & tituli. Scutum averfæ, pileo  
conspicuum aureique Velleris circumdatum torque, Badensia  
omnia deigmata, in tres regiones distributa, comprehendit. An-  
nus nummi cufi 1674.

## FERDINANDUS MAXIMILIANUS.

Unilateralis quoque nummus, Ferdinandi Maximiliani, filii  
Wilhelmi, ante patrem defuncti, cum epigraphe:

FERDIN. MAXIMIL. D. G. MARCH. BAD. ET  
HACH.

---

## SUPPLEMENTUM IV.

## LUDOVICUS WILHELMUS.

## I.

**V**ictoriæ ad Nissam & ad Widdinum, quas Ludovicus Wilhelmus reportavit, cudendo huic nummo occasionem dederunt. Leopoldus Imperator laureatus comparet in curru triumphali, manu tenens Victoriæ alatum, quæ coronam lauream gestat.

LEOPOLDVS M. P. F. A. P. P.

*Leopoldus Magnus Pius Felix Augustus Pater Patriæ*

Inferius: TRIUMPHATOR GENT. BARB.

Postica Ludovici Wilhelmi effigiem offert in tabula. Additur delineatio prælii inter Turcas & Christianos. Nissa & Widdinum urbes e longinquo comparent. In imo: TURCAE ANNO VNO TER DEVICTI. 1689.

## II.

Victoria ad Salankemen. Fortuna gubernaculum tenens, ad aram consistit, capiti militis, Romano more vestiti, palmamque tenentis, lauream imponit. Aquila in globo. Epigraphe:



QUOD INSTAT EXPEDIET VICTOR. Inferius: VICTORIA LEOPOLDO ET IOSEPHO TRIUMPH. F. F. P. P. AA. VIRTUTE LVD. WILH. M. BADENS. DE TVRCIS PARTA. In margine: AVSTRIAE EXCELLENS IN ORIENTE VICTORIA. Altera nummi pars tabulam ostentat, Turcicis spoliis insignem. Victoria globo insistens pal-  
mamque gestans, tabulae sequentia verba inscribit: SPES ET VIRES HOSTIVM FRACTAE 1691. Turca victus catenis cum camelo tauroque. Epigraphe: CAESIS TVRCAR. XXV. MILLIB. CASTRIS CVM TORMENT. BELL. CLVIII. DIREPTIS. Inferius: AD SALENKAMEN D. XIX. AVGVSTI AVGVSTIS NOSTRIS VERE AVGVSTI.

### III.

Nummus ejusdem victoriae ad Salankemen testis. Ludovici effigies cum epigraphe:

LVDOVICVS PRINCEPS BADENSIS C. M. G. L.

*Ludovicus Princeps Badensis, Caesareae Majestatis Generalis Locumtenens.*

In postica miles armatus, hostium spoliis ad Danubii ripam insistens; dextra caput Turcae; sinistra vexillum clypeumque ge-

stans. In vexillo litera L. cui imposita corona, Ludovici nomen  
 indicat. Clypeus cum labaro. E longinquo agmina militum;  
 Salankemen atque Waradinum. In ambitu: TVRCARVM AD

ZEMLIN STRAGES ANNO SALVTIS

MDCLXXXI.

FINIS TOMI QUARTI ET HISTORIÆ  
 BADENSIS.

SEQUUNTUR

DOCUMENTA.














NUMISMATA  
BADENSIA  
ERNESTINAE  
LINEAE



Weis Argent. sculp





NUMISMATA  
BADENSIA  
ERNESTINAE  
LINEAE







2. JONATHAN H.



TAB. I.

B. BERNHARDVS.





TAB II.

IOHANNES  
ELECTOR TREVIRENSIS














PLATE I




CHRISTOPHORVS.





TAB. IV.


IACOBVS.  
ELECTOR TREVIRENSIS.



BERNHARDVS ET ERNESTVS  
FRATRES.



PHILIPPVS.



THE UNIVERSITY OF CHICAGO  
 LIBRARY



THE UNIVERSITY OF CHICAGO  
 LIBRARY



THE UNIVERSITY OF CHICAGO






1852

THE  
JOURNAL  
OF THE  
AMERICAN  
MEDICAL ASSOCIATION



1852




TABV.

BEATRIX.  
CHRISTOPHORI FILIA.



CAECILIA.






TAB.VI.

EDVARDVS  
FORTVNATVS.

I



II



PLATE

THE  
SILVER  
COIN








Diagram  
Cylindrical





TAB. VII

WILHELMVS






WILHELMVS.



MARIA.  
WILHELMI FILIA.



1770

1770



1770

1770





THE  
FIVE  
SOLAR  
SYSTEMS



TAB. IX.


LVDOVICVS  
WILHELMVS.



I



II



III





LVDOVICVS  
WILHELMVS.



IV



V



VI



THE HISTORY OF  
THE UNITED STATES






PLATE I  
THE TWO  
SIDES OF THE  
COIN



LUDOVICVS  
WILHELMVS.




VII



VIII





IX







LVDOVICVS  
GEORGIVS.




MARIA IOSEPHA  
LVDOV. GEORG. CONIVX.









THE  
MUSEUM



TAB. XIII.

CHRISTINA  
FRIDERICI VI. FILIA.





FRIDERICVS MAGNVS.



I





II



12

1800-1820



1820







Diagram illustrating the four elements of the human body







FRIDERICVS MAGNVS.







THE UNIVERSITY OF CHICAGO  
LIBRARY




THE UNIVERSITY OF CHICAGO  
LIBRARY



TAB. XVII.

CAROLVS GVSTAVVS  
FRIDERICI MAGNI FRATER.






IOHANNA ELISABETHA  
FRIDERICI MAGNI FILIA.






CHRISTINA IVLIANA  
CAROLI GVSTAVI FILIA.













CAROLVS WILHELMVS.






CAROLVS WILHELMVS.











COINTEGRATION







CAROLVS WILHELMVS.







CAROLVS FRIDERICVS.



1825

Diagram of the human body







THE  
SIXTH EDITION





CAROLVS FRIDERICVS.





CAROLVS FRIDERICVS.






SYMBOLS OF THE GODS





CAROLVS FRIDERICVS.



PLATE

THE COINAGE OF THE UNITED STATES







THE UNIVERSITY OF CHICAGO



SVPPLEMENTVM I.

CHRISTOPHORVS I.





TAB. II.

CAROLVS II.







PLATE II





PLATE I

FIGURE 1




FIGURE 2


1



II




FIGURE 3



SVPPLEMENTVM III.

PHILIPPVS. II.




WILHELMVS.

I



II



FERDINANDVS MAXIMILIANVS.





SVPPLEMENTVM IV.

LVDOVICVS WILHELMVS.



I



II



III



PLATE I

THE DOG'S HEAD

















